





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.541





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.541



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.541



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.541

1. 6. 541

1 N. 6


XV
MVND

ALOISII MVN


DELLAE, APVD BRIXIAM ITALIAE
medici præstantissimi, EPISTOLAE MEDICINA
LES, uariarum quæstionũ, & locorum insuper Ga-
leni difficilium expositionem continentes, omnibus
qui ueram artem exercere uolunt apprimè utiles.

Eiusdem annotationes in Antoniũ Musæ Brasauolę
simplicium medicamentorum Examen.

*Cum duplici Indice, quorum alter Epistolarum argumenta, alter uerò
rerũ & uocum toto opere memorabilium seriem complectitur.*



Basileæ, apud Mich. Isingriniũ, 1 5 4 3.



ALOISIVS MVNDELLA MEDICVS
LECTORI S. D.



SOLENT pleriq; Lector candidissime, principibus uiris labores & uigilias suas, ea quidem spe & consilio dedicare, ut illorū splendore, gratia, & patrocinio adiuti, facilius nomen illustre, & insignem famam sibi comparent, populares auras capient, diuitias multas consequantur, & maleuolorū morsus & audaciam comprimant: quas quidem rationes sequantur, quibus illa placent. ego uero nunquā adduci posse existimo, ut sequar: neq; enim ingenium meum & ratio patitur, ut tam ambitiosus, tam audax, tam timidus sim, ut sequi uelim. nam illis bonis, quę diuina prouidentia ad honestum uitę usum concesserit, uir Christianus contentus esse debet, nec plus querere, quā oportet querere. eundem dare operā decet, ut non tam apud homines, quā apud Deum in gratia sit, & gloria: omnes quidem actiones, & rationes uitę, ad illius uoluntatem & mandata conferens. ad maleuolentię autem & inuidię calumnias ita commoueri, ut iudicij & linguę libertatem cuiquam ereptam uelit, nō tam fortis & sapiētis uiri, quā superbi, & de se male sentientis esse existimatur. Absit igitur semper hoc a me, ut quicquam contra naturam meam & rationem facere instituam in imitandis alterius uitij: sed potius illud ster alta mente repositum, quod boni uiri est proprium, ut quibus modis possim, rectē etiā alteri prosim: tum enim mihi satisfacio, cum alijs satisfacio: in quo mihi nec studiū, nec labor adhuc defuit. Atque etiam nunc hoc ipsum opus, quod de medicina ad cōmodum meum composueram, eo temporis spacio, quod medendi cura & officio uacuum erat, & apud me retinere cogitaueram, etsi fucis & ornamentis eloquentię non satis cultum, & expolitum intelligebam, memor tamen instituti, & pietatis meę, facere non potui, quin & in cōmunia ægrotantium & medentium commoda & utilitatem ædendum curarem: in medica enim ratione non tam uerborum ornatus, quā rerum ipsarū fructus spectari solet: curantur enim remedijs morbi, non eloquentia, ut ait Cornelius Celsus, & Galenus in tertio *uata yvii*. Non uni autem soli, & potenti, sed omnibus ijs, qui ueritatis & bonę frugis studiosi sint, has ingenioli mei primitias dicare uolui, ut beneuolentię meę signum habeant, & pro horum iudicio uel institutę rationes meę, laboris & benignitatis confirmantur, uel nouę ad indigentium commoda instituantur. Vale.

EORVM QVAE IN EPISTO LIS CONTINENTVR, INDEX admodum succinctus.

- EPIST. I De smaragdi uiribus & usu, & an putrida febre ac continua grauius laborantibus, pro medicamento dari conueniat.
- 2 Vuae passae quae sint ueteribus, & earum uires.
- 3 Medicamenta quae frigido ualde et sicco temperamento praestant, uel quae substantia sua imputrescibili humoribus admiscuntur, qualia sunt acetum, mala punica, terebinthina, & cetera, an prosint febribus pestilentibus, & quomodo.
- 4 De lapidibus, Achate, Gagate, Aetite, eorum differentia & usu. Et quod non recte Gagaten puerperae medicus quispiam propinauerit.
- 5 De dosi Rheubarbari quaedam, & super hoc Mesue locus. Item compositionum aluum soluentium, exhibendarum modus exploratus. An saccarum ignotum fuerit Dioscoridi & Galeno, & quo pacto. Aloë sit ne aegris danda tempore hyberno. De stomachi uocabulo nonnulla. De natura sarcocollae, & sententia Mesue.
- 6 Coturnix uulgo dicta, quale genus sit apud ueteres, de quo ipsius natura.
- 7 De uentriculo expositus Galeni locus, quomodo libro τῆς natῆς τῶν ὀρίων, ori eius & metaphrenis ad iuuandam coctionem illini praecipitur myracopon regium, & aliorum huic quaestioni affinium expositio. De hepate lupi, appaens apud Galenum dissoluta controuersia.
- 8 Ranarum ius, ranasque ipsas sumptas ijs opitulari mirifice, qui à uenenatis reptilibus percussi sunt: & proinde rationi consentaneum esse, earum usum in cibis, apud multas praesertim Italiae nationes frequentatum.
- 9 De Canmaris, idem ne sit eorum genus cum cancris, an diuersum: et utros praeparari darique aduersus canis rabiem conueniat.
- 10 Cur Galenus libro Methodi undecimo, ubi peculiarem febrium putidarum curationem tradere instituit, pharmacorum soluentium mentionem non faciat. De usu clysterum, quod non nutrant, aduersus medicorum sententiam.
- 11 De natura radicle, quae παρὰ τοῦ σπένδου dicitur. An cruda post canam ingesta, coctionem iuuat: super eo loci autorum uarij & inter se pugnantes.
- 12 Dysenteriam generantes causae, tam externae, quam internae, & eius tota curatio exposita.
- 13 Galeni locus è quarto de ratione uictus acutorum explicatus, ad curationem dysentericorum pertinens.
- 14 An febrientibus uinum dari conueniat.
- 15 De Sena. An Ruellius iure miretur, Galenum aliosque autores nullam eius fecisse.

EPISTOLARVM ARGVMENTA.

feciſſe mentionem, quum Theophrastus, illis etate prior, in Historia stirpium eam tradidiſſe uideatur: & an ea ipſa ſit quam hodie in Gallia omnibus notam gigni idem Ruellius dicit.

- 16 De febris peſtilentis curatione.
- 17 Exanthematum ſive morbillorum curatio.
- 18 Caſus mulieris à puerperio febre continua laborantis ex pituita & bile in uentriculo & uenis exiſtentibus. Expoſitio eorum quæ in eius curatione à Medicis adminiſtrata fuerint, & aſſignata ſingulorum auxiliorum ratio.
- 19 De natura aquarum ſpontè calidarum. In dubium uocatus Galeni locus ſexto ſalubrium, ubi uelle uidetur tales aquas ſimul & dulces eſſe & medicatas, quod alijs quibuſdam ipſius locis aduerſatur. Et quædam conſimilia alia.
- 20 Auditus grauedine laboranti conſilium.
- 21 De recto uſu medicamentorum tum ſimplicium tum compoſitorum, et quæ eundem reddant difficilem.
- 22 Quam ſit lubricum & ſuſpectum, medicamenta ſoluentia, ijs præſertim qui cruda adhuc exiſtente materia humorum putredine febricitant, per initia morbi exhibere.
- 23 Annotationes in Examen ſimplicium ab Ant. Muſa Braſauola conſcriptum.

RERVM ET VOCVM TOTO OPERE MEMORABILIVM INDEX.



- | | |
|---|--|
| <p>Chate & Gagatæ lapideum differentia. 48.</p> <p>Adamas affabre ſculptus. 253.20</p> <p>Adeps & pinguedo quid differant. 160.12</p> <p>Adipum qui in animantibus quibuſq; præferendi. 160.29</p> <p>Aegrotantium mores corrupti. 93.16</p> <p>Aegroti ſumptuoſis pharmacis minime grauandi. 23.32</p> <p>Aegroti quibus artibus ematur à medicis. 88.26</p> | <p>Aër ſiccus putredini maxime aduerſatur. 132.21</p> <p>Aëtites non eſt Gagates. 48.31</p> <p>Aëtius remedia nonnulla abſq; ratione commendat. 199.19</p> <p>Alicæ potio cur minus hodie utilis. 31.11</p> <p>Alimenta quæ dicantur. 10.23</p> <p>Aloës potio calidis temporibus uitanda. 237.24. An hybernis ſit exhibenda. 58.2</p> <p>Aloë naturali ſua facultate uenarum ora non aperit. 236.26</p> |
|---|--|

A 3 Alſinen

INDEX.

- Alfinen non esse gnaphalium, sed pa-*
uarinā Italici uulgo dictā. 198.14
Aluo fluente sanguis non mittendus.
 111.21.
Amaracus Galeno idem quod Diosc.
parthenium. 193.25
Amni. 207.26
Ammoniacum officinarum adultera-
tum suspicitur. 241.1
Animi aegritudo corporis morbos lon-
gè superat. 162.5
Animalia tenella boni succi: annosa,
praua. 64.22
Animi motus in curandis aegrotis ma-
gni momenti sunt. 162.9
Antimonij examen. 253.8
Aparine. 192.28
Aphronitrum, siue aphonitrium, idem
quod spuma nitri. 296.17
Aphrolitrum. Ibid.
Apium lac generat. 209.8
Apophlegmatismata sumendi modus.
 164.26
Aqua omnis, potabili excepta, exic-
cat. 154.11.
Aquæ medicatæ quibus conueniant.
 154.21.
Aquarum calidarum sponte scaturien-
tium diuisio. 150.8
Aquæ dulces medicata qualitate ca-
rent. 149.27
Arabum inuenta quædam, Galeno ig-
nota. 27.17
Ex Argento uiuo perunctiones perni-
ciosæ. 247.13
Argentum uiuum intra corpus sumptū
letale est. 247.28. & seq.
Aristolochiæ examen. 217.20
Armenæ terræ facultas. 8.18. & seq.
Asbestinum linum ex amianto lapide
non fieri. 203.31
Asphaltis consideratio. 253.27
Asparagus ueteribus haud incognitos
fuisse. 208.25
Atriplex & spinacia quibus disse-
rant. 208.17
Auditus grauis remedia. 163.1
Aues quæ nutritionis laude polleant.
 64.10
Auicennas Galeni interpretes. 122.20
Aurium sensus acutissimus. 164.7
Aurum & argentū cordi letitiam non
adferre. 17.4
 B
Balnea aquæ dulcis, quibus morbis
auxilientur. 151.19
Balnea olim in partes seu domus diui-
sa. 152.4. & 155.4.
Balneorum usus non negligendus. 151.
 2. & 155.18
Balneis non statim à cibo & potu us-
tendum. 155.25. & 159.17. In-
 biq; eius habetur ratio.
Balneis abstincendum qui putrida febre
laborant. 154.7. Ratio patet ex se-
 quentib. 7
Behezapharmacū impostoris cuius-
dam insignis. 249.23
Belzuinum myrrhæ loco non sumen-
dum. 240.24
Benimum, siue Ben Iudeum. 246.9
Blitum à beta quid differat. 89.30
Brancam ursinam ueteribus non in-
cognitam fuisse. 202.3
 Caco

INDEX.

C		Catapotijs ex argento uiuo confectis	
Acochymia absq; febre quomodo		abstinendum.	248.4
emendanda.	132.3	Celsi medici doctrina non omnino ne-	
Calamus aromaticus officinarū, an sit		gligenda.	103.31
calamus odoratus Diosc.	222.6	Chalcanthum.	255.14
Calidum & humidū nisi perficitur, pu-		Chalcitis.	255.14
trifactioni obnoxium est.	130.18	Chamæmali flos.	186.15
Calor & dolor membri, fluxionis cau-		Chamæmelon & rosam calidos etiam	
sa sunt.	100.3	mitigare dolores, ex Gal. euincitur.	
Caloris uehementiam quæ tollant au-			187.14
xilia	7.8	Chamæpitys.	191.9
Cammari à canceris differunt.	82.18	Charabe.	246.3
Cammari ne an canceri præparati ad-		Characia examen.	210.26
uersus canis rabiem dari debeant.		Chelidonium dentes tremulos non fir-	
	81.14	mat.	191.26
Cancrorum appellatione quid com-		Cholera, uentris atq; intestinorum ui-	
prehendatur.	81.3	tium.	118.3
Canis rabidi morsus remedium.		χολήρα quid.	203.13
	81.22	χολάδες.	203.27
Cantharidum moderatè sumptorum		Christus certissimus & uiuendi et me-	
utilitas.	252.18	dendi scopus.	52.3
Carduus simpliciter enunciatus, quid		Cibus malus cum uoluptate sumptus,	
significet.	194.27	quandoq; redditur melior.	67.31
Cari semen non esse exiguum.	207.28	Cibi uirtus in quo consistat.	68.8
Carica cum nucibus sumptæ, cibi sunt		Cibi qui mensæ principio sumendi.	
probatissimi.	160.uers.ult.		92.6
Caro animantium quæ optima, et quæ		Cibi per chylum in alium inditi, an	
pesima.	160.4	corpus nutrire possint.	84.25
Carnes animantium non exercitato-		Cibi ac potus pro sua natura corpus	
rum damnantur.	66.14	animalis disponunt.	66.18
Carnes aquaticorum animantium o-		Cibi crassos & uiscosos humores gene-	
mnium plurimi sunt excrementi.		rantes.	159.27
	162.20	Cibi semen generantes, quales esse de-	
Cassia fistularis usus.	86.10	beant.	216.22
Cassia fistularis præpropere corru-		Cibis mali succi cur abstinendū.	58.28
ptio.	24.32	Cicutæ examen.	205.3
			Circu-

INDEX.

- Circulatoris cuiusdam medicū se mens-
tientis impostura insignis. 249.11
- Clyster quas partes inaniat. 87.11
- Colocynthis. 215.27
- Colocynthis quos per aluū deijcit hu-
mores antevertit. 12.24
- Coluteā idem cum sena non esse, con-
tra Ruellium. 127.15
- Colute.e siliquis oues saginantur, ho-
mines uero exinanuntur & tabe-
scunt. 127.25
- Compositiones quaedam à regibus in-
uent.e. 30.15
- Conciliatoris error. 152.20. & 153.13
- Concoctio bona, bonos succos gignit.
68.3
- Concoctio uentris & hepatis summo-
pere curanda. 75.15
- Concordia in disciplinis quid efficiat.
259.20
- Consuetudo magni ponderis est. 153.11
- Consuetudo altera natura. 161.29
- Controuersia iustā ignorantie suspi-
cionem ostendit. 259.19
- Coriandri temperamentum calidum.
204.9
- Corpus humanū mutationibus est ob-
noxium. 170.2
- Corpus cacoehymum pharmaco acri
monie experte euacuandum est.
104.21.
- Corpus tota aëris putrefacti substan-
tia correptum, dupliciter curatur.
131.23
- Corporis cum conseruandi tum curan-
di præceptum commune. 130.24
- Coturnix quomodo digestionem reddat
tur aptior. 60.21
- Coturnix nostra ab antiquorum cotur-
nice differt. 60.10
- Coturnici ueratrum alimentum, homi-
ni medicamen. 65.14
- Coturnices an soli, comitalem mor-
bum sentiant. 63.24
- Coturnicum sedes. 67.2
- Crista gallinacea. 191.1
- Critici dies, morborum item et exacer-
bationum tempora, medico nō ne-
gligenda. 218.23
- Cubebas Galeni carpesium esse doce-
tur. 215.3
- Cucumeris asinini succus non ex ipso
us radicibus exprimendus. 236.4
- Cuscuta. 189.5
- Cyaneilapidis facultas. 250.4
- experimentum. Ibid.27
- Cyclaminos. 218.1
- Cydonitis compositionē ueteribus non
fuisse incognitam. 214.8
- D**
- Decoctum, rei quæ decoquitur natu-
ram plerumq; retinet. 78.20
- Deleteria cur longo post eorum sum-
ptionem tempore interimant.
244.19
- Distamnus. 218.9
- Discipline, boniq; mores mortalibus
cur dati. 261.18
- Dracunculi consideratio. 219.13
- Dysenteria alui profluuium non recte
dicitur. 111.27
- Dysenterie principio medicamēta ad-
stringenta

INDEX.

Astringentia & siccantia non conueniunt. 115.19

Dysenterici quibus curandi. 109.26.

¶ 111.7

Dysentericorum uires unde potissimum prosternantur. 110.6

Dysentericis quæ magis conueniant. 101.21

Dysentericis an recte medicamenta aluum soluentia propinètur. 97.6.

¶ seq.

Dysentericæ affectionis causæ. 95.16

E

Ekbiuata. 137.5

Electrum. 245.15

Empirici ab urbibus arcendi. 25.21

Epimelis. 206.2

Eupatorium à nonnullis quinquefoliū appellari. 198.10

Exanthematum siue morbillorum cura. 136.20. ¶ seq.

Excrementa mera cur longo tempore dysentericorum aluo retineantur. 113.22

Exercitium quando proffit uel obsit, quodq; sit omnium præstantissimum. 161.32

Experientia quæ laudanda. 2.32.

¶ 112.5

Experimentis quatenus credendum. 259.27

F

Fastidij ciborum causa. 143.6

Febris pestilens quæ dicatur. 128.29.

Eius causæ. 129.1. *Notæ.* 129.28.

Cura. 130.1. ¶ seq.

Febris putrida pestilentie ferè semper associatur. 135.30

Febri curandæ utilia. 6.1

Febres pestilenciales an frigidi ualde et sicci temperamenti medicamentis curandæ. 14.7. ¶ seq.

Febricitantibus frigida & aluminosa loco non conuenit. 42.18

Frigida potus quando in febribus concedendus. 45.6

Fructus arborum ferè omnes mali succi sunt. 160.16

Fructus horæi non nisi prima mēsa degustandi. 160.27. *In uentriculo corrupti uenenis æquiparantur.* 160.21

G

GAlangæ radicis examen. 221.22.

Adulteratæ impostura quæ deprehendatur. *Ibid.* 32

Galenus naturæ secretorum inuestigator diligentissimus. 71.10. *Idem certissimus experientie autor.* 70.2. *medicamentorum fidus ac maximus explorator.* 122.5

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

Galenus de fructibus, animalib. morib. ponderibus & mensuris loquens, de Romanis intelligit. 124.10

B

INDEX

- Gule dolor quomodo inuestigandus. 74.7
- H**
- Hedysia quid. 262.24
- Hæmorrhoides non omnes rescindenda, contra Aëtium. 199.31
- Herbarū differentie nō paucae exiguo locorum interuallo reperiuntur.
- Hermodactyli. 223.33 (30.25)
- Hieronymus Fracastorius medicæ artis splendor. 1.23. Liber eiusdem de contagione & morbis contagiosis. 40.23
- Hippoc. insurandum à Christi doctrina non recedit. 88.3
- Hominum mores et luxuria notantur. 234.10
- Hordeum quadrupedibus quàm hominibus rescindendis aptius. 31.18
- Humores uitiosi unde potissimum gignantur. 68.9
- Humores à putredine conseruantia. 43.5
- Humores omnino corruptos nequāquam in pristinum statum restitui posse. 13.11
- Humorum noxiorum multitudo et malitia difficulter expenditur. 174.6
- Humorū multitudo ex suppressis mensibus orta, quomodo euacuetur. 147.10
- Hyacinthi pollen cor nō reficit. 15.10
- Hydropiper an sit idem cum persicaria. 197.29
- I**
- Ieseminum uiolam Græcis haud in-
- cognitā fuisse, cōtra Bras. 186.29
- Ingenia hominum clara præmijs et honoribus excitantur. 33.4
- Inedia succos corrumpit. 162.17
- Intestina, excrementorum sunt receptacula. 85.14
- Intestinorum doloribus quale lac conueniat. 99.14
- Io. Manardus in medica censura grauissimus. 17.25. Notatur. 133.9. & 138.11
- Iudæi medicum se mentientis exemplū 25.28
- Iudaici siue Syriaci dicti lapides, ad quid conducant. 262.29
- L**
- Lac quale intestinorum doloribus conueniat. 99.14
- Lac quanto serosius, tanto ad soluendam aluum magis idoneū. 100.19
- Lacte in febribus & biliosis deiectionibus abstinendum. 100.12
- Lachrymam uulgò dictam, non esse lithospermi speciem. 209.12
- Lapides qui in succū resoluantur. 11.29
- Lapidum in spongijs repertorum uirtus. 262.29
- Lapidum qui duri sunt substantia per corpus digeri non potest. 14.14
- Lathyrus. 211.1
- Lemniæ terræ examen. 255.19
- Lepus Indici maris suo pestilenti tactu uomitum & stomachi dissolutiōnem creat. 13.1
- Leoniceus et Paulus erroris male imitantur. 235.18
- Lindæ

INDEX.

- Linaria** 204.3
Lingua ceruinam, quam uocant, esse
 phyllitim, nō hamionitim. 201.20
Litrum. 296.17
Lotionis medicamentorum effectus.
 251.16
De lupi hepate Galeni apprens con-
 varietas tollitur. 75.24. & seq.
Lupinus aqua maceratus an uentricu-
 lum roborat. 204.25
Lupuli calidū temperamentū. 195.22
Lycium ē prunis syluestribus non pa-
 randum. 239.5
- M**
- Macer.** 219.32
Madonina. 187.21
Malobathrum. 202.7
Malorum numerus cur auctior quā
 bonorum 34.4. & seq.
Manus pro brachio usurpata à Gale-
 no. 67.25
M. Antonij Serrinae obitus miserabilis.
 45.12
Matricariam uulgarē, esse Partheniū.
 192.31
Matthæus Curtius medicinæ instaura-
 tor. 47.16
Medicamenta quæ dicantur, eorumq;
 diuisio. 10.24. Cuiusmodi esse
 debeant. 170.9
Medicamenta componere olim regij
 muneris erat. 30.12
Medicamenta prius qualitatibus uim
 suam exercent. 3.19. & 5.22
Medicamenta nō semper ad maiorum
 præscriptum exhibenda. 22.33
- Medicamenta** acriora si malignis ulce-
 ribus ingerantur, rigorem et febrē
 excitant. 100.10
Medicamenta uetusta omnino fugien-
 da. 259.2
Medicamenta delibutoriā uim habentia
 egrotis non sunt propinanda.
 224.27
Medicamēta quædam extrinsecus cor-
 pori adnota uires suas ostendunt.
 16.2
Medicamenta in longis morbis uariant
 da. 171.12
De medicamētorum cum simplicium
 tum compositorum usu. 166.24.
 & 168.1
Medicamentorum effectus causa ad sy-
 derum uim non refrenda. 3.8
Medicamentorū compositorū uirtus,
 simpliciu uires comitatur. 90.12
Medicamentorum cæcæ facultates so-
 la experiētia cognoscuntur. 8.29.
 Non in quolibet morbo munia sua
 obeunt. 49.25
Medicamētorum facultates quomodo
 imminuantur. 101.33
Medicamentis quibus utendum. 16.22.
 & 24.15
Medicamētis peregrinis ac nuper in-
 uentis caute utendum. 29.23
Medicina sanandi scientia est, non no-
 cendi. 53.10
Medicina omnibus alijs artibus incon-
 stantior. 259.15
Medicina hodie fraudis plena. 32.25
Medicus, naturæ quæ recte, non quæ

INDEX.

- male agit, æmulus ac minister esse debet. 110.4 (30)
- Medico unde theoremata sumenda. 3.
- Medico bono qd sequendū. 3.12. ægro tantū salus potius spectāda, q̄ adstantiū adplausus et præmia. 34.1
- Medico à uulgi erroribus cauendum. 171.24
- Medico linguarū cognitio necessaria. 76.30
- Medico quæ circa ægros consideranda. 167.3. & 174.4
- Medico quid in pharmacis propinandis spectandum. 174.6. & seq.
- Medici plures uerbis et fama, opere et re uera perpauci. 53.29
- Medicorum quorundam inscitia redarguitur. 16.31. & 20.18. et 34.20. & 88.26. & 113.3. & 145.27. & 176.1. & 224.16. & 261.22
- Medicorum prehensiones uariæ in ambiendis ægrotis. 88.26
- Medicorum negligētia in consocienda ptisana 31.23
- Medicorū in compositionibus fingendis temeritas. 168. uers. penult.
- Melanthium & Gith idem non esse. 207.32
- Membrum quodlibet quatuor facultatibus præditum est. 86.15
- Menstrua purgatio congenitum in mulieribus auxilium. 142.13
- Mesues auctoritati non multum tribuendum. 55.13
- Mirach, id est, abdomen. 114.27
- Monocerotis cornu cōsideratio. 258.9
- Morbillorum curatio. 136.20. & seq.
- Mola. 71.1
- Mores hominum perstringuntur. 33.33
- Mumia ab officinis seplasiariorum arce cenda. 254.20
- Myrrha. 239.31
- N
- Nitrum & litrum non esse diuersa. 296.19
- Nutrimenta per alium iniecta, an corpus resiciant. 84.25
- O
- Oesophagum quid uocet Aristoteles. 52.18
- Olera crassi & glutinosi humoris exstentia. 161.11
- Oleū ab unguento quid differat. 262.23
- Opobalsamum syncerum quibus notis ab adulterato dignoscatur. 212.25
- Opocalpason myrrhæ loco ne detur, quia letale. 240.29
- Opus malum non perpetrandū ut bonus sequatur euentus. 52.21
- Orobi facultates cruiliæ non conueniunt. 206.31
- Orobo deficiente quid eius loco utendum. 207.19
- ὀρυζανήρα. 63
- P
- Parthenium est matricaria uulgaris, non brusaculum. 193.13
- A partu purgatione suppressa, quare morbi gignantur. 142.6
- Pauarini effectus. 198.24
- Paulus Aegineta à calumnia defenditur. 245.15
- Pepos

INDEX.

Peponis & melopeponis examen.

202.12

Perdicum caro coturnicibus haud ab-
similis. 64.3

Perficaria sine maculis an sit hydropi-
per. 197.29

Peucedanum. 220.14

Pharmaci certam mensuram ad tollen-
dum morbū cōstituere, perquam
difficile est. 175.15

Pharmacorum soluentium nocumēta.
172.13

Pharmacis soluētibus, nisi morbus exi-
gat, abstinendum. 172.19

Pharmacopole notantur. 24.22. Eo-
rundem impostura in propinan-
dis gemmis. 17.14. Eruiliam pro
orobo uenditant. 207.9

Pilule ex chamaelea confectae ac deuor-
rate cur non liquefiant. 12.18

Pinguedo & adeps quibus differant.
160.12

Pisces qui uerē sint saxatiles. 80.2

Pistaciorum examen. 216.5

Plinius à crimine defenditur. 210.3

Polemonij succus puerorum lumbric-
os non interficit. 191.29

Polypodium. 220.2

Pompholyx. 257.20

Ponti latitudo ingens. 185.14

Portulaca febris ardori aduersatur.
44.19. & seq.

Præcordium. 58.15

De Prunis Galeni sentētia explicatur.
213.12

Ptisanæ sumptio cur hodie minus effi-

cax comperiatur. 31.11

Q **Valea unde nomen habeat.** 62.8.

An boni uel mali succi. 64.1

Qualeam Itolorum, antiquorum cotur-
nicem esse. 61.28. & seq.

Qualitas rei quibus circumstantijs con-
sideranda. 123.27

R

R **Adicula cruda, à coena non inge-**
renda, cōtra Diosc. & Alex. Tral-
lianum. 90.32

Ranarū substantia putredini obnoxia.
78.6

Ranarū ius, eaq; ipse opitulantur à ue-
nenatis reptilibus percussis. 77.9

Ranis quare parcius utendum. 79.1.
& seq.

Ratione et experimento uitæ actiones
iudicantur. 91.12

Ratio à uiribus sumpta, in simplicibus
cur inefficax sit. 197.22

Rha antiquorū adstringit potius quàm
solut. 107.10

Rhabarbarū humores in uenis existen-
tes attrahit & educit. 101.11

Rhabarbarum nostrate pluribus quali-
tatibus cum ueterum Rhapontico
conuenit. 181.30. **Quibus disse-**
rat. 184.8

Rhabarbarū quod præstantius. 182.13

Rhabarb. dosis. 218.17. **uirtus.** 219.5

Rhaponticum uulgare, centauriū ma-
ius esse asseritur. 185

Roma quondam rerum quæ mundus
in admiratione habebat, emporiū

B 3

INDEX.

refertissimum.	124.32	Semen generantia edulia cuiusmodi es	
Rosa & chamemelon dolores etiā ca-		se debeant.	216.22
lidos leniunt.	187.14	Semētina an sit santonici semen.	211.12
Rosella.	187.20	Sena.	189.13
Rubrica Lemnia uera, difficulter à su-		Senam non esse Colutcam, contra Ru-	
cata dignoscitur.	29.8	ellium.	127.15
S		Sicca tempora humidis sunt salubrio-	
Saccarū ubi & quomodo proueniat.		ra, & minus mortifera.	132.24
233.11		Similium idem effectus.	262.10
Saccari facultas.	234.26	Simplicia interdum efficaciora compo-	
De sale Indo.	235.18	sitis.	170. uers. ult.
Sal Indus in quo cum nostro cōueniat		Simplicium medicamentorum facultas	
uel differat.	235.24	tes cognoscere q̄ sit medico neces-	
Salnitrum nostrum ueteribus quoq; in		sarium.	90.6
notuisse.	257.11	Simplicium medicamentorum uires ele-	
Salix amerina.	209	mentorum commistioni & qualis-	
Sandaracha an sit arboris gummi.	242.	tatibus accepto ferenda.	4.8. &
uers. 33		seq.	
Sanguis draconis.	239.14	Simplicium medicamentorum discrimi-	
Sanguinis draconis examen.	252.25	mina frequenter sunt inspicienda.	
Sanitatem quid conseruet.	68.20	24.10	
Sapientie studium ocio & solitudine		Singultus remedium.	70.11
inuatur.	166.19	Siphac, id est, peritoncum.	114.28
Sapphyrum sculptilem esse.	253.13	Sitim extinguentia remedia.	7.9
Sapphyros inter lappidum genera ma-		Smaragdus alexipharmacum ualidiss-	
le connumerari.	17.33	simum. 21.13.22. qua formula ex-	
Sapphyros inueteratis oculorum affe-		hibendus.	22.13
ctibus mederi.	20.2	Smaragdus an in febris recte propi-	
Sarcocolle facultas.	58.21. Examen.	netur.	2.3. & 44.7
241.10. Corpora non impinguat.		Smaragdus non ut alimentum sumen-	
Ibid.		das.	11.2
Satureia syluestris ad medicos usus cō-		Smaragdus qualitatem ex pile atque	
modior hortensi.	195.28	pistilli substantia contrahit.	20.
Sauonarola carpitur.	153.19	28. Lapidica pile terendus.	21.6.
Scatiles pisces qui dicuntur.	80.2	Humores corruptos non educit.	
Sclarea non est Baccharis.	191.15	Ibid. 21	Smarag

INDEX.

Smaragdus fessos oculos & animum recreat.	1.14	Stomoma quid.	246.28
Smaragdus ingens Præge.	19.17	Stirpes quandoq; uirulento animalium halitu uel contactu inficiuntur.	30.28
Smaragdi natura.	5.30. & 28.5	Stirpium cognitio rara.	89.9
Smaragdi dosis.	22.24	Ratio patet ex seq.	
Soluentibus pharmacis quantum fieri potest abstinendum. 172.17. Cau-		Stirpium cognitio medico omnino ne cessaria.	29.33
sam ibidem reperies.		Stirpium quid propriè significet.	117.23
Somnus diurnus, et qui à cibo obrepit, cur uitandus.	161.24	Sturnus an boni sit nutrimenti.	64.
Somnus à balneo concoquit, et prauos succos discutit.	152.2	uers. 12	
Somno quatenus indulgendum. pag.	161.23	Sturno cicuta nutrimentum, homini me- dicamentum est.	65.12
Sorba tam matura quàm immatura ad stringunt.	214.17	Surditas inueterata incurabilis existit.	158.15
Spartum.	188.2	Surditatis remedia.	163.1
Spinaciæ & Atriplicis differentia.	208.17	Surditati emendandæ ratio uiculus con- ueniens.	158.31
Spiciæ nardi examen.	195.2		
Spodium.	257.21	T	
Spondylorum numerus.	70.31	Amarindorum temperamentum.	
Spuma nitri.	296.17	108.23. Dysentericis quomo- do conferant.	Ibid.
Sympathia et antipathia tum rerum tum qualitatum in re medica utilis.	29.1	Telephium Vsnen non esse, contra Leo- nicenium asseritur.	192.17
Staete è quibus fiat.	239.33	Temperaturæ ac substantiæ probe ar- gumenta.	66.32
In Staphide agria Plin. à crimine uin- dicatur.	210.3	Terra omnis frigida & sicca.	49.31
Stæbe & Scabiosa uiribus differunt.	197.1	Terra Lemniæ libramentum.	255.19
Stygnæ.	137.2	Thracius lapis nullius in medicina u- sus.	50.22
Stomachus quid sit propriè.	74.30	Thymbra.	195.28
Græcis gulam significat.	58.17	Thymi flores an Epithymi loco sumi possint.	188.10
Stomachus dorsi spinæ secundum latus dextrum alligatur.	70.3	Turpet candidum pityusæ radicem esse, non alypi.	223.12
		Tutia.	257.21

INDEX:

V			
Valeriana.	217.7	moda.	161.6
Venena quædã corpori saltem extrinsecus admota exitium adferunt.	244.6	Vires deijcientia.	6.12
Venter quando ab hepate alimentum trahat.	86.17	Vires instaurantia medicamēta cuiusmodi esse debeant.	15.22
Ventris situs.	74.14	Virtus à medicamentis etiam moderatè soluentibus leditur.	174.2
Ventris os gulæ proximum.	74.15	Viscū Damascentū è quib. fiat.	246.17
Ventriculi dolor quibus notis deprehendatur.	74.3	Vnguentū ab oleo quid differat.	26.23
Ventriculi ore prauis succis occupato, ciborum oritur fastidiū.	143.6	Vrinæ redundantia, inflammationem irritare apta est.	103.6
Ventriculi ore phlegminante, cui parati adnouenda remedia.	72.12.	Vrina quibus in morbis præcipuè consideranda.	110.21
¶ 75.20		Vrinam mouentia quando dysenteriacis propinanda.	103.9
Ventriculum quare natura tantopere munierit.	75.13	Visionis medicamentorū uirtus.	251.16
Veratrum.	224.25	Vuæ absq; nucleis prouenientes.	36.5
Verbena.	191.1	Vuæ Corinthiacæ.	36.16
Vernix.	243.1	Vuæ passæ ad quid conferant.	35.6.
Vinum quod præstantius.	123.8	¶ seq. ¶ 37.32. A patientia non men habent. Ibid. 3. Abusus earundem.	34.29. ¶ seq.
Vinum quod nouum, medium, ¶ anti quum dicatur.	123.8	Vuæ passæ ueterum nostratibus longe præstantiores.	35.13
Vinum an in febribus dandum. Epist.	14. per totum.	Vuæ passæ ducendæ aluo quàm conferant.	38.17
Vinum dysentericis non dandum si adsit febris.	115.4	Vuarum effectus uarij.	36.27. ¶ seq.
Vini potentis largius hausti incommoda.		Z	
		Zirbus Arabicæ, omentum latinis significat.	114.29

Errata operarum incuria commissæ.

Pag. 17.5. lege, manifestæ. 29.9. ueram. 42.31. rationabiliter. 42.20. febricitantibus. 42.21. inueniri. 80.16. capeffendas. 89.16. capeffendarum. 65.6. ait Gale. 116.11. lucrifaciant. 140.10. explicandam habui. 166. uers. antepenul. illud. 182.1. profluui. 183.29. quauis, diuisim, non coniunctim. 186.12. omnibus. 189.20. Coluteam. 216.13. illa, abundat. 235.21. responderi.

ALOISII MVN DELLAE MEDICI BRIXIEN

SIS EPISTOLARVM MEDICI-
NALIVM LIBER.

*Aloisius Mundella medicus, Hieronymo Fracastorio
medico, de usu & uiribus Smaragdi. EPIST. I.*



MARAGDV S gemmarum nobilif-
simus, de cuius in medicina usu ad tol-
lendas febres, nihil, quod sciam, ab an-
tiquis medicis traditū est, nunc demum
fatali quadam sorte à recentiorum ple-
risq; usurpari cœpit: uerū quia non
minus apud nos, quā apud ueteres in
æstimatione & precio habitus est, propter iucundissimum
colorem, quo fessos spectantium oculos, & animum recre-
at, fecit ut in exploranda illius uī & natura, æquē, ut fertur,
efficaci in profligandis grauissimis febribus, diu multumq;
laborauerim. Sed cum uarios medicinae autores contulif-
sem, neq; tamen in quo acquiescerem inuenissem, sed ma-
gis magisq; dubitarem, & ideo mecum ipse quærerem,
quemnam potissimū hac de re consulerem, tu mihi in pri-
mis illorum unus, qui in re literaria, medicaq; hodie pluri-
mum excellunt, occurristi Hieronyme, ad quem accedens,
omni dubitatione liberarer: te enim acerrimo iudicio ui-
rum, & nostræ artis lumen esse clarissimū, ac splendorem,
non tantū ex alijs audiui, sed aliqua ex parte manifestū
ipse mihi perspexisse uideor. Neq; uerò pro tua in omnes
humanitate, & singulari meo in patriam tuam Veronam
amore, in qua ego quoque puer cum essem à patruis meis
sum educatus, mihi pertimescendum fuit, quin benignè ad
literas nostras nullo quidē dicendi exquisitiore ornamen-
to cultas, tuis interim seueriorib; studijs intermissis, horisq;

a

succisuius responderes, & desiderio meo satisfaceres, in ijs præsertim quæ ad Smaragdi rationem pertinent. Scire autem ex te cupio, an medico liceat, ijs, qui putrida febre, ac continua grauius afficiuntur, aliquam Smaragdi pro medicamento portiunculam dare: quando (quod equidem ipse sciam) octo ab hinc annos, circiter uel occæperint talis medicamenti uires à nonnullis nostri ordinis tantopere ad medicos usus collaudari, ut ei gemmæ incredibilem quandam uim tribuere, eamque aduersus uaria febrilia, & aliorum etiam morborum genera præbere nequaquam uereantur, atque ad illam, cum multa frustra pertentaerint, tanquam ad sacram ancoram confugiant, ueluti remediorum & consilij inopes: qui quidem, si quando, quam id ratione agant, interrogentur, ita respondent, ut prosperos nonnullarum curationum euentus, aduersis bellè dissimulatis, aut aliquo casu excusatis, ut est in primo de ratione uictus actorum, pro ratione habere uidentur, & quod in uno feliciter euenerit, idem in altero euenturum existiment: quasi sæpe non contingat, ut naturæ potius sese adiuantis, quam pharmaci uel aliquis sanetur. Sed in errorem incidunt, quia Galeni primum & secundum præsertim de simplici medicina librum fortasse aut non uiderunt, aut non satis intellexerunt, ubi de cognoscendis ex gustu, odore, colore, uno alteroue experimento, medicamentorum uiribus & facultatibus methodos tradidit, ut quæ in morbos salutaria sint, & noxia intelligi possint. Atque eisdem mihi penè desipere uidentur, cum asserere perseverent, eum qui in continuo medendi officio & opera sine literis consenuerit, multò præstantiorē esse medicum, quam qui multa sit doctrina præditus, non multum autem in medendi exercitatione uersatus: non enim uident, quam à consummatissima Galeni disciplina & præceptis aberrant, qui eam experientiā laudat, quæ cum scientiā, & certa ratione coniuncta sit. Neque tamen inficias iuerim, Galenū in undecimo de Simplicium medi-

medicamentorū facultatibus aduersus Pelopem illius doctorem, & in libro de Theriaca ad Pisonem, & alibi, occultas quasdam vires & diuinas certis esse in medicamentis uelle, quibus in morbos agant, Sed idem Galenus, à cuius decretis recedere medico licitum esse non putamus, cum in eo summā medendi scientiam, & experientiam fuisse manifestum sit, nusquam, quod sciam, mentionem facit, quòd causa actionis medicamentorū ad siderum uim, ut nonnulli uolunt, referenda sit. Quare si non alijs quàm huiuscemodi rationibus contra nos nitantur, nō est quòd sibi persuadeant, ut unquam possint nos in sententiam suam trahere: bono enim & prudenti medico faciendum est, ut eam medendi uiam ingrediatur potius, quæ sapientiū uiro- rum ue- stigijs frequentata sit, & trita, quàm quæ à temerarijs & imperitis sit tentata: & demum illud sequatur, quod ratione pariter & usu probatū est: & uideat diligenter, quæ sit medicamentorū essentia: quæ primæ qualitates, quæ ex his aliæ oriuntur, optimè pensitet, quæ tota substantia, & cæca origine agant, non negligat: qualitatibus enim primis medicamenta uim suam exercere Galenus his uerbis primo de Simplici medicina ostendit: Siquidē constant cum aliorum omnium, tum animantiū corpora, calido, frigido, humido, & sicco: quarum facultatū effectricum essentiæ tum in alijs omnibus, tum in medicamentis statutæ sunt, &c. quæ postea ab Auerroë confirmata sunt. Nam cum illa ex se perfectam sui præbere possint notitiā effectus, uel saltem certio- rem, quàm quæ ex sideribus quæritur, quæ obsecro imprudentia est, ad ea, quæ sensus nostros latent, nobisq; ad cognoscendum difficillima, atq; impercutabilia ferre sunt, confugere uelle? Medici nanque muneris est, ut ex sensibilibus potissimum scientiæ suæ theoremata sumat, & enunciationes, quæ Græci ἀξιωματικά uocant, illisq; cum opus est, utatur: quibus sensibilib, fretus Galenus, sicuti in Aristotelis, et aliorū efficacissimas alioqui suasiones incide

Coll. 5. cap. 21

rit, ut in eo de Simpl. medic. libro, in quo contra sensum negantes, & quibusdam quasi triticeis physicis sese implicantes sophistas disputat: sed praesertim in cōmentarijs de Hippocratis & Platonis decretis, inter cæteros subtilissimis, mirisq; laudib. extollendis, omnes probabiles admodū istorū rationes conuellit, nullis quidem alijs argumentorū uiribus labefactandas, q̃ ips quæ ex sensu sumuntur. Puto igitur multò congruentius esse, elementorū mīstioni simpli- ciū medicamentorū uires acceptas ferri debere, & eorum qualitibus, quàm ex abditissimis siderum causis illas ori- ri existimare: id quod Theophrastus etiam sapius asserere non dubitauit, praecipuè in sexto de Historia stirpiū, cap. ultimo, cuius uerba hæc sunt: πῶς διανομήται δὲ καὶ ῥόδων καὶ ἰσθμῶν καὶ τῶν ἄλλων αὐτῶν, μέγιστον δὲ τόπος συμβάλλεται καὶ ὁ αἰὴρ πῶς ἐκαστον οἰκείως. hoc est: Ad efficiendū uerò & rosarum, & uiolarum, aliorumq; florum bonum odorem, & locus & aër maximè confert, naturæ cuiusq; illorum idoneus & accom- modatus. Nam Theodori Gazæ (ut id quoq; attingam) conuersio, in qua cœlum pro aër tralatū est, meo quidem iu- dicio reiicienda est: etsi enim utrunq; uerbum à nonnullis poëtarū citra ullum significationis discrimen usurpari sciā, tamen quia Galenus hanc dicendi libertatem uulgarium esse hominū existimat, adducor ut eruditissimi & opti- mi medici potius iudiciū, quàm horum usum in hoc lo- co sequar. Hæc autem sententia ab eodemmet Theophra- sto confirmatur in sexto de Causis stirpiū libro, quando causam indagat, propter quam olea ab arcturo nihil am- plius olei ferre ualeat: ubi non sideris occasui, uerūm aë- ris intemperamento, elementorum cōmīstioni, culturæ, & locorum mutationi, omnem hanc rationem adscribit: quod, cum de hac materia quoq; seorsum differeret, aper- te ostendit eiusdem libri cap. xxi. quo in loco ellebori & re- liquorum omniū medicamentorū uires, & aëri, & alimen- to absq; dubio attribuendas esse affirmat, Cui non parum fauet

Primo Epid.
tempest. 11.

Cap. 11.

fauet Aueroës quinto Collectaneorū, & Plinius in ea historiae suae parte, in qua Timæum mathematicū redarguit, Theophrastum, ut in multis alijs, imitatus. Sequeretur enim, hoc aduersariorū constituto, omne rhabarbari genus nullo discrimine bilem soluere, turpet pituitam, ellebori atrum humorē: similiter de alijs dicendū pharmacis, quod tamē haudquāq; uerum esse constat. Nam si duo (exempli gratia) cnici, aut alterius cuiusuis stirpis semina in eadem terra, eodemq; temporis momēto nascantur, ac simul proueniant: certum est hasce ambas stirpes, si diligenter animū attendere uoluerimus, non semper eiusdem efficacīe aut facultatis reperiri in pituitae aut bilis utriusq; trahendo humore, uerū interdum ex illis alterā modō ualidiorem, modō uiribus imbecilliolem esse. Quod Plinius quoque libro Naturalis historiae septimo animaduertat, cuius tamen contrariū futurum sit ex istorum hominū positione. Et quanquam Mesues in libello de Pharmacorū compositione aliter sensisse uideatur, rationabilius tamen nobis uideatur cum Galeno in tertio de Simplic. medicina, cap. xxiij. & in quinto eiusdē, cap. xvi. & xvij. cumq; ipsa sensuū perceptione sentire, Mesue interim reiecto, atq; iterum asserere, medicamenta opus suū exequi, seu qualitatibus manifestis, seu totius essentiae familiaritate & similitudine, aut utrisq; simul, ut lapides, de quibus scripsit Galenus undecimo de Simplic. medic. & conuenienti elementorū portione inter se collata, certa q; ex illorum mensura uixoriente, ut in magnete & ferro fieri uidemus, quemadmodū inquit Aueroës libro superius à nobis citato: quod tamen dimensione quadam, maioris scilicet ac minoris, fieri dicimus. Ad propriam igitur Smaragdi substantiam accedentes, frigide eam qualitatis esse, ac sicq; iudicabimus, necnon terrestres, & satis durae, quaeq; febrilem ardorē potius & illius fomentum conseruet, quam tollat, aut extinguat: quāq; non primō, sed ex euentu; quae enim modicē calefaciant auxilia, ac

Cap. 49.

Cap. 27.

Smaragdi
propria natura.

digerant, quæq; ab æquali temperamēto non multum recedant, ea utilia sunt, non frigida, & obstruentia, qualis est Smaragdus, cum morbi causam, et quæ eam comitantur accidētia tollere studemus: neque tot, tantaq; sine ulla arte quidem in unum cumulata medicamenta: quamvis febris, quatenus febris est, refrigerantibus & humectantib; opus sit, ut est in xxiiij. primæ sectionis aphorismo, & in lib. de ijs quos purgare oportet, &c. Quæ ut improbem mouet me in primis Galeni præceptoris quidem nunquam pœnitendi absolutissima doctrina, quæ pluribus in locis suo ipsius lumine funditur, & præcipuè in xi. curandi methodi. Nam quæ ualde calefaciunt, & siccant nimis subito, uires deijciunt, ut in reliquâ curationis non sufficiant: sæpe etiam febres auxerunt, ut est in eiusdē libro de missione sanguinis per uenæ sectionem: quæ uero modicè calefaciunt, cum superfluitatem exinaniunt, protinus, opinor, & quod affectum est, frigidius efficiunt, non quidem natura sua, sed casu: ut est in primo de Simpl. medic. cap. quarto, & prima fen quarti libri Auicennæ, tractatu secundo, cap. septimo, xl. & xlvij. ut aliorum Arabum testimonia omittam, quorum uerba sigillatim huc afferre nolui, ne plus iusto longior essem, existimans mihi satis esse, si loca ubi hæc ab illis explicantur, indicauero. Ad argumentū uerò Alexandri Tralliani aduersus Galenum libro quinto, cap. de curatione diariarum febrium, ita responderi posse puto. Etsi enim Galenus octauo curandi methodi inunctionem fieri iubet at uentriculo ex absinthio, & nardino, purpuraq; Tyria, id facit propter uentris fluxum in febre diaria adhuc perseverantem, ut ex eo uires reficiantur: qua ratione etiam confessionem Dia trion pipereon nominatā simplicissimā quidem exhibet: quorum auxilio & corroboratione maior deinde sequitur utilitas, quàm si alterationi seu mutationi tantum febrili attenderemus: neq; propterea tamē corruiat illud, Contraria contrariorum sunt remedia: semper enim

Hoc idem dicit
Auenzo-
ar 1. Theisr
cap. 14.

nim uerissimū id esse constat, ut traditur ab ipso Galeno in eodem curandi methodo. Et ita etiam satisfactum esse arbitror alteri eiusdem Tralliani argumento, cum dicit, Galenum inunctionem facere in ephemerę febris, quę ex obstructione sit, curatione, ex solo oleo, non hydrelao: quoniam aqua nisi calefiat, nequicquid prosit ad causam febris remouendam, sed potius noceat: atque cum innumera alia passim ad extinguendam caloris præter naturam uehementiā, & sitim ardentissimam, aliaque tollenda incōmoda & mala, nobis præstō sint maximē opportuna remedia, ut puta uenę sectio, recta uictus ratio, lenis frictio, balnea tempestiua, inedia, inunctiones, & debilis clyster, & huiusmodi pleraque à Galeno in multis locis scripta & cōmendata, quę quidem longē utiliora esse existimo, quā ita crebris medicamentis (ut antea scripsi) frigidis & siccis cum intus, tum foris uti: quoniam ea obstructionis & molestiarū dictarum euidentes causę sint, non remedia: nisi fortē accidentia illa (quod interdum fieri solet) ad eodē ægrotum affecerint, ut omnem, aut potissimā medici curam exposcant: quod enim magis urgeat, illi attendendū est, ut alterum tamen non negligatur. Etsi uerō conualuerint illi, quos Galenus narrat in nono de Simpliciu medicamentorū ratione, atrocissima illa pestilentia in uniuersum populum non aliter inuadente, atque ex Thucydidis testimonio & autoritate sæuīt in Athenienses, solo terrę Armenę beneficio, qui tamē ut ab eo morbo liberarentur apti erant, nam qui interibant, nullo alio iuuari poterant auxilio: non enim omnes ab eadem causa affici rationabile est, sed qui ad patiendum apti sunt, alioqui omnes in pestilentia morbis morerentur, aut sub æstiuo sole febricitarent: & sic de alijs causis dicendum est: magnam enim habet in generatione morborū partem eius qui passurus est habilitas, quemadmodū secundo de Differentijs febriu scripsit Galenus: non tamen Smaragdi præsidio febricitantes quos ab initio diximus, curari posse exi-

Aph. 10. primæ sectionis & 2. ad Glauconem.

stimandum est: quod diuersa sit illius, & terræ Armenæ, & etiam Lemniæ, quæ Sphragis appellatur, ratio: hanc enim, siue medicamentū id, in quo & illa sit, Dioscorides & Galenus ijs qui leporem marinū & cantharides sumpsis-
sent, feliciter quidem dederunt: nam illi eo medicamento hausto, omne protinus uenenum uomuere, neq; eis postea ullum aliud tale accidit symptoma, quale deleteria ista comitari consueuit, tametsi conuicta esset perniciosorū medicamentorū uis: quod non ijs euenit, quibus Smaragdus propinatur, ut eorum scripta ostendunt, qui illius naturā cōmemorarunt. Adstringēs præterea est & leuis, cuiusmodi non est potentia Smaragdus: neq; antiquos Arabum pariter & Græcorum autores, cum de febrim putridarū curatione mentionē faciunt, terram Armenam, uel Lemniā, uel Smaragdū, ratione illarum exhibuisse uspiā uidi. Quibus satis constare arbitror, ea quæ de Smaragdi, & Lemniæ sphragidis natura à ueteribus traduntur, manifesto inter se distare discrimine, neq; earum uirum esse. Terræ uerò Armenæ substantia, tum aëria, & leui, tū plurima exiccandi facultate prædita est, necnon, ut Auicennas ait quarta fen primi libri, cap. quinto, boni est odoris: quæ singula ad pestilentē illum morbum arcendum & curandū conferre compertum est: non autem Smaragdum, cum illarum non sit facultatū, quarū est terra Armena & Lemnia, quæ ambo parum inter se differre existimantur. Is insuper non inter terras medicatas, sed lapides, ab omnibus cōnumeratur, qui quidem partim totius substantiæ proprietate, partim primis qualitib, agunt, ut ait Galenus libro de simpl. medic, à nobis superius citato. Cæcæ uerò medicamentorū facultates, quæ totius suæ substantiæ natura, nō primis aut secundis qualitib, agunt, iuxta eiusdem Galeni sententiā in sexto de Simpl. medic, circa libri principium, & xiiij, de Morbis curandis, necnon pluribus alijs in locis, siue ea alexiteriæ sint, siue deleteriæ, & purgantes (nam has ut ex ratione

tione

tione inueniamus, fieri non potest, præterquam in quibus-
 dam probabilem inuenire liceat suspicionem) sola cogno-
 scuntur experientia: quæ autem calefaciunt, frigefaciunt,
 humectant & siccant, ex memoratis à Galeno in eo libro
 methodis. Quare neq; ista positionem nostram destruunt,
 uel infirmant, ut euidentius etiam infra apparebit. Præter-
 rea leuis admodum illa argumentationis uis, ut alias omit-
 tam, hac de causa mihi esse uidetur, quoniã longè diuersa,
 ut constare potest, ratione, terra Armena ijs, qui pestilenti
 laborant febre, quàm ijs, qui ea non laborant, exhibetur:
 his quidem ne ab illa corripiantur, sed ex hac corroborati
 bonam suam ualitudinẽ seruent ac tueantur: illis uerò, ne
 uitio aëris, & mala temporis intemperie humida, si quid bo-
 ni succi reliquũ est, nec omnino corruptum, ab aliorũ pu-
 tridorũ uicinitate humorũ, & mistione, maiorem acquirat
 corruptionẽ, ac simul cum illis putrescat, sed quoad fieri po-
 test, in pristinũ restituantur statum, & aëris malitiæ obsistere
 possit, ac conseruetur: cui nisi quam celerrimè succurratur,
 periculum est, ne hominẽ interficiat: non ea quidem, ut di-
 xi, ratione, qua isti contendunt Smaragdum esse exhiben-
 dum in putridarũ ac turgentĩũ febrĩum curatione, quas re-
 centiores quidam non recto uocabulo utentes, pestilentia-
 les appellitant, cum hæ lento & paruo calore constent, illæ
 uerò & uehementi & magno, quemadmodũ Galenus in
 ix. de Simpl. medic. & Auenzoar in secundo libro, cumq;
 his Auicennas sentiens, ostendunt. Quod autem quando-
 que febres quædam debiles & paruæ sint, sed ualde malig-
 næ (ne quispiam fortasse hoc admiretur) ab eodem Gale-
 no ostenditur in tertio de Crisi. Quæ quamuis istorum de
 Smaragdo opinioni aliquo modo suffragari uideantur,
 neq; tamen uerum esse, neq; Galeni placitis assentire, ex ijs
 quæ supra uberius annotauimus, satis perspicuũ esse existi-
 mo: quæ, ne plus æquo tibi molestior sim, haudquaquã re-
 petenda esse duxi, Nusquam præterea (ni fallor) Galenum

b

Cap. 4.

in alio ullo febrili genere terram hanc Armenā exhibuisse inuenies, quā in hoc seuisimo pestilentiae genere; quam si ita praesentaneū & optimū remediū ijs esse, qui mala humorum qualitate, aut eorum multitudine, aut utrisq; simul febricitant, certis cognouisset experimentis, & rationibus, aliter utiq; de ea locutus fuisset, neque illius vires, si quae aliae essent, praeter quae ab ipso cōnumerant, nos celasset, cū tantis alijs saluberrimis suis lucubrationib; & dogmatib; posteritatē iuuerit, ac medicā rem magnificis auxerit beneficijs. Ceterū ob dictas antea causas nō à ratione fortasse alienū fuerit, si uera terra Armena aut Lemniā inueniri possit, urgente aliquo pernicioso febrilium genere, quod uerē pestilenti simile sit, aut quod ex malignis, & uenenatis humoribus genitum sit, certa huius medicamenti, aut quae illius naturae sit, portione uti: potest enim quandoq; humor letali ueneno adsimilis in corporibus coaceruari, ut est in tertio de Morbis uulgaribus, cōmento tertio: quod tamen de Smaragdo asserere non auderemus: nisi fortasse propter terreum ipsius & siccum temperamentū, cuiusmodi multa quidem facillē reperiuntur medicamenta; aut propter latentem quandam, quam uocant, proprietatē, de qua tamen nihil ab autoribus medicīne hactenus traditum esse inuenitur. Porro cum ea alimenta dicantur, quae corpori adsimilata, ipsum nutriūt; reliqua uerō omnia medicamenta, quae uel ut assumpta sunt, permanent, & corpus uincūt, & mutant ad eum modum, quo corpus ipsum cibos; atq; haec prorsus tum uenenosa sunt, tum corpus animalis corrumpunt; uel mutationis initiū ab animalis corpore consecuta, deinceps iam putrescunt, & corrumpuntur, deinde corpus quoq; unā corrumpunt ac putrefaciunt, quae quidem & ipsa noxia sunt uenena: est his etiam amplius tertia medicamentorū species, eorū nimirū, quae corpus recalefaciunt quidem, mali tamen nihil adferunt: & eorum, quae & agunt, & patiuntur aliquid, sed spacio temporis uincuntur,

3. de tempera
mentis.

tur, planeque adsimilantur: manifestum relinquitur, Smaragdum non ut alimentum nobis sumendum esse, neque ut aliqua prædictæ diuisionis species, sed potius ut ea quæ à tota agunt substantia, & quodam mirabili naturæ consensu, cum alicui corporis parti suspenduntur, non intus sumuntur, ut cancrorum fluuiatilium cinis, & huiusmodi. Præterea cum Smaragdus à Galeno inter eos lapides non connumeretur, qui cotis siue mortarij attritu in succum soluuntur, sed satis terream, & duram sortitus sit substantiam, eum ualde crassarum partiū esse dicendum est, neque accuratè & exactè leuigari posse, sicuti illi lapides, de quibus Galenus mentionem facit: nisi quispiam fortasse Serapionis testimonio fretus, qui Smaragdi historiam describens, ea ad unguem narrat, quæ Galenus de uirenti laspide, quo utebatur Nechepsos rex, uelit Galenum ibi de Smaragdo mentionem habuisse, ac si idem cum illo esset, uel saltem una illius species: quod quidem non omnino à ratione alienum uidetur, cum multa alia ex illis Galeni descripserit libris. Cui opinioni ut magis assentirem fecit, quod Smaragdum lapidem adeo subtilissimè interdū teri uidi, ut tangenti mihi tenuissimæ farinæ instar uideretur: si tamen uerba illa Galeni, in succū scilicet, uel liquorem solui, hoc modo intelligenda sunt. Quod quidem satis uerisimile uidetur, quia & Sapphirū, qui quidem multò durior est quàm Smaragdus, inter eas lapidum species collocauerit, quæ in liquorem soluuntur: si is tamen qui nūc nobis Sapphirus ostendit pro uero, ille sit, de quo ibi Galenus mentionem facit. Cum uerò idem Galenus in iiii. de comp. med. secundum loca, apertè dicat eos lapides, quorū substantia humida est, ut lapidis Hæmatitis, non terrestris, ut Cadmiæ, in succū resolui super cotem medicinalem si cum liquore quodam terantur, uel per se citra liquorē, intelligendos esse, omnē nobis dubitandi occasione abstulit: quia etsi Smaragdus super cotem teritur, non tamen illius substantia humida est, ut Hæmatitis lapidis

ii. de simpl.
medic.

dis, sed sicca, & in fragmenta quædam, licet minutissima illa sint, cōminuitur. Quare ex ijs quæ à nobis superius dicta sunt, & quæ inferius dicentur, innotuisse arbitror, eum in curatione febrium putridarū dari nō debere. Si uerò quispiam adhuc pertinaciter neget Smaragdum ad exquisitissimum pollinem terendo redigi non posse, sed in notabiles portiones fractum ita in uentriculo residere dicat, donec extra per aluum demissus fuerit: neq; etiam nobis illud obstiterit, sed magis opinionē nostrā confirmabit. Concedimus enim aliquod adeo potens pharmacū reperiri posse, ut nullo indigeat calore ad aluum deijciendā, neq; etiam resoluitur, imo sicuti deuoratū sit, reddatur: quemadmodū de cata potijs quæ ex chamælea cōficiuntur, à Dioscoride traditur, quod tamen diuersum est ab ea, quæ est in Smaragdo, ratione, ut patet: hæc enim, cum inter prima diuisionis à Gal. posite membra reponantur, non liquescunt propter exiguam moram, quam credendū est illa in uentre, atq; intestinis facere, cuius causa est chamæleæ uis insigniter abstergēs, mordax, & urens: quibus abundē prædita, sua morsione linguā lacepsit, & arteriam deradit: & ideo pilulæ ex ea confectæ ac præparatæ, exiguum uel nullum, ut deleteria quædam, caloris nostri auxiliū, siue is sit naturalis, siue præter naturam, ut aluum soluant, desiderant, atq; ita non colliquatæ remanent, quemadmodū de Colocynthide scribit Gal. quæ ita ualidē soluit, ut ipsa quos per aluum deijcit humores auertat. Quædam enim medicamenta purgantia ad humorum attractionem idoneam possident similitudinem: quædam non perfectē eam obtinent, uerum in animantis corpore accipiunt, non secus atq; urentia medicamenta: unde duplex in his est similitudo, una actu, altera potentia, ut est in tertio de simpl. med. cap. xxv. quæ singula quidem à Smaragdi natura unusquisq; maximē differre iudicabit, atq; argumentum id aduersus fundamenta nostra nullius ponderis esse. Neq; dicendum est quod is in nobis id agat, quod & de alijs,

Tertio de tēperamentis

de alijs, & de lepore Indici maris fertur, qui suo tactu pesti- Plin. lib. ix.
cap. xlvij.
lenti uomitum & stomachi dissolutionem creat, Aëtij testi-
monio lib. xij. cap. liij. cum minimè eadem ratio sit, atq; nul-
læ unquam, quibus humorũ uitio fatus, leuari possit febril-
lis affectus, deinceps secutæ sint inanitiones, quod quidem
ab ullo qui de illius natura & uiscripserit, traditum esse le-
gerim, alui scilicet deiectione, sudore, uomitu, mictũue, aut
alio quouis modo: nisi quædam, quæ tamen ab illis non ex-
plicantur, symptomata: quod ijs euenire solet, qui leporis
superius dicti uenenũ sumpserunt, uel etiam cantharides,
ut ait Gal. iuxta libri noni de simpl. med. initium: humores
enim, qui omnino corrupti sunt, nequaquã in priorem suum
statum restitui possunt, secundũ Galeni & Aristot. senten- Primo de ra-
tione uict. 2.
cut.
tiam: natura enim suis uiribus utens semper quicquid opti-
mum fieri contigerit, his quæ aluntur partibus adsimilare,
quicquid uerò alienum, conatur expellere, ut est in secũdo
de differentijs februm libro. Quibus sic à nobis confirma-
tis ac cõstitutis, imprudentis sanè consilij fuerit, Smaragdũ
magno quidem precio emptum, & comminũere, & terere:
quemadmodum etiam uelle uidetur Manardus in ultima,
quam in Mesuen edidit censura, cum suæ substantiæ uiridi-
tate peruia, & grata pulchritudine custoditus, collo pro
amuleto suspensus, cordiue, aut alteri corporis parti alliga-
tus, aut quemadmodum à mercatoribus uenundatur, uora-
tus, ita nec minus facillè mederi possit, & per aluum secerni,
ut de laspide uentriculi ori adhærente superius monstratũ
est: cumq; alia multò facilius, & minori cum iactura, quæ
quidẽ eiusdem sint cum illo facultatis, parari possint, quem-
admodũ de hyacintho ab Auicenna proditur in ore deten-
to: atq; fortasse ex tritione illa aliquid suarũ uirium tolli ue-
risimilius sit, ut ait Auerroës in v. collectaneorũ, cap. xxxi.
ubi errorem medicorũ illorum redarguit, qui hordeũ fran-
gebant ad faciendum illius decoctũ: simile dicens illis esse,
qui Smaragdum cõminuebant, tanquã medicamento uim

destruētēs. At cum eiusdem libri cap. ix. scriptum sit, super
cotem eum teri debere usq; ad pondus granorū ix. hordei,
dubium non est quin prioribus hæc illius dictis aduersent:
quod aliās à nobis diligentius considerandum erit. His ad
di etiam potest, quòd, si suspendatur collo Smaragdus, aut
alius, qui illius sit facultatis lapis, diutius intra corpus pene-
trans illius uis morari & permanere apta erit, quàm si se-
mel, aut bis, uel ter hauriatur, & per aluum exeat. Nō enim
uideo quonam modo, ea quæ ab Auicenna de hyacintho
memorantur in libello, qui de uiribus cordis inscribitur, de-
fendi possint, neq; quo ductu ad cor deferri possit farina il-
la ab ægrotis sumpta, etiam si, quantū fieri potest, contera-
tur: cum certum sit, hunc de illis non esse lapidibus, quos Gale-
nus dixit in succum solui: horum enim lapidum, qui admo-
dum duri sunt, substantiam per corpus digeri non posse, si
quis Galeni dicta consideret, notum esse existimo: nam præ
illorum grauitate & duritie in corpus distribui nō posse ui-
dentur ea quæ crassis sunt partibus, ut est in quarto eiusdē

Cap. 18. de simplici medicina: licet de alijs quæ partibus non ita so-
lidis constant, & terrestribus, sed magis leuia sunt, & mol-
lia, illud uerum esse sciuerimus, & de lapidibus qui attritu
in liquorem soluuntur, modò ea & minutissimè terantur,
& secernantur, quemadmodum Galeni uerbis constat in
iiij. de tuenda ualitudine, cum Diacalamínthen cōpositio-
nem describit. Vires itaq; huiusmodi medicamentorū, quæ
dura ualde & crassa existunt, & tota substantia uel sui natu-
ra agunt, quæq; maxima cum difficultate teruntur, neque
usq; ad exactū pollinem teri possunt, ad profundas corpo-
ris nostris sedes penetrare rationabilius fuerit, quàm earū
substantiam, quemadmodū & de pharmacis soluentib. pa-
tet: nostra enim caliditas præterq; quod crassæ sit essentia,
halituosa, infirmaq; est, ut nō facile mutet piperis granum,
nisi exquisitissimè cōminutū fuerit, nedum Smaragdi uel
minimas partes, cum solidæ illæ sint, & duræ, ut in primo
de simpl,

z. de rat. uict.
acut.

de simpl. med. uidere est, cap. xi. Ego quidem (ut uerum fatear) intenta quantum uis ingenij mei acie, nullam unquam uiam inuestigare potui, præter eam, quæ cibos à uentriculo ducit ad intestina quædã tenuiora, deinde ad eas quæ sunt in mesenterio uenas, postea ad hepar, & cõcauam uenam, tandemq; ad cor, & pulmonẽ, & cætera organa, ut in secundo ad Glauconem Galenus manifestẽ indicat, & in quinto de locis passis: duo enim deducunt uicinũ omne, primũ arteriarum, dum dilatantur, attractio, quæ à calore perficitur: secundum, tenuitas rei: quod de hac hyacinthi farina ut existimem, mihi quidem persuaderi non potest, quemadmodum suprã à nobis satis probatum est. Neq; quispiam unq; etiam, quod sciam, aut sanẽ ipse animaduertit, aut ab alijs, qui illud affirmauerint, intellexit, à uentriculo ad cor attritum eius, siue alterius eiusdem generis lapidis pollinẽ peruenisse, ut illud lætius multò, ac esse consueuerat, redderet, ac reficeret; sed à uentre potius ad *πυλωρὸν*, & intestina. Neque etiam adhuc memini me apud Galenũ legisse quæ cor instaurent, nisi ea quæ bonum sanguinem generant, & spiritus, qui deinde tristitiam omnem tollant, ac dispersas & penẽ deficientes uires congregent, ac recreent: per similia enim fit uiriũ custodiã. Citius autem uires instaurant (sunt enim ista spiritibus magis similia) ea quæ bonũ spirant odorem, quàm potus & humida, quæ suapte natura ad alendũ corpus apta sunt, ut uinũ: multoq; magis, quàm pulueres isti. Quibus autem uinũ profit, aut obsit, qui animi defectio nem patiuntur, à Galeno monstratũ est in primo ad Glauconem, capite de curatione febrium continuarũ cum accidentibus, & in tertio de simpl. medic. cap. xix. & xij. curandi methodi, neq; id nũc nostra interest explicare. Hæc itaq; Auicennæ ratio ad se defendendum, aliosq; redarguendũ, parum quidem efficax & euident mihi uisa est, & propterea tanti principis, ac illius satellitum uenia, ob dictas à nobis causas, nec probanda, nec recipienda. Iuxta enim Aui-

11. & 12. cur.
meth.

cennæ sententiam, si hyacinthus in ore teneatur, ualere dicitur ad animi uires refocillandas. Nam quædam sunt medicamenta, quæ extrinsecus corpori admota uires suas ostendunt, secus quidem quàm cibi: calorem enim nostrum non mutabit lactuca, si brachio, aut plantæ apponatur, sed si, ut ait Galenus in tertio de temperamentis, intus sumat. Quofit, ut aliquando mecum ipse dubitem de illa uulgata admodum consuetudine in dando fragmentorum omnium (ita enim uocant) margaritarum, aurique & argenti farinam, an cordi affecto tam mirifice opem ferat, & hilaritatem præstet, spiritusque (ut aiunt) splendidiores reddat, ipsosque per uarias corporis nostri sedes uagantes colligat: adeo enim omnibus obstetricibus, & pigmentarijs celebrari solet, ut ea ad omnes morbos uti non erubescant: ad puerulos etiam nuperrime in lucem editos. Quare multo melius esse existimo has preciosissimas gemmas pluribus de causis à nobis antea dictis, coloris mira suauitate, & pulchritudine præditas conseruare, quàm huiusmodi medicis obtemperantes, illas terere, et naturæ iniuriam facere, & febricitantibus nocere: hi enim nisi aliquid nouum, atque inusitatum semper attulerint, nihil se fecisse existimant: quod tamen Galeni doctrinæ aduersatur in libro de Antidotis, ubi medicamentis utendum esse scribit, quæ uno consensu à medicinalis materiæ peritis commendata sunt, & ab origine sui ipsius longo tempore experta. Atque id illi in ambiendis ægrotantium curationibus, & quasi clientibus sibi conciliandis artificij genus sequuntur: quod sane ab omni liberali arte, & animi candore alienum esse debet, neque uno Hippocrate sacre medicinæ patrono optimo, deque illa optime merito, aut Galeno ueritatis perquam studiosissimo & amantissimo, dignum existimatum. Quare medicorum istorum uulgarium præsertim inscitia & erroribus multo plures perire, quàm seruari existimo, qui si quando ab aliquo perito aliqua de re conuicti redarguuntur, ad asylum illud protinus cæcarum proprietatum

tatum, & suam illam uanam duntaxat experientiam, cōmu-
 ne quidem eorum atq; agyrtarū perfugium, se recipiūt, &
 pro inquirēda, ac tuenda ueritate pugnam cum doctis ne-
 gligunt, ac detrectant. Si uerò aurum atq; argentū, & eorū
 qualitates manifestē omnes rectē à medico considerentur,
 neq; illæ etiam cordi lætitiā adferre posse uidentur, etsi in
 liquorem quidam id solui dicunt, quod postea ita colliqua-
 tum, aurum potabile appellare solent; sed potius tristitiā
 & læsionem. Quod si à tota substantiā his, & margaritis, &
 alijs huiusmodi gemmis hanc inesse facultatē dixerint, nō
 multum id nobis curæ fuerit, si modò, ut diximus, exteriori
 corporis parti admoveantur: quāuis multò magis ijs cō-
 fidendum esse putem, quæ qualitate manifesta possunt me-
 dicamentis, quā quæ occulta. Adde etiā quod pro Sma-
 ragdis & Sapphiris (ut alios prætereā lapillos, qui sunt cer-
 tioris notitiæ, & qui, hyacintho excepto, facilius parantur)
 uitrum, aut torrentis cuiuspiam impetu detritos silices, illis
 quidem persimiles, quod quidem nos sepe numero euenisse
 uidimus, & alia quæ grauissimos interdum inferūt mor-
 bos & symptomata, nonnullis improbiissimi pharmacopo-
 læ publicè uendere nō dubitant, sua in primis nimirum in-
 scitiā & malitiā: quare etiam fit, ut tam paruo uendat Sma-
 ragdus, maximo uitæ hominū interim detrimento, cum ta-
 men gemmarum sit preciosissimus. De his porro lapillis
 quid Manardus senserit, non (opinor) telatet. Sed uirum in
 medica censura grauissimū quidem apertius hanc rem ex-
 plīcuisse uelim: quid enim plus ille margaritis, & corallijs
 recreandi cordis gratiā, quā granatis tribuendū censue-
 rit, quas ex carbuncolorū genere esse existimo, quasq; his
 facilius multò, ac minori impensa nobis parare possumus,
 non alium profectò, quā Manardum ipsum (ni fata maxi-
 mo omniū mœrore, & rei medicæ iactura nobis illum sur-
 ripuissent) iudicem maluissem. Sapphiros aliqui (ut illud
 quoq; annotauerim) nimia in nominū usurpatione utentes

Io. Manar-
 dus.

c

licentia, inter Iaspidium genera connumerarunt, auctoritate
 Plinij (ut puto) & testimonio freti, cum tamen Sapphiri,
 quos nostri temporis gemmarij passim uenales ostendunt,
 cum Iaspide minimam certè, si propius inter se illi cõparen-
 tur, & eorum genera & differentia considerentur, similitu-
 dinem habeant. Verum de his quidem sanius sensissent, si
 Smaragdum potius, quàm Sapphirum, Iaspidis speciem
 esse scripsissent, ueluti Dioscorides innuere uisus fuit, apud
 quem multa sunt Iaspidium genera, quorũ nonnulla absq̃
 dubio Smaragdo aliquo modo adsimilari uidentur. Quia
 uerò scribit Plinius, Sapphiros albos, hoc est, ut ipse conij-
 cere possum, dilutiori colore cyaneo insignitos, & aureis
 punctis notatos reperiri posse; idcirco tum illum, tum anti-
 quorum ceteros, tum recentiorum, nõ solum de gemmis,
 sed etiam de herbarũ, frugum, & stirpium notitia exactius
 locutos fuisse maxime uelim, nosq̃ in illis dignoscendis mul-
 to plus uersatos: quãdò ut omnium harum rerum medico
 in primis necessariarum absolutissima cognitio, diligensq̃
 examen haberetur, illis maxime curandum erat, cum horũ
 numerosissimũ sit genus, & uirium ratione præcellentissi-
 mum, si ad reliqua medicamenta comparaueris, quæ sunt
 tum animalis partes, tum metallica omnia, ut est in sexto
 Galeni de simpl. medic. libro iuxta initium. Nihil enim tur-
 pius esse existimo, ut cum Plinio sentiam, quàm nos aliena
 fiducia uiuere, cum tamen cupido uitæ nunquã maior fue-
 rit, nec minor cura; licet nunc à nonnullis nostræ tempesta-
 tis uiris accuratius negocium hoc agitari cœpisse senserim,
 atq̃ intellexerim: ut tandem absq̃ dubio sperandum sit, me-
 dicinam scientiarũ præclarissimam, summoq̃ honore di-
 gnam, graui illo ueterno sepultam, & situ oppressam exci-
 ri, pristinoq̃ splendore recuperato iterũ reuiuiscere, & ma-
 gno precio haberi; calumniam enim usque adeo grauẽ pas-
 sa est, ut nullo pacto medicina esse uideretur. Equidem nisi
 medicorũ quorundam mentem Deus illustrasset, qui reli-
 quis

quis postmodum errores suos aperuissent, omnē illicō me-
dicā rem pessum ire uidissemus: tamen si omnīū difficillimū
sit studentium animos aliqua labe infectos, penitus illa libe-
rare, nouisq; alijs optimis moribus & disciplinis imbuerē:
imperitis enim & pertinacibus fieri nō potest ut medelam
inueniamus, quōd quæ ignorant, damnent. Quamobrem <sup>i. de Crisi,
cap. 4.</sup>
innumerabiles habendæ sunt ijs gratiæ, qui lucubrationib;
suis & laboribus, pro adiuuanda posteritate plurimū insu-
darunt, ætatemq; nostrā pro uiribus illustrare non cessant.
Multa quidem à maioribus nostris diligentissimē tradita
sunt, quorū tamen omnīū memoria nunc penē abolita est,
uel si qua adhuc remansit, imperfecta quidem illa, aut cor-
rupta legi. Retulit mihi Ioannes Mariā frater meus, se Pra-
gæ, quæ est Boëmorum metropolis, quō cum uario gem-
marum genere profectus est, cum à Ferdinando Romano-
rum rege humanissimo accersitus esset, in cuiusdam facelli
fronte Smaragdum multos ante annos affixū, & inclusum,
qui dodrantalem mensuram superaret, non sine ingenti ad-
miratione uidisse, quāuis nulla artis excellentia expolitus
esset. Quæ res effecit, quod antea quandoq; suspicatus sum,
ut id nunc minimē amplius suspicer: Plinium scilicet uana
quædam ac portentosa de Smaragdis, alijsq; nonnullis re-
bus nobis tradidisse, & quæ fidem certam faciunt, de ijs po-
tius cōmentum fuisse. Quo fit ut arguendam magis igna-
uiam nostram putem, & in multis negligentiam, præsertim
in peragrandis diuersis orbis regionibus, quā ipsū Pli-
nium, quō ita magis quā antea docti ueritate comperta
euadamus, quod Galenū in multis locis fecisse constat. Vi-
di & ego proximis diebus uenæ cuiusdam, ut mihi uideba-
tur, plumbeæ frustulum, quod mihi ostendit quidam ex ci-
uibus nostris, nonnullis Smaragdis paruis, & carbunculis,
unā cum certa auri, & aliorū metallorū mistura cōcretum,
ac natium: affirmauitq; insuper ille, se ad paucos dies præ-
dictæ uenæ & materiæ fragmentum mihi ostendere uelle,

quod Adamantem gemmam secum permistam habebit, Memorabile & illud de Sapphiris uidetur, quod aliqui digni quibus fides habeat, omni mihi asseueratione affirmarunt, illis scilicet mirabilem proprietatem quandam inesse ad uarios, & inueteratos oculorū tollēdos affectus, si super illorū acie, & membrauis, ita ut ipsas tangant, saepius imponentur, præcipuē cū nulla arte expoliti sint: qua de re nihil quidē quod uerē attestari possim ipse adhuc compertū habeo: sed cum nulla ex huiusmodi usu oculis læsio accidat, nemini dubiū fuerit, tale etiā remediū genus tentare, non à ratione omnino alienum esse, cum multa ab autoribus in curatione oculorū scribantur remedia, paucaq; ipsis efficacia esse inueniantur, cum morbus præsertim consenuerit: ita miranda sunt naturę omniū parentis opera, atq; arcana, quæ quidem non nisi longa temporis intercapedine, & studio maximo innotescere possunt. At uerò (ut ad Smaragdū redeam) neq; illud unum silentio dissimulauerim, neq; superpinum quorundam nostri temporis medicorū errorem, & capitalem inscitiam in hoc dando medicamento conticuerim, quam ne Mercurius quidem cum omnibus Musis (ut in proverbio est) sanaret. Non enim medici isti multū magnificare, nec curare uidentur, an id, & quæcunq; alia medicamenta conterant mortario & pistillo ex ære, an ex alia quauis materia simili conflato: cum tamen non mediocris noxa ex eo oriri suspicandū sit, si his qui febre, aut alijs morbis laborant, in os dederint, si naturam æris & uim, atque æruginis, quæ his plurimū timenda est, diligenter considerare uoluerimus. An uerò qualitatem ullam Smaragdus ex huiusmodi pilæ, atq; pistilli substantia cōtrahere possit, ex eo nobis planū fieri posse puto. Si enim syncerē, ac diligentissimē per se attritus fuerit, tunc albicantem, nulloq; sapore externo præditam esse illius farinā perspicuē sentiemus: sin autem in eo terendo, æreis, orichalceis, alijs ue istiusmodi uisi fuerimus instrumentis, cineracei potius esse coloris, ac nigri.

ac nigricantis uidebitur, quàm candidi, ut uerè est illius farina color: ingratumq; & horridum, & abominabilem saporem, & odorè reddere, nostræq; naturæ potius inimicū, q̃ uī ulla medica agrotantibus salutarē, & amicū: quod ab Auerroë confirmatur Collect. lib. quinto, cap. de Smaragdo. Quare longè melius fuerit illum pila aliqua, uel tabula lapidea, quæ tamen durissima sit & solida, terere, postquam tamen prius aliquo modo pistillo & mortario ad minimas partes redactus fuerit. Si uerò fortasse uī quadā malefica cum humorum putredine, tanquam ueneno quopīa in corpore nostro inuento, atq; cum eo naturale bellum gerente, Smaragdum colluctari adhuc contendere perseuerent hi, qui nostris aduersas tueri conantur partes, amboq; exitialia cum sint, superstite homine cōmorī, quemadmodum de Aconito tradit Plinius: his quidem satis superq; factum esse putem, si ea quæ perpetua oratione hactenus disputata sunt, ab ipsis accuratè lecta fuerint, ac discussa, Smaragdum nanq; alexipharacū ualidissimū esse, siue alexiterium, non autem ut deleterium quoddam sumi, ab omnib. proditum est, qui de illius natura unq; scripsere: sed quòd totius substantiæ similitudine, aut caliditate subtili corruptos educat humores, nullibi, si rectè memoria teneo, inuenies: neq; etiam quod una simplici, aut coniugata qualitate prosit, quemadmodū ostendit Galenus cum de alexipharacis mentionem facit. Atq; cum Smaragdi usus his medicis tantopere placeat, cur nullā de hora, qua tradendus est, illius mentionem faciunt: sed potius confusi & perplexi uidentur, quam uis non una & eadem ratio sit in omnibus cibis, & medicamentis sumendis: illorū enim quidam in ipso coenæ uel prandij initio unā cum reliquis cibis permixtum dant, alij præter rationem quidem & ipsi, in medio, alij uerò postrema mensa, mensura etiam illius, quam antiqui statuerūt, neglecta: neglectis nec minus ijs quæ ab Auenzoare primo Theisir, & secundo, in cap. de dysenteria scribuntur.

Lib. 27.
cap. 2.

Lib. 5. de sim.
med. cap. 17.

tur, cum dicit, illi qui Smaragdum sumit, opus esse ut septē horarum spacio, uel circiter, postquam eum sumpsit, cibo, potūue abstineat. Vt autem nihil ad artificium plus habent qui tibijs, citharis uē abundant, nescientes uti, ita & antido ti huius, & quicquid præterea est medicinarū nihil prodest possessione sua si usu deficiatur, ut ait Gal. in lib. de Theriaca ad Pamphilianū. Verum id quoq; imprudenter agunt, quoniam nullam, uel sanè minimā, cum illum exhibent, diligentiam adhibent, quasi ipsis nullius ille esset excellentiæ & efficaciae. Si enim ex iure aliquo, aut liquore alio sumas, notabilis illius portio adhærens remanet tum oris, tum faucium, ut ita dicam, parietibus: quare speratam ualeitudinē subsequi sperandū nō est. Potius itaq; tenuissima quadam orbiculata formula adorea, ut ea est quam nostro idiomate nicolam appellant, aut simili re circumuolutus sumendus erit. Et quoniā de illius mensura, ac modo, dosi uē (ut aiūt) paulō antea nonnihil memorauimus, ne quid, quantum in me fuerit, prætereatur, hæc quoq; pauca superioribus annectere operæ precium fore existimaui. Quid enim incon sultius est, quam Smaragdum unius grani pondere ægro tis dare, nec ulla ratione ad eum dandum moueri, & ex eo illos cōualescere posse proculdubio existimare: Repugnat enim illis tum Serapionis, tum Auerroæ, tum aliorū etiam Arabum doctrina, qui nouem grana ad summū, uel sex ad minimum, ut Auenzoar ait, urgente necessitate danda esse præcipiunt: quod semel tamen aut bis mihi uidere cōtigīt à quodam medico factitatum, qui quoniam & ætatis, & rei amplæ, & populi ad ipsum undecunq; confluentis fauore cæteris præstare uidebatur medicis, omnia quantūuis etiā enormia tentare, & audere sibi licitum esse existimabat, crimen suū cōmunis criminis societate excusans: qui si ab hac mensura paulū declinasset, tolerabilius quidem esse duxisset, quando (ut scis) nonnunq; nobis expediat pro arbitrio nostro, traditis à maioribus cum simpliciū, tum composito rum

rum medicamentorū mensuris & ponderibus aliquid ad-
ijcere, aut demere, pro diuersa egrōtantiū natura, etate, tem-
pore, & reliquis quæ à medicis considerari solent cum illos
curant cōsideratis. Quinto enim de simpl. med. cap. xviij. sic
ait Galenus: Ea omnia, quæ deleterijs aduersant, si largius
sumpta fuerint, grauius animantis corpus lædunt: si uerò
parcius, à deleterijs exiguitate sua uincuntur, &c. Superius
autem ostensum est Smaragdum ut alexiterium dari, non
ut deleterium: quæ uerò deleteria tota substantia nobis cō-
traria sunt, si uel minima illorum quantitas assumpta fue-
rit, omnino lædat necesse est, ut exempli gratia dryopteris,
& hydrargyros, & huiusmodi: secus autem est de ijs quæ
qualitatibus manifestis nobis aduersantur, ut cicuta, man-
dragora, & id genus alia, ut est in capite xviij. libri supe-
rius citati. Viderint igitur ipsi quibusnā rationibus, quod
agunt, tueri possint: mihi quidem male agere uidentur,
nullaq; de eo diligenti perscrutatione prius facta, omniq;
ratione, & Galeni, & autorum suorum reuerentia negle-
cta, ad dandum medicamentum hoc accedere, perinde ac
si esurienti cuiuspiam ossam aliquam dare excogitassent.
Quare tutius ego esse duco, uel Smaragdum non exhibe-
re, uel si exhibetur, eo pondere dari, quod ab Arabum scri-
ptoribus statutum est, uel paulum ab eo citra supraq; de-
clinare. Quapropter hi, qui Arabum doctrinæ nimium
studiosi sunt, in posterum considerent uelim Smaragdum
(ut diximus) tanquam præsentaneum alexipharmacum
haberi, & dari, deq; eo magnam habendam esse & diligen-
tiam, & custodiam: simulq; illi, qui falsò quidem, ut ait
Galenus, nihil ægrotis prodesse nisi preciosum fuerit & ^{3. NAT. 7. 1. 1.}
peregrinum, admirari desinant, quòd quandoque Sma-
ragdi usum uituperauerim, tum ijs, quas supra diximus,
caulis, tum etiam quòd medico summopere cauendum
sit, ne ægroti, si fieri potest, ad nimias compellantur in e-
mendis medicamentis impensas: quandò frater meus à

Francisco Maria Vrbini principe illustrissimo, & militiæ nostri temporis, si quis alius, imperatore maximo, rogatus ut illi Smaragdum granorum hordei aut tritici octo pondere ex orientis quidem regione purissimū ad leuandam eius aduersam ualeitudinem afferret, illum CXIII. aureis numis ei uenundederit: constat enim multo precio perfectissimus Smaragdus. Cæterum cristalla (postquam in huiusmodi mentionem incidimus) & pellucidiora uitra institores nequissimi tam callidè adulterant, adsimilantq; ueris, ut etiā exercitatissimos in eis fallant. Quare medicamentorum simplicium species ac discrimina nō semel, aut bis, tēue, sed admodum frequenter spectasse conuenit: multo enim melius est suis met oculis inspicere, quō medicamentorum uim & malitiā exacte cognoscas, quā docente libro illud assequi uelle. Maxime enim medico studendū est ut natiuis, & synceris ad pellendos morbos utatur medicamentis, ut ait Galenus in lib. de antidotis: quamuis ut eodem loco affirmatur, qui exiguum quiddam componit non adeo summe bonis medicamentis indiget: si uerō theriacam, aut mithridation, aut aliud quoddam multæ misturæ, & cinna momum recipiens conficiat, omnium præstantissimis opus medicamentis habet. Quapropter nō mediocriter pharmacopolas illos arguendos esse puto, qui, cum medicus aliquam rhabarbari particulam in aliquo decocto aut liquore macerari iubet, aut illius farinam præparari, & alijs compositionibus admisceri, uel per se sumi, detracta ex eaamenta quadam ad nonnulla alia postea cōficienda usui reseruant: quod similiter & in agarico, & in plerisque alijs apparendis medicamentis faciūt: ueluti etiā, minori quamuis in cōmodo, cum floris casia, quem uocant, partem, quæ illis fortē superfuerit, compositioni, quæ casia mellis, uel clysteriorum casia nuncupatur, iniiciunt, nescientes casiam fistularem, cum à cannis extracta fuerit exiguo tempore corrumpi, propter nimium ipsius humorem. Et propterea alias à quodam

Lib. 1.

Gal. 1. de cōp.
medic. secundum
locos.

à quodam pharmacopola rogatus, qui maximus suæ artis ab omnibus existimabatur, ut sibi aliqua lapidis prasme, sic uulgò à uirenti colore appellatæ, fragmēta elargiri uellem, quem ille Smaragdi matrem nominabat, ad puluerē illum quem cordialem uocant, & tantopere decantant, conficiendum (intellexerat enim Ioannem Baptistam fratrem nostrū singularis quidem ingenij iuuenē, Venetijs perquam magnam lapidis illius copiam uili sanè precio nō pridem mercatum fuisse) ualdē eum reprehendī, & illi errorē suum aperui. Neq; tamen sibi ullo modo cauent, uel non animaduertunt hi, quibus præfertim tale delegari officium solet, quales medicamentorū cōcinnatores habere debeant, cum tot ueneni potius, quàm medicaminis datores, tot hostes, non amicos, tot mortis, nō salutis ministros, interdū sustineant ac foueant; aut si hoc illi compertum habent, mihi quidem hanc omnem rationem penitus negligere uidentur: quod certē maximū est eorum, ac suorum periculum, & damnū euidens, medicorumq; omniū nō leuis infamia. Essent profectò illi ut perditissimī homines, ut mercedis exactores impij, & carnifices, à se omnes quidem longè pellendi, atq; empirici, præstigiatores, quiq; purpura & serico tantū, ac uerborum lenocinijs, atq; artibus, potius quàm uirtute famam aucupantur: non autem intra urbium muros medendi causa, ut quotidie fieri uideo, ex uarijs orbis regionib. cōfluentes accipiendi atq; amplexandi, quibus deinde se, nullo illorum ab optimis & eruditīs discrimine habito, sepe numero cōmittunt: quod, ut latius constare possit, hic mihi libuit infra subnectere recutitū illius Iudæi exemplum, pessimi quidem & indocti, qui iam tribus exactis lustris bona fortuna uti nesciens, ut à primoribus ciuitatis nostræ tantam, quantam sibi sufficere uidebatur, corrasit pecuniā, quibusdam ex illis præpostera ab eo curatione necatis, alijs multò quàm antea pelus se habentibus, relicta tandē uxore expilata, ipse in alienas terras migrauit, Quæ tamen boni consulas, rogo:

d

non enim hæc à nobis scripta sunt, ut quicquam de ullius fama detractum uelim, mihiq; hac de causa maius accedat lucrum, aut honor, uerùm ut ueritas magis innotescat, uitiaq; simul reprimantur, utq; mulierculis nonnullis, quas Deus perdat, & tabernarijs omnino, si id fieri potest, inhibeat, ne arbitrio suo cuiuspiam ægro medicamenta dare audeant, sed ut quæ ad alios spectant artifices, ab his pertractandis abstineant, neq; ijs se implicent negocijs, quæ potius obeffe possint, quàm prodesse. Generatim igitur medicamento illo (ne ab inceptis desistere uidear) non particulatim ab illustrissimo principe, nullis alijs simplicibus aut compositis medicamentis secum permixtis deuorato, postridie q; illud sumpsit, non amplius ita grauissimè affici uisus est eo morbo, qui à nonnullis pulicaris, ab alijs morbilli, & petechiæ, ab alijs uerò pustulæ, siue *δυσεντερία* appellantur, id quod ab alijs medicis de alijs quoq; ægrotis relatum accepimus: quod an medicamentorū in curatione præcedentiū, an alicuius alterius rei occasione, ut interdum fieri consueuit, an Smaragdī auxilio factū fuerit, equidem dubius sum. Nam si tam admirabilem sanandī uim huic tam suspiciendo antidoto natura impertita est, ut illi existimāt, cur alia medicos iuuat remedia contra febricitantes experiri prius, & tentare, quandò hoc solo auxilij genere illos conualescere posse autument? Cur inquam ægrotos malūt tot pharmacis, decoctis, atq; imperiosa inedia, tot balanīs, & clysmatis, hiru-
dinumq; admotione, & omni cucurbitularū genere, cubitiq; & manus uenarū sectionibus uarijs, modò in sinistra, modò in dextra factis, alijsq; præterea acerrimis in morbos oppugnationibus, & intemperantijs dilaniare, atq; tantopere optatam salutē in longum tempus prorogare, cum præcipue uehementissimi, & turgent, maligniq; urgent morbi? Non enim timendum est, ne, si morbi initio detur nō expectata humorū concoctione, maior contingat noxa, cum, ut antea notum fecimus, si detur Smaragdus, nullos illum educere

educere humores cōpertum sit, At uerò nō possum nō admirari, Galenum in inuestigandis medicamentorū facultatibus citra cōtrouersiam curiosissimū, industriūq̃, diuersas orbis, ac longinquas crebrò peragrassere regiones, culmina montium inuia, & solitudines abditas, omnisq̃ terræ fibras scrutatum fuisse, pro rerum certitudine, & notitia inuenienda, nullamq̃ ob aliam causam mille subiisse discrimina, neq̃ Smaragdi substantiam & uim, cum passim ille haberetur, ipsi innotuisse, aut de ea quicq̃ differuisse, uel si plenam illius tenuit cognitionem, non uberius in posteritatis cōmodum tradidisse, etiam si magna mercede, & labore illam didicerit, quemadmodum de alijs probè facere cōsueuit medicamentis, ut ait in ix. de simpl. med. cap. de Diphryge: nisi, quod fieri posse non negamus, ipse non exactè uim & naturam illius nouerit, aut illum, ut multa alia, ignoraauerit. Plurima quidem Galeno ignota extiterunt, ut sandali, ut casia fistularis, moschus, sēna, caphura, saccharū, & alia eiusdem generis, quæ omnia Arabum esse inuenta procul dubio confitemur: quibus profectò habendæ sunt gratiæ sempiternæ, beneficij accepti ratione: qui tamen si à ueritate & Galeni methodis, quæ quidem absolutissimæ sunt, in multis non aberrassent, rectius sanè fecissent, neq̃ pluribus medicis aberrandi ansam pariter præbuisissent: inhumani enim ualde, & ingratisimū uiri est, honoris titulum ac dignitatis, utilibus quæsitum lucubrationibus, cuiquam non tribuere. Sacchari tamen perfecta notitia, ususq̃ generalis an Galeno satis constiterit, an aliquo modo illius naturam tantum quasi degustauerit, uberius forsitan aliquando demonstrabimus, quidq̃ aduersus eum Ruellius annotauerit executiemus, Sed ne te diutius, & prolixiori quàm sperabā sermone, eoq̃ ineleganti satis morer, atq̃ à potioribus studijs auocem, quod nostri reliquum est institui, quam celerissime peragemus, Illud igitur quoq̃ consideratione dignū uidetur, Aëtium, cæterosq̃ quos norim ex recentiorib. græcis

6. de simpl.
med. cap. de
Damafonio.

ætate quidem Galeno longè posteriores, nihil aut pauca de Smaragdi ratione scribentes, nobis tradidisse, neq; de hac mirabili proprietate, qua isti aduersus febres pollere prædicant, quicq; memorasse. Auerroës quidem in quinto Collect. & Auenzoar in cap. de dysenteria contra inueteratum fluxum, necnon aduersus uenena præsertim serpentum, illum exhibendum esse affirmant, uel etiam appensum iuuare: in quam sententiam conuenerunt pleriq; ex Arabum secta: tametsi Serapio inter ceteros illorum scriptores, si quis alius, approbatissimus, & spectata eruditionis uir, eum aduersus uenena ualere dicat, si prius, quàm illa uirus suum inflixerint, atque imprefferint, assumptus fuerit: non autem contra febres, ut isti contendunt, neq; postquam morbus inualuerit. Quibus uerbis suo quidem modo consideratis, sic postea colligunt recentiores quidam: Putridorum humorum malitia, quæ in corpore nostro quandoq; inuenitur, ueneni naturam præstat, iuxta Galeni sententiam in xcix. cap. artis medicæ, & in quinto de locis affectis cap. primo, & in vi. eiusdem cap. v. ergo Smaragdum aduersus putridas febres, & malignas præsidio esse apertè cõstabit, quibus ex superius per nos, & Serapionem ipsum fusius explicatis, ne sæpius eadem repetere uidear, & chartas implere, abundè satisfactum esse arbitror: nullum enim hæcenus uel Arabum, uel Græcorum autorem uidi, aut ab ipsis aliquis citatus fuit, qui eum in aliquo februm genere præbendum esse dicat: imò Auerroës de illius uiribus in fluxu uentris, & uenenatis, ex aliorum sententia ea cõmemorat: quare nō possum non summopere admirari istorum temeritatem & arrogantiam, qui eum ita audacter nullo autore in febris dant. Ego nihil sanè, quod cõpertum habeam, adhuc asserere possum de hac Smaragdi tam celebratissima facultate, quæ a recentioribus illi inesse traditur aduersus huiusmodi putridas & malignas febres; de ceteris autem illius uiribus, quas dicunt, eiq; attribuunt, præsentis nostri nō est instituti

3. Epid. cõm.
3. & libro de
boni & mali
succu cibis.

stituti differere. Illud præterea dixerim, sympathiam illam & antipathiam (ut Plinij uerbis utar) tum rerum, tum qualitatatum, pro nō leui emolumento nobis præcipuè in remedia habendam esse: cuius etiam meminit Galenus in tertio de simp. med. non his quidem, sed amicitia, & pugnantia nominibus utens: nō enim omni ueneno quodlibet antidotum aduersatur, nisi quædam cōmuniter auxiliantia, ut rubrica Lemnia, & nonnulla alia: quæ tamen ita adulteratur, ut nemo uerū à fucata, falsaq; possit dignoscere. Imò contra toxicum, cantharides, & huiusmodi alia certa remedia peculiarem habere uim scribuntur, quibus si aduersus alia utaris uenena, eis nihil profueris: quemadmodū Galenus libro de antidotis, Paulus Aegineta in v. & Dioscorides circa libri sexti initium manifestè ostendunt. Idcirco, & quæcunq; alia facultates, quæ Smaragdo cōtra uenena attribui uidentur, diligentiori cum præmeditatione nobis inuestigandæ erunt: quod enim curandum suscepimus nō solum diuinis mentibus comparandum est, uerum etiam illis præstantius, & Deo ipso quoquo modo asimilandum: in cuius beneficium singula orbis ornamenta, & animantium genera creata sunt: finis enim omniū homo est, ut ait Aristoteles in secundo physicae auscultationis. Quantā autem is cautionē adhibere debeat (ut illud quoq; obiter annotauerim) qui ultra, q̄ par sit, certis relictis, incertis ac nuper inuentis medicamentis utitur, ac curiosæ experientia confidit, hisq; quæ ad nos ex peregrinis præcipuè adferuntur regionibus, ut ait Plinius infra citati libri cap. xxiiij. neminē puto latere debere: ne nunc de illis dicam, quæ à medicis publico omniū ferè consensu, & magno usu habita, & in nostro orbe inuenta celebrantur, & præbentur, nec tamen à multis dignoscuntur: quoniam illi ea plurimū prodesse, & uim salutarem habere existiment. Et propterea consulebat Galenus in lib. de antidotis, peritum esse medicū, si fieri potest, omniū stirpiū: sin minus, at plurimarū, & quarum usus

Cap. 5.

Gal. 1. lib. de antidotis.

Cap. 29.

multus est. Videmus enim quàm uaria sit rerum uicissitudo, quàm inconstans aeris status: estq; diligenter obseruandum, nubilus ne, an serenus sit aer, quâue item ætate medicamenta colligenda sint, atq; in usum reponenda, ut probe annotauit Diosc. in suorum librorũ præfatione, & Plinius lib. xxvij. cap. ult. Galenusq; præsertim tertio de comp. medic. secundum genus. Tum pharmacopolarũ complurium auaritia, atq; illorum in conficiendis compositionibus incuria, & fraus, ut antea monuimus, nobis ualde suspectæ esse debent, ut Plinius cõfirmat lib. xxxiij. atq; Scribonius Largus in eo libro, quem de medicamentorũ cõpositione inscripsit: quando aliàs reges atq; imperatores optimi & maximi, perfectè medicinã iustucti, id muneris exercuisse magno sibi adscripserint honori, suisq; compositionib. & inuentis sua indiderint nomina, ut de Mithridate cõstat. Euphorbio, Teucrio, & eiusdẽ generis alijs: hac em̃ illi de causa, quod laboranti populo medicamenta à se confecta exhiberent, erga suos ciues, & uniuersam plebem munifici ac liberales, multò quàm antea chariores & gratiosiores reddebantur: cuius rei multa sunt apud Galenum exempla in libro de theriaca ad Pisonem, & in libro de antidotis, & primo de comp. medic. secundum genus. Sunt præterea uarij terreni cultus, patrieq; diuerse, nec mediocriter naturis differentes, quẽadmodũ ait Galen. adeò ut minori, q̃ duorũ stadiorũ interuallo, non pauca sint & uitium, & herbarum differentia: sunt quoq; innumeræ animalium species, quæ præsentanea quidem deleteria existunt, quæ stirpes, aëra, & alia nonnunq; uirulento halitu suo, & contactu inficiunt: quo plerunq; fit, ut quæ à cunctis saluberrima, nostroq; usui accõmoda citra omnẽ dubitationẽ esse existimant, hæc & medela minus idonea. & quãdoq; accelerata mortis causa nõ pręuisa haud immeritò dici possint, ac debeant, quem admodũ Gal. tradit in primo de differ. feb. lib. cuius uerba hæc sunt: Et præterea natura optima sunt, sed ob quosdam

putre-

3. de causis
symptomatum.

Cap. 3.

putrefactionis modos equale, aut maius aliquando uitium contrahunt, ueluti frumenta, hordea, atque alia fruges, quae ad usum cibi sumuntur, quarum nonnullae temporis longitudine ad corruptibilem ducuntur dispositionem, aliae quoniam male repositae fuerunt, humiditate replentur, quaedam uero & in primo ortu rubigine deprauant; tales cibos quosque hodie urgente fame plures coacti comedere, nonnulli quidem a putridis ac pestiferis febribus interierunt, nonnulli autem pustulas instar scabiei ac leprae in corpore contraxerunt. Quapropter hodie medici admirari desinant, si tum ex alijs, tum ex ptisanis atque alicuius sumptione non ea sequantur comoda & utilitates, quae ab Hippocrate & Galeno illis attribuuntur; quoniam nunc & hordeum, & zea non multa praeparantur diligentia, neque eo serantur solo, aut simili, quale Campanum erat antiquis tantopere celebratum, siue Laboriae campi, qui nunc materno sermone terra de lauoro dicuntur, sed in quouis alio solo, & nulla quidem industria: unde non panes tantum ex hordeo, sed ipsum etiam hordeum quadrupedum potius reficiendorum, quam hominum cibum esse uerius quispiam cum Plinio dixerit. Quare Hippocrates etiam, ut scripsit Galenus in primo de alim. facultatibus, cap. de hordeaceis panibus, uile hordeum ne ptisanam quidem dignum censuit. Et propterea medicorum nostri temporis negligentiam incusauerim in conficienda & danda ptisana, cum Hippocrates & Galenus dicat eam ex optimo hordeo confici oportere, & nisi sufficienter paretur, crebrius sane detrimentum adferre. Isti uero temerarii ardelliones nunquam desinunt noua in nostram potius perniciem quam in salutem remedia, prout in illa inciderint, tentare, & circulatoribus potius improbis & loquacibus, quam peritis & expertis artis medicae autoribus fidem habere uolunt; quod utique non auderent facere, si Galeni dogmata, & methodos animaduertissent, quando aliquis quodpiam medicamenti genus uel patrium, uel exoticum in salutis nostrae

1. de rat. uict.
acut.

1. de uirt. nat.
turalib.

subsidium experiri, deq; illo periculum facere tentat. Verū quia hoc solum quærūt, hoc amant, ut hominibus placeāt, & diteſcant, illisq; accepti ſint, & grati, non autem quod ueritatis & ſcientiæ ſint ſtudioſi, propterea ſpretis Galeni methodis, noua amplexātur, & laudant; quod cum effecerint, quoniam ita cæteris omnibus præſtare uideantur medicis, ſe rei medicæ eſſe Atlantes & proceres, & humanæ uitæ imperatores arbitrant, ſuaq; iſta eſſe inuenta prædicant: quorum nonnulli dicunt, ut aliqui Galeni tempore dicebant, ne prodant, quæ ſibi ſunt chariſſima, compoſitiones ſuas alijs manifeſtare nolle, ſed domi illas per ſe conficere uelle: quod tamen, etiam ſi optimū illud eſſet, à Chriſti diſciplina maximè alienū eſt, & utinam auaritiā potius non oſtendat, quàm ullam pietatem. Hæc igitur quoties mihi in mentem ueniunt, quotiesq; attentius meditor ad quorū manus nunc peruenerit medicina omnium ſanè artium maximè neceſſaria, & nobiliſſima, pudet me equidē, & doleo: & ſi aliquis in mortuis eſt ſenſus, & recordatio, noſtraq; opera mentis quibuſdam ſpectris, & imaginib; uident, ac cognoscunt, cui dubiū fuerit Hippocratis, Galeni, Celſi, Pliniiq; & aliorum illius academię manes celeberrimos quidem nobiſcum dolore maximo non affici, non triſtari, non conqueri: Fatemur Hieronyme, fatemur, nunc quidē nō amplius diuinā, nec uenerabilem, ſed nullius precij medicinā eſſe, ſed (ut ita loquar) perfricatæ frontis meretriculam, & fraudum omnium plenam, & ſophiſmatū, atq; auaritiæ & ambitioni ualde obnoxiam, & ad infimos homines & abiectos perueniſſe, & quæ digna ſit ut non amplius ab ullo probo, atq; in genuo uiro exerceat. Quare (niſi Chriſtus ſola eſſet mortalium gloria, & præmiū incomparabile) interdum nos plurimū quidem tæderet illi operam nauaſſe, & medici nomen nobis uendicaſſe, quoniā hac noſtra ætate nullus, uel certè rarus ijs qui uirtutis ſplendorem quærūt, & uitia abominātur, habeatur honor, Quemadmodū enim arua ſi raſtris, atq;

stris atq; aratris assiduo labore, assiduaq; diligētia exerceantur, uberrimos fructus, eosq; optimos procreant, aluntq;: contrā uerò si negligantur, sterilefcunt, inertiaq; fiunt: ita hominū ingenia clara, mores optimi, optimaq; disciplinæ, si debita præmia, honoresq; tempestiuos, & dignos suscipiant, uires & alacritatem sumunt ad ædendos fructus, & quasi luxuriant in cōmoda ægrotantium: si non adiuuantur, ita languēt & frigent, ut nihil, aut certè parum boni parere possint. Sed de his satis à me dictum est, latiusq; ac ab initio quidem putaram, & præter institutū nostrum: quare iam tempus est receptui canere, & cōtractis huius epistolæ siue potius libelli uelis quiescere. Quoniā uerò ex ijs que superius diximus, opinionem nostram satis tibi constituisse arbitror, propterea alio epilogo eam colligere, & repetere mihi non opus fuerit, præsertim cum ea ad doctum scripserim uirum. Tu igitur si quid ea de re compertum, exploratumq; habes, pro cōmuni omnium salute rescribas cupio. Salutem meo nomine, si non molestum est, uelim dicas Ioanni Mundellæ, sanguine ac beneuolentiā mutua mihi coniuncto: pulchrū enim fuerit, si à medico salus nunciata fuerit medico per hominem medicum, & quidem utriusque ciuem, & amicum. Vale.

Ex Brixia, calen. Aug. M. D. XXXVIII.

*Aloisius Mundella medicus, reuerendo Alexandro
Toto. De uuis passis.* EPIST. II.



Voties à negocijs ad considerandam nostrorū temporum conditionem animum meum auoco, facere non possum, quin eo dolore, quo debeo, afficiar, & iustos ædam gemitus in cōmiseratione præsentis stultitiæ, & infelicitatis humanæ. Mores enim hominū & prauum uiuendi genus eò peruenisse uideo, ut qui honestæ uitæ rationem sequatur, ne-

e

glectui, & ludibrio habeatur: qui uerò turpe uiuēdigenus
sibi amplectendum proponat, in máximo honore sit, & pre-
cio. Ex quo fit, ut mirum uideri nō debeat, si nūc id accidat
ut maior sit malorū quā bonorū numerus: nam uitium,
quoniā nō modò nō punitur, sed ne reprehendit quidem,
in immensum crescit, & spargitur: uirtus autem, quia deri-
sores potius quā laudatores habet, ita languescit, ut uix se
sustinere possit, nedum ad propagandū uires habere. Qui
enim in aliqua potestate, & dignitate sunt, si ita uiuunt, ut
honestatis legem aliquando uel in re leui transgrediantur,
reprehendendi officium negligunt, quia conscientia terri-
tationem reformidant. Qui uerò ita ad legis pręscriptum
uitam suam componunt, ut iustē ipsi reprehendi non pos-
sint, falsi tamen criminis, & odij, iniurięq; metu, ab officio
iustę obiurgationis sepe sese abstinēt: quandoquidē non-
nulli ita delicati stomachi sunt, ut nullo modo pati possint,
ut ab ullo ulla in re uel amicē corriganť, uoluntq; fastu quo-
dam & superbix insitę tumore, uel in errore prudentes, &
in uitij probi & incorrupti maximē uideri. In quorum nu-
mero nostri etiam ordinis multi reperiuntur, qui adeo à ue-
ra tuendę ualitudinis, quam *προφυλακτικὴν* appellant, me-
thodo, & pellendi morbi scopo, & ratione remoti sunt, ut
nisi Deus illorum temeritatem, ac pertinaciam reprimens,
(quę maxima sunt inscitix, hęresum uel multarum funda-
menta) mentem illustrauerit, de illorum profectō desperan-
dum sit correctione, ac salute. Hi nanq; quidlibet potius pa-
ti malle uidentur, quā a suis erroribus inueteratis, & se-
ctis aliquo modo recedere, ut multis in rebus cōstat, & nūc
in uuarum passarum rationibus manifestius constabit: de
quibus a nobis tecum futurus est sermo, & de illarū natura
aliqua nūc cōmemorabimus, ut cognitione tibi possis pro-
desse. Pauca uerò misi, quod amicorū necessitati reliquas
impertiuērim: quodq; eas tibi non ut muneris loco, sed ut
amicitię nostrę pignus, & monumentum esse debeant. Plu-
nūs

nus itaque lib. xxiij. capite primo, de uua passa, quam Græci *ἀσπίδα* appellant, ex qua quondam passum fieri solebat, cuiq; a patientia nomen inditū est, eiusdem xiiij. cap. ij. (qui tamen passum conficiendi modus nunc in Italia præsertim exoleuit) hæc scribit: Si nuclei ab ea eximantur, maximè alba, tussi & arteriæ conferre; atq; nisi nuclei acinis remedio essent, stomachū, uentrem, & interanea tentaret. quæ uerba prius a Diosc. scripta sunt. Vnde euenit, ut quidem nesciam, cur medicorū nonnulli his Plinij uerbis freti, ad peccatoris, & circumiacentiū partium asperitatem leniendam, & mitigandam, eam ita approbent, ut cæteris præferre uideantur medicamentis huic morbo adhiberi consuetis, & conuenientibus. Neq; cum de passis uuis ueteres mentionem faciunt, de ijs intelligendum esse existimo, quæ nunc ad medicinæ usum habentur, cum uariè, & longè exquisitiori diligentia ab illis præparentur, quàm nostrates, atque inter se hæc plurimū discrepent, quemadmodum si quis antiquorum scripta legere uoluerit, satispatere arbitror, etiam si passas ex uarijs uuarum generibus fieri concedamus. Et sanè Galenus in suis arteriacis ad thoracis morbos compositis, passas exacinari iubet, carnemq; earum tantū sumi debere, ut est in viij. de comp. medic. secundum partes, cap. ij. quod ab Aetio itidem confirmatur. Alexander quoq; Tralianus lib. iij. cap. xiiij. si a nucleis seu uinaceis repurgentur, peculiare iecinoris alimentū esse scribit. Quàm uerò miris eas laudibus extollat Galenus viij. de comp. med. secundum locos, ad hepaticos, & thoracis uitia, si a granis, & seminib. suis repurgant, ut notissimū prætereundum censeo. Quare manifestum esse puto, si passæ uuæ ea intelligant, de quibus antiqui mentionem habuerūt, suprā dictis morbis potius aduersari, quàm salutare esse, cum minimum illæ carnis habeant, plurimū uero cutis & corticis, & nucleorum, quos adstringentis naturæ esse & siccæ, nemo est qui dubitet: quare earū decoctum & carnem, tussi & thoracis mor-

bis conuenientius esse, atq; hepaticis existimo. Si uerò uoluerimus recentiores cum de passulis, quas uocant, mentionem faciunt, de illis locutos fuisse existimare, quæ absq; uilis proueniunt nucleis, id quidem haudquaquam uerum esse constabit. Galenus enim eiusdem generis uas in Cilicia nasci, easq; crassas, & solidas esse scribit, cuiusmodi illæ non sunt quibus communiter utimur; tum quia etiam cum phar-macopolis eas seniores nostri medici sumendas dicant, sæpenumero animaduertimus illos modò cum huius uerbi [enucleatas] accessione, modò sine arillis (ita enim illi loquuntur) dictasse; adeò ut de Cilisis uuis eos intellexisse non uideatur dicendum. An uerò id uuarum genus idem sit, de quo Theophrastus in v. de causis plantarum meminit, cap. v. cæteri; antiqui, qui de agris colendis præcepta tradiderunt, profectò quod uerè affirmare possim, non habeo: pariterq; an quæ Venetijs ad nos important Corinthiæ uuæ eiusdem sint cum his generis, de quibus Galenus, cæteri; periti medici prodiderunt, eodemq; iuxta illorū documentum præparentur modo. Vnum illud scripserim, prædictis morbis uas Corinthias, illas scilicet, quæ in uasculis ex ligno singulis annis seruantur, commodiores existimari debere, quàm quæ in nostris colliguntur regionibus, Corinthiis similes, quòd magis dulces sint, & à solis calore magis coctæ; utraq; uerò magis, quàm antiquorum passæ, illis morbis auxiliari, si ea diligentia parentur, ac seruentur sicuti illæ, quoniam non tantis nec tam magnis abundant uinaceis. His adde, recentiorū plerosq; nullū inter eas quæ nondum ad maturitatem peruenerint, & quæ perfectæ sunt ætatis, dulces ue, & aliorum saporum, aut etiam albas & nigras, discernimen facere, perinde ac si non essent illæ diuersæ inter se naturæ & facultatis, plurimæq; insuper ex dulci & austera mixtæ essent qualitatis, austerarumq; & acerbarum sapor crassarum partium non existeret, ut ait Galenus, quæ ob id ad educendam, quæ in pectore continetur, materiam, inuti

2. de alim.
facult.

In 4. de simp.
med. cap. 7. et
2. de alim.

inutiles potius sunt, quàm adiumento: sed bene eas stomachum corroborare, aluumq; suppressere manifestum est: dulces uerò nec stomachum dissolvere, nec aluum deijcere, sed ipsis uim quandam inesse temperamenti correctricem, & mediocriter abstergentē, ad leues tollendas stomachi morsiones. Ex qua quidem Galeni sententiā Auicennā quoq; illa uerba sumpsisse censeo in xiiij. sen. tertij libri, quę sic incipiūt, In passulis leniendi, & corroborandi uis inest: licet obscure id, ut pleraq; alia, scripserit: nisi culpam hanc omnem in latinū uersorem reiiciendam esse duxerimus, ut pote qui Arabici, & nostri idiomatis stylo parū instructus fuerit. Cum uerò Galenus scribit, passas minus, quàm caricæ aluum ducere, & abstergere, illud de enucleatis intellexisse palam est priora consideranti. Itaq; si iuxta Gal. sententiā, passas pingues & dulces enucleaueris, aliquo modo aluum ducere, seu mollire posse non negabimus, atq; abstergere, etsi quàm caricæ minus, stomacho tamē utiliores. Tibi uerò, ut quem nostris scriptis delectari sepius animaduertirim, nostra hæc qualiacunq; sunt, legenda mittimus, non ijs qui omnia contemnere, & reprehendere soliti sunt: cum familiari enim amico, & mihi quidem domestico nunc agendum esse existimaui, de re quidem satis omnibus usu, & experientia cognita, ut cum in his leuibus excutendis me exercuero, ad ea demum, quæ maioris in medicina ponderis habentur, & à recentiorum plerisq; malè intellecta, me accingam. Aegrotorū nanq; ualitudinē medico potiore esse debere omni quæstu existimo. Itaq; si uuarum id generis substantiam, & unamquamq; earum particulam exactè examinabimus, non minimam quidem illarum portionem adstringentis, & siccae esse naturæ comperiemus. Quocirca, ex ijs quæ suprā citauī autorū testimonijs, & experimentis, manifestè colligi posse puto, ducendæ aluo (ut medicorum uulgus existimat) passas non admodū idoneas esse, nec adeò efficaces, sed potius contrarias: etsi nōnullos

esse non ignoro, qui se contrà expertos fuisse dicant. Nam
 relatare non debet, hanc inualuisse apud multos medicos
 consuetudinem, ut cum aliquis ex morbo aliquo conuale-
 scit, siue ei alius natura, siue ex precedentibus alui deiectioni-
 bus, & morbi specie calida, & sicca, quod quidem pluri-
 mum fieri consuevit, difficilis sit, quamprimū passulas præ-
 cipuè saccharo mistas, quod temperamento est calido, &
 sicco, ante omnium esculentorum oblationem dari præcipiant;
 quàm rationabiliter autem, & probè agant, uiderint ipsi. Si
 enim à reliquis in mensa cibis, potibusue sumendas tradi-
 dissent, quod uentriculus ob earum adstrictionem quandam,
 & compressionem corroboratus, ualidior reddatur, ad hunc
 modum aluum facilem præstare posse fortasse non absque ra-
 tione dicerent, quemadmodum secundo de alim. facult. cap.
 de citonijs narrat Galenus. Quibus de causis consultius, ac
 rationabilius esse existimarem, si quando nobis earum usu
 opus esset, atque auxilio ad mouendam aluum, ut illæ exaci-
 natæ, aut ab omni cibo & potu sumantur, quod propius ori
 uentris accedentes, quod sæpe *σώμαχος* per abusum nomina-
 ri solet, illi præstare esse, ac uires suas communicare ualeant. Te
 igitur horum præclarissimorum doctrinam uirorum, ratio-
 nemque ipsam tanti facturum spero, quanti abs te fieri, non qui-
 dem ut medico, sed philosopho, nihil dubito. Non enim hi
 sunt, de quibus Plinium sententiam illam protulisse nemi-
 ni dubium est, cum illis solis hominem impunè interficere
 nulla lege prohibitum esse dicit: sed optimi & docti, sum-
 maque liberalitate præditi, ac pii, iuxta eiusdem autoris testimo-
 nium: quippe qui non medicinam ipsam, sed medicorum ar-
 rogantiam, impietatem, & inscientiam arguat, uituperetque. Præ-
 terea quia pro tua in nos ueteri beneuolentia huius opinio-
 nis nostræ, quam ex antiquorum quidem monumentis erui-
 mus, contra uiligatorum morsus defendendæ onus te sus-
 cepturum scio, utpote qui & possis, & uelis, sapiusque cau-
 sam nostram suscipere non aspernatus fueris, & patrocinari: ita

ri: ita te geras, cupio, in ea defendenda, ut omnes intelligāt te non ob aliam rem, quā pro ueritate certare. Quæ uerò pro temporis occasione, breuioribus tibi explicarem, non habui: quod si in posterum potiora Deus nobis suppeditabit, tecū cōmunicabo. Vale, & me, quod facis, ama, tuamq; ualeitudinē cura. Salutat te Agathius ille utriusq; nostrū amantissimus, Agathius in quā ille legū consultissimus, & purgatissimæ naris uir. XVI. cal. Oct. M. D. XXXVIII.

Aloisius Mundella medicus Hieronymo Fracastorio medico. EPIST. III.



Non multis ab hinc diebus tuas accepi literas, tantaq; eas cum animi uoluptate iterum atque iterum legi, ut nullas quidem alias cum maiore unquā mihi legere cōtigerit. In primis enim præ se ferebant acutissimū tuum ingenium, ac rarum, necnon singulare in inuestigandis naturæ secretis studium, & diligentiam. Deinde mox mecum ipse animo uoluens uarias rerum, ac temporū mutationes, omnia quidem certa cum prudentia, & moderatione regi, miroq; ordine disponi proculdubio existimaui: & propterea tot tumultus in Christi ecclesia sanctissima hodie audiri, & dissensiones: id quod rei medicæ nostris quoq; temporibus euenisse uidimus, non aliam quidem ob causam, nisi ut ea magis elucescat, & suum natium recuperet candorē. Sed huius rei spes in te quoq; posita est: is enim es, qui ingenio & iudicio cum in humanis, tum etiam in nostris literis ualeas, ut, si uelis, nō dubium sit, quin rei medicæ multum prosis, non solum ad illud perficiendum, sed etiam ad reliquos omnes corrigendos errores, inueteratasq; e mentibus hominum extirpandas opiniones. Nam tu per cœlestia illa corpora animi cogitatione satis euagatus fuisti, illorumq; cursu, & recurso cognito, desiderium tuum expleuisti: & mul-

tum quidem laborasti Hieronymus in tollendis, quos in secundo Aristotelis lib. de cœlo & mundo, Auerroës posuit, astronomorū epiciclis, atq; ecentricis, tanq̃ in arte illa non necessarijs; unde quantū mētis meæ captu assequi possum, laudem nō paruam retulisti; tametsi hanc tuā de his opinio nem & quæstionē Auerroës ante te inuenerit, atq; agitaue rit; similiter & Ioannes Picus Mirandulæ Comes de diebus creticis, Galeni rationes sigillatim refellens, & confutans; q̃uis Matthæus Curtius acerrimi quidē ingenij, & singula ris doctrinæ medicus & philosophus, quantū sibi integrū est, illi aduersari conetur, & Galenū defendere; qui an hu ius singulis, & tuis optimè contra Galenum satisfecerit ar gumentationibus, equidem hac de re, deq; his celeberrimis uiris iudiciū meum ferre, temerarium potius, quā con sultum esse arbitror. Cæterū perdifficile nobis uidetur Ga lenum omnino defendere posse, & eius positionem ab ad uersariorū telis illasam conseruare; supra captum enim ho minis est, quandoq; non aberrare. Quæ uerò de Smaragdo ad me rescripsisti, etsi cōpendiose ea adnotasti, sic tamen do ctè & appositè applicasti, ut expectationi meæ mirū in mo dum gratum feceris, omnemq; dubitationem ferè sustule ris. Hoc cum ita sit, te tamē nolim adduci, ut tuum illud de contagione, & morbis omnibus cōtagiosis, perfectū opus, quod in cōmunem hominū usum propediem ædere insti tuisti, in lucem non emittas; nam illud ualde cupio, quò ple nio rem de ijs singulis, quæ ad te aliàs scripsi, cognitionem & scientiam habere ualeam; ibi enim multa esse intellexi, quæ ad rationes nostras maximè faciant. Et quamuis quæ cunq; à te scribuntur, aut narrantur, ea non oscitanter, aut ociose, sed cōsultè & scitè dici pro certo sciam, tamen in tuis legendis literis, quædam mihi orta est dubitatio uincula, uel quia fortasse earum sensus, & uis, nōnullis in locis à me nō rectè percepta est, uel quia longè à ueritatis uia aberramus: de qua ad te scribere, & consulere te uolui; quoniā arbitra tus sum

tus sum fore, ut tu homo peritus cum sis, & mansuetudinis plenus, plenè etiam mihi satisfacias. Tale uerò illud est, de quo nobis dubitare contigit. Posita enim triplici à te, exaggerandæ difficultatis nostræ gratia, de Smaragdi exhibitio-
ne & usu, diuisione, de contagionum scilicet seminarijs, de materia quæ periculo proxima est corruptionis, & de eadē deniq; corrupta, paulò post hæc addis: Febris uerò, quæ pestilentes sunt, ea medicamenta præclarè auxiliantur, quæ frigido ualde, & sicco temperamento præstant, uel quæ substantia sua imputrescibili humoribus admiscuntur: quapropter his & acetum, & mæla punica, & terebinthinā, & quæ sequuntur reliqua, maximè prodesse manifestum est. Sed quomodo hæc abs te intelligantur, nobis quidem non satis liquet. Nam si febres eas quæ cum bubonibus generantur, & plerunq; putridæ sunt, uixq; à medico iuxta probatos auctores percipiuntur, intellexeris, non tantam nobis id difficultatem faciet: quamuis, ut alio loco explicabimus, nō paucis ad declarandum uerbis opus sit. Si uerò quæ pestilentiales uulgò, non quidem propriè appellari consueuere, etiam si eo tempore nulla homines pestilentia inuadat, aut popularis morbus: hæc quidem medicamenta, quæ ualde frigida & sicca temperaturæ sunt, uel etiam ea, quorum, ut inquis, natura glutinosa existit, Galeni doctrinæ (ut arbitror) apertè repugnare uidentur, ut in plerisq; locis *τὸν ὁρῶντων τὴν μεθόδον* constat, utpote quæ nimio plus morbi causam foueant, & iam putrefactam materiam in profundas corporis partes latentem impingant, atq; ne liberè exhalet, inhibeāt, quàm ut eam relaxent ac discutiant. Nō enim Galenus mæla punica, aut quæ eorum naturam repræsentant, huiusmodi febrili genere, aut alio etiam laborantibus exhibet ipsius febris ratione, sed alicuius prauī casus statim, aut à principio morbi emergentis occasione. At si de prophylactica, siue, ut ita loquar, prouisiua curatione hæc intelligenda esse uelis (quæ tamen uerè curatio dici non debet) siue de humo
f

ribus, qui in eo sunt, ut corrumpantur: quod sanè his uerbis innuere uideris, cum dicis [quādo licet his uti] quæ abs te enūciantur, omnem nostram dubitationē tollent: tunc enim illa ritē administrari concedimus in febribus quæ uerè pestilentes sunt, ne illis scilicet corpora corripiantur: sed
 Cap. 4. tamen differenter, ut ait Galenus in primo de differentiis febrium, itemq; Auenzoar, & Auerroës vij. Collect. Omnino uerò corruptos humores, qui quidē potissima, & prima morbi causa existunt, ut ait, tempore cōgruo pellerē expedit: quod quidē opus frigida & sicca medicamenta superius memorata, & quæ huiusmodi sunt nature, prohibere, & per spirationem impedire possunt, nō morbi causam tollere, sed potius, ut ægrius postea illa remoueat, efficere, notius est, quā ut probare laborem, siue intus, siue foris adhibeantur. Idcirco Galenus in uniuersum adstringentiū & obstruentium usum prohibendum esse censet, iuxta Hippocratis doctrinam, quod illa corpus non perspirabile reddant, quouis modo adhibeantur: quare aluminosæ etiam, & frigida lotionem ijs non conuenire scripsit, qui putrida febre, & diaria correpti sunt. Non enim obstat, in febricitantibus aliquos inuenire humores, qui putredini obnoxij sint, ad quos respectu habito, prædicta medicamenta frigida & sicca rationabiliter illis dari possint: quoniam morbo ex humorum putredine, siue ob aliam causam facto, siue qui adhuc in generatione est, curationem deberi constat, licet diariarum, hecticarumq; febrium id proprium sit, non autem aliarum, quæ ex putrescentibus fiunt humoribus, nisi per abusionem, ut ostendit Galenus in xi. curandi methodi, & artis medicæ cap. lxxxvij. ita nobis loqui licitū sit. Huc etiā pertinet, quod ex tali materiæ corruptæ retentione longè maior noxa sequi deberet rationabiliter uidetur, quā ex humorum, ne putrescant, conseruatione adiumentū. Cæterū cuius primò magis, aut quando medicari cōueniat, morbo, an ipsius causæ, an languentis uiribus, x. curandi methodi

thodi pulchrè nos admonuit Galenus, ubi & m̃ala p̃unica ex febre laboranti eatenus dari concedit, quatenus bilioſo uentriculi ori cōmoda, & utilia eſſe exiſtimat: nō autem ea ratione, ut humor febrem generans tollatur: nam hic contrarijs potius indiget remedijs. Frigida igit̃ ualde, & ſicca, inhibere quidem ea humores, ne corrumpantur, poſſe, illis uidelicet ſe permiscendo, & ſua incorruptibili ſubſtātia & qualitate à putredine conſeruare, nobis quidem admittendum eſt, hæc quamuis omnia materiæ extremè putrefactæ morbum gignenti inutilia, & ipſius (ut patet) educ̃tioni inepta ſint: cuius inanitioni, expectata quidem temporis (ut diximus) opportunitate, quemadmodum Gal. aperte affirmat̃ iij. de tuenda ualetudine, medico quidem uacandum eſt, non autem illius ampliùs præparationi, & mutationi: ubi enim magna facta eſt in humoribus corruptio, non ampliùs ad habitum naturalem redeunt, quemadmodum de aceſcentibus uinis memorans Galenus demōſtrat aphoriſmo xviij. ſecundi libri. Talis autem facultatis prædicta non ſunt medicamēta, multoq̃ minus Smaragdi, aut ſimilium farina, ſed huic magis ſcopo aduerſantia. Ob uerò materiæ corruptæ inanitionē reliqua morbi ſedari ſymptomata rationi quidem cōſentaneum eſt, quorum ipſi potiſſima cauſa fuerant corrupti humores, quemadmodū ex ſuprà citatis curandi methodi locis perſpicuum eſt, & tertio de temperamentis in phlegmones curatione, quæ fit ex calidæ perfuſione: medicamentorū enim opera, ut ait Galenus, quædam prima, & ex profeſſo ſunt, quædam uerò præcedente natura, quæ animantiū corpus diſpenſat, edūtur. Galenus quidem cum bibendam dediſſet terrā Armenam, pleroſq̃ ſanitati reſtituit ægrotos: ſed putrida febre abſq̃ peſtilentia affectis hoc illum medicamentū dediſſe, nullibi (opinor) inuenies. Nam ſi hæc illi mens fuiſſet, frigidis uidelicet & ſiccis febres putridas curare medicamētis, uel ſaltem hoc modo humores à putrefactione arcendo, ipſis prodeſſe, terram

In 9. de ſimp.
med. cap. de
Armeniaco.

utiq; hanc, & quæ simili qualitate sicca ualde, & adstringen-
 te præstant, alijs quoq; præter pestilentes, febribus putridis
 utilem esse dixisset, eaq; usus fuisset; aut de his saltem certā
 nobis aliquam methodum tradidisset, ut aliās ad te scripsi:
 id quod tamen in nullis eius cōmentarijs uidere contingit,
 sed potius quod contrarium est, Propterea neque satis tu-
 tus nobis esse uidetur Smaragdi usus, ita sanē à nonnullis
 nostri temporis medicis commendatus, præsertim in febris
 bus ex putredine humorum factis, ad quas pellendas tanto
 pere hunc illi collaudant, & ad sydera usq; extollunt. Si ue-
 rò quispiam etiam Galenum obijciat in vi. de simpl. med.
 portulacam tertio refrigerandi excessu à symmetria remo-
 tam, secundo autem humectandi, tum ori uentris, tum totis
 eorum hypochondrijs, qui ardenti febre uexantur, impone-
 re, & ceratum, quod quidem frigida est temperaturæ, ut est
 in eiusdem primo, cap. v. & quarto, cap. ij. & xi. illi ad hunc
 modum respōderi posse arbitror: Portulacæ & Smaragdi,
 aut similitum, eandem omnino non esse rationem, cum una
 atq; altera qualitate portulaca febris ardori aduersetur, nō
 Smaragdus, & huiusmodi, sed ipsum potius sua substantia
 terrea & sicca, poros obstruendo, accendat. Galenum præ-
 terea magnum & uehementem febris illius expendisse ex-
 cessum, qui cum ita auctus est, primò omne ferē ad se trahit
 medentis studium, & curationem, ut x. & xi. τῆς θορᾶ πρὸς τι-
 νὴς μεθόδῳ constat, causæ interim morbum facientis conside-
 ratione posthabita, non tamen neglecta: & ideo [æstuantes]
 dixit, siue [causone laborantes,] quibus interdum etiam fri-
 gidam, seruatis cōditionibus quæ huic methodo requirun-
 tur, dari cōcedimus. Quocirca Aëtius in cap. de portulaca
 sic scribit: Si exquisitissimè trita, albo simul & ouī luteo cum
 debita rosacei mensura toti corpori illinatur, febrium ardo-
 rem lenire, & sæpe cum prorsus extinguere, ut accessio nō
 ultrā redeat, Et Gal, aphor. xxxiiij. secundi libri dixit, uren-
 tem febrem à subita ambientis aëris caloris ad frigidum mu-
 tatione

tatione iuuari, Insuper prædictâ Galeni de portulaca sententiam de febribus hecticis maximè ueram esse constat, quemadmodū ab eodem ibidem scribitur, & in x. curandi methodi; neq; id, si diligenter animaduertere uoluerimus, positionē nostram tollere, aut illi aduersari uidetur. In magnis enim febribus putridis & continuīs, si uniuersæ constiterint uires, & concoctionis notæ planè euidentes fuerint, necnō bona corporis habitudo, & status cœli calidus, & sic cus, non solum frigidæ potum, sed illius etiam natationem concedit Galenus in xi. curandi meth. Vt autem quæ à me antea explicata sunt, certiora fiant, hoc unico exemplo orationi meę finem imponam. M. Antonius Serrina medicus febre à malignis humoribus genita affectus, cum nullius precibus aut persuasionibus flecti potuisset, incoctis quidē, nec eductis humoribus, se ad gelidissimī fontis aquas deferri iussit, hoc pacto febris ardorem ex prauis succis genitæ, citra omnem dubitationem extinguere posse existimans, Verū secus profectō atq; expectabat, euenit. Postquā enim iuxta aquam, per siphonem siue tubulum in labrum ex saxo cadentem, decliuīs accubuit, & paulō pōst super illius algida sabuleta toto corpore se constrauit, ac nocentissimum frigus, multumq; aurarum inde spirantiū captauit, anno scilicet à Christi ortu, ultra mille quingentesimo uigesimo octauo, haudquaq; à morbo illo deinceps ulla ope medica releuari potuit, sed obstructis corporis poris, prohibitaq; putridorum uaporū exhalatione, miserabiliter quidē ultimū uitæ suæ diem obiit. Nobis præterea, quod ad te aliàs scripsi, admodum difficile uidetur, Smaragdi farinā per uenas deferri, sanguineq; ipso permisceri; nequaquam etenim ille in succū colore lacteum, aut aliū soluitur, quō ita facilius à calore naturali, siue etiam, si is adsit, præternaturali superatus, per uenas cōmodè transire possit, quemadmodum Galenus de lapide spongiæ, hæmatite, & nōnnullis alijs affirmat; scimus enim cibos à calido non quidē sicco

1. de rat. uict.
acut.

squalentiq̃, cuiusmodi est febrilis, sed humido uaporosoq̃, cuiusmodi est qui in animalib, secundū naturā existit, confici. Quorum quidem dubitationū omnium perfectam explicationem in opusculo illo, quod propediem in lucē mittere promissisti, me uidere spero, eiq̃ acquiescere. Hæc uerò nos ad te scripsisse existimes nolim, ut tibi ullam animi perturbationem adferam; neq̃ etiam, ut ita tua redarguere uelim scripta; ea enim singula mihi magis grata sunt, quàm aurum obryzum, & omnes Erythræi maris gemmæ: sed ut de omnibus, quæ pro hac præsentī difficultate enucleanda mihi occurrūt, certior abs te fiam, nostraq̃ in primis beneuolentiæ recordatio ita sæpius per mutuas literas refricetur, amorq̃ mutuus conseruetur, & crescat. Cæterum cum non habeam unde ab eo, quo me, ut amicitia inter nos in ita pignus æternum existeret, donasti, munere liberer, neque (ut aiunt) par pari referre possim, nullaq̃ mihi dicēdi copia adsit, aut styli elegantia, quibus tibi, quod iure debeo, saltem persoluam, reliquum erit, ut maiore te mox beneuolentiæ semper, & amoris cumulo prosequar: quapropter cum nulla alia in re compos uoti sim, tuo ingenio, tuaq̃ liberalitate, qua te remunerer, digna, hac sola, fatis etiam nolentibus, animi gratitudine, & in doctos omnes, probosq̃ homines animi propensione, uberrimè & libentissimè compensare potero, quæ etsi muneris tuo ad nos misso ualde dissimilis existat, neq̃ eiusdem cum illo ponderis, ex officio tamen eam suscipere, & amplecti nō dedignaberis: id quod etiam necessitudo nostra, & humanitas in omnes tua, te facere hortatur. Salutē tibi impertiunt multam medici nostri, qui te mirificè diligūt, qui tua causa uolunt omnia, qui de opusculis tuis, sicuti debent, bene sentiunt: & illi omnes tuum congressum cupiunt, quos cum Brixia esses tu bene nosti.

Vale, & nos ama. Tertio Idus Nouembris,

M. D. XXXVIII.

Aloisius

Aloisius Mundella medicus, Aurelio medico. De lapide Achatae & Gagatae differentia. EPIST. IIII.



Lurimum tibi gratulor Aureli, ac (si quæ de te circumferri audio, uera sunt) mirificè lætor, quòd tu tandem cognitis Arabum næuis & mendis, compluriumq; nostri æui medicorum erroribus, in certa Græcorum, Galeniq; in primis disciplina adipiscenda tuum studiū posueris: cœlestis namq; patriæ ciues maiori adficiuntur gaudio cum aliquis resipuerit, quàm si innumerabiles aliq; uiri optimi nulla in re unquam peccauerint. Sed caue moneo, ne illud similes, putestq; ingrauescente iam ætate aliquod tibi peperisse dedecus aut ignominiam ex hac tua penitus immutata medendi ratione, & plurimarū rerum, quæ in re medica maximè quidem necessariae sunt, innouatione; cum philosophorū pleriq; & Matthæus Curtius medicinæ nostri temporis instaurator optimus, & splendor maximus, iam sexagesimū penè agens annum, & latinè & græcè loqui discere non erubuerit, & quibus antea imbutus fuerat præceptionibus, eas nunc dediscere, atq; obliuioni tradere: compluresq; aliq; nō cōtemnendæ eruditionis uiri, atq; ingenij, illud pariter egerint. Ego quidem de me illud uerè adfirmare possem, semper in animo habuisse bonos autores amplecti & sequi, licet eorum metu, qui Arabum doctrinā profitentur, & uulgi fauorem uenantur, quicq; in magno precio & æstimatione à plerisq; quòd multos occidant, habiti sunt, Galeni instituta, & ueritatem ipsam profiteri nūquam ausus fuerim: qui enim pluribus medetur, is à uulgo & melior medicus, & doctior esse censetur, nō qui in potiori disciplina incumbit, ac rectè sese exercet. Quare sæpius in memoriam reuocanda sunt, atq; in ægrotis obseruanda, quæ Hippocrates & Galenus maximo cum studio chartis mandarunt, quòd certas medendi methodos, & certam auxiliorum rationem

ostendant. Sed postquam multi mihi accesserūt socij, & ab omni orbis parte confluerunt, audendum est mihi, & omnia potius pati decretum est, quàm ueritatem ipsam, & sanam Galeni disciplinam palàm non fateri, & non prædicare, cum tam digna sit, quæ omnibus propagetur, & prædicetur. Nam quod maius dedecus est, quàm non audere id profiteri quod obseruamus, & omni studio colimus? Sed obsecro te per Christū Aureli, si te ab Arabum præceptionibus omnino liberaſti, nec uerbis tantum, sed re etiam ipsa Galenum proſiteris, quid causæ fuit, cur in curatione illius nobilissimæ foeminæ quæ iuxta diuæ Mariæ templum habitabat, & nuperrimè puerperiū fecerat, quæq; à mensibus, & quæ cum his educi consueuerunt, non omnino exonerata fuerat; cur, inquam, granorum trium pondo lapidis Achatæ ita audacter dederis? quibûsue experimentis, aut testimonijs autorum fretus? Non enim (puto) lapis hic, qui nunc à gemmarijs passim satis uili precio, si ad alias comparaueris gemmas, æſtimatur & uenundatur, uulgò Agatha dictus, quemq; ferunt Pyrrhum in anulo gestare solitum, & in eo nouem Musas, & Apollinem citharædū spectari, ille est, quem tu pro certo, ut uideo, Gagaten esse uoluisti: sed potius cum Hermolao in castigationibus Plinij, Sardonychen esse existimo, si probè istorum omniū notæ, quibus ipsi lapides tum à Galeno in ix. de simpl. med. tum à Plinio, tum à nonnullis alijs autoribus scite, atq; appositè pinguntur, exactè cōsiderentur: è quorum numero & Corneola (ni fallor) est, & Chamæus, ita uulgò appellatus. Puto autem errandi ansam, atq; occasionem tibi dedisse magnā nominis similitudinem, Achatæ scilicet, & Gagatæ: quapropter non adeò mirandum est, si tu in eum lapsum (si tamen lapsus, isq; uenia dignus cēsendus est) incidisti. Si uerò Aëriten, eò quod à quibusdam Gagates appellatus sit, ut Plin. libro naturalis historiæ x. cap. ij. tradit, idem cum Achate esse existimaſti, uel etiā cum Gagatæ ipsa, neq; profectò hic minor

Lib. 36.
cap. 19.

minor priore error uidebitur: Aëtites enim siue Aquilæ lapis, ab horum utroq; si inter se collati exactè expendantur, longè distare liquidò constabit. Sed esto ambo idem sint, nihilominus tamen, ut rursus non parū miremur, subit, cum Plin. lib. xxx. cap. v. dicat, Aëtiten partus custodire, & contra abortuum insidias pollere: Serapio uerò partum accelerare; hæc enim unicuiq; opposita esse manifestū est: nisi Serapionis uerba ita fortè intelligas, quòd Aëtites partum accelerat, hoc est, ægrè parienti auxiliatur, foetu quidem tempestiuè, non autem ante debitū tempus in lucem prodeunte. Tu uerò cur in tam ambigua re, & incerta, ueluti ultimo perfugio confisus fueris, equidem non uideo; nec non quid te mouerit, ut Achaten tam præcipiti consulto illi clarissimæ tuæ puerperæ dederis, uel saltem ab alijs dari passus fueris: non enim adhuc compertum habeo, quod in re medica ulla sit uis, quæ illi uel à Plinio, uel ab alio alicuius nominis uiro attribuat, & quæ ad hunc morbum sanandum faciat. Neq; uerò uerba illa Dioscoridis libri quinti, cum ait, καὶ ὕσσωπος ἀνακαλεῖ, hoc est, si latinè uertas, mulieres ab utero suffocatas reuocat; uel, ut Marcellus transtulit, strangu-latu uulvæ procidentes reuocat: tantæ, iudice me, tibi uideri debuerant esse efficacix: quia, ut concedamus lapidis illius farinam, qua ad curandum morbum hunc usus fuisti, idem esse cum Dioscoridis Gagate, atq; eadem posse: non alia facultate (opinor) quàm cæca illa proprietate, illud uerum esse affirmabis: uerum occultæ medicamentorū uires, quæq; à tota agunt substantia, non in quolibet morbo promiscuè & indifferenter munia sua obeunt, nisi quædam ab autorib. dicta, sed unū unī morbo, aliud alijs prodest, quemadmodum legenti latius patere arbitror, quàm ut mihi huc exempla adducere necesse sit. Omnis enim terræ manifesta qualitas, & prima, frigida est & sicce temperaturæ: eoq; magis, quòd durioris substantiæ existit, ut ait Gal. in ix. de simp. med. quemadmodū in plerisq; gemmis apparet, atq; etiam

Achate ipsa; quæ quidem qualitas educendis mensibus, & inuolucris illis, quæ à Græcis *χορία καὶ ἀμνια*, à nostris uerò secundæ appellantur, ut constat, apertè aduersatur. Quare cum etiam distincta ab autoribus inscribantur capita, de ueteri uidelicet strangulatu, siue secundum communem Aui cennistarum loquendi modum, de præfocatione matricis, & de ijs quæ à partu expurgari solent ac debent, neque omnino eadem ab illis tradantur remedia, quamuis utrisque his morbis multa pariter cōuenientia applicentur, cæcane an manifesta qualitate agant, hoc quidem me, ut magis dubitarem, compulit. Adde insuper, quod si Corneola de genere Sardonychæ esset, ut antea diximus, ac etiam ex Serapione colligi posse uidetur: Agatha quoque nostra uulgaris, siue Achates, Sardonyches sit, uel saltem aliqua illius species: Corneola autem iuxta Serapionis opinionem sanguinem undecumque manantem compescat, & menstrua supprimat: medicamento potius prædictæ languenti contrario usus fuisses, quàm illi præsentaneo, cum nobis adhuc non constiterit, an uariæ Sardonychæ species diuersarum sint facultatum, quod alicui simplici generi euenire posse non negamus. Præterea cum Galenus dicat lapidem Thracium nullius esse in medicina usus, Gagatesque etiam illi suspectus esse uideatur, Dioscorides uerò eiusdem cum illo facultatis esse tradat, nec quicquam de utriusque ui dubitet: quis adeò crasso ingenio fuerit, & uecors, ut non magis Galeni sententiæ standum esse ducat, quàm Dioscoridis: cuius quidem monumenta singula sapientius & accuratè expendisse, minimè dubitandum est, quemadmodum etiam in præsentī capite fecit. Quod si quispiam fortasse dixerit: quisquis lapis ille fuerit, feliciter tibi, atque ex uoto rem successisse: tam multa profectò huic obiectioni occurrunt in contrarium argumenta, ut rem silentio præterire satius esse duxerim, quàm ut prolixitate sermonis tibi fortasse tædium adferam: uulgare namque nimis fundamentum uidetur, & imbecille,

cille, nec dignum quod à perito adducatur uiro. Et si uerò Dioscorides lib. v. in hunc modum de Gagate tradiderit, ea demq; res etiam cum Achate esset, quod tamen haudquaquam uerum esse satis euidentibus argumentis & rationibus super pra ostensum est; neq; praeterea bituminis odorem emittat, ubi igni admotus fuerit, ut ait Galenus; neq; atrii coloris est tantummodo, neq; si teras, in succum soluitur, sed ualde durus sit: quoniam tamen Galenus ix. de simpl. med. non solum lapidem illum, de quo Dioscorides mentionem fecerat, non reperiri, sed fluuium etiam esse aperte inficiari uideatur, cum dedita opera illius orae littora parua legisset nauicula; ipsiq; Galeno maior fides omnino praestanda sit, quam Dioscoridi, in ijs praesertim quae ad medicamentorum simplicium uim noscendam spectant, quaeq; manifeste aliter, qm Dioscorides se haberi asserit: uelim abs te pro tua singulari in me beneuolentia, ut mihi aperires, cur in huiusmodi medicamenti electione & propinatione ita te gesseris, ut à placitis Galeni, quae quidem tibi pro uiribus tuenda, atq; imitanda suscepas, longè discederes; atq; cur illud Achatae pondus supra memoratae laboranti dederis, non maius, neque minus; & à caeteris omnibus tentatis remedijs, non in morbi huius principio: quod si feceris, gratias quidem tibi habeo immortales; sin uerò desiderio tam honesta petentis minime obtemperaueris, ab amici officio plurimum quidem declinabis, mihiq; admodum suspectus eris in tua medendi exercitatione, neq; Galenum usquequaquam imitari tibi in animo proposuisse uideberis. Quapropter mirum in modum desiderarem, ut aliter nobiscum res ista ageretur, neque hominum salus atq; interitus ita, ut fit, à medicorum plerisque tam parua in consideratione haberetur, etiam si aegroti ipsi saepenumero propriam salutem negligere uideantur. Scimus omnia tandem ab antiquis illis medicinae professoribus prorsus declinasse, ita ut nunc perdifficile quidem nobis sit aliter, quam nunc fit, medicari, & uiuere, cum propter

2. de comp.
med. secundo
dum genus

compluriū medicorū corruptissimos mores, tum propter eorum in primis, quibus medemur, auaritiā. Verū non propterea ramen à ratione aberrandum, sed omnis in Christo nobis spes collocanda, qui certissimus est & medendi, & uiuendi scopus: Galenoq; immortales agenda gratiā, qui talem ac tantā hallucinantibus nobis lucem effudit, ut deinde, nisi per nos steterit, nō amplius aberrare cōtingat. Quoniam uerò nulla in re, pro uiribus, à pietatis officio deficere statui, mihi uisum est illud quoq; huic epistolae adiungere, atq; cognoscendae ueritatis causa ex te quærere: quibus diuini aut humani iuris consultis fretus, quibusue persuasionibus, uel probabilibus argumentis inductus, in curatione alterius heroinae, quae prope pretoris aedes habitabat, sectionem uenae fieri, eamq; iterari, & pharmacum soluens dari, cū illi superuenisses, & permiseris, & iusseris, cæteraq; quae ad abortum excutiendum faciūt, adhiberi: erat enim illa & prægna, & uehementer febricitabat, alijsq; simul uexabatur symptomatis: ex quibus facillimū erat prudenti medico prædicere, ipsam unā cum partu perituram, qui (ut fertur) plus minúsue, sextum agebat mensem. Quare nō potui nō ualde admirari: lex enim domini iubet, malum opus nemini unquam perpetrandum esse, ut bonus deinde aliquis sequatur euentus. Neq; puto te à maiorum nostrorum quopiam tale quicq; nobis licitum esse, unquā intellexisse: neq; sic eos, qui quidem sani essent consilij, medentes uidisse: omnes enim Pontificum canones, Imperatorumq; quas dedita opera nuperrimè uidi, sanctiones, contrarium manifestè adfirmant. Memini insuper ego, cum adhuc Ticini scholasticus essem, in curatione cuiusdam mulieris, quae prope gymnasia nostra habitabat, ubi complures nobilissimi medici, & pleriq; alij discendi causa iuuenes conuenerant, nequaquam talia adhiberi medicamenta, quae partum elidere possent, aut excutere, annuisse: sed ea semper remedia approbasse, ac præstitisse, quae & grauiter febricitanti succurrerent,

rerent, nec foetui ualde officerent, nedum enecarent: quæ quidem Hippocrates arte & facundia insignis, apertius & luculentius in suo iusiurando in hunc modum tradidit: οὐ δώσω δὲ δόλῳ φάρμακον αἰτηθεὶς θανάσιμον, ὃ δὲ ὑφ' ἡγέσμαι σὺν βαλὴν τοιῶδες, ὁμοίως δὲ ὃ δὲ γυναικὶ πρὸς τὸν φθόρον δώσω. id est: Rogatus nemini dabo letale pharmacū, neq; talem consulā rem: itidem neq; pessum uim habēs in utero foetū enecandi mulieri dabo. Quare si Hippoc. nefas esse existimauit spem dubiam hominis lædere, quāto scelestius etiā perfectē iam nato nocere iudicauerit, consideres uelim: medicina enim sanandi scientia est, non nocendi, ut ait Gal. in xi. de simpl. med. Cum autē hoc ethnici consulant, ac iurent, quod Hippocrates, quāto magis nos Christianæ legis professores decet, qui & multo his plura, & maiora baptizanti nos sacerdoti pollicemur? Neq; iudicio meo, argumentū illud alicuius est momenti aut efficacix, cum dicitur, satius esse parturientis saltem uitam tueri, quā infantem simul cum ea periclitari sinere: nobis nanq; incertum est, quid de his futurū sit. Propterea hi quicquid uelint, dicant, qui ita suos diligunt, ac perditē amant, ut nunq; eis priuari uellent. Nobis uerò cautius, ac cōsultius agendū esse existimo, ne inscientis nomen, periuri, homicidæq; & carnificis subeamus, ut dixit Hippocrates in libello de lege, quē postea secutus est Plinius, & alij: soli enim medicæ arti nulla alia pœna ab urbium rectoribus irrogata est, præterq; uituperationis, atq; infamix: hi nanq; medici personis comparantur, quæ in tragœdijs producuntur, figuram, formamue, & habitum eorum, quos agunt, habentes, cum tamen illi ipsi nō sint. Plurimi quidē uerbis medici, sermone, famæue sunt, opere autem & reuera perpauci, quos quidem Galenus viij. τῆς θεωρίας μεθόδῳ λογίατρὸς appellat. Sed ne exquo longior sim, uide tu quæ sequuntur reliqua in suprā citato Hippocratis libello, quæq; ad medicæ artis cognitionem, prudentiamue nanciscendam necessaria sunt, Laudabilius autē multo est

Idem dicit
Scribonius
Largus.

se existimo cum nostram, tum aliorū salutem curare, & eorum qui ægrotis adstant, applausum & præmia, quemadmodum Hippocrates & Galenus præcipiunt, despiciere, & quas sæpius nobis inculcant persuasionibus uanis & commentis fidem nullam adhibere: nosq; inopiæ nostræ iugū, domino seruientes, potius libenter ferre, & contentos esse, ut absq; ullo nomine uiuamus, quàm ut terrenarū rerum, (quæ quidem nostros plerunq; illaqueant animos) curā nīmiā, & studium habeamus. Si uerò infāntē in utero mulieris adhuc existentem certis notis mortuum esse pro comperto habuisses, non solum diætetica, quam uocant, sed & pharmaceutica & chirurgica, & si quæ sunt alia, ingenijs ad illud opus exequendum inuentis, partū ab utero immaturē quidem eiiciendum, extrahendū, concidendūq; esse proculdubio affirmauerim. Caterum ut hæc omnia rectē consulas rogo, atq; obiter ad te scripta esse, & ut ab alijs relata audiri existimes; in suburbano enim meo nunc sum, ubi rara est mihi librorum suppellex, & (ut uerum fatear) cuius saluberrima negocia, & delicia, à scribendi munere me auocant; quippe qui in eum me locum cōtuli, ut aliquantulum ualeitudini meæ seruirem, non autem studijs & literis. Verum caueas uelim ne me ex isto meo ad te scribendi genere putes censorem agere uelle, cum magis ipse sim censura, & castigatione dignus; sed ut solum amici officio fungerer, teq; admonerem, non carperem; quod ut tu quoq; in rebus nostris facias. plurimū obsecro & desidero: quod si feceris, me quidem multis reprehensionibus dignum, indissolubili amicitie uinculo, perpetuaq; obligatione tibi magis q̃; antea adstrinxeris; manus enim manum lauat, ut in ueteri proverbio est. Quas uerò non possum, gratias tibi referat omnipotens Christus, cui gloria, & imperium. Vale.

Ex suburbano nostro, XIII. calen, Septemb.

M. D. XXXIX.

Aloisius

*Aloisius Mundella medicus, Iulio Borellæ medico
compatri suo.*

EPIST. V.



Vem ad te superioribus diebus legendum, & castigandum libellum miseram, nunc castigatum accepi: pro quo censuræ tuæ munere, immortales ago tibi gratias atque habeo. Amantissimus autem tui, & studiosissimus semper erodum uiuam, quod in hac opera, & labore tuo, magnā summæ beneuolentiæ in me tuæ significationem dedisti: sed tamen in ijs quæ reprehendisti, & damnasti, multa sunt, quæ meo quidem iudicio, digna non erant ut reprehenderent: idcirco ita esse multis rationibus, & testimonijs probaturus sum. Diximus quidem Mesuæ autoritati nobis non esse multum attribuendum, neque illi in omnibus, ut Delphici Apollinis oraculo, credendum, quoniam in multis à ueritate aberrauerit: sed scientiæ nostræ latitantes non à riuulis, sed ab uberri-
mis & clarissimis fontibus hauriendos esse: neque propterea, putò, tantæ illud tibi admirationi esse debuit. Scire enim debes nos nullius auctoris scriptis omnino addici uelle, sed quæ bona sunt & utilia tantum imitari, & amplecti, siue ea à recentioribus, tradita fuerint, siue ab antiquis. Cui enim dubium esse debet, si quid ab Arabibus memoria dignum traditum fuerit, quin recipiendum sit: quamuis plerumque à Græcis acceperint, & pauca suo ingenio inuenerint. Miror uero ego multò magis te in horum hominū doctrinam adeò propensum esse, ut si quid ab ipsis male etiam traditum fuerit, omnino illud tueri, ac defendere, quantum in te est, coneris. Verum ut ad rem nostrā propius accedamus, in primis talis nostra erit responsio: te perperam suspicari, Mesuæ codicem deprauatū esse, quoniam in eo qui apud te est, ita legatur, à drachma una scilicet ac dimidia ad decimam usque ascendente: plurimi uero à drachma una usque ad decimā: & hac de causa dosin illam, quam nos dicimus, à te non proba-

ri: nam facilius multò fuit impressori iota unum demere illis numeris; aut etiam addere, quàm si character, aut nota, qua decimus monstratur numerus, tota uarianda esset. Ne uerò omnino ab opinione tua dissentire uidear, & tergiuer fari potius, quàm pro ueritate contendere; fieri posse concedimus, ut ponderis illud signum, uel mensuræ, nō rectè impressum fuerit, propterea argumentationi isti tuæ nō multum repugno: quanquam si sic omnia Arabum scripta interpretari, ac peruertere uoluerimus, nunquā, aut certè rarò quid illorum arbitrio consentaneum fuerit, aut dissentaneū, nobis scire dabitur, ita corrupta est in plerisq; locis eorum lectio, & sensus. Et ideo etiam Græcorum doctrina magis quàm Arabum certa, & amplexanda uidetur: nō enim de hac, ut de illa, toties dubitare contingit, quòd pleriq; nostra ætate medici inueniantur qui & græcas pariter, & latinas calleant literas, rarissimiq; sint qui Arabicum profiteantur idioma. Cæterū quod nō admodum absurdum sit cum Brasauola decimam rhabarbari infusi drachmā exhibere, si diligenter ipsius uim examinabimus, quæ nonnullorum aliorum soluentium pharmacorū inualidior est: quodq; secundum Mesuæ opinionem (quæ tamen accuratius consideranda est, nec ita facile recipiēda) nullo discrimine & pueris, & fœtum gerentibus detur, nullum, arbitror, tibi uideri debere inconueniens: & eò magis, si compositiones considerent, quæ à tuis hodie collegis in continuo medendi usu dantur, nec non illius qualitates manifestæ. An uerò cōpositionum, quæ nostris exhibentur temporibus, pondera & modi decimam excedant drachmam, si pharmacopolarum ephemeridas, & recentiorū monumenta, quas uocant practicas, inspicere uoluerimus, ueluti sunt Guainerij & Arculani, & similium autorum, satis constare arbitror: nisi forte inter aluum mollientia, & cōpositionem quæ fit ex myxis, cōnumerandam esse existimes, quæ quidem diagridion satis magna quantitate recipit: absurdum quidem, neque ulli
fani

sanitūdiū uiro recipiendū, propter magnā, ut dixi, scam-
monij mixturę illius mensuram. Si uerō in pleuritidis mor-
bi initio cum dolor partes quę sub septo transuerso sunt, in-
festat, certam cōpositionis cuiuspiam aluū soluentis quanti-
tatem dari consuluisse nos per sensisses, nōne ut inusitatū
& incongruū protinus illud damnaſſes? id quod tamen nō
ita à ratione, nec ab Hippocratis doctrina omnino alienum
eſſe exiſtimamus, cum hic elleborū det, tanquā materia tur-
geat, ſecundo de ratione uictus acut, tametiſi Galenus in eo-
dem loco multum illum uereri uideatur, potiſſimū ubi cō-
poſitio illa quam dicit scammoniā recipiat. His adde Guai-
nerium & Gatinaram, & alios, quorum tu deſenſor acerrī-
mus exiſtis, qui miſturā quę nomine electuarij, ex ſucco ro-
ſarum circunfertur, drachmarū duarū & dimidiā ponde-
re in pleuritide curanda exhibent, diagridionēq; ipſum ſolū
& rhabarbarum: à quorum tamen omniū uſu uos plurimū
abſtinetis, talemq; medendi conſuetudinē maximē dam-
natis, modō recentiorum placita laudantes, modō contem-
ptui habentes. Ad alterum uerō de ſaccharo argumentum
ita reſponderi poterit: ex eo mirandum non eſſe, quod Dio-
ſcoridis & Galeni diligentiā ſubterfugerit ſacchari canna-
rum prouentus, & certa notitia, non autem ipſius ſacchari
ſubſtantia, nec cannæ ipſæ, cum & pleraque alia cognoue-
rint, quorum tamen prouentus illis incertus fuerat, quorū
omniū poſteriores perfectam habuerunt notitiam, quem-
admodum pluribus conſtat exemplis. Plerosq; enim auto-
res ſcimus de Guaiaciligni facultate, & uſu memorare, &
ipſum cognoscere, qui tamen illius arboris ſpeciem, & ori-
ginem neſciunt. Poterūt igitur in teipſum retorqueri, quæ
tu in hos egregios autores contorſiſti, necnon contra poſi-
tionem noſtram: non enim fieri poteſt, ut unus omnia ui-
derit ac nouerit, præſertim cum nullus nunc, quod ſciam,
ſit princeps, qui pro ueritate & rerū notitia inueſtiganda,
ea ſuis medicis ſuppeditet cōmoda, quæ olim Alexander il-

h

le cognomēto Magnus, præceptori suo & philosopho Aristoteli, Aloēn præterea hybernīs temporibus ægris nō esse dandam, propter aëris frigus corporis poros, ut inquis, adstringens, mihi quidem non multum probari potest: quoniam eadem ratione brumali tempore nullū similiter aliud exhibendum esset pharmacū: quod quidem falsum esse ex eo constat, quoniam necessitate urgente, nullus est qui iure eo tempore soluens pharmacū dari neget: quemadmodū te quoq; sapius fecisse animaduerti: maior enim utilitas sequitur ob medicamentū datum, quā si, aëris statu & conditione tantummodo obseruata, illud nō detur. Tuo uerō illi argumento, quo Mesuen tueri studes, hæc pauca breuibus collecta sufficient: stomachi uocabulum nos pro uentriculo usurpasse, siue pro illius ore, quæ est nobilissima uentriculi pars, & ab antiquis præcordiū nominata: qua significatione priscos, & recentiores interdum uti uidimus: licet propriè stomachus Græcis gulam significet, ut in plerisque locis à Galeno scribitur, quam Aristoteles & ueteres cœlophagum dixere, mediū scilicet illud, quod est inter os uentriculi, & fauces, ut ait Galenus in v. de locis affectis. Nunc contra illud, quod de Sarcocolla asseruisti, argumenta & rationes nostræ explicentur. Negamus huius usum, & uim esse eam, quam tu affirmas, ut pinguefaciendo corpusaugeat, non quidem per se, sed per accidens, humores noxios purgando: quoniam Mesues absolutè sententiā illam protulerit, neq; is sit modus propriè, & simpliciter loquentium autorum, cum aliquid aliqua de re enunciant, aut aliquam uim illi attribuunt: neq; ut Manardus ait, hoc illi magis q̃ alijs cōpeteret pharmacis soluētibus: neq; (puto) tanti Mesues non est, ut uel doctrinæ excellentia, uel rerum usu cum Galeno, uel cum alijs medicis, quos habuit antiquitas admirandos, cōferendus sit, Autoritati uerō & Dioscoridis testimonio, quo suam ille, & tuam sententiā tuetur, acquiescerem sanè, nec auderem tibi obstrepere, si uerba illa quæ
ab illo

ab illo ex Dioscoride citantur, in Dioscoridis græco aut latino codice reperirentur: cum uerò in hoc ipso non legantur, nō uideo quomodo tutum sit illi tantam habere fidem, quantam tu certè habes. Causam postremò cur inuestigamus non est, quamobrem hic tuus Mesues, & quidem probus, ut ais, & sanctus uir, illud Alexandro Tralliano adscripserit, nisi in illius monumentis scriptum esset, cum de cyaneo lapide mentionē faceret: satis enim mihi esse existimo, Alexandri testimoniū non ipsius Alexandri esse, & falsò à Mesue citatū fuisse: nisi quispiam fortè Mesuen defendens respondeat, Alexandri uerba manca, & decurtata esse, non Mesue superuacanea aut corrupta. At si quis nulla animi perturbatione cōmotus rem accuratius inuestigare, & excutere uoluerit, in huius autoris & reliquorū Arabum cōmentarijs complura inueniri errata, & mendas non negabit, quàm in ijs quæ à Græcis tradita sunt, siue ea sua, siue librariorum, siue typographorū culpa cōmissa sint. Quare de re non uideo, cur medicorū uulgus, & qui de falsa doctrinæ persuasione inflati se uenditant, adeò Galeni & Hippocratis dogmata suspiciant, mirisq; laudibus efferant, Arabum uerò doctrinam ita sedulò discant, inq; illa assidue sese exercent. Satiùs itaq; fuerit abiecta pertinacia, pudoreq; illiberali, ab Epimenidis somno (ut ita dicam) tandem expergisci & præuiam lucem sequi, quàm nos ita oppressos hallucinari, & contabescere. Quare & tu compater charissime ueritate tandem agnita, fac tuus animus mitescat, illiq; obtemperet. Quid enim obsecro optabilius est, quid iucundius, q̃ nos toto cœlo aberrantes, & uarijs tempestatibus commotos, in salutis portum recipere, & dispersas uires colligere, & refocillare? Spretis itaq; ijs, quæ maximo tibi quandoq; esse possent detrimento, ne amplius differas moneo ad peritos, probatosq; autores te cōferre, & illos nocturna uersare manu atq; diurna: hi enim certissimæ salutis uia sunt, aliq; uerò sempiterni erroris & periculi. Vale. v. cal. Iulij. 1540.

Aloisius Mundella medicus Academicis suis,
de Coturnice. EPIST. VI.



3. de alim.
 facult. & 3.
 natura 717.

Vbitū est à nobis quandoq; quodnam auisū
 genus illud esset, quod uulgō coturnix appel-
 latur, genis, rostro, & pedibus rubenti colore,
 reliqua uerò pennarū facie ad leucophæū uer-
 gente, perdice aliquantulū maius: & quānam
 insuper ea ueteribus auis fuerit, quæ nostra uernacula lin-
 gua Qualea dicitur, cuiusue succi ambæ sint, & nutrimen-
 ti. Cui dubitationi ut pro uiribus satisficiam, dico coturni-
 cem, quæ ita à nobis cōmuni sermone nominatur, nō illam
 esse quæ ab antiquis autoribus coturnix nūcupatur, sed de
 alpinarū potius uolucrum genere esse, & in syluestribus, &
 frigidis locis, montibusq; uersari & degere, quæq; à regio-
 nibus nostris nunquam recedat. Verum cuius auisū spe-
 ciei apud ueteres fuerit, equidem nondum satis compertū
 habeo: sed ex gustu, & odoratu, & loci natura, in quo conti-
 nuē cōmoratur, & ex ijs quibus pascitur (nam illa grati ad-
 modū sunt odoris) si probē à nobis conficiatur, boni & lau-
 dabilis esse alimenti existimo, & propterea in cibis meritō
 expetendam esse. Verū utile esse ducere, si postquā in-
 terempta fuerit, sub dīo per aliquot dies ad gelu relinqua-
 t, (quemadmodū narrat Galenus de multis uolatilibus, quæ
 alas fibrosas, & uniūersam carnē huiusmodi habent) prius-
 quam eam aqua coquas, aut asses, ut magis tenera, & friabi-
 lis reddatur illius caro, quæ paulum quidem solida est: acci-
 det enim ut facilius deinde à uentriculo concoquatur. Nō
 esset autem fortasse admodum absurdum eam gallinaginis
 aliquā speciem esse putare, siue auis Numidicæ, quam qui-
 dam deserti gallinā uocant; nam ipse aliàs cum in Burmijs,
 ubi aquæ medicatæ scaturiūt, medicum agerem, nostratiū
 coturnicū marem & fœminam in domo alules habui, quæ
 adeo cīcures, & mansuefactæ redditæ sunt, ut postea cum
 domesti

domesticarū gallinarū corte promiscuē habitarent, simulq̃
 uescerent. Donauerat autē eas mihi rusticus quidā, si quis
 alius, ad captādas aues callidissimus, quoniā illū sanassem.
 Sed ut postea existimarē coturnicē hanc uulgarem nō esse
 gallinā syluestrem, fecit hic idem rusticus, qui ad me utriusq̃
 que sexus auem attulit, multō quidem coturnicibus nostris
 maiorem ac dissimilem; & hanc dixit uocari gallinam sylue
 stre, illum uerō gallum, uerisq̃ tempore per nemora ob
 strepentes sēpius audiri; quorum meminisse Galenū existi
 mo in iij. de comp. med. secundū genus, cum ibi etiam anse
 rum syluestrium mentionem habeat. Nisi quispiam plures
 esse gallinarū syluestriū species dixerit, & per diuersa anni
 tempora colorem mutare, quemadmodum de turdis, me
 rulis, sturnis, & alijs auibus Plinius tradit. Hæc uerō ut nūc
 ad uos scriberem, Domicilla Lodroni comes in causā fuit,
 quæ eō quod me à morbo conualuisse intellexerat, auem
 quandā mihi dono misit à Rhætis: quam primo statim aspe
 ctu absq̃ dubio Lagopum esse asseruissem, quoniā lepo
 ris pedes haberet, nisi nonnulla alia signa descriptioni à Plī
 nio assignatæ non cōuenirent; postea uerō ut illius alimen
 ti bonitas & temperatura mihi magis innotesceret, uentrē
 diffecui, & pabulum diligenter considerauī, nec in eo aliud
 quidem cōperi nisi rubentes fructus quosdam à calore uen
 triculi semicoctos, quos adhuc in cubiculo nostro seruo, &
 grati odoris herbas. Illud uerō causæ fuit ne uos ad huius
 modi solenne conuiuium inuitauerim, quia uos in cōmo
 dius tempus differre uolui. Id tamen scitote, præcipuū fuisse
 se auis illius saporem, Coturnicem potius ueteribus appella
 tam, eam auem esse existimo, quæ materno sermone à no
 bis quælea nuncupatur: quod pluribus, ijsq̃ euidentissimis
 rationibus comprobari potest, & primū Aristotelis testimo
 nio, ut interim Sipontinū, Simonem Genuensem, Manar
 dum, aliosq̃ præteream, ix. de natura animalū, cap. viij. cu
 ius uerba, quæ ad rem nostram pertinent, breuiter à me col

lecta infra subscribam: Tum perdices, tum coturnices etiā copia libidinis gaudent, ut in aucupantes corruant, & saepe numero capitibus eorum residant: atq; tum perdices, tum coturnices humi nidulantur, propter impotentiam uolandi. Ex quibus Aristotelis uerbis, si quis qualearum naturā diligenter obseruauerit, nulli dubium fuerit, quales idem esse penitus cum coturnicibus antiquorū, & eas solo nomīne tantū inter se differre, à qualis autem quales sic appellatas existimauerim, in quibus tanquā in uiuarijs captæ mens referuantur. Hæc præterea opinio nostra cōfirmatur ex ijs quæ à Gyllio narrantur ex antiquorū monumētis super xv. Aeliani de animalibus libro: ibi enim scriptum est, coturnicem fœminā graciliore collo esse quā marē, neq; nigras partes sub mento possidere. Non prætereundus est & Plinij locus, ut qui nobis maximē suffragetur, cap. xxiij. libri x. naturalis historie, cum ait, coturnices citius ad nos aduenire quā grues, paruas aues, terrestres potius q̃ sublimēs: aduolare & has simili modo nō sine periculo nauigantium. Id autem proculdubio uerum esse Pisarenensis miles quidam, & nonnulli alij illius regionis incolæ fide digni, affirmarunt, utpote ad quorum patriam, quæ maritima est, ingens coturnicum copia aduentare cōsueuerit, & mille in sidijs capi: sed potissimum sub extremum uerni temporis illarū aduentu obseruato. Sequitur deinde in Plinio: Austro nō uolant, humido scilicet & grauiore uento: aura tamen uehī uolūt, propter pondus corporum, uiresq; paruas: aquilone ergo maximē uolant ortygomētra duce: semper hinc comitatū remeantes sollicitant. quā rem saepe animaduertērūt hī, qui aucupijs mirū in modum oblectari solent, & auium naturam & mores diligentius obseruāt. De ortygomētra quoq; nemini dubitandum esse arbitror, tanquā qui plerisq; latē innotuerit, quemq; ego proximis diebus præ manibus habui, & comedi. Sed hoc loco unā cum reuerendo Alexandro Toto, qui primus hac de re me admonuit,

monuit, non possum non mirari Nicolaum Perottum, uirum alioqui eruditum, qui in deducenda ortygometræ etymologia, à *μετρε* & deducit, cum tamen *ορτυγομετρα* *δια τὸν*, & *διὰ τὸν*, à Græcis scribatur, quasi *ορτυγος μετρα*, quæ Latinis sonat coturnicis matrix, non autem mensura, ut ille existimauit. Quod si quis hæc ut minimæ considerationis epistolæ nostræ inseruisse uitio uerterit, nos Galeni exemplo id fecisse sciet, qui plerūq; in huiusmodi sermones incidit. Verum, ut ad rem nostram reuertamur, quid quæso his Plinij uerbis clarius, quid apertius esse potest: hæc quidem tollere debent omnem illorum dubitationem, & suspicionem, qui coturnicē qualem nō esse contendunt, nisi ita affecti sint, ut elleboro magis, quàm coturnicibus his opus sit. Indigena præterea, & stataria auis est, quæ uulgò à nostris coturnix appellatur, & ea in alpibus nobis uicinis moratur: quælea uerò, quam eandem esse cum antiquorum coturnice satis me probasse existimo, aduena & peregrina auis est. Extremū illud addam, multos profectò mihi affirmasse, præsertim Totum nostrum plurimæ sanè lectionis, nec uulgaris iudicij uirū, se uidelicet proprijs oculis uidisse, quæleas comitali morbo corripi: traditum quidem à Plinio de coturnicibus, à nullo uerò de alpinis nostris coturnicibus, quod sciam, nec hætenus uisum, nec auditum, Plinij uerò sententia illa, coturnices animalium solas, præter hominē, talem morbum sentire, nobis profectò dubitandi occasionem præbuit: nōnulla enim alia sunt animalia, quæ hoc afficiuntur malo, quemadmodū quos sæpe nos uidimus, catti, & ut ab alijs accepi, capi gallinacei, alaudæ, equi, picæ. Verum ita nos fortasse dubitationē tollemus, dicentes, coturnices animalium solas præter hominem talem morbum potissimū sentire, quemadmodū etiam de canibus rabidis scripsit Aristoteles; nam mulos, & alia animantia etiam præter canes rabie corripi scimus. His in hunc modum à nobis explicatis, nunc uidendum restat, cuius succi quælea siue co-

turnix sit, maline an boni: sed prius hoc fundamento iacto: nam simili etiam utitur Galenus in cap. de dolichis, primo de alim. facult. Aristotelem scilicet de coturnicibus, & perdices in eodem capite tradidisse, quasi utraq; natura inter se non multum differant. Neq; dubitandum est, eò quòd Galenus vi. de tuenda uoletud. inter montanas aues perdoes etiam cõnumerauerit: nam campestris, & monticola est perdix, turtur, phasianus, turdus, & pleræq; aliæ uolucres, ut patet. Verũ ut non nihil hoc subsisteremus loco Galenus nobis in causa fuit: inter perdoes enim, turdos, merulas, & huiusmodi, quæ quidem boni succi esse ab omnibus existimantur, *ἄλγος*, hoc est, sturnos etiam cõmemorat, qui à multis illaudabilis esse nutrimenti iudicant. Cui obiectio ni sic occurrì posse arbitror: Galenum in eo lib. in calculi renum uitio sturnos tanquam tenuis alimentii approbasse, similiter & palumbes, turritos uel passerculos, quos Græci *πυγίτας* appellant: uel sturnos non ita fortasse improbi succi esse præsertim iuuenulos, ut uulgius putat: quædam namque sunt animalia, quæ adhuc in tenella ætate existentia, boni succi sunt, ut uituli & hoedi: si uerò annosa fiant, prauis: hæc enim, ut ait Galenus in tertio de alim. facult. carent & concoctionis, & boni succi, & nutritionis laude. Multò autem magis Galeno credendum est, quàm uulgo ita incõsultè aliquam generalem proferenti sententiam. Perdicũ uerò nutrimentũ, necnon eiuscemodi auisum, quàm conueniens sit, & inculpatũ, silentio præterire decreui, tanquam ab omnibus tum græcis & latinis, tum etiam Arabibus celebratũ, præsertim à Gal. in lib. de cibis boni & mali succi, ut symmetron, & medium inter crassum, & tenue: laudatur namq; ibidem perdicis caro, turturis, attagenis, & turdi. Quid uerò attagen sit, antiquorum mensis, & ganeis tantopere celebratus, adhuc sub iudice lis est, neq; præsentis est instituti id explicare: nolo enim quicquam asserere, nisi illud esse proculdubio sciuerim, Quamobrem cum iuxta Aristotelis scripta

perdix

perdix & coturnix eiusdem generis esse uideantur, manifestum relinquitur, coturnicem, hoc est, qualem, non ita, ut uulgò fertur, prauí succi esse, neq; à mensis ablegandā, nisi pauperū fortasse, ut qui minoris impensæ cibis uesci cōsueuerint. Neq; etiā quòd morbo comitali corripiať, quodq; ueneno pascatur, ab huius esu abstinendū esse censuerim: nōnulla enim nouimus animalia, quæ licet uenenis quandoq; nutriať, boni tamen succi sunt, quemadmodū de sturnis proximè cōmemoratis cōstat; hi enim etsi cicuta, quæ uenē esse ab omnib; iudicat, uescātur, ut est apud Galenū, inter tamen boni succi aues ab eodem cōnumerantur in vi. de tuenda sanitate libro à nobis superius citato; illis enim cicuta nutrimentū est, homini medicamentū. Et ibidem rursus, coturnici ueratrū alimentū est, hominib; medicamentum; siquidem coturnicum natura in substantiam suam ueratrū uertere potest, quod hominū non potest. Auicennas insuper coturnicis cibum non improbat, quòd elleboro seu ueratro nutriať, sed quòd talis facultas spasmū, ac tetanū gerandi, illius insit substantiæ. Nam coturnicem ellebori cibo iuuari probabilius est, quā lædi, si primè illius qualitates, & quæcunq; alia rectè considerentur, quæ pituitæ humoris, si quis in coturnice reperitur, possunt tollere & discutere. Probabilius autem uideri diximus, quoniā non solum hominis ab aliorum natura admodum diuersa sit animantium, uerū ab aliorum quoq; hominū, ut ait Galenus in primo de ratione uict. acut. morb. Veratrum enim licet hominem purget, nō tamen etiam coturnicem purgabit; neq; cicuta, etsi hominem refrigerat, etiam turdum refrigerabit. An uerò coturnix ueneno, ut scribit Plinius, uescat, equidem nescio, nisi ueratrum ueneni loco sumpserit; sed milia rem auem esse (ut eo utar uocabulo) quo quidem uescitur, ut cicuta sturnus, & eruo bos, & in aruis milio satis, plurimum inueniri non ignoro, ubi nulla ellebori species, nullumq; aliud noxiū simplex est, propter soli culturam fre-

In 3. de simp.
med. cap. 17.

1. de simpl.
med.

2. de alim.
facult.

In 5. collect.
cap. 32.

quentem & diligentiam magnam, quæ in purgandis agris illis adhiberi solet, in quibus miliū feritur. Quare coturnicis nutrimentū, quod non ingrati etiam saporis sit, laudandum potius, quàm damnandum censeo; nam & Auerroës mirificè coturnicū carnem laudat, tanquam bonū generantem succum. Et licet hæ ueneno interdum uescantur, & interdum comitiali morbo uexent, nō tamen semper, nec omnes existimo, sed illas fortasse quæ in auarijs captæ referuantur; nam & hac ratione capi gallinacei, quos suprà diximus, quod nonnulli eorum quandoq; comitiali morbo corripiantur, improbandi essent, qui tamen ab omnibus rationabiliter laudantur. Nam quæ obsecro animalium species est, quæ uarijs interdum non corripitur morbis, etiam si ea boni succi sint? Damnat siquidem Galenus animantium non exercitatorum carnes, propter nimium illorum humorem, & excrementum; contrā uerò montanas, syluestres, & exercitas, quæq; idoneis uescuntur pabulis, & liberā uitam agunt, laudat. Disponūt quidem pro sua natura cibi ac potus animalis corpus, qui in longo sint usu: multa enim mutatio ex hoc ipso fieri solet, ut ait Galenus secundæ sectionis aphorismo L. Verū de coturnice non ita dicendum est, quemadmodum ex superius dictis patēre arbitror. Id quoque non prætermiserim, dominum Deum nostrum Israëlitis populum, quem ardentissimè diligebat, dum per deserta illa transiret loca, ad satietatem usq; coturnicibus nō pasturum fuisse, nisi probati illæ fuissent alimēti, & salutaris: nam aliàs etiam melle aërio illum saturasse legimus, non autem noxijs & damnatis cibis. Sed quoniā Galenus abunde nobis tradidit methodos in libris de simpl. med. quibus facile quæ sint alimenta bona, & mala, cognoscere & distinguere possimus: idcirco satis manifestum fieri posse puto quæ leam, hoc est, coturnicē, præsertim assam, quod boni & grati odoris sit & saporis, omisso etiā ipsius cōdimento: quodq; manducanti nō displiceat, sed optimè respondeat, atq; oblectet,

et, boni esse alimenti; hæc enim argumenta sunt satis uali-
 da ipsius probæ temperaturæ & substantiæ. De coturnicū
 uerò sede cum ad nos aduenerunt, nemini dubium est eas
 in locis siccis & cultis morari, non autem stagnantibus, aut
 incultis, & aduentante pluuiā aliò auolare. Psellum quidē
 inter illa, quæ boni succi nō sunt, coturnicem cōnumerare
 non me latet: sed quoniam nullis id rationibus probat, non
 multum in præsens magnificandum esse illius testimoniū
 censuerim, ut qui turturem etiam damnauerit, quæ tamen
 à Galeno, ut superius ostendimus, plurimum laudatur. Isti
 namq; autores Græci, qui longè post Galeni seculum secuti
 sunt, quiq; Arabum doctrinam degustarunt, in plerisq; à
 præceptore Galeno declinarunt, quemadmodū, exempli
 gratia, in sectione uenæ, extremæ manus uenam magis eli-
 gentes, quàm curuaturæ brachij, & in nonnullis alijs nunc
 à me non recensendis. Et sanè pauca admodum isti memo-
 riæ mandarunt, quæ Galenus non scripserit, aut animad-
 uerterit: sunt tamen eorum monumēta multò magis quàm
 Arabum nobis imitanda, atq; amplexanda, ut quæ Galeni
 doctrinam atq; Hippocratis magis redoleant, quàm barba-
 rorum. Qui uerò adstruunt, quandoq; etiam à Galeno de
 uenæ manus sectione mentionē fieri, ut in secūdo ad Glau-
 conem libro, ubi passione existente in dextra locorum par-
 te, à dextra manu, aut crure eodem sanguinem mitti præci-
 pit: ita illis responderi poterit, Galenum ibi manus uocabu-
 lo pro brachij usum fuisse, quemadmodum sæpius consue-
 uit, & ab ipso explicatur in libello de motu musculorū. Sed
 esto quod non multum laudabilis succi sit coturnicis caro:
 at certè concedent, non omnino eam à nostris mensis able-
 gandam, quoniam comedentes multum delectet ac iuuat.
 Cibum namq; ut ait Galenus secundæ sectionis aphorismo
 xxviiij, qui cum uoluptate sumitur, quāuis paulò fuerit de-
 terior, nō modò nō manet deterior, sed quandoq; redditur
 melior, quod etiam confirmatur in secundo de alim. facult.

cum dicit, præcocia plerisque perficis suauiora apparere, & ideo stomacho utiliora; & in consilio pueri comitiali morbo laborantis. Nihil autem in omnibus cibis, ad boni succi generationem tantum pertinet, quantum si probe in uentriculo concoquantur; nam quicquid uenter cōcoxerit, ad iecur transit, ab illo ad nutriendas partes transmittitur; & reliqua quæ à Galeno in libro de cibis boni & mali succi narrantur. Virtus uero cibi est, ut facile coquat, quintæ sectionis aphorismo xxvi. Equidem uitiosi maxime gignuntur ex cruditate humores ac morbi, siue ea ex boni succi cibis, siue mali oriatur; licet longè alijs deterior sit illa, quæ ex uitiosi, quàm quæ ex boni succi cibarijs fiat. Propter hanc tamen Galeni sententiam putes nolim tutius nō esse ab omnibus nos cibis abstinere, quàm ijs uesci qui malos gignere humores apti sunt, tamen si concoquantur illi; non enim (opinor) id uoluit Galenus; sed quæcunque illa fuerint, ut proba eorū concoctio fiat, impensissimè studendum esse; cibi enim, & potus optimū habentes temperamentū, nature sunt conuenientiores, ut ait Galenus lxxxvi, cap. artis medicinalis; neque ullum magis aptius adminiculum inueniri potest ad tuendam sanitatem, succorum probitate. Quamuis autem cibi, qui malos generant humores, concoquant, si tamen uel minimā putrefactionis occasionē admiserint, febres excitant, quæ postea difficile curant, ob talem humorū putrefactionem, & uitium in uenis residens, quemadmodū dicta Pselli de rat. uict. accuratè cōsideranti longè patere arbitror, Galenique præsertim in secundo de alim. facult. qui sic ait: Proinde omnibus prauī succi edulij, quantumuis à nonnullis probe conficiantur, abstinere omnino consuluerim; clām enim, sensimque longa dierum serie prauus in uenis succus ex ipsis suggeritur, atque accumulatur, qui uel leuicula putredinis arrepta occasione febres sæuissimas, & mirè contumaces excitabit. Cum uero inopinatis rerum casibus omnes subiiciantur homines, salubris gratia securitatis, fortasse satius fuerit omnia

3. de alim. facult. cap. de piscib. molli carne præd.

omnia tentare, & ad insueta transire, ne aliquando in ea repente incidentes, multum offendamur: est enim unica tantum consuetudo periculosa, quemadmodum ait Galenus secunda sectionis aphorismo quinquagesimo. Si quis igitur nostris spretis rationibus, & autorum sententijs, Avicennae magis assentiatur & pareat, hic spasmum ac tetanum timens, a coturnicum cibo perpetuo abstinere, nos uero quandoque, ob adductas rationes, illis uti haudquaquam dubitabimus. Meliora & fide digniora, quam nunc ad uos scriberem, non habui, candidissimi fratres, ad hanc nostram difficultatem extricandam: quocirca dabitis & uos interim operam, ut uestro ingenio, uestroque studio & diligentia res medica indies elucescat, Valete. Pridie Nonas Octob. M D. XL.

Aloisius Mundella medicus, ad Hieronymum Feroldum medicum, EPIST. VII. in qua Galeni locus de uentriculo & hepate lupi aperitur.



Et iusti a me heri cum in bibliotheca Placentini tanquam in alterum Galeni sandalarium, forte conuenissemus, uariisque a nobis de rebus uarijs haberetur sermo, atque de his inquirende ueritatis causa disputaremus, ut tibi locum Galeni de compositione medicamentorum secundum genus, ostenderem, quem uno ferme abhinc anno tibi inter loquendum, nonnullisque alijs collegij nostri uiris, si quando opus esset, monstrare spoponderam: recordabar enim me proculdubio illum uidisse, quamuis quam in eius libri parte esset tunc memoria non tenerem. Ego autem quod antea non obliuione quidem, uel negligentia ulla, sed ardentissimi desiderij tui ignorance potius a me factum non est, in praesenti mihi faciendum censeo, ut fidem meam liberem, & tibi urgenti satisfaciam: quaeris enim, quae summam habeant aequitatem, & honestatem: quamquam satis tibi esse potuisset, quod anatoma

mes periti pro comperto habent, atq; affirmant, praesertim Galenus ipse certissimus experientiae autor, cuius multa fides merito adhibenda sit: *σμάχου* uidelicet, siue gulam, aut oesophagum, dorso spinæ secundum latus dextrum prætensum esse, & alligatum, ut in xvi. de usu partium ab ipso latius pertractatū fuit; cui os uentriculi cohæret, ac continuatum est, singulis dorso per phrenas firmatis, & connexis, quemadmodum eiusdem quarto uidere est, necnon vi. de anatomicis administrationibus: id quod etiam v. de locis palsis, cap. iij. confirmari uidetur, & tertio de re medica Aëtij libro, cap. cxxxvij. ibi enim cucurbitulam à sumpto elliboro, singultu urgente, spondyli magnæ sub scapulis affigi præcipit, ut singultus sedetur, quæ est peculiaris oris uentriculi affectio. Idem Aëtius in iij. cap. xix. ad sistendum infantium alui profluuiū medicamentū loco prædicto applicat: quod illum fecisse existimandum est propter oris uentriculi, quam cum dorso habet, uiciniam. Idem confirmat & Cornelius Celsus in iij. lib. Quibus adstipulatur id quod duobus ægrotis, qui à morbo conualuerūt, quicq; adhuc superstites sunt, sæpius euenire expertus sum. Cum enim ab eis accersitus fuisset ad bonam illorum recuperandam ualitudinem, horum alterum audiui, qui se uehementi admodum dolore cruciari dicebat, quem *καρδιάα* uocant, communicatis à uentriculo uaporibus cum à frigida ipsius intemperie, tum hepatis calida generatis. Hic igitur inuestiganti mihi, & diligenter singula inquirenti, doleretne, dum premerē mediam ferè dorso spinæ particulā, subito respondit, se quidem grauē dolorē sentire iuxta xi. dorso spondylem: perrepat enim stomachus secundum Gal. supputatorem in xvi. de usu partium, super vii. colli spōdyles, & thoracis iiii. Sunt autē omnes numero xxiiij. cui deinde, ut infra apparebit, os uentriculi continuatū est. Alter uerò ægrotus muliercula quædam erat, quæ cum prægnantem se esse putaret, tandem informe carneum quoddam peperit, quam
molam

molam appellant; hæc cum ante partum assiduo infestaretur uomitu, utpote cui prauis repletus esset uentriculus humoribus propter uictus intemperantiam, dum prædictam ut alterius ægroti, partem dorsi premerem, se intolerabilem ferè dolorē sentire affirmabat, sed etiam nullo prementē, in ipso uomitus tempore. Quæ quidem utraque exempla non parum uidentur Galeni, atque Aëtij dicta confirmare, & eorum etiam, qui de sectione partium humani corporis prodiderunt. Vt autem ad primam quæstionem, siue dubitationem redeam, dico Galenum tanquam naturæ secretorum inuestigatorem diligentissimum, experientissimumq; & summū philosophum, septimo de compos. medic. secundum genus, uentriculi ori, & metaphrenis, ad iuuandam coctionem illi iubere myracopon illud regium, cuius uerba hæc sunt: καὶ πρὸς τὴν σπλῆνῃ καὶ τὴν κοιλίᾳ, καὶ τοῖς μεταφρενοῖς. hoc est, & coctiones iuuat inunctum ori uentris, & metaphrenis; non autem dorso, ut alius interpres, sed anteriori pectoris parti, ubi fundum situm est; superuacuum enim illud esset; nisi & hic os uentriculi antè situm esse existimasset, quod tamen falsum esse inferius me ostensurū spero. Septimū uerò transversum, siue diaphragma totum diuidit pectus à spuris costis ortum habens, quapropter ab Aristotele διαφραγμα appellatū est. Itaq; non est quod amplius suspiceris sententiā illam à me aliàs tibi recitatā, mihi effinxisse. Si uerò quispiā fortasse in hunc modū argumentet, cōpositionem illam vij. libri de comp. med. secundū genus, paulò antè à nobis citatā, nō Galeni, sed alterius auctoris esse, hac sola respōsione illi satisfactū iri posse arbitror: satis mihi esse myracopon illud à Gal. damnatū nō fuisse, imò potius approbatū, cū nulla ex parte illi refraget, quemadmodū in nōnullis antiquorū cōpositionibus ab ipso ibi cōmemoratis, cū illas cōsiderat, & expendit, facere cōsueuit; similiter & in libris de comp. med. secundū locos; atq; simplicia illa, ex quibus ea cōpositio cōficitur, sin

gula maximè faciant ad uentriculi coctionem iuuandam, si diligenter ea considerabimus; duobus enim, uel tribus, quæ celebria sint, medicamentis examinatis, ratio alia cõponendi, & interpretandi cognoscit, ut est in principio libri quinti de comp. med. secundũ genus, & in eiusdem vi. Adde etiã quod Galenus paulò infra citatum myracopon Asclepiadem laudauit, quoniam confecturas, & earum usus accurate tradiderit; quæ cum à negocijs tuis paulum uacaueris, tua sponte & uidere, & examinare poteris. Præsens uerò Galeni locus, si fortè, ut desiderabas, tibi nō satisfecerit, eandem ferè sententiam exactius quidem explicatam conspici poteris in xiiij. τῆς θόρακτος μεθόδου, ubi laborāte stomacho, remedia spinæ dorsī admouenda esse uoluit, quemadmodum cū phlegmone uentriculi os afficitur. Cum autem hæc ad describerem, ecce ad nos è Basilea afferunt Iani Cornarij uiri (mea quidem sententia) eruditi in libros Galeni de comp. med. secundum locos cõmentaria; quibus alacri animo explicatis, ardentiq; desiderio uisis, & cursim lectis, ut boni quippiam primo aspectu præseferentibus, inter ceteros mihi consideratione dignus uisus fuit locus ille, ubi Cornarius Linacri uersionem illam xiiij. libri curandi methodi castigat, & medicorum recentiorũ usum simul reprehendit, qui dorsī spinę, quod ibi uentriculi os annexũ esse existimarunt, remedia applicanda esse contendunt, tanquam hoc nouum, nō illorum, sed Galeni fuerit inuentũ. Cum autem hæc legissem, Cornarij q; & Linacri simul translationem ad græcum Galeni exemplar, quod nuperrimè Basiliensib; typis excusum fuit, tanq; magis castigatũ & correctũ cõtulissem, mihi quidem Cornarius magis ad uerbũ uertisse uisus fuit, & fidelius profectò, quam Linacer; quorum ut clarior habeatur sensus, quamuis ab illis uersa fuerint, hic etiam infra ea subscribere, & interpretationem nostram ponere non alienum fore duxi; λέγω δὲ νῦν σόμαχος ὄντι πῶς δὲ καὶ κυρίως ὀνομάζουσιν. γνῶτε γὰρ ὅτι καλεῖται τὸ σῶμα τῆς γαστρὸς,

γαστρός, ὡς ὅτε ἔπαισι συγκόπτει τινὰς σωματικούς. ἀλλὰ ἐπιγὰ
 ἔκρυψεν ὀνομαζομένης σμάχου, καὶ τὰ κατὰ πλάσματ' αὐτῆς ῥαχέως ἐπι
 τίθειν, ὅτι ἐμπροσθεν, ὡς ὅτε τὸ σῶμα τῆς γαστρός φλεγμῶν, καὶ
 γὰρ τοὶ τῆς ῥαχέως ὁ σῶμαχος ἐπικείται, ὅτι τὸ τραχήλου, καὶ τὸ θώρα
 κος φρόνιμος καὶ τὸ μέχρι τῆς γαστρός, hoc est: Dico nunc stoma
 chum quem & propriè quidem appellant; interdum enim
 sic uocant & uentris os, quemadmodū aliquando dicunt
 aliquos stomachi ratione animo linqui: sed in ea corporis
 parte, quæ propriè stomachus appellatur, etiā cataplasma
 ta spinæ imponimus, nō autem anteriori parti, ut tum, cum
 os uentris inflammātū est: spinæ enim stomachus incum
 bit, & per collum & thoracem usq; ad uentrem infra porri
 gitur. Hæc Galenus; in cuius uerborū initio, cum inquit,
 dico nunc stomachum, quem propriè appellant [gulam] di
 ctio addenda est, uel subintelligēda, ut est in v. de locis pas
 sis cap. iij. quæ si ad Linacri interpretationem conferantur,
 primo statim aspectu longè quidē diuersum sensum, quā
 Linacri uersio reddere uidentur. Sed cū postea accuratius,
 sæpiusq; ac sæpius cōsiderassem uerba illa Galeni, quæ dif
 ficultatē facere uidebantur, res quidem aliter se habere mi
 hi uisā est. Ea autem sunt: Sed in ea corporis parte, quæ pro
 priè stomachus appellatur, etiam cataplasmata spinæ impo
 nimus, nō autem anteriori parti, ut tum, cum os uentris in
 flammātū est, &c. quæ quidem fidelius à Cornario uersa ui
 dentur, quā Linacro; tametsi Linacer natiuū Galeni sen
 sum, & genuinum percepisse, non uerba tantum animad
 uertisse mihi uisus sit: quod ab eo requiri debet, qui uerten
 di prouinciā suscipit, ut ait Galenus in secundo de diffe
 rentijs pulsuū; nam uerbum illud [cum] non ad statim an
 tedicta referendum est, sed ad alia, quæ illa antecedunt: ut
 talis sit Galeni sensus, stomacho laborāte, cataplasmata dor
 si spinæ imponimus, ut quando os uentriculi inflammātū
 est, nō anteriori parti. Et ita omnes Galeni loci, & aliorum
 autorum concordēs erunt, neq; quicq; his, quæ in admini
 k

stranda corporis humani sectione apparent, aduersabitur. Confirmantur præterea, quæ superius diximus, à Galeno in primo de locis affectis, cum ait: Quippe apparentib, per uomitum ulceris notis animaduertendum est, utrum anteriores partes circa præcordia, aut posteriores circa dorsum dolor aliquis infestet: etenim qui in anterioribus percipit, uentriculū, qui uerò in posterioribus, gulam occupare censetur. Haud aliter os uentriculi, à spacio ipsius distinguendū est, si deuoratis quibusdā acribus, hoc quidem, scilicet acre, in ore uentriculi, uel in parte inferiore morsionem excitet, illud uerò in thoracis meatu. Hoc idem sentit in tertio eiusdem, cap. vi. At uerò stomachum dorso spinæ annexum esse iam patuit: similiter quoq; & uentriculi os, & his etiam Galeni uerbis: quarto enim de usu partium, uentrem in thoracis medio situm esse apparet: ipsius uerò os gulæ proximū esse. Neq; ualet, puto, illorum cōtra nos argumentatio, qui dicunt, thoracis uocabulo totam debere intelligi costarum concauitatē, tam anteriorū, quàm posteriorū, quemadmodum Galenus scripsit in libello de ossiū dissectione. Nam licet Galenus dicat, Illud uerò in thoracis meatu: non sequitur tamen ex hoc, uentriculi os in regione illa dorso situm, et alligatum non esse: quoniam paulo antè dixerat, gulam eo in loco adnexam esse, & ibi quoque os uentris copulari, & continuari, quemadmodum ex locis superius citatis manifestè apparuit. Sed tamen propterea non negamus remedia affecto uentriculo, affectoq; ipsius ore, utrique parti, dorso scilicet & anteriori thoracis parti applicanda esse, nō solum ad ipsius coctionem roborandam, sed etiam ad generalem ipsius recreationē. Quamuis enim uentriculi os dorso si spinæ annexum sit, ac gulæ cōtinuatum, quæ propriè stomachus appellatur, non tamen dicendum est medicamentorum facultates, quæ anteriori thoracis parti imponuntur, ori uentris non cōmunicari, quemadmodum ex Aëtio supra innotuit, & ex Galeno vij. de compos. med. secundum genus:

genus; ibi enim ad uentris coctionem adiuuandam medica-
 menta ori illius, & metaphrenis illini iubet; unde tunica o-
 ritur à natura quidem fabrefacta, ut secundæ uentris tuni-
 cæ, quæ carnea est, sit propugnaculum quoddam, atque to-
 tius uentris cum dorso nexus; quemadmodū etiā *πρόδ. τδ ἐπι
 γαστρί* dicit, hoc est, de abdomine, quod uentris, & hepatis
 coctionem adiuuat. Nam duplici illa inunctione, quæ ante-
 riori, & posteriori parte fit, uentriculus magis corroborat,
 quàm si in una tantū parte fiat; ita enim cōtractus, atq; ob ad-
 hibita medicamenta instauratus, ut affirmat Gal. in *iiiij. de
 usu partium*, ualidior deinde redditur ad superandos, qui
 ipsum infestant, morbos; naturæ omnium prudentissime ex-
 emplo, quæ peritoneo, omēto, hepate, & nonnullis alijs mem-
 bris uentriculum circumdedit, quò illum tueantur, & con-
 firment; summopere etenim procuranda est uentris, hepa-
 tisq; concoctio; quapropter Galenus utrisq; inunctionē fa-
 cit ex absinthij oleo, ut quib. magis opus sit ut corroboren-
 tur, q̃ cætera membra; hæc enim uniuerso corpori alimen-
 tum præparant, & suggerūt, quemadmodū ait Gal. in libro
 de boni & mali succi cibis. Si quando igitur nobis opus fue-
 rit uentriculi os iuuare, mihi quidem rationabiliter illi, & se-
 cundum Galenū agere uident, qui dorso, & anteriori etiā
 uentris parti auxilia applicāt; qui uerò alteri tantū, imperfe-
 ctè, & absq; ratione. Sed quæ de hepate lupi à nonnullis cir-
 cunferri audio, qui trium mensiū spacio omnia Galeni ope-
 ra se uidisse, atq; ut illius librorū helluones maximi, ingur-
 gitasse affirmāt, cum antea tamen ne titulos quid elegerint,
 utpote à Gal. parum considerata, & inter se pugnantia, ab
 ipsis malè intellecta fuisse, nec iure Galenū reprehendisse,
 facile me ostensurū spero. Nam *vij. de comp. med. secundū
 locos*, Gal. se probare nō posse ait, an hepar lupi ad oris cru-
 stas conferat, ut Archigenes uoluit, quoniā hoc cōpertum
 nō habuisset. In *viiij.* uerò eiusdē lib. confessus est se abundè
 expertū fuisse hepar lupi à tota substātia, nō secundū unam

In *ii.* curandī
 meth. & *s. de
 comp. medic.
 secundum par-
 tes*, cap. *i.*

aut alterā qualitātē hepaticis conducere. Quē quidem si accuratē considerentur, ea haudquāquam inter se aduersari, sed optimē conuenire constabit: siquidem illud morbi genus, quod in vii. de comp. med. secundum locos, ab eo, quod in viij. continet, diuersum est, & hanc omnē tollit illorum apparentem controuersiam, & difficultatem. Non obstat etiā, Galenum dicere in xi. de simpl. med. se compertum nō habere, quod hepar lupi eupatorio mistum aliquid amplius mentione dignū agat: quoniā diuersis temporibus illa scriberet: fieri enim potest, uno tempore aliquid illi innotuisse, quod nō alio, uel dicas Galenū in vii. lib. superius citato, & si de hepate lupi illud se abundē expertū fuisse affirmat, nō tamen propterea sequi, id mentione dignū fuisse, & ita, iudicio nostro, hāc etiā altera in scriptis Galeni apparens destruitur cōtrouersia. Istis uerō, qui Galenum quidem prae ter rationē maximē carpere student, id euenire putauerim, quod ijs qui in secta cuiuspiam iurarunt documenta: hi enim nunquam uerum a falso distinguere possunt. Nam si forte aliquam Galeni sententiā legunt, uel periodum, illam uel nō accuratē, ut debent, considerant, uel non intelligūt: aut si intelligunt, illam semper calumniari student, quoniā malē animati in illum sunt: quos quidem bonarum artium omnium & disciplinarum euerfores pessimos iure nuncupandos esse dixerim: cum enim aliquem bonas literas amplecti, & sequi sentiunt, quod postea facilior sit ad optimos intelligendos autores aditus, iuxta Galeni doctrinam in libro de libris proprijs inscripto, protinus hunc rhetorem, aut grammaticum appellant: quod quidem maximū est, & efficax ignorantiae suae argumentū. Scias autem uelim Hieronymus, medico adeo necessariam esse cum graecarū, tum latinarum literarum cognitionem, ut qui eas ignorauerit, is a pietatis officio multum deficiat. Quoniam uerō cum ad hos uiros sermonem meum uerto tempus terere uideor, id circo omnibus his omīssis, disputationi huic nostrae silentiū imponam,

imponam, & ad alia me conferam utiliora negocia. Tu interim operam dabis, si quod in medendo hac æstate tibi occurrerit monstrum, quod memoria dignum sit, ut illud mihi notum facias, ἡ γὰρ φύσις αἰεὶ ὀφθαλμοῖς τὴν καὶνότην. Vale.

Quarto nonas Octob. M. D. XXXVIII.

Aloisius Mundella medicus, Hieronymo Feroldo medico. De ranis, & illarū iure. EPIST. VIII.



Emini me aliàs tibi quamcertissimè affirmasse ex autoritate antiquorum scriptorum, ranarum ius, ranasq; ipsas sumptas ijs mirificè opitulari, qui à uenenatis percussì essent reptilib. proptereaq; nulli à ratione alienum uideri, si ranarum usus in cibis nostris temporibus apud multas Italiæ præsertim nationes frequēs sit, te uerò tanquam recens inauditū, nec amplius uisum non approbasse, nec potuisse adduci, ut mihi crederes, quoniā memoriæ culpa locū sententiæ, & testimonij citati tibi nō indicassem, tunc respondi omnino me tibi satisfacturum: quod nunc præstare mihi uisum est, ne me falsum esse existimes in citandis cum antiquorum, tum recentiorum autorum libris. Nam locum illum probationis meæ, quem cupiebas tibi ostendi, in secundo Aëtij libro cap. clxij. & xij. eiusdem cap. v. & vij. Pauli Aeginetæ lib. esse animaduerti, ubi ab illis asseritur, si cum sale oleoq; ranarum ius hauriat, mirificè illis prodesse, quos suprà memorauì, percussis: quorum testimonio fretus ranas interdum edere nō dubitaui, alijsq; ut ederent permittere: quamuis illarum nutrimentum, quod in corpus hominis distribuitur, tale fore existimauerim, quale à Galeno in tertio de alim. facult. cartilagineis attribuitur, minus concoctioni difficile, & mediocriter in aluum exiens. Antea cta uerò hebdomade cum ranas sale, oleoq; conditas in cœna sumpsissem, partim ex iure albo coctas, partim frixas, adeo

uehemens uomitus me inuasit, aliaq; uerenda symptomata tribus ferè dieb. cōtinuis me exagitarūt, ut aliquod uenenū me sumpsisse proculdubio existimauerim: erāt enim ranæ illæ, ut postea mihi relatū fuit, stagnantis cuiusdā loci & palustris incolæ, longoq; ex itinere ad nos delatæ, cōtinuo calore & agitatione semicorruptæ: ranarū enim substantia, qd laxa sit, atq; humida, putredini parata est. Si uerò recenter capiant, & diligentissimè denudent, & in puris aquis degerint, nō limosis, nō tantū ut aliās, noxias esse dixerim, præsertim quæ carne solidiore constant, optimeq; conditæ sunt. Verū huiusmodi cibos nō multū laudauerim, qui penuria urgente, aut uiuendi copia & luxu potius edī solent, q̃ ulla ratione, sicuti fungi, legumina omnia ferè, cochleæ, carnes ferorum animalium, & pleraq; id genus reliqua, ut ait Gal. in lib. de cibis boni & mali succi, & in lib. de morbis uulg. Cur autē Aëtius lib. xiiij. cap. lv. palustres ranas inter uenena cōnumeret, loco uerò superius à nobis citato dicat, palustrium ranarū ius magnum præsidium ijs adferre qui à uenenis icti sunt reptilibus, si illæ oleo, & sale conditæ aqua elixentur, equidem incertus sum, cum decoctum, rei, quæ decoquit, naturā retineat, quibusdam exceptis, ut lens, brassica, ostrea, & huiusmodi: quapropter alterius scriptoris iudicium hac de re expectabimus: nolo enim nunc ita improuissō huius uiri doctrinā, & experimentū damnare: id quod tamen ideo à me factum putes nolim, quin nobis quādoq; licitum sit antiquorū scripta sub incudem iterum atq; iterum reuocare, illisq; etiam, si opus fuerit, diligentī prius tamen examine habito, pro tuenda ueritate aduersari, quod optime salutī hominū consultū sit. Nisi quispiā fortè Aëtij causam suscipiens dicat, ranarū ius diuersæ esse ab earum substantia facultatis: sed quis illud autor egregius approbet, ad huc nobis non constat: tu uerò accuratius cōsideres uelim, quidq; ea de re senseris, me admoneas. Cæterū longè laudabilius esse existimo, ac tutius, ranas omnino interdici, aut saltem

saltem dictis de causis parcius in cibis sumendas esse, in primis uerò propter uendentium avaritiã & fraudem: hi namq; sæpenumero multò pluris faciunt unius oboli formã, quàm omnium hominum salutem, atq; interitum: rubetas enim, & obmutescentes ranas, quæ quidem à peritis autoribus citra omnem dubitationem uenena esse existimantur, palam in foro piscario, & publicis tabernis, magno salutis nostræ periculo, quotidie nobis uenundare non erubescunt, aut timeant; usq; eò inualuit nostri seculi hominum malitiã, & uiuendi neglectus & luxus. Videmus siquidem plerosq; ex ijs sæpenumero, qui in ciuitate nostra publicis præsumunt negocijs, magis ea curare quæ minimi sunt momenti, quàm suam, & aliorum ciuium ualitudinem: quemadmodum nunc euenit (ut alia omittam) circulatori cuipiam, & quidem scelesto uiro, qui, cum primùm Brixiam se cõtulit, omnesq; profiteretur se, nulla alia consideratione habita, curare uelle ægrotos, quicumq; illi essent, solo clysteriorum usu, & ut ait Galenus, uno calopodio, tantam à primatibus multis ciuitatis breui quidem tempore extorsit pecuniarum summã, quantã ipse medicum agens decem annorum spacio nõ lucrifecerim, etsi in studijs bonis, & exercitationib, medendi cõtinuam uitam omnem meam, & omne tempus cõtinerim, nihilq; aliud magis desiderauerim, q̃ ut doctus, & probus euaderem. Quò autem difficultati nostræ uberius satisfactum sit, illud quoq; nõ conticuerim, quod piscator quidã mihi admodum familiaris, me nuperrimè admonuit, ranas scilicet, quæ adempta cartilagine exteriori & cute, magis albo colore sunt, alijs quidem longè nocetiores, & minus cibis idoneas esse, quòd ueneni speciem quandã præ se ferant: quibus de causis in posterum (ut dixi) omnino ab illis abstinere cõtuitui: id quod, ut ceteri quoq; faciant consulo, adhortorq;. Quantùm uerò, postq; de huiusmodi piscium genere sermo à nobis habitus est, illi halucinantur, qui in uoluendis Arabum libris sprete Græcorum doctrina, omnes conterunt dies, & saxatiles pisces illos

3. de alim. fa-
cult. & alibi.

intelligūt, qui in leuibus, aut arenosis, aut terreis littorib. & aquis mansitant, cum potius illi intelligi debeant, qui in saxosis locis, & circa promontoria, seu maris scopulos delitescunt, seseq; exercent, si Galeno, Celsoq; ac cæteris optimis autoribus fidem præstabūt, apertè quidem errorē suum cognoscent atq; intelligent. De Cammaris dabo operam omnino, ut tibi morem geram prius, quàm annuæ Domini decimæ, quas dies quadragésimales appellant, expleant, aut citius etiam, si fieri poterit. Vale.

XVI. calend. Mart. M. D. XXXVIII.

*Aloisius Mundella medicus, Hieronymo Feroldo
medico. De Cammaris. EPIST. IX.*



Um ea animi uigilantia, & prudentia præditus sis, ut semper in singulis optimè collocadis horis te industriū præbeas, aliosq; ad bonas capescendas artes pro sua, & cōmuni omniū utilitate adhorteris; talemq; in rei medicæ inuestigandis, explicandisq; difficultatib. te ostendas, ut quæ medico, & cōmuni mortalium salutē expediunt, ea semper excogites, & in his te semper exerceas, nō potui mentē meam tibi nō aperire, quidnam per Cammaros ueteres intelligendum esse uoluerint. Atq; cum plurimum me obsecrasses, cumq; negociū hoc non minimæ considerationis, & utilitatis mihi uisum sit, sed maximi emolumētī potius, ob singulare illud cancrorum fluuiāliū assatorum cinerum remedium ab omnibus quidē celebratissimis medicis tum Græcis, tum Arabibus tantopere decantatū cōtra uulnus à canerabido homini inflictum, tibi pro uiribus ut satisfacerem, mihi cōmodum putauī, ea tamen conditione, ac lege, ut si quid minus rectē à me dictū fuerit, & à Galeni methodis aberrauerit, illud arbitratu tuo, & mutes, & corrigas, & etiā, si opus fuerit, oblīteres; malo enim opinione mea discere

dere, & aliorū, quæ potior fuerit, sententiæ hæere uel cum aliqua famæ iactura, quàm impudentiæ & pertinaciæ crimen subire, Cancrorum igitur appellatione in primis marinum omne genus, fluuiiale & lacustre comprehendî uolumus, pluresq; illorum esse species affirmamus: quapropter rationi consentaneum uidetur, uarias cancrorum esse posse facultates, secundū uarias eorum differentias, præcipuè qui in fluminibus morantur, & marina incolunt loca, propter aliam & aliam cum aquæ, tum aëris, & pabuli uim, & naturā: quemadmodū si quis in Galeni, Aëtijq; disciplina probè uersatus fuerit, illi satis constare potest, huius præcipuè secundo libro, cap. cxxxiiij, illius uerò tertio de alim. facult. Quod autem te magis premit, ambiguumq; reddit, illud potissimū est, Cammari ne, an cancri præparati aduersus canis rabiem dari debeāt: amboq; idem ne penitus sint, an diuersæ speciei. Cui rei in hunc modum rectè respondere posse putō, ab antiquorū quidem scriptis non discedendo: fluuiiales cancos ad tale morbigenus pellendū pro medicamento propinandos esse, iuxta probatorū autorū sensum, præsertim Galeni xi, de simp. med. facult. qui etsi Pelopi præceptorī in nōnullis aduersari uideatur, nō tamen negat fluuiiales cancos nobis non esse preparandos, atq; exhibendos, tanq; præsentaneū rabidi canis remediū: id quod periti omnes sine controuersia autores quidem præcipiūt. Sed si accuratè illius uerba considerentur, Pelopi aduersat: quia, quod cancri in hac curatione, qualitate manifesta, nō autē occulta substantiæ proprietate agant, quoad poterat tueri conabat, quemadmodū & reliqua omnia quæ ibi numerantur medicamenta. Quo autem modo cancri uri debeant in puluerem, quoniā à plerisq; traditū est & indicatū, neq; id nunc à nobis petis, ideo ad extremū sermonis prope rans, breuius q; potero, quæ adhuc mihi dicenda restant, prius expediam. Quamuis igitur cancrorū nomenclatura, ut suprā dixi, plures comprehendantur illorū species, pro-

pterea tamen dicendum nō est, cancrū & cammarū unius
& eiusdem esse facultatis. Res enim, de qua nūc agitur, nō
minimæ est considerationis, propter perniciosum illud ca-
nis rabidi uirus subitō interdum hominem perimens, non
nunq̃ tarde, nisi tempestiue aliquo peculiari alexipharma-
co illi occurramus; non enim quiescit canis uenenum, licet
se nō prodat multis interim proximis mensibus, ut ait Gal.
in iij. de morbis uulgarib. cōm. iij. Cita uerō mortis & tar-
dæ causam existimo esse cum patientis dispositionem, tum
agentis potentiā. Vt autem opinionē nostrā ueram esse cō-
firmemus dignis aliquibus testimonijs, primū omniū au-
dias uelīm Galenum in secundo de temperamentis, ubi ex
cutis qualitate nōnullorum inuestigantiū cætera animalīū
membra cuiusnā essent temperaturæ rationes egregiē con-
futat, cuius uerba hæc sunt; Malacostraca, hoc est, quæ mol-
li testa integunt, ueluti marinæ locustæ, & cammarī, & can-
cri quidem, cutem habent siccam, &c. ubi Galenum de ma-
rinis mentionem facientem, cancos à cammaris manifestē
discreuisse, nemini dubiū est. Hoc idem penitus dicit in ter-
tio de alim. facult. & aphorismo xviij. secundi libri. Possem
etiā Pauli Aeginetæ, Pselliq̃ de rat. uict. testimoniū ad con-
firmationē nostræ sententiæ cōmodū adhibere; hi nanq̃
inter marina ostracodermata, cancos à cammaris, paguris
& reliquis crustaceis distinguunt; uerū breuitati consu-
lens, ea præterire, ut superuacanea, satius esse duxi, his, quæ
proximè scripsi, contentus, in quibus à me tibi satisfactum
esse adducor ut credam. Si enim cancer, & cammarus solo
nomine tantū inter se differrent, non quidem incōmodum
esset, si quispiam uel hunc uel illum sumeret, uel fluuialem,
ad puluerem illum aduersus canis rabidi morsus præparan-
dum; sed cum omnes secus sentiant, Paulusq̃ Aegineta li-
bro vij. manifestē affirmet, nequaquā in curatione ista maris
cancros sumi opus esse, necessariō sequitur, fluuiiales, non
alios, illos esse, qui aduersus morbum hunc ab autorib. tra-
duntur;

Lib. 1. cap. 21.

duntur: quod ab Aëtio quoque confirmatur. Cæterum si id ^{2. de re med.}
 Plinij nono naturalis historiæ lib. necnon Aristotelis testi- ^{cap. 143.}
 monio corroborauero, nullus postea amplius relinquetur ^{Cap. 31.}
 dubitationi locus: hic enim quarto de partib. animal. cam- ^{Cap. 7.}
 maros, canculos, locustas, squillas, quoniã in plures species
 non modò forma, sed etiã magnitudine multũ inter se disse-
 runt, adeò exactè distinxit, ut neminem, nisi crassiore fuerit
 ingenio aut pertinaci, tergiuersari & aduersari, sed nobiscũ
 sentire oporteat. Scio Aristotelem religiose obseruasse testa-
 ceorum nomen, utpote à crustaceis distinctum. Pliniũ ue-
 rò, atq; alios interdum, si rectè recolo, eos alia nomenclatu-
 ra nominare. Quoniam uerò in plerisq; locis illi à Gal. dam-
 nati sunt, qui semper de nominibus certant, cum res, de qua
 habet sermo, cognita est, quapropter ne & ipse in eandem
 reprehensionis notam incidam, orationi meæ finem impo-
 nam, de omnibus quæ à nobis petieras, tibi factum satis es-
 se existimans. Vale, VI. Idus Aprilis, M. D. XXXVIII.

*Aloisius Mundella medicus, Antonio Mercandono
 medico. De clysterum usu, ac medicamentis
 soluentibus. EPIST. X.*

EXpeditis negocijs nostris, quæ in curandis ægro-
 tis uersari solent, in eum nos locũ contulimus,
 in quem plerũq; exercitandi ingenij nostri, &
 rei medicæ difficultates discutiendi gratia, tan-
 quam in alterũ Lyceũ conuenire cõsueuimus,
 ubi quod reliquũ erat xi. libri curandi methodi Galeni, ex-
 plicandũ aggressi sumus. Sed id nobis omnibus magis ani-
 maduersione dignum uisum fuit, nullam scilicet, quæ in eo
 appareat libro, de pharmacis soluentib. à Gal. mentionẽ fa-
 ctam fuisse, cum tamen ibi peculiarem febrũ putridarũ
 curationẽ tradere instituatur: sed tantũ modo de uomitu, bala-
 neis, humores disseccantibus medicamentis, & poros cutis

aperientibus, atq; materiã corruptã per urinã, aluiq; meatus educantibus, ut sunt (exempli gratia) apij decoctũ, & similia, quæ tamen non multum calidi temperamenti sint, & mixtura ea quæ ex aqua mulsa, & oleo cõstat, per clysterem in aluum iniecta, alijsq; ab ijs opportunis, quæ tamen aluũ non soluant, remedijs. Quapropter hi nobiscum præcipuè considerent uelim, qui soluentia medicamenta in his curandis febribus ita mirificè extollũt, an rectè illis utantur, & iuxta Galeni methodos. Quis enim (modò id ingenuè fateri uelit) antiquorũ quempiam, qui Galenũ sectetur, in febrũ principijs, nõ cocta materia, nisi ea turgeat, huiusmodi medicamenta unquam dare animaduertit, aut alijs dari consuluisset? Non possum autem (ut interim euidentissimas Galeni rationes præteream) in hanc opinionem adduci, ut Galenum, ceterosq; peritiores medicos huiusmodi pharmacorum cõmemorationem prætermisisse putem, si id necessarium, & optimũ esse duxissent; arguendus enim esset præcipuè Galenus de ignorantia nõ leui, cæcusq; existimandus, ut qui oculatissimus in reliquis omnib, extiterit, si hoc tam utile, tamq; necessariũ prætermisisset dogma. Vbi uerò totus ferè iam inclinasset dies, silentio facto, omnibus opportunũ uisum fuit, hanc nostram contemplationẽ, quò ita melius discuteretur, in cõmodius tempus differre. Tu uerò, ut nulla temporis pars sine linea (ut dici solet) prorsus abiret, hæc pauca inter eundũ protinus subiunxisti: Per clysterem inditos in anum cibos aliquo modo alere posse, & à plerisque cum præsentis, tum transactæ ætatis medicis longo usu receptum esse, & probatum. Quod cum Feroldus negasset, ego quoq; in primis inficias iuissem, quoniã uesper iam aduentasset, sermonem hunc in sequentem diem distulimus. Diluculo autem facto, in cubiculum meũ me recipio, mox tertium de temperamentis librum lego, ubi hæc ab eo habentur uerba: Vinum licet opus minimũ desideret, ut assimiletur corpori, atque ipsum nutriat, & celerrimè roboret, prorsus

prorsus tamen oportet ut id quoque in coquendi instrumentis, uentriculo, hepate, & uenis trahat, quibus scilicet præparatū nutrire corpus iam queat: antequam uero in his sit demutatū, fieri non potest ut animalis corpori sit nutrimentū, nedum si per totū diem & noctē extrinsecus super corpus sit impositū: multoque minus panis, uel beta, uel maza foris imposita, hæc Galenus. Ex quibus uerbis nescio quomodo in aluum per anum iniecta nutrimenta, siue ea iuscula, siue carnes contusæ fuerint, siue oua, & huiusmodi reliqua, deficientes uires reficere possint, ut isti asserunt, ac corpus nutrire: nam si hoc fieri posset, cibi quoque extrinsecus corpori impositi itidem efficere possent: corpus enim omne perspirabile est, multaque uenarū, & arteriarū ora in omnē illius partem desinunt. Intestina insuper non nutritionis organa sunt, sed excrementorū receptacula, & ut ea excernant generata, ut est in iij. de usu partium. His adde, huiusmodi nutrientes clysteres communiter medicos eo tempore infundi præcipere, cum ægroti potissimum deterius se habent: quo quidem tempore maius adfertur ex agitatione illa, & ad desidendum motione languenti nocumentū, quam utilitas, etiam si ali-quod ex ea clysteris iniectione nutrimentum subsequatur: quemadmodū si antiquorū scripta diligentius considerentur, satis constare arbitror. Plerique enim febricitantium inter surgendum, & desidendum animo defecerunt, ut ait Gal. xxiij. aph. primæ sectionis, præsertim si id aliquo modo uehementius egerimus, quam oporteat, quemadmodū idem Gal. ostendit in primo ad Glaucl. libro, cap. de curatione febris continuæ: & iij. de crisi, cap. ix. Alij uero, hi quoque non pauci potius mori eligunt, quam se, & stragula coinquinare. Non solum enim medico prospiciendū est quantū ægrotis prosit, sed ne quid ipsos ledat: nam qui aliter faciunt similes sunt ijs qui aleam faciunt, ut ait Gal. cōm. ij. primilib. Epid. Verū non ignoro eos protinus responsuros, se de proprio, quod in membris sit alimento non intellexisse, sed intestina aliquo

modo ex hac ciborum in aluum iniectione recreari, & foueri. Quia uerò quod dicunt, nullis probant testimonijs, aut rationibus, ideo non multum reluctabor ut suam hanc minuat responsionem: sed ad Galenum in iij. de nat. facult. me conuertam, ubi sic ille scribit: Mirandum non esse, si per quas uenas à uentre in iecur facta est digestio, rursus ex iecinore in ipsum trahi aliquod alimentum in longiore inedia potest: totum enim ex toto trahere, ac toti impertire, unaque omnium confluxio, & conspiratio esse uidetur, admirabilis dixit Hippocrates. Vnde fit etiam, quod casia, quam fistularem uocant, & huiusmodi, si ieiuno uentre, & multo ante cibum tempore detur, nullatenus aluum molliat, quoniam corpus cibi abstinencia illam ad se rapiat: quare post illius sumptionem cibum, non quidem statim, sed aliquanto & exiguo post tempore exhiberi, optimum esse existimo. Quippe quodlibet membrum quatuor facultatibus praeditum esse constat, quae scilicet trahant, mutant, retineant, & expellant. Quod uerò uenter nimia inedia quandoque ab hepate trahat, quod illi prius digesserit, non est absurdum, quoniam id per loca comoda fiat, & analogum sit: sed cum nutrimentum per sedem impellitur, potius uidemur naturae ordinem peruertere, quam seruare: id autem absurdum est, nec ab aliquo fide digno autore, quod uiderim, approbatum. Ceterum multa hodie medici faciunt, ut aegrotis potius placeant, quam prosint: contra quos Gal. duos scripsit libros, ut est in commentario de rat. uict. priuatorum. Vt autem quae supra citauimus ex tertio Galeni de temperamentis libro, clarius innotescant, sciendum est, uentriculum illis uerbis non esse à Galeno comprehensum, quoniam chylo ipse nutriat, & satietur, ut in tertio de facult. natur. & in lib. de differentiis sympt. uidere licet. Præterea si ea quae per sedem infunduntur adire non possunt ad illas quae uentriculo uicinae sunt partes, ut ait Galenus in v. τὸν βροχόν τε καὶ τὴν μεθόδον, & eiusdem xij. & secundo ad Glauc. ubi gracilia intestina ex haustis rebus iuuari tradit, crassa uerò ex ijs quae ano

quæ ano imponuntur, quomodo ad longinquiores possint, difficile admodum nobis uidetur intellectu: quod fieri opus esset, si mitiores illi clysteres uniuersum alere corpus deberent, aut saltem recreare, hoc est, ut ipsi dicunt, non proprie nutrire. Quare relictis his, relictæq; in præsens Celsi sententia, quæ in eiusdem tertio, cap. xix, his uerbis scripta est: Vltimum auxilium est in aluum prisanæ, uel alicæ cremorem ex inferiorib; partibus indere, siquidem id quoq; uires tueatur: Galenū potius, & rationem ipsam imitari placuit: qui quidem neq; etiam nobis obstat, cum ait secundo de comp. med. secundum locos, cap. de curatione cephalæ, clysterem non solum uentrem, & intestina inanire, sed simas hepatis partes: quia reuulsionem ibi intelligit, quæ fit per ualentis iniectionem clysteris, non autem per debilis, de quo nunc à nobis habetur sermo, longè quidem à Galeni mente diuerso. In quinto uerò curandi methodi, de eo quod non ita potens sit loqui manifestum est, quemadmodum in curatione doloris capitis, qui ex imbecillitate provenit, Galenus scribit in primo ad Glauc. libro. Vel dicas, in uno loco Galenū de ui clysteris locutum fuisse, in altero uerò de ipsius substantia. Alij uerò argumento, cum dicunt, clysterem quandoq; ita ascendisse, ut per os reiectum fuerit, ut est in tertio Galeni libro de sympt. causis: hoc modo responderi posse arbitror, clysteres, & etiam stercus interdum per letales uoluitus reiectum quidem fuisse, quoniam affectus illi præter naturam sint, & uiolenti: non sic autem est, cum medici suos inijci uolunt per sedem clysteres. Conciliatoris uerò, Auenzoariscq; contra nos argumenta, & responsiones, ut ad diluendum faciles omisimus, quod germanū Galeni sensum peruertant, nec, quæ adstruunt, probent, satisq; à nobis superius illis satisfactum sit, si quis accuratius rem considerare uoluerit. Vale.

Lib. i. tract. x.
cap. ultimo.

Quarto Idus Iunij, M. D. XXXVIII.

*Aloisius Mundella Antonio Mercandono medico.**De radícula.*

EPIST. XI.



Iſi ego, Antoni optime, iusiurandū Hippocra-
 tis obſeruare, quòd nulla ex parte à Chriſti do-
 ctrina, & à ratione abſcedat, iam pridem mihi
 in animo propoſuiſſem, & nihil ſcientem pro
 uirili parte me cōmiſſurum, quod uerè repre-
 hendi poſſet, ſiue dicto, ſiue facto opus eſſet, nō in ea nunc
 mala, quæ per inuidorū calumnias mihi iniuſtè acciderūt,
 incidīſſem; ita deprauati, & corrupti ſunt ſeculi mores. Sed
 uiderit Deus: ego quidē illud uerè affirmare poſſum, à nū-
 lo unquam opportunè accerſitum fuiſſe, quin illi operam
 meam libentiſſimè præſtiterim, uel ſine mercede, ſi ita opus
 fuit, & agrotantis anguſtias (quod tamen abſq; oſtentatio-
 ne aliqua, & iactantia dictum ſit) opibus meis iuuerim. Fal-
 ſam uerò de me opīonem cum partim ipſe meīs auribus,
 partimq; ex alijs intellexiſſem, non potui nō aliquantulum
 ſortem noſtram dolere, & aduerſus illorū prauum iudiciū
 ſtomachari. Quòd autem hæc, & pleraque alia de me exiſti-
 ment, & prædicent, nihil aliud proſectò in cauſa eſſe exiſti-
 mauim, niſi hoc uitæ meę inſtitutū optimū: honeſtè enim
 uiuendi ſtudiū, & rectè medendi ratio, optimū & peritū
 demonſtrat; tutioremq; & iucundioſiorem ſcientiam, & pro-
 bitatem obſcuram cōſcientia facit, inſcitia & improbitate
 aperta. Noſti quidem quàm perditī ſint noſtræ ætatis medi-
 ci, quàm uariæ ſint horum prehentiones, & ſalutationes
 intempetiue; noſti etiam ſollicitudinem maximā (ut ita lo-
 quar) in emendis ægrotis, ipſiſq; captandis (emuntur uerò
 hi aut ambitione, aut adulatione, aut munere, aut mercedis
 laborum ſuorum conſeſſione inſidioſa) noſti inſuper & ple-
 raq; alia nomini noſtro indecora & illicita: quæ quidem ni-
 ſi iniuriā arti, & ſcribenti mihi moleſtiam adferrent, mul-
 ta proſectò nunc recenſere non grauarer; ſed quoniam hæc
 per ſe

per se etiam fugienda esse constat, non imitanda, & à Gale-
 no affatim scripta sunt, & explosa, silentio prætereunda esse
 existimaui. Sed faxit Deus, ut omnia in melius uertât; nosq;
 aliquid quod neminem lædat, sed potius iuuet, tandem ag-
 grediamur: mihi enim uideor per Elysios campos uagari,
 dum simile quippiam tecum præsertim, cæterisq; collegis
 simul, examino. Verùm adeò longo temporis interuallo in-
 cultus, inelaboratus, sterilisq; mansit hic noster medicinæ
 campus, ut nulla ferè apud medicos stirpiùm remanserit co-
 gnitio: neq; uspiam est, aut certè rarus, qui probè hanc exco-
 lendæ medicinæ partem profiteatur, atq; exerceat: quamuis
 tractandæ agricolationis huius nobis nō desint instrumen-
 ta optima, & præcepta saluberrima, Græcorū uidelicet li-
 bri, & Latinorum, qui perfectè nos in his erudire possint.
 Nullus est hodie (ut uerū fatear) bonarū artiū, & disciplina-
 rum capescendarū amor: neq; propter se nūc uirtus appeti-
 tur, & acquiritur, sed quòd gloriam illa, honorem, & diui-
 tias pariat multas. Neq; illud præterierim, paucos, qui hæc
 medicinæ rura excolant, inueniri, propterea quòd posteaq;
 multum, uiriliterq; insudauerint in illis uertendis, semini-
 busq; iaciendis, & repastinandis, in sterili labore ætatem se
 consumpsisse animaduertūt: siquidē hodie nulli reperiunt
 Maniliū, qui, ut curentur, tot elocent sestertia, quiq; ut opti-
 mos medicos conducant, amplissimis eos honestent mune-
 ribus præmissis, ut Hippocrates de se, & Plinius de alijs cō-
 memorat. Quare ætate nostra, etsi pernecessaria est simpli-
 cium medicamentorū notitia, rara fit de illis apud medicos
 mentio, adeò ut quandoque blitum à beta nigra, & alba di-
 stinguere non nouerint, sed idem esse existimauerint, cum
 tamen singula inter se differant. Blitum nanq; esculentum
 olus est, frigidaq; & humida naturæ in secundo à tempera-
 tis excessu; beta uerò alba ualentius digerit, atq; abstergit, q;
 nigra, quæ adiunctam habet adstrictionē quampiam, præ-
 sertim radix eius, ut in vi, & viij, de simp, med, Galenus affir-

Galenus 2. de
 simp. medic.

m

mat. Quanto autem accuratius decoquitur, tanto ualidius decoctum ipsius aluum expurgat: reliqua uero ipsius substantia restringit, quemadmodum & brassica, & lens, & reliqua omnia, quorum sapor acris est, aut salus, aut nitrosus, ut est in eiusdem tertio, capite decimoquarto. Quantum uero conferat, quantumque necessarium sit simplicia medicamenta, & eorum facultates cognoscere, cum ad uariam eorum compositionem, tum ad illorum quae iam composita sunt, opportunum usum, satis à Galeno indicatum est in commentarijs de comp. med. secundum genus, & in curandi methodi, & in primo de simp. med. cap. primo, necnon in libro de antidotis: nam compositorum uirtus medicamentorum simplicium uirescomitatur, exigua quadam in ipsa confectione differentia obueniente: neque fieri potest ut medicamentorum uires ignoremus, & recte illis utamur, ut ait Gal. in vi. de comp. med. secundum loca. Quare erubescere deberent illi, qui, ut inquit Galenus in secundo de crisi, cap. primo, medicinam adeo dedecorarunt, ut ei addiscendae spacium sex mensium statuerint: decipiuntur sane hi nimia ingenij sui persuasione, nimioque Arabum amore, quorum etiam multa uel non uiderunt, uel perfecte non intellexerunt. Quapropter mihi uidentur, dum à Graecorum pariter atque Arabum deflectunt methodis, laudis appetentia ducti nouam sectam aliquam condere uelle. Sed quid plura contra hos commemorare laborem, cum (ut alia nunc omittam, quae etiam coquuntur, ipsi autem ignorant) cichorii, & buglosi ab omnibus ferè recentioribus medicis tantopere celebrati (cum tamen id Galenus non affirmet, sed tantum creditum esse dicat) facultatem, & figuram minime nouerint: cuius rei quoniam à Leonico libro iij, cap. ix, & ab alijs uberius facta est mentio, & disputatum, propterea his omisissis ad radiculam accedemus, quae à Grecis *ραπαρις* dicitur. Nam etsi Dioscorides libro ij, cap. ciiij, & Alexander Trallianus aduersariorum tuorum faueant opinioni, Galenus tamen eos medicos

dicos miratur, qui eam crudam à coena, quò coctionem iu-
uent, ingerunt: cuius opinionem confirmant Paulus, Aë-
tius, & nonnulli alij, quorum, quia maius iudicium est, ma-
ior etiam est autoritas. Sed maxime optarem, ut, cum quis-
piam Galeno aduersari molitur, aut rationē, aut certam ex-
perientiam saltem ad refellendam illius opinionem secum
adduceret: quod quidem ipse manifestè facit, ut in capite de
prunis, & de coriandro, & alibi cōtra alios cōstat. Nō enim
sufficit, neq; uiri alioquin docti est, aliorum scripta autorita-
te sua tantum se refutasse existimare, sed cum illa egregiè re-
futauerit, sua postmodum confirmanda sunt rationib, mul-
tis, multisq; experimentis: ratio enim, & experimentū duo
sunt instrumenta, quibus uitæ actiones iudicamus, quem-
admodum in plerisq; locis scribit Galenus. Verum Diosco-
ridis quā inualida ratio uidetur: ait enim radiculam, quia
stomacho aduerset, à cæteris cibis sumi debere, cum tamen
si ante alios cibos sumatur, à stomachi regione magis distet,
(capiēdo hic stomachum cōmuniter dictum, iuxta Diosco-
ridis sensum) & facilius aluum subeat, exeatq;: magis enim
illi propior est, & in ima uentriculi parte sita, in qua præci-
puè ciborum coctio perficitur: unde citius, & minori incō-
modo ad intestina transire putandum est, & ita minus no-
cumentū ori uentris inferre. Insuper cum radícula uomitū
prouocet, & uomitus stomachi passio sit, quanto magis ori
uentriculi accedet (huius enim munus est appetere, nō con-
coquere) tanto magis illum cōmouebit, ac lædet. Neq; ui-
deo si ita, ut Dioscorides uoluit, sumat, quomodo digestio-
nem procuret, ex contrario uerò modo cibum suspendat,
quoniā (ut diximus) ita facilius ad intestina descendat, præ-
cipuè si ex aceto & sale ante cibum sumatur, quemadmodū
communiter fieri solet. Aëtius præterea sermone ix. capite
xxij, ubi de cruditate agit, cācros fluuiales, & erinaceos ma-
rinos edi iubet, postea oua, maluum, pisces in aquis petro-
sis degentes, nisi cruditatē in substantijs solidis existentem,

5. de locis pas-
sis, cap. 5.
1. de rat. uict.
acut.

Hoc idem di-
cit in 3. de cau-
sis symp. & 2.
de alim. cap.
de sycaminis,
& cap. de per-
ficiis.

2. de alim.
facult.

& uenis per uniuersum corpus ut transeat adiuuare mens
esset; quo quidem tempore ea, quæ citò deferuntur, ante ci-
bum exhiberi uolumus, quæ Græci *ἰσχυροπία* appellant; ne
si à cibo huiusmodi fumerentur, incoctorum humorū ali-
quid secum attraherent, quemadmodū Aërius loco supe-
rius citato indicat; debent enim perpetuò, ut ait Galenus in
primo, & tertio de ratione uictus, quæ exhibetur in mor-
bis acutis, quæ facillè aluum subeant, quæq; corruptibilia
sunt, & humidī omnes fructus, principio mensæ dari, quan-
do aluum mollire uolumus, ne si à cibo dentur, reliquū ci-
borum corrumpant; quæ autem uentrē, stomachumq; cor-
roborant, ut poma acerba cineribus mediocriter calidis as-
sata, statim à cibo danda sunt cibum auersantibus, ad uomi-
tum pronis, fluxu correptis, & dysentericis. Solent uerò ple-
runq; medici hunc præbendi cibi ordinem præposterū red-
dere, quemadmodū secundo de alim. facult. Galenus scri-
bit de Rhetore illo pyra comedente, &c. Qui autem primī,
qui postremi esse debeant cibi, in alio cōmentariolo latius à
nobis explicabitur. Nunc cōuenientius, atq; utilius esse ui-
detur ante omnes cibos radiculā sumi debere. Possunt etiā,
pro prædictorum concordia autorum, quæ à Symeone Se-
thi in cap. de radícula traduntur, hanc omnē Galeni & Dio-
scoridis cōtrouersiam dirimere. Vult enim ille, si uentricu-
lus facillè fluat, nec ad flatum, siue inflationē facillè admitten-
dam aptus sit, radiculam ante cibum dari; si contrā uerò, à
cibo. Cæterū his in hunc modū à nobis explicatis, ut etiam
ea de re, quam scribis, quoquo modo animus meus tibi in-
notescat, ita nūc exclamare iuuat cum antiquissimo illo, &
docto Hesiodo: Felices nimirum mortales, si asphodeli, si-
ue albuci radicis, quæ à Romanis Hastula regia appellatur
(quamuis Galenus radicem hanc uix crebris macerationi-
bus, & coctura multa cibo idoneā dicat) maluāq; uires cō-
pertas habuissent; id quod Theophrastus quoq; annotaue-
rat lib. de historia stirpiū vij. cap. xij. Tutius enim, si fieri po-
test, simas

test, simplicibus his, aut huiusmodi alijs, brasicæue olere
 uulgarî Catonetantopere celebrato, ut ait Plin. aut etiam
 nullis medicamentis, siue simplicia siue composita illa fue-
 rint, sed sola uictus ratione, ægrotos curari posse existimo,
 quàm peregrinis, atq; incertis, nec ulla ratione mixtis, Pol-
 lionis illius exemplo, qui centesimū annum excessit, uigo-
 rem animi, corporisq; custodiens, intus mulso utens, foris
 uerò oleo. Quocirca optimū esse ducerem, ut periti medici,
 probiq; & exercitati, optimiq; pharmacopolæ alerentur,
 qui, cum opus est, fideliter medicamenta componant, atq;
 administrent; nō autem isti, qui omne penè suum studiū in
 eo situm habent, ut ditescant, & primi ciuitatis habeantur.
 Nulla enim est ars, quæ non habeat aduersantē sibi sua spe-
 cie similitudinis, malignam professionem, ut ait Scribonius
 Largus lib. de comp. med. cap. cxcix. Non solum uerò me-
 dicorū mores corrupti sunt, & pharmacopolarū, sed ægro-
 tantium etiam. Nam si quispiam nostrū cum ad eos acce-
 dit, plures non scripserit compositiones, hunc quasi imperi-
 tum tacitè primū damnant, deinde etiam in uulgus spargūt
 falsas de illo suspiciones: id quod mihi proximis euenit die-
 bus, quodq; uerè affirmare possum; malunt nanq; isti non
 modò idiotæ, & uulgares, quorum ingens numerus est, &
 decipi uolunt, sed etiam nobiles, & principes cum periculo
 curari, uel etiam interdum mori, medicosq; suis ipsorū lo-
 culis diuites fieri, quàm unico remedio à nobis dato subito
 conualescere sine impensa: tanta est malarum consuetudi-
 num uis, & huius seculi inscitia. Quàm desiderarē, ut eam
 institutionem, & uitæ genus sequi studuissemus, quod nō
 solum nostri, & præteriti opprobrium esset, sed futuri etiam
 seculi medicis modestiæ & doctrinæ perpetuum decus. Pi-
 get me quidem plurimū antea actæ uitæ meæ, & disciplinæ:
 sed cum irreparabilis sit temporis iactura, restat solum, ut ta-
 lem me in posterum præstare enitar, ut saltem hoc uentura
 ætas aperte cognoscat, bonos mores, bonasq; artes & sana-

ctas me adipisci uoluisse, etsi postea uel ingenioli mei imbecillitate, uel aliquo alio casu eas non consecutus fuerim. Age mi Antoni, qui semper aliquid in improbos praesertim medicorum mores, atque abusus cogitas, cogitationes tuas mecum communices uelim; nihil enim mihi gratius contingere potest, quam cum aliquid contra horum opinionemprehenderis, illico me de his a te (quod & nos facere solemus) admoneri. Sed ut aegroto illi, quem scis, a me satisfactum sit, licet tua opera facile curari possent non dubitem, haec breuiter est sententia, ut in primis illum quiescere facias, quod contraria curari soleant remedijs contrarijs: laborat enim, ut audio, carne, quae uulgo aggranata nominatur; tu uero, qui aegrotanti ades, diligentissime de omnibus illum interrogabis, ut certius morbi genus innotescat, iuxta Hippocratis & Galeni sententiam; non recte enim curantur morbi, nisi illorum causas cognouerimus. Poterit etiam uniuersum aegri corpus ex oleo chamamelino commodè inungi, & perficari, obseruata primū sex rerum non naturalium ratione, qua quidem, ut paulo ante dixi, plerisque feliciter curari posse non dubito, nisi tam praecipuum esset in curandis aegrotis medicorum consilium. Quapropter scripsit Galenus in libro de arte curatiua ad Glauc. cap. de curatione tertianae exquisitae, semper oportere contrarias qualitates illis, quae inualuerint, offerre, cum hoc multo plus iuuat, quam quomodolibet inanire. Habes quid de his sentiam: tu, si quid melius habes, rescribas uelim. Vale. Nonis Ian. 1537.

Aloisius Mundella medicus Academicis suis.

De dysenteriae curatione. EPIST. XII.



Quoniam multi in nostra, multisque in alijs Italiae urbibus & locis (ut audio) intestinorum torminibus, quod Graeci malum *δυσεντερία* appellant, infeliciter pereant, hi praesertim, qui aetate immaturo, & molli corpore, nec non temperatura biliosa

biliosa sunt; pauciꝫ hunc generalem morbum, quem recte *ἐπιδημιον*, siue *ἐπιδημιον* appellabimus, secundum triplicem diuisionem à Galeno assignatam in principio primi lib. de uictus ratione in acutis morbis, & etiā in primo de morbis in populos grassantibus, uitare possint; pauciꝫ eo correpti conualescant, quod ea ætas que calida est, & humida, ut ait: Galenus in tertio aphorif. libro, & Aëtius sermone ix. cap. xliij. ad eiusmodi exulcerationes obnoxia est, & difficilius curatur; accuratius ac diligentius de huius morbi cognitio ne & curatione inuestigare non alienum fore duxi, cum aliꝫ in eo tollendo aliꝫ atꝫ aliꝫ utantur remedijs, suisꝫ quisꝫ se tueatur rationibus, & argumentis. Nō leuis autem ea de re inter nos in curandis ægrotis interdum orta est quæstio, dum unusquisꝫ salutē eorum consulens, uarias & egregias hinc inde autorū recenset sentētiās, & usitata in mediū pro fert remedia, Externas igitur quasdam causas morbi huius inuestigauī, easꝫ non paucas, breuiter eas percurrēns que à Galeno explicantur cap. lxxxv. artis medicæ, & earū nonnullas ad insalubres, infelicesꝫ syderū formas, & effluxus retulī, utpote magis reconditas, & generales, quemadmodum Auerroës scribit in tertio collect. & Auic. xxi. fen ter tiji libri; nonnullas uerò ad inæquale, quod nunc inualefcit, aëris nos ambientis intemperamentū, tanquam id quod necessariò corpus nostrum mutet, ut est in capite artis medicinalis paulò superius citato. Præcessit enim hyems, si qua alia post hominū memoriā digna, siccissima; uer quoque eiusdem pariter intemperiei; æstas uerò & calidissima omnium, quas unquam meminērim, & siccissima, quæ naturam licet propriā in calido, & sicco seruauerit, adeò tamen ambæ illius qualitates præter modum auctæ sunt, ut meritis ipsa propriū suum, & naturale non seruasse temperamentum dici possit; similiter quoꝫ regio calida satis, & sicca est, uictusꝫ ratio eadem præcessit; quæ singula immodicè aucta adeò humores excitarunt, ut pleriqꝫ his de causis in

hunc pessimū inciderint morbum, dysentericam uidelicet affectionem febris acutae plurimū associatam, propter tum aëris, tum cordis, tum hepatis, tum aliorum etiam membrorum caloris excessum, partim natura, partim euentu cōtractum, qui succos postea acriores, & inquietiores reddit. Siccitas uerò, ut ait Galenus tertiæ sectionis aphorismo vii. & xvi. biliosiores reddit humores, cum ea quidem exuperat, & patientiū naturæ aptæ fuerint. Fiunt insuper intestinorū difficultates, & acutæ febres in siccitatibus, quia intestina propter eorum humiditatem huiusmodi opportuna sunt iniuriæ. Quas quidem causas haud immeritò credendū est & in fructibus æstiuis, quos Græci *ἀγλαὶς* uocant, alijsq; in rebus malam adauxisse intemperiem: quare eorum esu nimio, & ingurgitatione (ita nimirum ætate nostra praua inoleuit uiuendi cōsuetudo, & licentia) nil mirū cuiquā uideri debet, si in hanc nunc passim pleriq; incidūt inquietudinē, & noxam: fructuum enim immodica uoracitas, malorū humorum generat multitudinem, ix. aphorismo tertiæ sectionis, & tertio, cum ait, omnes morbos à similibus locis, naturis, temporibus, & uictus genere fieri, contrarijs uerò solui. Quibus breuī sic à nobis expositis, satis etiā de internis causis, quæ morbum hunc generant, explicatum esse existimo, easq; innotuisse, utpote quæ ex dictis manifestam habeant suæ corruptionis originem: semper siquidem oportet medicum distinguere id quod ex causa extrinsecus ueniente fit, & non morborum ratione, ut præcognitiones faciat diligentiores. Nisi fortasse, quod quidem uerius puto, iratum nobis Deum ob grauiora, quæ à nobis indies perpetrantur facinora, in nostras regiones iecisse morbi huius semina dicendum sit, atq; interim Galeni, & Hippocratis sententiam primo prædictionū scriptam, repudiandam esse, quòd scilicet ob Dei iram morbi non contingant. Viam autem, & rationem curationis aggredientes, ut tam pernicioso, tamq; uehemēti occurramus morbo, eumq; si fieri potest, nostra opera

Aph. s. tertij
Hippoc. lib.

opera, nostraq; industria superemus, & diligentia, in primis
 quæsitū à nobis est, rectene & legitimè agant hi, qui soluen-
 tia propinant pharmaca in principio, uel in alijs morbi hu-
 ius temporibus, maiore quidem ex parte à biliosis humori-
 bus geniti, acribus, corrodentibus, & ulcera in intestinis,
 dum ad illa descendunt, molientibus. Et primò quidem ui-
 dentur hi non absque ratione omnino, & mederi, & partes
 suas tueri, causam (ut aiunt) auferentes, siue potius auferre
 tentantes; nisi enim protinus illa tollat, intestina continuis
 morsionibus, & agitationibus torqueri, & distrahi, ulcusq;
 augeri, ac ferum reddi consentaneū est; quæ si morbi initio
 auferatur, neq; interanea ulceribus malignis affici, uel si af-
 fecta fuerint, facilius deinde coalescere, & consolidari, neq;
 agrum ullis amplius tormentis infestari. Sed cum Galenū
 ueluti artis medicæ columē firmissimū adiuissim, atq; eius
 scripta euoluissim, neq; quicquā in his euoluendis, & con-
 siderandis inuenissim, quod illorum defenderet opinionē,
 nostramq; infirmaret, eò tandem adductus sum, ut incon-
 sultē credam illos his de causis agere, quæ infrā à nobis ex-
 ponentur, & ab optimis medendi methodis aberrare, qui
 dysentericis propriè dictis medicamēta dant aluum soluen-
 tia, cum Galenus, compluresq; alij ætate illo longè inferio-
 res Græci dysentericæ cumulatius curationem tradentes, im-
 perfectē quidem nobis illam tradidissent, ac ieiunē nimis,
 nullam de huiusmodi soluentibus pharmacis mentionem
 facientes. At absurdissimū est huius ignorantiæ crimine eos
 accusare, Galenum præcipuē in re medica, quod ne isti qui
 dem inficiantur, absolutissimū, atq; exercitatissimū uirum,
 quem quidem, & Hippocratem, in quam re illi imitent,
 planē ignoro. Aëtius præterea, & Celsus uaria medicamen-
 ta in hac curatione recensentes, eaq; multorū autorum, nul-
 lum, quod uiderim, cōmemorāt medicamentū ualenter al-
 uum deiciens, nisi ea quæ uel adstringūt, uel resiccant, uel
 dolores sedāt, uel humores ad alia loca auertūt, uel influen-

n

tes densant, & obducunt, uel abstergunt, uel aluū molliunt. Cibos quoque praeibendos docent, & potus, qui emplasticam uim habeant, & refrigerēt, & siccent, ut scriptum est in iij. de ratione uictus quae in acutis morbis exhibet: quod & in ix. de comp. medic. secundum locos, uidere licet, & in Pauli Aeginetae commentarijs. Quod si dixeris, Aetium sermone ix. cap. xlvij. rheon Ponticum dare; facile responderi potest, illum radicem hanc, quemadmodum & Auicennas fecit, inter adstringentia connumerasse, non soluentia pharmaca, ut liquidò constare arbitror, si quis illorum scripta accuratius consideret: id quod etiam M. Gatinae animaduertebat. Neque etiam nobis obstat Pauli testimoniū, qui libro primo, cap. xliij. inter aluum ducentia rheon recensuit, cum in cap. de dysenteria, de rha antiquorum locutus sit: hic uerò, & in vij. cap. xi. de eo, quo nunc communiter utimur rhabarbaro: quemadmodum etiā annotauit Leonhartus Fuchs in suis Paradoxis, & eo prius Hermolaus Barbarus. Quae licet secundum aliquos specie differant, nos tamen, ut alias pro uiribus ostendimus, facultate tantum soluente distinguere probauimus. Si uerò quispiam amplius obstiterit, dicens, non esse rationabile Paulum Aeginetam utriusque rha notitiam habuisse, Auicennam uerò, qui quidem etate Paulo posterior fuit, illius tantum, cui aluum soluendi uis nulla inest: ita huic argumento responderi poterit: non esse à ratione alienum, simplex aliquod Paulo innotuisse, non autem Auicennae, quamuis aetate prior fuerit Auicenna: fieri enim potest, etsi Auicennas Pauli commentaria sapientius etiam legerit, ut illud non animaduertit: uel si animaduertit, non tamen ideo sequitur, quod rha soluentis certam notitiam habuerit: uel si habuit, quod illo usus fuerit, praesertim in curatione hac, quemadmodum supra satis ostensum est. Quibus in hunc modum à nobis excussis, diligens lector posthac accuratius considerans, facilius iudicium ferre poterit: liberum enim est unicuique de qualibet re & sentire, & iudicare. Neque est quod ita respon-

responsum à nobis mīreris, & distinctionem, cum à Paulo Aegineta, qui quidem inter posteriores Græcos medicos connumerandus est, utriusq; rha certa cognitio haberi cō-
pisse minimè incongruum sit, non ab ipso Auicenna. Ga-
lenus præterea lxiij. quinti lib. aphorismo, & Hippocrates
etiam, in alui deiectionib. lac uituperare uidentur; sed mul-
tò magis Galenus, qui seorsum particulā illam aphorismi
legit, ita ut perniciosum sit, lac dare ijs quibus biliosæ sunt
deiectiones, & acutè febricitant. Hippocratem autem hoc
loco, Galenū secutus, corruptum esse suspicor: facilis enim
fuit lapsus, ut legenti patet. At si quis obijciat, Galenum in
sedandis intestinorū doloribus, & tormētis, inq; iplis eluen-
dis purgandisq; lac laudare, ut in plerisque locis apparet: il-
li in hunc modum respondebimus: Galenum lac coctum,
& in quo extincti sint lapilli, quos *καχλυσ* uocant, aut fer-
rum candens, approbasse, & in torminibus solis, non ad fe-
brem additis, ut est in x. de simpl. medic. & iij. de uictus acu-
torum ratione: de cuius præparatione, atque exhibitione,
Alexander Trallianus in tertio libro latius tradidit, quem
lac daturus prius consulat: non omittens interea quæ ab
Aëtio sermone ix. cap. xlv. & Paulo, de hac materia suis ex-
plicantur in locis. Quare si Galenus in biliosis deiectioni-
bus cum febre, & sine febre, lac damnavit, quanto magis sol-
uentia damnet pharmaca consideretis uelim: ea enim cum
calidæ sint naturæ, æstasq; ista summè calida, & sicca, eius-
modiq; saltem in qualitatibus, quæ patiuntur, præcesserint
cæteri partium anni status, hocq; malum, ut initio scripsi-
mus, potissimum in mollibus & biliosis accidat temperatu-
ris, qua ratione isti ducti hoc uitio laborantib. medicamen-
ta per os dare audeant soluentia, quæ interdū sua uiolentia,
& humorum, qui tunc deiiciuntur, acrimonia, hæmorrhoi-
dum ora aperiunt, sanguinemq; prouocant, mihi quidem
non satis constare potest, nec probari: illa enim humorū po-
tius fluxum irritant, quàm suppressant; imò eum indies

43. aph. 5.
fectionis.

magis, & dolorem excitare putandū est, maiusq; detrimen-
tum ex his subsequi, quā cōmodum, quemadmodum ex
antedictis satis constare arbitror; dolor enim, & membri ca-
lor, etiā si totum corpus ab excrementis purum sit, fluxio-
nis causa sunt, ut ait Gal. xiiij. τὴν θερμότητα καὶ τὴν πύρετον, & se-
cundo prædict. cap. primo. Adde etiā quod Galenus ter-
tio de causis symptomatum, inter assiduæ excretionis cau-
sas & mordicationis, uim pharmaci uel cibis coniuncti, uel
seorsum sumpti connumerat; & secundo prædict. cap. x. di-
cit, medicamenta acriora si ulceribus malignis ingerantur,
rigorem & febrem excitare. Etenim scimus Galenum in
paulo ante à nobis citato aphorismo lac prohibere in bilio-
sis deiectionibus, & febribus, quod celerrimè à causis calis-
dis in uapores conuertitur; sed nō ideo tollitur, quinetiā
quod fluxum augeat, dari prohibet Hippocrates, quemad-
modum satis manifestum est, si ea exactè considerent quæ
ab eo, & etiā Galeno scribuntur, in iij. de ratione uictus
quæ in acutis morbis exhibetur, ubi lac quoq; si febris adsit,
in torminibus dari prohibetur. Soluere uerò aluum lac fa-
temur, & quidem quanto serosius est, tanto ad soluendum
illam magis idoneum est, ut camelinum, & asininum, ut
ait Gal. in libro de cibis boni & mali succi, & v. curandi me-
thodi. Sed non ideo sequitur, etiā absente febre, quod in dy-
senteria tale medicamentū dari debeat, quale rhabarbarū
est, & huiusmodi quæ plurima pollent soluendi facultate;
omnino enim deficiūt, qui difficultatib; intestinorū laborāt
& uigilijs immoderatis, quæ ijs euenire solent, qui eo mor-
bo uexant, ut est in primo ad Glauc. cap. de curat. febris cō-
tinuæ, & secundo de rat. uict. acut. Neq; uerò nos latet Ga-
lenum in secundo de simp. med. cap. xiiij. humores morsio-
nem facientes prius educendos esse nos docuisse, mox quæ
morsionē tollant, in os dare, & per inferiora in aluū indere,
sicuti chondrum, lac, ptisanā; ne si illa, quæ ἐπιχόρσιναι sunt,
hoc est, temperatā, exhibeant nō elotis prius intestinis, cor-
rumpan-

rumpantur: sed melle animaduertendū est eum noxios edu-
 cere humores, non autem solvente ullo, quod ualens sit, ut
 isti affirmant, medicamento. Fortasse uerò dixerint, rhabar-
 barū saltem dysentericis dandum esse, & myrobalanos, &
 ea quæ licet aluū soluant, modicè tamen soluūt, & quod in
 curatione hac mirificè desiderat, post eorū solutionē, adstri-
 ctionis uestigia relinquant: alia etiā danda esse medicamen-
 ta quæ aluum molliant, ut tamarindos, & huiusmodi, ea ta-
 men cum his quæ eorū malitiā infrenent, permiscendo, Ga-
 leni præcepto in primo de comp. med. secundū genus, & se-
 cundo de rat. uict. acut. At ego dico rhabarbarū, ut plurib.
 manifestis constat experimentis, & Arabū etiā testimonijs,
 mirè humores, eosq; in uenis existentes attrahere & educe-
 re, temperamentiq; calidi esse, & sicci: quo fit, ut agitatione
 nimia, & ob alia, quæ suprā diximus, succi irritentur, ac tor-
 mina à calidis humorib. genita magis ac magis adaugean-
 tur, & ex desidendi frequentia febris exciteretur, ut ait Gal. in
 viij. curandi methodi. In rha uerò, quod antiquis innotuit,
 quāuis quædam caliditas sit, debilis tamen illa est, atq; sicci-
 tati & adstrictioni, quæ in ipso est, aditum faciliore præstat.
 Huc accedit, quod ea quæ frigida sunt, & sicca, dysentericis
 magis conferūt, quàm quæ calida & sicca, quamuis & hæc
 cōmodo esse possint nō minimo, quemadmodū legenti an-
 tiquorū scripta satis notū fieri posse autumo. Quapropter
 nec eorum quidem consilium, qui pharmacis utuntur sola-
 uentibus, probauerim, etiam si perusta darent, & modico
 pondere, cum id sit præter Galeni, & omniū Græcorū, qui
 quidem ad nos peruenerunt, atq; Auicennæ opinionem, si
 propensiore examine ipsius dicta ponderentur, qua ratio-
 ne & myrobalanos ob uires illis à Mesue attributas non lau-
 damus, tamen si hos tutius dari posse putē, quàm rhabarba-
 rum, propter minorem quæ illis inest soluendi uim. Immi-
 nuuntur quidem medicamentorū facultates, si ea peruran-
 tur, sapiusq; ex aqua colluantur, ut à Galeno ostensum est.

s. de simp.
 medic.

s. de compos.
med. secundū
loca.

in tertio curandi methodi, & in libris de simp. med. Sed (ut aiunt) lupus, etsi pilum, nō tamen naturā mutat: hæc enim à Galeni methodis plurimū absunt, id quod cum aliā facile ostendunt, tum quæ ab eo in xiiij. curandi methodi scribuntur, & primo ad Glauc. cap. de curatione februm continua rum sine accidentibus. Si uerò rhabarbarū ualde torrefeceris, omnes quidem illius facultates deleri & corrumpi posse non negamus, sed non amplius rhabarbarū erit, quo ad qualitatem illam: uerum quemadmodū digitus mortuus ab Aristotele in vij. metaphysices cap. x. æquiuocè dicitur digitus, ita & id rhabarbarū dicitur: similiter & cum eiusdem xi. dicit, non semper est pars hominis manus, sed cum opus perficere potest. Nulli tamen dubiū est, rhabarbarū, & myrobalanos, si cæteris soluentibus maximè pharmacis comparentur, minoris quàm ea detrimētū esse in propositi morbi curatione. Illi etiā, mea sententia, audiendū non sunt, qui dicunt, aliud esse de phlegmone intestinorū loqui, aliud de torminibus, cum in his humores extra corpus trūdantur, in phlegmone uerò intestinorū ibi circumscribantur, cōmune enim præceptum esse dicit Galenus in xiiij. curandi methodi, & eiusdem iij. in contrarium, & ad partes maximè longinquas auertere: phlegmone enim circa sedem, uel partē huic uicinam incidente, aluum deijci non debere affirmat. Cui quidem & Auicennas cōsentit, sen. quarta primi libri, cap. ij. cum dicit: Est tamen cum membrum à quo expellit est ipsum membrū per quod exinanitio facienda est, sed est in ipso ægritudo uetus, aut recens, propter quam est timendum à cursu humorū super ipsum: ipsi ergo ad aliud quod sit melius trāsferendi sunt. Et paulò infra: Et scias quod materieieductio, & ipsius de suo loco eradicatio, est secundum unum duorum modorū: unus eorum est propter attractionem quæ fit ad longinquam diuersitatem, & alter propter eam quæ fit ad propinquam, &c. ne totum Auicennæ caput huc transferre uidear, Exempla uerò ibi satis manifesta ab eo

ab eo ponuntur, & ad propositum nostrum plurimū perti-
nencia, quæ lector ipse legere poterit. Cuius sententiæ est
etiam Aëtius, qui in inflammationibus renū non solum sol
uentia prohibet pharmaca, uerum etiā quæ urinā mouent, Serm. 11.
cap. 16.
quoniam acres ad inflammatas partes humores deducant:
nam sola urinæ redundantia apta est ulcus, siue inflamma- 6. aph. 6. sect.
tionem irritare: neq; quod quidem ego uideam, ulla statui
potest huius diuersitatis, & differentię ratio. Quippe non
ignoramus, quæ urinam mouent, in dysenterię curatione à
Galeno, Aëtio, & alijs dari, sed ea (ni fallor) cōditione, si con-
secuta sint in aliam partem, quoniā ita demū profint: nam si
non sint cōsecuta, noxam augent, quemadmodū traditum
est à Corn. Celso lib. iij. cap. xv. Quod si quis accuratius ani-
maduertat, non aduersatur Hippocratis & Galeni metho-
dis, qui iubent humores morbum facientes ad loca uicina
deriuare: non enim credendum est, in re quidem tam mani-
festa Celsum, qui fuit Hippocratis simia, illius sententiā im-
probasse: sed urinam mouentia ideo in dysenteria non esse
danda intellexisse, quoniam plurima simplicia, quæ urinā
pariter, & aluum mouent, calida sunt, & sicca, uerbi gratia,
fœniculus, absinthium, & huiusmodi, & quæ ex his cōpo-
nuntur medicamenta: quæ si humores dysenteriam facien-
tes ad urinæ meatus non auertant, nocere potius solent, q̃
quicquam prodesse, eò quòd sua lædentes qualitate, succos
acriores reddunt, eosq; ad partes læsas, & exulceratas du-
cunt, præsertim ea quæ calidi sunt, & sicci temperamenti,
non frigidi & humidī, ut sunt quatuor semina cōmunia, sic
uulgò appellata. Equidem fateor pleraq; in Celso tum in iu-
ria temporum, tum impressorum, seu typographorū negli-
gentia corruptè legi, & imperfectè: non tamen propterea il-
lius doctrinam omnem ita floccipendendam esse, ut multi
nunc faciūt, existimo. Ego uerò locum honestum inter me-
dicos illi tribuendum censeo, qui quidem Hippocratē me-
dicinæ parentem optimū, ut liquet, maximè imitari stude-

rit: quòd si quandoq; à ueritate uidetur aberrare, reliquū ta-
men doctrinē illius nō est cur aspernemur. Non igitur hac
de re amplius dubitandū esse puto, cum etiam Auicennas
xvi. fen tertij libri, cap. iij, iubeat in illa fluxus specie in qua
bilis plurima ad uentrem, & intestina demittitur, malitiam
membri, quæ huiusmodi humorem generat, & intempera-
mentum, corrigi quidem, & inaniri, sed potissimū uomitu,
si tamen uirium defectum non suspectū habuerimus, & ul-
cera adhuc in intestinis nō facta fuerint, neq; ut fiant, suspi-
cio sit: quæ quidem inanitionis ac reuulsionis species & ab
Hippoc, ponit, & à Gal, in iij, de rat, uict, acut, in torminū
curatione. Illorum uerò argumento, qui dicunt, casu, non
ex se prohiberi dysenteriam, eò quòd medicamenta soluen-
tia materiam educant, quæ morsionem & ulcera in intesti-
nis efficit, non tantum eluat, aut purget, quemadmodum
serum lactis, melicratum, aut aqua maris, aut muria; ita re-
spondendum erit: pharmacum id soluens alios ad intestina
quæ iam ulceribus detenta sunt, humores ducere, qui po-
stea maioris morbi causa sunt, & mali, quàm curationis, &
remedij: neq; certū esse, quòd omnes illos exinaniat. Nam
corpus cacochymū medicamento aliquo, quod acrimoniæ
expers sit, ante omnia inanire equum esse dicimus, quodq;
nullum post se asperitatis uestigiū relinquat, sed potius do-
lorem sedet, quale est melicratum, ptisana, & huiusmodi: &
deinde ceratum dulce, & nonnullos adipes, & oleum dulce
infundere: quoniam si prius, quàm corpus sit aliquo modo
purgatum, hæc dolorum lenientia in aluum inijciantur, pu-
trescant, & humorum cacochymiam alant, ut ait Galenus
in secundo de simp, med. Cum autem Auicennas eiusdem
libri, quem paulò antè citauimus, nos plurimū attentos, &
timidos reddat in dandis huiusmodi soluentibus pharma-
cis calidis, taleq; nunc uigeat anni temperamentū, & status
calidus scilicet admodum & siccus, qui per occultas exhalationes corpora exinaniuerit, ut est in secūdi lib, aphorismo
xxviij.

Cap. 12. 13. 14.

Fen 16. cap. 3.

xxviij. quid nos ita propensi, atq; audaces simus in his exhibendis, cōtra Græcorum pariter atq; Arabum doctrinam, equidem non possum non summopere admirari: oportet enim omnia membra quæ sunt infra thoracem esse robusta, ut bene purgationibus seruiāt, alioquin magna incommoda patiuntur. Hæc uerò sunt Auicennæ uerba: Si fuerit necessaria uacuatio, timidè & cautè eam facias, &c. Vbi animaduertendum est, eum propter malitiā humidam fieri debere uacuationem dixisse, non siccam, uel aliam. Per malitiā autem humidam puto Auicennam intellexisse malam uel cerebri, uel hepatis, uel uentris, uel alterius partis intemperiem, quæ humores ad fluxum excitet, quemadmodum de causis fluxus ab eo traditū est. Quod si ille nos cautos & timidos facit in huiusmodi intemperie humida, quanto magis in sicca uelit, uestrum sit iudiciū. Si uerò [propter humorū malitiā] legatur, ut quidam alij codices habent, id etiam ad rem nostram pertinet: ex his enim uerbis certū est Auicennam uoluisse alui solutionem cum cautione quidem in dysenteria faciendam esse, & cum timore, si quidem humores fuerint maligni & prauī, non aliquo modo noxi. Argumentū uerò illud quod sumpto ab Hippocrate fundamento, isti in nos iaciunt, satis debile uidetur: quia etsi in testina sint loca humorum, & excrementorū egestionibus apta, quia tamē in hac dysenteria specie ualde illa læsa sunt, euidentissimū est ea hunc tam acrem & frequentem humorum ad eorum partes fluxionem haudquaquē tolerare posse. Quare cū Hippocrates dicit, Quæ ducere oportet, &c. de his non intellexisse proculdubio existimo, sed de alijs quæ non adhuc ulceribus detinent: quod his Galeni uerbis constat: Siquidem ducenda sunt quō tendunt per loca accommodata, at quibus ne augeantur uelis obistere, per cōtraria loca retrahere debes. Rursus aduersarij nostri in hunc modū nos argumentis lacefferunt: Si Galenus rhabbari nostri uires compertas habuisset, illud profectò in torminum cura-

25. aph. secundo
de sectionis.

16. fen tertij
libri, tract. 2.
cap. 7.

Lib. de salu-
bri diæta.

v. de rat.
uict. acut.

tione adhibere nō ueritus esset ad morbi causam tollendā. quæ cum magis, ac magis considero, nō possum dolore maximo non affici: adeo enim auaritia & honor eos cæcos reddidit, & insolens consuetudo & corruptissima inualuit, ut nisi peregrina, & nondum intellecta, assuetis & cognitis interim spretis, adferre studuerint remedia, ægrotos curare posse desperent, aut certè dissimulent, quò ita alijs magis eruditi, ac diligentiores appareant. Sed agite obsecro, ante inuentum rhabarbari nostri temporis usum, Hippocrates & Galenus, cæteriç cum illius, tum alterius ætatis probatissimi medici, ullòsne unquam bonæ ualitudini restituerunt dysentericos? Restituerunt proculdubio dicetis, & quidem innumeros, sed nō ita facile & cōmode, ut nunc fit. At enim id falsum uideri debet; nam etsi simplicis huiusce, quale nostrum rhabarbarū est, ipsis tunc non suppeteret copia, suū tamen rha habebāt, quo abunde in dysenteria usi sunt; quod etsi nō habuissent, uel cognouissent, poterant tamen uaria inuicē miscere, quæ illius uices gererent medicamenta, idemç ualerēt cum illo, cum mista, tum simpliciter sumpta. Huc adde, cum exactè nobis prædicti autores celeberrimi dysenteriae curandæ methodos tradiderint, neq; de soluentium pharmacorū usu mentionem ullam fecerint, manifestum esse, aut tale administrari non debere medicamentum, quale est rhabarbarū, aliudue simile; aut Galenum, & reliquos non satis de eo curando morbo præcepisse, quod quidem absurdū, & ab omni ratione alienum esse, nulli dubium uideri debet. Ac cum intestina tantum inferiora interdum lædantur, nō aliunde amplius ad ea fluentibus humoribus, saltem ea dysenteriae species magis iuuabitur ab ijs quæ in aluum per clysterem iniiciuntur medicamentis, quam ab ijs quæ per os demittuntur, siue pharmaca ea fuerint soluentia, siue alia: id quod tamen isti non animaduertunt, sed suas cōmuniter inuulgāt opiniones, nulla adhibita in morbis distinctione; quæ quidem singula tum ex Galeno

leno manifestissima sunt, tum ex alijs. Non enim illos ea obliuione detentos fuisse existimandum est, ut, si eo uti necesse esset, aut certè expediret, soluentis pharmaci cōmemorationem prætmitterent in eo loco, ubi peculiariter de hac re traditur; uel in illis, in quibus melle prius educendos esse humores scripsit ab intestinis, deinde ad reliquum curationis partem accedendū. Neq; uerò hanc illis (cum eam nullatenus probent) arguendi formam, & cōclusionem concedo: Galenus & Diosc. alijsq; in dysenteria rha dant, igitur aluum soluit. Imò quòd adstringat, eos illud dedisse nos contrà affirmamus: nam si aluum solueret, & hoc uitio laborantibus Galenus exhibuisset, illud utiq; esset, ut suprà ostendimus, methodis suis aduersari. Adde etiā, quòd licet rha antiquorum ab eo, quo nunc utimur, rhabarbaro non differeret, nisi maiore & minore aluum soluendi uī, Galenusq; & alijs in dysenteria illud dedissent, non tamen sequerē, ut nostrum quoq; rhabarbarum in dysenteria præsertim, de qua nunc agitur, dari deberet, cum uiribus saltem non parū inter se distinguantur soluentibus, ut plurimis constat experimentis. Quòd si etiam dixerò, rha quòd antiquis innotuerat haudquaquē aluum soluere, hoc tamen non erit Manardi opinionem, quam tuemur, neq; nostram, & experientiā refellere, neq; nobis ipsis non constare in ijs quæ in Brasauolæ simplicium medicamentorū examen annotauimus. Neq; enim à ratione alienū est, ut ibi quoq; diximus, in tam magna orbis parte, quanta Pontus est, rha soluentis facultatis, & non soluentis reperiri posse. Præterea non maior uidetur esseratio, sed contrà minor est, quòd in colī dolore soluentia prohiberi debeāt pharmaca, quàm in dysenteria, ut ait Gal. xij. curandi methodi, cum in ea plures causæ sint, quæ illa dari uerent, quàm in colī dolore, ut fluxio humorū, ulcus, & sæpenumero inflāmatio, febris, & quæ hanc comitantur symptomata. Per patientē uerò locum minimè esse uacuandum, uniuerso corpore plus æquo pleno existente,

quod in huiusmodi corporibus manifestè apparet, scriptū etiam est in xcv, cap. artis medicæ, & alibi: quæ quidem corpora mollia sunt, & fœminea, & puerilia, quæ fortia nō tolerant medicamenta, ut ait Galenus secundo ad Glauc. & alibi, Dubium præterea est nō leue, ne dysenteria magis augeatur, ob soluentis pharmaci uim; relinquere enim id solet in uasorum quæ ad uentrem pertinent osculis morsionem, apertionemq; multā; quare assidue eas partes irritat, & quæ in uasis sunt uires dissoluit, ac deijcit. Dicit postremo Galenus septimæ sectionis aphorismo lxxv. purgare aluum neq; simpliciter, neq; quouis modo illi cōfert, cuius strigmentis similia sunt alui excrementa. Et licet paulò infrā subiungat: neq; prius eos purgare est necessariū, si iam quicquid inest bilis fuerit sublatum; non est tamen, cur ob hæc dubitetis: quoniam etsi omnis humor biliosus non fuerit eductus, nō ideo tamen Galenus uult, dysenteria adhuc perseverante, nobis opus esse purgatione soluentis pharmaci, sed si bilis quicquam post ulceris cōsolidationem relictum fuerit. De ijs autem quæ aluum facilem reddūt medicamentis, quibus ea à multis laudari sciam, his tamen etiā cautè, & timidè utendum esse dixerim, hac maximè tempestate; plerique enim quilibet etiam leui de causā in hanc incidunt affectionem pessimam. Tamarindos uerò, qui quidem frigidi sunt, & sicci temperamenti, quicq; bilis feruorem extinguunt, si quis modico det pondere, & immaturos, atq; initio morbi, cum ijs tamen quæ eorum malitiam infrenent, non omnino à bono medico alienum esse duxerim; hac enim tempestate magnā sæpenumero educi animaduertimus humorū copiam, exiguo etiam aluum molliente medicamento sumpto, ut cassia fistulari, & huiusmodi; quapropter (ut dixi) his quoq; utendum esse censuerim magna cum moderatione, tamen minore cum timore, quàm ijs quæ aluum soluunt. Sed tamen quoniā ea nimis fortasse aluum mouere possent, nimiosq; ad læsa intestinorū loca humores deducere, quodq; etiam id nunc

id nunc in populos sæuit malum, ob quendam prauū tem-
 poris statum, tutius, ut puto, fuerit ab huiusmodi etiam me-
 dicamentis abstinere, quæ nimis aluū mollire possunt; cæ-
 teris uerò uti remedijs, quæ à Galeno, & ab alijs idoneis au-
 toribus multis traduntur in locis. Aliud præterea est, quo
 aduersarij nostri mentem suam erigunt, & in nos impetum
 faciunt, hi inquam, qui practici (ut eo nunc utar uocabulo)
 appellari gaudent, ac uolunt, quicq; tyrannorū more, omis-
 sa ratione, quæ dictant, tanquam edicta regia pronunciant,
 & ætatem maturiorem pro autoritate, & ratione haberi uo-
 lunt, neq; ab eorum opinionibus recedere ne latum quidē
 (ut aiunt) unguem nobis licitum esse existimant, sed omnia
 sibi credi. Illi igitur, ut ad rem redeam, denuò hoc nos fun-
 damento urgent: Causa morbi cognita, & sublata, illicò &
 morbus tollitur: quod magis quidem notum est, quàm ut
 ullis egeat probationibus: quod ut illis concedamus, quæ
 sublata causa non semper morbus tollat, ut est in primo de
 locis pafsis, & eiusdem tertio: sic contrà respondemus, nul-
 lum adeò in arte medica perfectū uirum inueniri posse, qui
 rectè perpendere ualeat, quæ humorū mensura, & qualitas
 per datum pharmacum detrahi debeat, ac possit: adde etiā,
 quòd, cum causa morbi tollitur, medicamentis & remedijs
 opportunis tolli debet, non quibuslibet, nec in quouis mor-
 bi tempore. At quomodo igitur, aiunt, tormina patientes
 curabimus, nisi hepar, exempli causa, biliosos & acres ad in-
 testina mittēs humores, purgabimus? Curabimus sanè eos
 tum ijs quæ suprà cōmemorauimus, tū medicamentis quæ
 cibis cognata sint, & potionibus, tum ijs quæ mutant & cō-
 coquant, humoresq; qui huiusmodi grauissimos excitant
 dolores aliorum auertemus, ut Galeni, & aliorū testimo-
 nijs superius innotuit: his deniq; utemur remedijs, quæ cū
 uentriculum, tum hepar, & intestina roborandi, & aliarum
 partium malam intemperiem corrigendi uim habent, ac re-
 liquis, quæ cōmuniter à prædictis autoribus in hac tradun-

11. cur. meth.

Gal. libro de
sanguinis mis-
sione.

tur curatione; neque pharmaca, ut illi faciunt, intestinorum ulcera potius laxantia, quam contrahentia dabimus, quæque naturam male agentem irritent, non ulla in re ægrotum sublevent. Medicus autem, Hippocrate & Galeno autore, naturæ quæ recte, non quæ male agit æmulus esse debet, ac minister. Valde enim prosternuntur in dysenteria vires ex tam frequenti desidendi agitatione, tum ob pharmaci violentiam & laborē; quæ quidem in hoc morbo maxime vitanda sunt, quemadmodum scripsit Galenus in primo ad Glauc. libro, cap. xiiij. Et Aëtius sermone ix. cap. xlv. senescere fatetur an maior aliunde, & grauior molestia dysentericis oboritur, quam ex eorum quæ egeruntur, acredine, quare, ut ait Gal. in lib. de facile parabilibus, optimū etiam fuerit remedium cibi paucitas, eiusque cōcoctu facilis & levis. Neque uerò (ut id quoque attingam) in hoc uitio ad urinarum inspectionem multum attendendum est, quod isti tamen plurimum obseruant, cum dysenteria morbus intestinorum sit, neque ex urina certa cognitio ulla uel salutis, uel mortis in hac ægritudine haberi possit; non ob id tamen omnino negligendam esse urinarum contemplationē dicimus, imò in quolibet morbo considerandam, sed præsertim ubi putrescunt in uenis succi, & hepate, ut ait Gal. in primo de crisi, cap. vij. & iij. de tuenda ualitudine. Nam etsi in secundo prædictionum, cap. vi. dicit, tantum in hepate & uenis urinam considerari oportere, & quæ his inferuiunt, id primo uerum esse constabit. Cum uerò dicunt expectandam esse concoctionē, & deinde purgare, si de ea quæ in humoribus sit & urinis intelligant, certū est ex paulò antè citatis sententijs id falsum esse. Quod si de ea quæ in excrementis expectatur, ne illud quidem uerum est; nam licet egestionem uentriculi, & intestinorum affectionem significet, ut est in primo de crisi, cap. xi. & aphorismo xij. primæ sectionis, necnon secundo prædictionum cap. iij. cum tamen ea ad naturalem suam formam redactæ fuerint, tunc dysenteria non amplius ægrotum male habebit, aut leuiter

3. de rat. uict.
acut. & 2. Epid.
pid. cōm.

uiter infestabit. Et ita de hepatis, & humorū intemperamen-
to dicendum est: quod ubi euenerit, haud amplius necesse
erit ullo uti soluente pharmaco, aut alio, nisi fortasse eo,
quod intestina abstergat, aut consolidet: nisi, ut suprà dictū
est in aphorismo lxx. septimæ sectionis, aliqua humoris bi-
liosi pars post consolidationem ulceris intestinorum ad
huc relicta fuerit. Magis igitur idoneum uidetur, ut in mor-
bi huius initio causa quæ ipsum gignit, auferatur, quàm ul-
lo alio tempore, priusquàm ulcus, quod *κακοντες* appellant,
generetur, atque in intestina serpat, ut Galeni uerba osten-
dunt, præcipuè in secundo de simpl. medic. capite suprà ci-
tato. Consultius autem esse ducerem, si qua urget humorū
aliunde fluentiū origo, quæ id exigat, ut ad eam tollendam,
& ad ulcus inhibendum, uenam secemus, quemadmodum
Aëtius aperte confirmat, si tamen id auxiliij genus ægroti
uires, & reliqua simul patiantur, quàm huiusmodi soluen-
tibus pharmacis uti. Optimum etiam est corrigere mem-
bra, quæ prauos generant humores: hi enim ad intestina
demissi, dolores excitant uehementissimos. At enim Ga-
lenus in iiii. de uict. acut. morborum, & in eo loco quem su-
perius citauimus, qui est ad Glauco, fluente aluo sanguinem
mitti prohibet. Ad quod respondeo, sententiam illam mi-
nimè ueram esse, si de uera dysenteria, & in qua excremen-
ta liquida non apparent, intelligatur, & quæ à mala hepa-
tis intemperie ortum habet, & de morbi huius initio: sed de
alijs alui profluuijs, & temporibus, indubitata quidem
esse: dysenteria enim rectè alui profluuium appellari non
debet. Quibus singulis, ut suprà exposuimus, absolutis, dy-
sentericos omnes, qui tamen conualituri sunt, conualesce-
re posse speramus, atque huius curationis uiam, quæ qui-
dem antiquorum est, & à Leonharto Fuchsio prius, quàm
à nobis monstrata fuit, probatam iri. Et si, Platonis testimo-
nio, antiquissimum sit, nullum detrahentium morsus eui-
tare posse, illud obiter dicam, à Fuchsio M. Gatinarum

1. de rat.
uict. acut.

haud meritò reprehendi, quod eclegmatis rosacei certā in
dysenteria portionem dederit, cum nō illud ex sua, sed alio
rum opinione dicat, Omitto nunc quòd hic sua iactabit ex-
perimenta à datis pharmacis prospera, ille autem à non da-
tis: non quia non putem experimenta cum ratione facta, &
legitimè, laudanda esse, sed quia non ea probem, quibus nō
consentit ratio: qui enim, ut ait Galenus cum historiam au-
guris Græci & Arabis narrat, recta ratione medicam artem
exercet, ei nos rem ex sententiā succedere posse arbitramur:
sin cōtrā eueniat, uī morbi ægrotos perire proculdubio exis-
timamus, non ex remedijs tempestiuè adhibitis, Secus ue-
rò ijs euenire existimo, qui nō opportunis remedijs eos cu-
rare posse confidunt: qui quidem licet quandoq; incolumi-
tatem consequant, casu quoquam, seu uirium, quæ in ægro
sunt, fortitudine, seu morbi imbecillitate, seu aliqua præce-
dentium remediōrū recta applicatione conualuisse potius
existimandum est, quàm artis beneficio. Similes uerò hi mi-
hi illis esse uidentur, de quibus Gal. in secundo ad Glau-
c. scripsit, qui morbos quidem curant, homines autem inter-
ficiunt, quiq; experientiam sine ratione præ se ferunt, atque
hæresim methodicam omnia artis bona destruentē sequun-
tur: illa enim sermones aliquos dogmaticos quidem habet,
sed qui tamen multis pleni sint erroribus. Quæ uerò ratio-
ne & experientia comprobata non sunt, ad animalis interi-
tum tendunt, Tutius autem esse existimo, ægrotos uī mor-
bi perire sinere, quàm nostra ulla opera mala, aut medica-
mentis incertis eos præproperè iugulare, tametsi nō absq;
aliqua nostri nominis nota, Sed cōtrā hi longè alijs præstan-
tiores esse uidentur, qui quoties ad ægrotum aliquem acce-
dunt, semper aliquid noui agunt, magno sæpenumero lan-
guentis incōmodo, atq; malo, cum neq; etiam morbi natu-
ram, atq; ægroti aliquo modo inuestigauerint: id quod ta-
men medico summopere obseruandum est, si Galeni præ-
cepta maximè tueri student, & ueri officium medici, Non
solum

2. cur. meth.
& 3. Aeth, ca-
pite 185.

solum autem ui morbi pereunt ægrotantes, aut quia ipsi aliquid cōmittant, sed quia etiam eos medici malè curēt, ut est in primo prædict. cap. xxxiiij. Quare ualeāt hi cum suo improbo, & ab amussi Galenica aberrante modo; nobis uerò pro præclarissimo, & præcipuo lucro sit, ægrotos ualitudinè prosperè nostris restituere posse medicamētis, etiā si pauperuli sunt, & nullius (ut aiunt) numeri, solent enim medicorum plerique, quos uisitant, tantū iactare ægrotos, si principes, si de nobili familia sunt; sin contrā, ignobiles, miseri et abiecti, de his nulla sit ab illis mentio; ita eorū mentē occaecauit ambitio, atq; auaritia. Sed uos rogatos uelim amantissimi Collegæ, ne me loquacem nimis, aut temerariū, & alieni nominis obrectatorē esse putetis prius, quā omnem hanc in illorum caput fabam excusero; semel enim mihi omnino decretum est, in prauos, eosq; barbaros, & incompósitos medicorum mores inuehi; quod cum perfecero, tunc liberū sit unicuiq; apologiam scribere. Sed missa hæc faciamus, & si qua adhuc mihi dicenda restant pro presentis difficultatis expositione, breuiter perstringamus: nolo enim nūc horum scurrilitatem nimiam, & uitia singula persequi, sed in cōmodius tempus differre. Si quis igitur à nobis causam scire desideret, cur tam longo tempore excrementa mera in aluo retineantur, cum dysenterici isti identidem ac paulatim excernant tum humores biliosos, eosq; non unius generis, tum intestinorū abrasiones, siue ramenta, tum quædam mucis similia, tum pingua, tum carnosæ, & deniq; ipsum cruorē, neq; prædictis aliquid simile excrementis deiciant, quale quidem deijci solet ab ijs qui consuetis, & legitime institutis utuntur cibis, uel certè minimum, & rarissime, quemadmodū nos sæpenumero euenire uidimus: illi primi Galeni de tuenda ualitudine libri locus satis esse poterit, ubi excrementorū moræ causæ explicantur; territa enim natura, ea non audet per loca ulceribus scatentia, & doloribus uexata transmittere, sed in quibusdam intestinorū reuolu-

p

tionibus, & concavitatib. retinet, quare nos quidem saepe animaduertimus excremēta magna copia egeri postq̃ agrotus omnino ferē conualuisset, eaq̃ indurata, cum huiusmodi antea haudquaq̃ uidissemus. Quare etiam manifestū fit, hunc non esse affectum illum, ut nōnulli suspicati sunt, de quo Galenus loquitur in vi. de locis affectis, cap. iij. diabeti perquam simillimū, qui quidem à multis cibis fit, qui neq̃ concoquuntur, neq̃ per aluum deijciuntur, neq̃ plenitudinis causae sunt, neq̃ etiam probè alere possunt, sed dissipantur, & à calore discutiuntur. Et quia etiam fortasse nō absq̃ ratione aliquis dubitare posset de illa ingenti adstringentiū & repercutientiū medicamentorū sylua, tum cataplasmatum, tum epithematū, tum emplastrorū, tum inunctionū, & huiusmodi, quae uniuersae aluo, & uentriculo applicari solent; quoniam Galenus in quinto curandi methodi libro illos medicos improbet, qui non tantum adstringentia, sed etiam frigida citra adstrictionem profluenti particulae imponebant, utpote quae sanguinem intus pellant, & uenas quae in alto sunt, sanguine impleant: quorum etiam usum damnat in primo ad Glauc. cap. de curatione febris continuae, necnon frigidorū, acidorumq̃ extrinsecus applicationem: quoniā quo magis cutem densaueris, tanto ipsae sanguinis fluxiones, quae ad uentrem tendunt, magis augent, nisi fortasse corroboracionis gratia illa adhibeantur. Propterea huic dubitationi ita occurri poterit, dicendo, nō esse omnino simile id quod à Galeno de thorace & aluo scribitur: quia licet prius nobis sese offerat abdomen, hoc est, mirach, deinde peritoneum, quod Arabibus est siphach, deinde omentum, siue zirbus, postremò intestina, ad quae deferri debent praedictorū adstringentiū uires; nō tamen haec omnia ita prohibere possunt, sicut thorax, quin huiusmodi ad pulmonē deferantur medicamentorū facultates, propter illius situm, & substantiam crassam, & solidam, ut scriptum est in lib. de cōstitutione artis medicae. Vel dicas, haec utriq̃ parti
culae

culæ applicari posse, auersione, & inanitione præcedente, ut est in loco ante hunc proximè à nobis citato, si tamen illis admisceantur, quæ eorū vires ad prædicta deferant patientia loca. De uino nihil aliud quod scribam habeo, nisi illud minimè à me in hac curatione, si adsit febris, approbari, ut est in iiii. de ratione uict. acutorū. Aliud præterea est, quod mihi difficultatem parit. Nam Galenus viij. de comp. med. secundū locos, dicit se uelle agere de ijs qui uerè dysenterici sunt, in quibus neq; hepar affectum est, neq; alia urget affectio, præter intestinorū ulcus tantum, aut cum putrefactione aliqua obortum, quam medici usitato uocabulo *νόση* appellant; tandemq; de ijs se agere uelle ait, quæ ad talem affectionē cōmoda sunt, & experimentis multis cognita: & ita deinde cōfectiones uarias, pastillos, quos Græci *προχίσματα* nomināt, potiones, acria enæmata, & huiusmodi alia ad prædictum morbū subscribit. Ex quib. Galeni uerbis manifestū est, hæc adstringentia etiam, quæ per os tam frequenter dari solent, in uera dysenteria dari debere, nullo ibi existente alio aliquo hepatis affectu, quapropter eos, qui huiusmodi siccantia, & adstringētia dant medicamenta, à recta medendi ratione, & scopo declinare existimo, potissimum si his in dysenteria principio utantur, atq; si febris unā ægrotū male affecerit, quod obstructionis causa sint, & putridorū humorū in corpore retentionis: sed uel declinante morbo, uel si febris minime fuerit cōsiderationis, ut ait Aëtius, dari poterunt: quod postea à Cōciliatore differentia cōij. latius traditum est. Sciendū est etiam innumeros dysentericos persæpe curatos fuisse, qui cum grauiter ægrotarent, magna pars tunicæ interioris intestinorum putrefacta deperierit: qui tamen non curati fuissent, nisi alia tunica super corruptam illæsa esset, quemadmodum scribit Galenus in iiii. de usu partium libro. Postremò (id enim etiam libet addere) ut miraremur fecit, quod hi, qui Nicolos, Vgonos, Iacobos, et illius sectæ autores semper præmanibus habent, ingentem

illam asini molam, & Sisyphi saxum uersantes, nullā unquē de barbaris enamatis mentionem fecerūt, quæ in fractura uenæ à Galeno, & alijs Græcis laudant, uel huiusmodi medicamentis, & dropacifinis, quæ in auertendis humoribus, quod in hac curatione plurimū desideratur, multum conferunt; quodq; pariter cucurbitularū remediū super uentre affigendarū horarum quatuor spacio, prætermiserint, ab Auic, tantopere decantatū; aut etiam Smaragdum ipsum, cum omnia ægrotis proponere consueuerint, nō quidem salutis eorum gratia tantū, sed ut omnia se scire ostendant, & lucrifaciant, priusquam alter nostri ordinis accitus ad ægrum accedat. Hæc ita explicauimus; uos uerò plurimū rogamus, ut quid de his sentiat, in medium ne pigeat afferre: corripit enim, ut scitis, morbus is innumeros, cuiuscunque status sint; sed potissimū illos, quos antea scripsi, homines. Verū placandam in primis Dei iram optimū esse duxerim, idq; extremū esse in nostris malis per fugiū, & remediū. Reliqua autē, quæ præsentī negotio utilia sunt, quoniam latius à maioribus nostris traduntur, & facile quiuis ea legere potest, consultò prætermisimus. Valete.

Calend. Iulij, M. D. XL.

Aloisius Mundella medicus, Hieronymo Feroldo compatri. EPIST. XIII. in qua locus Gal. 4. de rat. uicl. acut. explicatur.



On desinis Hieronyme ea facere, quæ amorē erga me tuum, & beneuolentiam indies magis ostendāt. Vt enim cognouisti eam nos opinionem tueri, quæ in τῆς δυσχερείας curatione pharmaca soluentia in os dari prohibet, & oppositam damnare, statim sententiæ illius recordatus, quæ est in iij. libro de ratione uictus acutorum morborū, ubi Gal. quæ ualenter soluunt medicamēta, laudare uidef, in expositione

sitione illius loci, qui sic incipit: Si aluus liquida fuerit, &c. me amice admonuisti, ut illam accuratius considerarem: locus enim paulò obscurior uidetur, & qui dubitationē non minimā præ se ferat. Quare non absq; ratione suspicari mihi uisus es, ne si fortasse opinio hæc nostra ad seueriorum quorundam aures peruenerit, illorum censura, & supercilio graui subitò reprehendat & castigetur. Nam quid opus est, quæso, antiquorū nostrorū monumenta præ manibus semper habere, si illorum sensa non penetrentur rectè, ac intelligantur? non autem ut nōnulli ex nostris faciunt, qui Galenum se centies uidisse affirmant, cum tamen multa in eo sint, quæ uel planè illi non intelligunt, uel peruerse, eò quòd per transfennam illa legant. Sicuti enim non sæpe tantum, sed probè etiam medendo boni medici euadimus, ita in studia incumbendo. Paucis igitur accipe, quid ipse ea de re sentiam: & primo Hippocratis, siue quisquis ille fuerit autor, uerba subscribam, ut certior deinde illorū sensus percipiat: *ἢν δὲ ὑγρὴ ἢ κοιλὴ, καὶ χολὴ ὑποχωρεῖ, καὶ σρόφοι, καὶ μεστοί, καὶ πνιγμοί, τῶτοισι κράτιστον ἀτρεμίξην, πίνειν δὲ μελινκρατὸν καὶ μὴ θζεμίειν*, hoc est, si ad uerbum uertas: Si uerò aluus liquida sit, bilisq; deiiciatur, & strophæ, & uomitiones, & suffocationes, his melius quiescere, bibere autem aquam mulsam, & non uomere, *σρόφοι* enim dictio, si Cornelij Celli interpreta-
 tionem sequemur, quæ mea quidem sententia, uera est, nō tormina propriè significat, hoc est, *δυσσυντόριαν*, sed dolores circa umbilicū intestina torquentes. Quæ cum ita sint, nulla quidem erit inter nostra scripta, & codicem hunc controuersia, nam doctè quidem Galenus suprà citati autoris uerba exponens, dixit: Qui autem in affectionibus huiusmodi sapius & ualde auxiliatur, is cacochymian potenti medicamento affatim expurgat, uires contemplatus, ægri habitū, anni tempus, ætatem & cōstitutionē. Nam si bilis acris est, & elui contumax, quid obstet non uideo, quin illa ualente pharmaco magis educi debeat, ut Gal. uoluit, quàm mode

Lib. 2. cap. 6.

ratè solvente, quemadmodū autor ille quarti libri de uictu acutorum, ut est lac asininum, aut mulsā, eam quietè concoquente. *χολέρα* enim cōmune est uentris, atq; intestinorū uītiū, quo potissimū ipse, atq; intestina biliosis torquentur humoribus, & cruditatibus; & licet per intestina pharmaco deijciantur materiæ illæ acres, corruptæq; & crudæ, tutior tamen ea est uia, & expulsionī eorum paratior, & commodior, utpote quæ à natura excrementis recipiendis, & expellendis creata est; unde non horum iniuriæ ita obnoxia sunt intestina sicuti uenter, uirtute, & cæteris suprā à Gal. cōmemoratis constantibus conditionibus. Concedimus tamen in *χολέρα* uītio *δυσεντερία* quandoq; excitari posse, acris & biliosis ad ea loca transeuntibus succis; quod si contingeret, nō ita tutum esse existimauerim huiusmodi ualentibus pharmacis uti in hac morbi specie, in qua uirū prostratio medico ualde animaduertēda est, ne ea morbo succumbat, quemadmodū Galenus, & reliqui omnes periti apertè uoluisse uidentur. Si uerò huius libri autor nō amplius de *χολέρα* agat, sed ea uerba simpliciter intelligenda sint, nulla ad prædictū affectum consideratione habita, de quo Galenus dubitare uidetur, nō est quod dubites; id enim ibi Galenus sentit, quod si in uentre bilis contineatur, & elui contumax sit, ut seruatis conditionibus antea dictis, ualentī pharmaco ea educatur, si tamen febris non prohibeat, quæ multæ esse curæ medico debet; intelligenda est enim, meo quidem iudicio, & seruanda illa exceptio: timet enim Galenus ne periculū aliquod insigne ex biliosa in uentriculo materiæ mora contingat. Illa uerò, dum hæc animaduertē uerba, difficultatem aliquam mihi habere uisa sunt: Si aluus scilicet liquida fuerit, & bilis deijciatur, &c. Nō bene enim assequi possum, quomodo Gal. uelit, hunc uirū de arida *χολέρα* iterum memorare, cum suprā eam generari dicat ab acris, & in flante spiritu, hic uerò humorē excerni, aluumq; humidam esse, Nisi fortè ita respondeatur, quandoq; & in hac *χολέρα* specie

specie bilem contineri, quæ non ita leuibus tollatur remedijs, ut ea, quæ superius scripta sunt, mulsæ, & huiusmodi, sed potentioribus ei opus sit. Tu si quid melius habes, rescribe, pro hoc tuo, & nostro extricando nodo: Mundella enim sum, non Oedipus. Vale.

Pridie Idus Septemb. M. D. XL.

Aloisius Mundella medicus, Leonharto Fuchsio eiusdem artis professori. EPIST. XIII. An unum in febris dandum sit.



Illud nunc mihi euenit Leonharte, quod ijs euenire solet, qui, quoniã Christum crucifixũ & sanctam ecclesiã profitentur, eamq; palam prædicare haudquaquã dubitant, nec timent, semper cum quibusdam falsis prophetis, & surronibus contendere, ac digladiari necesse habent. Cum enim ad aliquem ægrotũ uocatus accedo, ut cum aliquibus ex nostris præsertim natu grandioribus medicis sermonẽ habeam, quò melius languenti consultũ sit (solet namq; opinionibus uarijs utrinq; adductis ueritas magis innotescere) protinus initio sermonis illos uideres & furere, & bacchari, friuolis tantum, & nullius ferè momenti argumentis contententes: ita peruersa est eorum mens, & pertinax, & à certis medendi scopis aberrat: qui tamen à me multis rationibus, & argumentis conuicti, solent aliquando acquiescere: id quod etiam proximis superioribus diebus accidit. Nam cum nonnulli ad curandam matronam quandam accersiti essemus, illaq; multis, & uarijs per nos adhibitis remedijs conualesceret: tandem dissensio, & contentio inter nos de uini genere, & proprietate, quod conualescenti daretur, exorta est. Ego uerò cum pro ueritate tuenda contra illorum mendacia uerba multa fecissem, id consecutus sum, ut dilutum uinum conualescenti isti omnino

daretur, quòd ea Galeni esset opinio in primo ad Glauconem libro, & alijs in locis: manifestè enim febris iam declinare coeperat, ab humore quidem bilioso & crasso in uenis existente originem ducens, Licet enim multum reclassent illi, quo minus febricitanti huic uinũ daremus, nullum tamen ita euident, aut saltem probabile illis fuit argumentũ, quod nostram, imò Galeni sententiã infirmare posset: huiusmodi nanq; uinum (ut scis) crudos concoquit humores, sudorem prouocat, somnum allicit, & citò uires reficit, & omnes denique inanitiones ciet, omnesq; humores optimos reddit, ut est in viij. & ij. curandi methodi, & iij. de tuenda ualitudine, necnon aphorismo lvij. septimæ sectionis. Vini præterea moderatè sumpti potum ea sequuntur cõmoda, quæ à Paulo Aegineta lib. primo, cap. xcv. cõmemorantur: quibus bonis uires magis ualidæ redditæ, morbi seminaria, si quæ adhuc remanserunt, discutit ac uincit. Atq; dilutum illi uinum ut biberet, iussimus, quale à Galeno, & etiam Hippocrate in febribus maximè laudatur, quòd uina illa aquosa, alba, & tenui substantia, & exiguum corpori alimentum præbentia, apud nos nõ proueniant, neq; aliunde ad nos importentur, sed fulua potius, & nigra, & potentiora, uentremq; corroborantia, quæ cõualescenti quidem huic non conuenirent, nisi aqua optimè temperarentur, & miscerentur, aqua enim, cum debile nobis uinum non est, ipsum diluimus, ut amissa illa austeritate, & ui præpotenti, melius inseruiat rationibus nostris, quemadmodũ vij. curandi methodi suprã à nobis citato Galenus tradit. Quibus sic à nobis coram ægrotante explicatis, quamprimũ illa, ut uinum nouum sibi liceret bibere, petijt: quo audito, medicorum unus qui isthuc conuenerant ætate grauior, nulla mora facta, magis uinum nouũ approbauit, quàm uetus, illiq; dandum esse iussit, quòd imbecillius eo esset, quodq; uina, donec recentia sint, nullatenus, secundum Galenum in lib. de cibis boni & mali succi, calefaciant, Ego uerò, ut
par est,

par est, ne uerbum quidem ullum cōtra senis istius respon-
sum facere, quod illius animū offendere posset, optimū esse
dixi: sed post nostrum inde discessum, non amplius medi-
ci huius dicta, utpote quæ à Galeni methodis, & ueritate
aberrant, ferre omnino decreui. Nam cum primo mitio-
ribus quidem uerbis & moderatis eum cōpellassem, ut ira-
cundiæ suæ impetus reprimerem, & sedarem, postremò ui-
na noua quæ ille impense laudauerat, ipse supra modum ui-
tuperare cœpi, tanq̃ à Gal. in plerisq; locis damnata, præfer-
tim vij. curadi methodi, & in libro de cibis boni & mali suc-
ci, ueluti quæ ægrè cōcoquantur, & crassum succum gene-
rent, quæq; inflationes pariant, & excrementosa sint, neq;
per uenas transeant, & pituitæ generandæ idonea. Etsi ue-
rò nullo modo calefaciāt, nō propterea tamē ut danda sint,
conuincitur, sed, si rectè consideremus, contrarium potius.
Quæ cum non asperè, nec arroganter (ut dixi) locutus fuif-
sem, sed leniter, & summa cum mansuetudine, ne animus
meus pariter atq; audiētis ex eo perturbaret, tum ille nihilo
minus partim ira, partim fastu excandescens, ac fremēs, Et
tu ex illis, inquit, mihi esse uideris, qui Galenum tantopere
extollunt, & profitentur, ut in re medica nolint quicquam
posse iure dici, nisi illud in Galeni cōm. scriptū inueniatur,
& traditum: & ignoras tamen à uestro Galeno uinum me-
dium inter antiquū, & nouum maximè laudari, cuiusmodi
nostrū hoc trimestre, aut quod ab illo temporis spacio non
multū absit. Hæc ut ab eo intellexi, ut illi pro uiribus satisfa-
cerem, in hunc modū respondi: (suis nanq; uerbis inflatis,
& contumeliosis inclementius ille urgebat, atq; acerbè nos
increpabat) Galenum quippe, quantū in nobis est, imitari,
& profiteri non negamus, imò manifestè id confirmamus:
sed ita tamen, ut aliorū etiā monumēta, quorūcūq; illa
fuerint, nobis legātur: dicere enim solebat Plinius, nullum
tam malum librum esse, ut nō aliqua ex parte prodesse pos-
sit. Sed tamen quia Hippocrates, ut ait Gal. in vi. de simpl.

1. de natura
humana.

Hic, puto, A-
uerroës Auic-
cennā taxat.

med. prope libri initium, nos admonuit, ut uerè constat, uita-
tam hominis breuem esse, artem uerò longam, ut tempus
in ea quæ inutilia sunt, minimè cōsumeremus, edocuit. Et
quia etiam, ut ait Auerroës in v. Collect. cap. xxxi, Galenus
fuit maximus, & fidus medicamentorū explorator, neq; ul-
lus ei comparari potuit, nisi is, qui cum clamat, nō intelligit
quid clamet; neq; quicquam, quod hactenus mihi innotue-
rit, in tradendis rei medicæ methodis ab eo peccatum inue-
nitur; idcirco quoad possumus, eum sequimur, atq; appro-
bamus, & si quid ab alijs recens, & probè inuentum est, il-
lud sanè recipimus, atq; amplexamur. Quapropter medico
conducibilis multò esse existimo, in singulis Galeni li-
bris euoluendis, & accuratè considerandis uitam omnē te-
rere, quàm ipsis neglectis, reliquis omnibus cū Græcis,
tum Latinis, atq; Arabibus operam dare: quippe quòd ra-
rò medicum inuenias, modò ille sit optimi ingenij, & natu-
ræ, qui si assidua Galeni lectione delectet, doctrina, & mo-
ribus, cæteris non facillè præstet medicis: siquidem Auicen-
nas secunda sen primi libri, cap. de causis frigiditatis, Gale-
num medicorū principem appellat, & in alio loco se illius
interpretem esse fatetur. Sententia uerò illa, quam suprà ad
causam tuam meliorē faciendam citasti, quamuis quonam
in loco sit in Galeni cōmentarijs te nescire apertè confessus
fueris, sed ab alijs intellexisse, ut illud quoq; te admoneam,
ea est in vij. τῆς θεωρητικῆς μεθόδου, ubi Galenus sex annorū
uina laudat, tanq̃ media inter noua, & uetera. Nam quòd
Serapio illam citet, nō me latet. Verū quid Serapio, quid
Auicennas tertia sen primi libri, cap. viij. per uinum nouū,
atq; antiquum, mediūq; intellexerint, cum illud mōstra-
uero, satis opinionem tuam me cōfutasse arbitrabor, ut qui
sententiam illam ex Galeni libris sumpserint, quæ quidem,
si rectè consideres, tuam potius destruit opinionem, & no-
stram astruit; etsi postea nō exprefferint illi, quid per nouū,
& uetus intelligendum nobis sit, tanq̃ à Galeno indicatū.
Siquidem

Siquidem ait Auicennas loco paulò antè à nobis citato: Vinum nouum hepar impedit, & ad hepaticam dysenteriam perducit, propter inflammationē, &c. Audias igitur licebit primo ipsum Galenū græcè loquentem, deinde latinè, quò maior uis in eius uerbis sit, neq; amplius reluctari queas; sic enim ait in quarto de comp. med. secundum genus: *ὁ μὲν γὰρ νέος ὅκ' εἰσδύεται τῷ βάθει τῶ σώματος, ὁ δὲ παλαιός, δριμύς, καὶ διακνώδης ὄξύ. ἀμεινον ὢν ὁ μέσος ἢ τῇ ἡλικίᾳ, εἴη ἢ ἄν' ἑὸς τὸ πῖπαι γὰ τῷ μεταξύ, τὸ τε πρῶταιτός, καὶ δευτερός.* hoc est: Nouū quidem nō ingreditur profundum corporis, antiquum uerò austerum, & mordax est: præstantius igitur quod ætate mediū: est autem omnino mediū, quod intra quinquennale, & decennale est. Quibus uerbis cōfirmatur locus ille septimi libri curandi methodi suprā à nobis citatus: id quod etiam Cornelius Celsus libro ij. cap. xvij. his uerbis intellexisse uideatur: At acetum, & id uinum quod paucorū annorū, uel austerum, uel lene est, in mediā materia est, ideoq; infirmis nunquam uinum alterius generis dari debet. Et si non eadem ratio est de uinis nigris, albisq; & crassis: citius enim hæc quàm illa inueterantur. Vidēs ne an Galenus uinū nouum, uinumq; optimū, illud, quod uos, intelligat, triūm scilicet mensiū ætatis, aut quod proximè accedat, an quod sex potius annorum fuerit: Propterea q̄ maximè cuperem, ut in Galeni dogmata magis assidue, & maiori cum diligentia incumberemus, ita enim longè melius ægrotis ipsis omnibus in primis, nobisq; ipsis deinde consultum esset. Præterea cum quispiam aliquē ex nostris aliqua de re interroget, nunquid ea bona sit, nec ne, prius sanè oportet diligenter corporū temperamenta, & proprietates inuestigare, & cognoscere, quibus admoueri debet id, de quo habetur quæstio; deinde ipsius quod admouetur, naturam: & ita enodatè & opportunè respondendo, rationabiliter & optimè interroganti satisfactum erit, quemadmodum de melle, pane fermentato, & lacte acido, primo & tertio de alim. facult. scri

Gal. in lib. de
antidotis.

psit Galenus. Nam quamuis in quibusdam perpetuò uerū sit dicere, hoc (uerbi gratia) prauī succi esse, aut difficilis concoctionis, aut stomacho expedire; in pluribus tamē fieri nō potest, ut unico edicto citra ullam definitionem ueritas feruetur. Idem affirmat Gal. in lib. de boni & mali succi cibis, & in primo & secundo de comp. med. secund. genus. Neq; (ut mea fert opinio) illorū probatur responsum, qui dicunt Galenum de suæ patriæ uinīs, & cōsuetudine intellexisse, quoniam cum illa scribebat, Romæ habitaret. Quare cum de fructibus, animalibus, moribus, mensuris & pōderibus loquitur, etsi id distinctè non facit, de Romanis tamen quā ille intellexerit dubitandum non est, ut ipse etiam Gal. ait in primo de comp. med. secundū genus, aduersus Andromachum. Et propterea illi taceant qui dicūt, quòd si Galenus nostratium mālōrū punīcorū notitiā habuisset, nō illa ut adstringentia, & humores intrō pellentia in febribus prohibuisset, cum de tribus illorum generibus in viij. de simpl. med. & alibi mentionē faciat, quæ eadem sunt cum nostris: cumq; facile credi possit ætate illa omnīū florentissima multò plura, & præstantiora magis illis innotuisse medicis, q̃ nobis, qui in hæc infelicissima deuenimus tempora, in quibus omnia labūtur ac ruunt. Cui enim dubium esse potest, quā ea tempestate Imperatores illi maximi, dum uarias & longinquas, easq; opulentissimas, ac felices sub imperium populi Rom. Senatusq; redigerēt prouīncias, omnia ea Romam, quò ex omnibus gentibus, ut ait Gal. in lib. de antidotis, singulis annis permulta adueniunt bona, importari curauerint, quæ & noua, & admiranda essent: Studium profectò illis erat maximū, quemadmodū si quis antiquorū scripta legat, patēre arbitror, non solum ut Romam uaria inueherentur stirpium genera, sed piscium, & animalium omnium etiam, quibus antea caruerant: deniq; omnīū ferè rerum, quas mundus in admiratione & precio habet, Romæ emporium erat (ut ita loquar) refertissimū & memorabile.

Idem

Idem præterea nunc mundus est, qui & olim fuit, ut ait Galenus in libello, qui inscribitur, Quòd idem sit optimus medicus & philosophus. Quòd si dixeris, aliquid alibi melius, & alibi deterius inueniri, ut de panico tradit Galenus in ^{3. de compos. med. secundū loca.} secundo de alim. facult. libro, id quoque (ut pater) nostræ non aduersa opinionioni. Hoc insuper alio aduersarius noster se defendi posse sperabat argumento, quòd uinum recens apud nos raro inueniri possit, quod ætatem unius anni excedat, nedum sex, aut plurimum etiam; non enim hæc obiectio difficultatem tollit, quia aliud est loqui de bonitate uini absolute, & tempore, aliud quòd huiusmodi uinum apud nos, aut apud alias non reperiatur nationes; id quod tamen etiam falsum esse constat, cum multa apud nos annosa reperiantur uina. Sed quoniam nullus amplius illi medico restabat fuge locus, nec quo se defenderet ullum aliud erat remediū, ad experimenta sua tandem sese receperat & confugerat, ita proculdubio existimans hoc clypei genere omnia aduersariorum spicula euitare posse; quemadmodum & de minorati uis, quæ uocant, pharmacis in principio morbi non turgentis datis plerisque respondere audio, hoc modo putantes argumentis omnibus, & Galeni methodis optimè satisfactū iri; nescientes ægrotos, quos iactant, qui quæ iam conualuerunt ab huiusmodi datis remedijs, fortuito potius conualuisse, quàm ipsorum ope medicamentorum soluentium. Tolerant siquidem ægrotorum nonnulli, ueluti agricolarum, uenatorum, nautarum, & iuuenilis naturæ multos, eosque enormes medicorum errores, & longius morbos protrahunt, et ualidiora medicamenta; quæ non ferunt imbecilli, ut pueri, ^{2. de natura humana, & 2. de compos. med. secundū genus.} eunuchi, mulieres, & qui naturaliter temperamento humido sunt, ut tradit Galenus in commentarijs de morbis uulg. & de causis symptomatum & morborum. Vt autem controuersia nostræ tandem finem imponeremus, libuit nobis te arbitrum, & iudicem ad hanc litem nostram dirimendam eligere, apud quem sanctiorem esse ueritatem, gratia & amici

tia speramus, nec in alterā partem, sed in ueritatem propensio-
riorem. Quod autem de te ipse tantū sperare ausus fuerim,
in primis fuit mirum in me discendi studium, & desiderium,
necnon nominis tui splendor: quibus de causis minimè ad-
miraberis si in hac disputatione nostra, quasi alterum Palæ-
monē esse uoluerim: amo enim te plurimū Leonharte, pro-
pter ingenij tui acumen rarum, & quandam animi tui syn-
ceritatem, quam, dum tua scripta perlego, animo mihi con-
cepisse uideor, tuamq; recōditam doctrinam: idcirco & me
& rebus meis, cum libuerit, utaris uelim: ita enim me abs te
uicissim amari sentiam, & cognoscam. Salutat te Marius
Nizolius noster, utraq; sanè lingua uir apprime doctus, &
medicus. Idem faciunt & collegæ omnes nostri medici. Va-
le, & si quid in reliteraria noui habes, ut nos certiores facias
rogo. Iterum uale, & nos ama. Ex Italiæ Brixia, sexto
calend. Decemb. M. D. XL.

*Aloisius Mundella medicus Vincentio Me-
tello, De Sena.* EPIST. XV.



NRuellius in primo de natura stirpium libro
cap. lxx. quem nuperrimè cursim legimus, iu-
re miretur Dioscoridem, Galenum, Paulum
Aeginetā, Pliniumq; nusquam de Sena men-
tionē fecisse, cum iuxta illius opinionē Theo-
phrastus, illis quidem grate anterior, in libro de historia stir-
pium iij. cap. xvij. ipsius Senę effigiem & delineationē, per-
mutatis tantū nomenclaturæ characteribus, sub Coluteæ
nomine graphicè depinxerit: & an ea sit, quam nunc in Gal-
lia omnibus familiarem & notam Ruellius gigni dicit, nūc
breuibus à me, pro uiribus discutiendum est. Duo potissi-
mum sunt, quæ me ab illius opinione remouent. Primum,
quòd Theophrastus Coluteam arborē esse dicit, eamq; ma-
gnam: quodq; nullam illi uim, ut quandoq; consuevit, ad-
scribat,

scribat, quæ aluū soluat, & atrū humorē educat: quod Senæ propriū & peculiare esse, Arabum autores affirmant, Galenus uerò de ea nihil in posteritatis usum memoriæ mandauit, tanquam sibi intentata, aut incognita: de ijs enim solum tradere proficitur, de quibus perfectam habuit notitiam, & experientiam: in describendis namq; stirpium speciebus Dioscoridi palmam tribuit: eoq; nō pauca, quorum ille meminuit, data opera præterit. Quare minimè fatendum esse existimo, autores illos egregios, & primæ classis in medicina uiros, quos suprà Ruellius citat, Theophrastum non lecitasse, Coluteamq; non animaduertisse, aut quæ ab illo de ea narrantur, memoria non tenuisse: sed potius, Ruellij pace, Coluteæ uires illis incognitas fuisse, quàm Coluteam arborem à Theophrasto descriptam, etiam si Colutea idem cum Sena esset, quod tamen falsissimum esse constat, ut benenorunt hi, quibus Senæ ortus, & species abunde cognita est, quæ herba magis appellanda est, quàm arbor, aut frutex. Vel igitur antedicti autores nullo modo Senam cognouerunt, ut Ruellius affirmare uidetur: uel si cognouerunt, quatenus ad ipsius uires, non quatenus ad figurā pertinet, illos eam cognouisse dicendū erit: quod ab Auerroë quoq; confirmatur in v. Collect. cui opinioni & Antonius Brasauola, uir quidem de simplicium facultate benemeritus, in suo examine subscribere uidet. Idem præterea Ruellius miratur siliquarū Coluteæ cibo oues saginari, & latiores reddi: homines uerò exinaniri, & tabescere. Atqui cum ipse illius uerba cōsidero, multò magis eius admirationem demiror: quid enim obstat, quo minus in hac planta quoq; reperiri possit, non uideo, quod in alijs plerisq; cibis, & medicamentis quandoq; euenire cōsueuit, ob multiplex ac diuersum singulorū, qui ea sumunt, ingenium, & naturam: non autem ob cibi, seu medicamenti alicuius dati permutationem ullam. Cui enim dubium est uarios oriri non posse effectus ex una, eadēque re uarijs animantibus data?

ex hordeo enim uidimus nos quandoque equos calefieri; homines uero eo semper refrigerari manifestissimum est; quibus ea adstipulantur, quae de ferulae, & nerij, & aliorum natura ab autoribus, & praecipue à Galeno in tertio de simp. med. cap. xvij. de cicuta tradunt, ab Atheniensi uetula frequenter, ut celebris fama est, in cibis usurpata; haec enim sturnos ob meatuum sui corporis angustiam nutrit, homines uero affatim hausta uim mala necat. Eadem pariter ratione, si ueratrum hominem purget, continuo coturnicem non purgabit; quod alijs quoque longè clarioribus patere potest exemplis. Hanc uero nostram de Sena & Colutea opinionem à Fracastorio medico confirmatam ad te mittimus, ut ueritas magis innotescat, & ut mutuis literis nostrae à nobis tollantur dubitationes; scis enim (ut ceteras illius ingenij dotes praeteream) quantum praestet uir ille in medicamentorum simplicium ueritate peruestiganda. Vale.

Decimo calend. Maij, M. D. XXXVII.

Aloisius Mundella medicus, Hieronymo Fracastorio, eiusdem artis professori. De febris pestilentis curatione. EPIST. XVI.



Ariae medendi rationes, & remedia, quae in pestilentis morbi curatione praeter antiquorum instituta haberi, & praestari solent, ut aliqua de his in medium afferam, & iudicium meum aperiam, me compellunt; atque iuxta diuini Hippocratis communem loquendi modum, nulla praefatione praemissa, in primis dico pestilentem febrem eam Galenum proprie appellare solitum in primo, & tertio de morbis uulgaribus, & alibi, quae pestilentiae tempore in uniuersum populum grassatur, ac nemini ferè parcat, cuiuscunque illi sint aetatis, sexus & conditionis, multosque interficit. Haec autem (duplices enim sunt genere, causae morborum effectrices) plurimum

mum fieri consuevit ex quauis aëris qualitate immodicè au-
 cta, siue simplici, siue cōposita, & ipsius substantia ex uapo-
 ribus, qui ex latebris terræ motu patefactis ascendūt, putre-
 facta, uel ex prauis cadauerū, uel stagnantiū aquarum, uel
 lacuum exhalationibus, ut est Auernus Campaniæ, quibus
 (ut audio) omnis nunc illius euauerit humor, omniaq; ibi
 solo æquata sint: aliæ enim causæ externæ non ita ad homi-
 nes lædendos aptæ sunt, sicuti aër, quem semper ut hauria-
 mus necesse est, siue is purus, siue infectus sit, quemadmo-
 dum uidere est in capite artis medicinalis Galeni lxxxv. Po-
 test tamen huiusmodi febris genus ex noxijs cibi usu etiam
 fieri, aquæ uitiatæ ac putridæ potu, & inedia, cum præfer-
 tim ingentem penuriam succedente copîa, satietas cōsequi-
 tur: ut alias interim illius causas, & Dei iram omittam, astro-
 rum etiam aspectus, qui ab Auicenna, & nonnullis alijs au-
 toribus inter morbi huius causas connumerantur. Vt autē
 breuitati cōsulam, hæ sunt, quæ à Galeno narrantur, febris
 pestilentis causæ, in primo & secundo ἐπιδημιῶν libro, & in
 primo de differentijs februm, capite tertio & quarto, & in
 libro de boni & mali succicibis, quas idem in opere de cau-
 sis morborū προκαταρχοντες τε καὶ προκαταρκτηκὰ, hoc est, inci-
 pientia appellat, gregales uerò medici causas primitiuas. In-
 ternæ autem, quas προκυμαία Græci nominant, nos præce-
 dentia, siue antecedentia, uarij esse possunt, qui in uenis cō-
 tinentur, humores corrupti, tam simplices, q̃ mixti, quem-
 admodum ijs qui in re medica continuè sese exercent, satis
 notum esse existimo: quamuis secundum Galenū rarò inue-
 niatur simplex morbus. Harū februm notæ sunt, quod nō
 uehementer affligūt, & reliquæ, quæ ab Auicenna, & alijs
 autoribus in proprijs explicantur locis, præsertim Galeno
 in tertio de pulsū præfagijs. Quibus in hunc modū presse
 & angustè definitis, reliquū est, ut ex antiquorū monumen-
 tis, quod antea polliciti sumus, curationem morbi huius,
 quantum in nobis est, eruamus, Sic itaq; paucis eam expe-

diam, Nam si aëris qualitas, quaecumq; illa sit, mediocritatē nimis excedat, adeo ut contagionem hanc pessimā gignat, cōtrarijs quidem utemur qualitatibus, obseruata prius ætate, anni tempore, cōsuetudine, corporis temperamento, & huiusmodi reliquis; cōmunis enim una est omnium morborum curationis indicatio, nempe cōtrarietas ipsa, ut ait Galenus in xi, curandi methodi. Cum igitur morbus is ab immoderata aëris qualitate generari possit, & alijs quas suprà scripsimus causis, nulli dubium esse puto, quin remediōrū usus, quæ contraria qualitate præstant, & putredini obstitunt, & uictus pariter ratio cōtraria, in omnibus nobis seruanda sit, ut Galeni, Pauli, Aëtij cōmentaria legenti constittisse arbitror. Quapropter scripsit Galen. in illo Cranonis atrocissimo pestilentiae genere, quæ similis illi fuit, cuius Thucydides meminit, siccantib, utendum esse medicamentis, ut est terra Armena, & huiusmodi, quæ aëris putredini, necnō qualitati illius quæ immodicè calida & humida erat, præcipuè obstitent; nam calidum & humidum, nisi perfleret, putrefactioni obnoxium est; eo enim tempore (ut ait Hippocrates) austri spirarunt, pluuiaq; fuerunt copiosæ, quæ potissimæ erāt pestilentiae illius causæ, & omnino uentis filebant. Quomodo autē fieri possit ut aëris status austrius sit, ac uentis uacet, latius à Galeno traditum est in tertio Epidimiōn libro. Cōmune præterea præceptum est, cum in corporū conseruatione, quam προφυλακτικὸν uocāt, tum in curatione, ut ea q̄ maximè redundantibus careant, ac libere spirent, ac respirent, & præpotenti causæ, quoad possumus, aduersetur: quod ab Hippoc. Athenis obseruatū esse legimus, & Acrone illo Agrigentino, quos τῆς πυρετῆς, hoc est, ingenti lignorum cōgerie accensa, aërem in calidum & siccum, quod frigidus nimis, atque humidus esset, permutasse ferunt. Fieri uerò nō posse ut aliquis febricitet, si corpus bene perflēt, & boni habitus sit, & quiescat, uentriculumq; & hepar calfaciat, scriptū est in primo de differentijs febrium cap.

xi. cur. meth.

cap. tertio. Quare considerent medici illi, mihiq; respon-
deant uelim, cur nō solū, ut dixi, siccantia & frigeficientia
medicamenta in quacuncq; febre pestilenti præter modū, ac
crebrò dent, uerum etiam adstringentia, ut est mālī medici,
& punici, uuacq; immaturæ succus, quod Græci *ὑμπακίου*
uocant, & quæ his uiribus præstant, cum id potius sit cor-
pora obstruere, quàm ut optimè spirent, ac fluant præpara-
re, iuxta Galeni & aliorum, quos suprà memorauimus in-
stitutum. Non solum uerò ea remedia in his febribus dant,
sed, quod grauius etiam multò est, in alijs putridis & conti-
nuis, quarum quidem *τύπος*, id est, forma (ut patet) satis ab
his diuersa est. Hippocrates enim & Galenus, urgentibus
carbunculis illis ea quidem tempestate, quæ maximè calida
& humida erat, terra Armena, & ijs quæ aërem ad contra-
rium mutarent, usi sunt, non autem alia (quòd sciam) quali-
tate ipso aëre affecto, at semper contrarijs curarunt qualita-
tibus. Quare sic scripsit Galenus in primo de differentijs fe-
brium, cap. iij. Erat autem earum summa, ut ostendit Hip-
pocrates, ipsa putrefactio: quod cum præcognouissemus,
incipiente constitutione, quæcuncq; corporum humida ui-
debamus, statim omni uia siccare conabamur: quæcūq; ue-
rò sicciora, in his primā naturam cōseruabamus, &c. Si ue-
rò proprietate totius substantiæ aëris putrefactæ corpora
corripiantur, & illius uitio, non qualitatibus primis, iuxta
Hippoc. & Gal. in secundo de natura humana, duplex erit
curationis scopus: primus loci mutatio, secundus, raræ &
exiguæ respirationis usus: quod quidem assequemur, si cor-
pus à nimijs & noxijs uacuum reddemus humoribus, & be-
ne perspirabile: quo auxiliij genere ac methodo ea etiam pe-
stilentis febris species sanabitur, quæ ob prauam uiuendi ra-
tionem orta fuerit, humores & corporis *τύπος*, hoc est, me-
tus præparando, ut postea illi facilius educi possint, ac dige-
ri: quos tamen priusquam concocti fuerint, pharmaco sol-
uente detrahi, haudquaquæ cōsulimus, sed sanguinis missio-

ne, ubi illa opus sit, ac vires tolerant, quemadmodum scripsit Galenus in principio libri de cibis boni & mali succi, quoniam vires quandoque prius resolvuntur. At si *τῶν κακῶν υἱάων*, hoc est, humorum vitium in corpore inesse certus fueris, quæ tamen adhuc febrem non faciat, conseruationis gratia non ita absurdum esse existimamus, quemadmodum iam incipiente morbo (nisi materia turgat) non expectata cōcoctione, ualenti aliquo medicamento aluū soluere, cum præsertim serosi, ac tenues fuerint humores, quoniam ad educationem inter ceteros expeditissimi sint, & vires melius ferant, neque febris calor obstet, præter alia quæ per se satis manifesta sunt. Si uerò crassi, ac uiscosi illi fuerint, cuiusmodi sunt natura pituita, & atra bilis, tales coctionem quidē quæ à naturali calore, & præparationem, quæ ab arte fit, prius quàm deiciantur, expectant, ut est in libro De iis quos purgare oportet. Cum uerò uehementes non sint huiusmodi febres, & à medico, ut ait Auenzoar, uix percipiuntur, & quiescant, non uideo quomodo ualente pharmaco statim inchoantibus illis, humores inanire expediat. Non solū autem morborū iam factorū curatio, sed ne illi fiant prouisio per contrarias tentabitur qualitates, præterquàm si siccus fuerit aëris status; non enim hunc humidis curabimus, ut qui putredini maximè aduersetur, ut est in tertio de morbis uulgaribus, & tertia aphorismorū sectione: sicca enim tempora magis, quàm humida sunt salubria, & minus mortifera. Qui uerò iuxta Auicennæ sententiam soluentibus pharmacis, cum hæ febres incipiūt, maximè utuntur, quod ea excitent, quodq; Gal. in primo de differentiis febrium supra citato dixerit, Corpora quæ redundantibus abundant, purificationibus curamus, &c. illos non rectè agere existimo, nec proprium & germanum Galeni sensum percepisse: quia aphorismus ille primæ sectionis Hippocratis celeberrimus, qui sic incipit, Concocta medicari, atq; mouere non cruda, nec in principiis, modò non turgeant, &c. in uniuersum de omnia

Lib. de naturis
rahumana, et
xiii. curandi
methodi.

2. sect. aph. 9.
& 4. aph. 14.
& alibi.

omnibus febribus putridis intelligendus sit, etiam si humores ueneni naturā repræsentarent, ut est in illius expositione: & quia etiā nō semper in hac febre siccare oportet, quod suprà ex Galeni uerbis manifestè apparuit. Neq; præterea illius dicta, ut illi existimant, intelligenda sunt, quæ in eum scribuntur modum: *ὅσα δὲ πῶς φαρμακικὰ καθάρσιν ἐξωμεύει*, hoc est, quæcunq; corpora excrementis abundant, purificationibus curamus, id est, medicamentis ijs quæ aluum soluant: sed quæ diluant, & abstergeant. Quare Manardū etiā hallucinatū fuisse existimo, cum Galeni uerba de pestilentia in v. curandi methodi, in eum sensum accipit, ut ibi Galenus de solventib. pharmacis intellexisse uelit: cumq; ingentem illam siccantium, & adstringentiū medicamentorū sylvam in pestilenti morbo indistinctè det, ac contra iam antea scriptas Galeni methodos. Neq; quod illi Manardus attribuit, uerum est, quod scilicet, qui ex immani illa pestilentia euaserūt, solvente pharmaco usi essent, ut constat. Præterea etsi Galenus xij. aphorismo secundæ sectionis dicit, Plures iudicationes bene terminari: & plures se nouisse ex hoc sanatos, quàm mortuos, nisi sit pestilens constitutio: nō sequitur tamen quod, cum quispiam pestilenti morbo afficitur, ipsius initio aluus illi soluenda sit, neq; quod, nisi eo purgetur modo, celerrima mors ei inferatur, ut Manardus uoluit in lib. xij. epist. prima, sed contrariū potius. Quod si quis nobis obiiciat, Galenum in iij. de ratione uictus acut. morborum *καθαίρειν* uerbo usum fuisse pro soluere, cum de medicamento quod soluat, loquitur: & in v. de simpl. medic. cap. xix. per uerbum illud duo intellexisse, detergere scilicet, & aluū soluere: id saltem uelint nolint concedant oportet, nō magis se, quàm nos animi sui sensum affecutos in expositione codicis superius à nobis citati. Vel dicas Galenū de præseruante curatione locutum fuisse, de qua ibi primo, & peculiariter loquitur: etsi etiā aliquo modo de curatione propriè dicta sermonē fecisse uidetur: quem postea secutus est

Auerroës in vij. Collect. cap. xviij. prior tamē expositio magis placet: & licet Galenus in iij. de rat. uict. acut. per illam dictionem καὶ αἰεὶ intellexerit aluum soluere, non tamen dicendum est in omni loco illud intellexisse. Dicimus insuper, tamen si id perquam rarò accadat, non crebrò, ut pleriq; ex nostris existimāt, cum aliqui in febricitantibus humores ueneni speciem habeant, nō omnino absurdū esse certa siccantis medicamenti portione uti, qualis est terra Armena, aut potius, quæ cum hoc, quòd siccet, incidendi etiā humores, & discutiendi uim habeat, ut est acetum, & huiusmodi, præcipuè cum morbus inchoat, nō autē cum in corpore uenenum suū iam impresserit, ac penè de salute desperatū est: quemadmodū etiā de aëris corruptione, & humore nimio suprà ostendimus. Sed maxima cū moderatione & consilio alijs, quæ nō sunt istius nature, siccantibus utendū esse censeo medicamentis, ne deterius aliquid contingat, & corporis pori obstruantur, neq; materia illa putrefacta & uenenta extra corpus possit exire; raræ enim admodū sunt febres, in quibus (ut dixi) hi dominantur humores, præter pestilentium aliquas. Nam licet morbi quidam populares, siue cōmunes interdum oriri uideantur, ut apud nos præterito anno dysenteria, & anno xxxvii . supra mille & quingentos Lunati, pleuritis, & nonnulli alij sine febre etiam, propriè tamen hi non dicuntur pestilentes, ut est in tertio de morbis uulgaribus. Summa uerò & potissima huius morbi curatio (ut à principio repetam) cum sit, ut corpus redundantis uacet, atque optimè spiret, altera autem ut præpotenti eius causæ aduersetur: frigida enim calefacere, & calida refrigerare opus est, &c. malè hi mihi agere uidentur, qui aceti usum, & inunctionum, & epithematum, quæ siccant & adstringunt, & meatus obstruunt, exteriori corporis parti applicant: uulgarium enim mos est, cum nonnulla uideant interdum à peritis medicis in quibusdam morbis usurpari, ut ea indifferenter omni tempore dari congruum

gruum esse existiment, cum tamen id præter rationē sit. At enim nulla maior hodie medicis laus adscribi solet, quàm si innumera illi in curâdis ægrotis tentauerint remedia, quod tamen est ab Hippocratis & Galeni sententiâ maximè alienum, in iiii. de ratione uictus, quæ exhibetur in acutis morbis, & lii. aphorismo secundæ sectionis. Non ignoramus sane, si febris ualde ardens sit, frigida usum cum intus, tum foris prodesse, utpote quæ magis urgeat causa; sed prudenti medico eo quidē tempore opus est, ut ait Paulus & Aëtius ex Ruffi cōmentarijs. Verū quia hæc inter medicos inualuit cōsuetudo, ut in omnib. his, & qui etiā aliter febricitant, medicamentis quæ siccant & adstringunt utant, neque uideam quo modo nō maior sequi debeat ex horū usu noxa, quàm utilitas, quoniā ita obsepantur corporis pori, & redundantiæ retineant, quod est potissima huius morbi causa, tuū fuerit etiam super hac re interim iudiciū ferre, quoniā hæc maximi sint in re medica momenti: quibus nō omnia corpora à causa in ipsa agente pati, disposita sunt. A Gal. autem pauca de hac febre tradita sunt, nihilq; in hac, sicut in alijs morbis singulis, definitū est: quia, ut ait Paul. grauissima quæq; in pestilentia, & plurima fiant, ut est deliriū, bilis uomitus, præcordia tensa, sudores, & labores copiosi, excrementorū frigus, profluuiā alui biliosa, tenuia & flatuosa, urinæ tenues, dilutæ, biliosæ, nigrae, subsidentia mala habentes, & *γυναικῶν* qualia pessimæ, sanguinis narium destillatio, pestus ardens, lingua arida & siticulosa, tristitia, seu fastidiū, quale nimia ciborū satietatē sequi solet, uigilie, cōuulsiones uiolentiæ, aliæq; multa praua: & quia etiā cum de febribus putridis Gal. mentionem faceret, de hac quoq; partim se tradidisse existimauit: putrida enim febris (ut ait Auenzoar) ferè semper pestilentia associat: quod postea à Cōciliatore la

Differentia
xciiij.

Quibus absolutis, putavi etiam me tibi gratū facturū, si ea quæ de tuis opusculis circumferri audio, te admonuero. Basiliius Sabatius Neapolitanus, qui nunc in suburbano nostro, quod scis, moratur, à me plurimū rogatus, ut quid de homocentricis tuis, & epiciclis sentiret, mihi aperire uellet, epistolam ille sanè eruditam ad me ꝑprimū misit, ubi summam nonnulla contra opinionem tuam attigit, latius aliàs, si opus fuerit, ea explicaturus & responsurus: est enim, ut hactenus uidere potui, tum linguæ latinæ, tum mathematicæ, tum physicæ speculationis cognitione maximus uir, multaq; (ut spero) de his singulis propediem in lucem editurus est, Epistolam quam raptim ille ad nos scripsit, si eam uidere cupis, ad te deferri curabo, Vale, & me ama.

Decimo calend. August. M. D. XLI.

Aloisius Mundella medicus, Iulio Borellæ compatri.

De exanthematum siue morbillorum curatione.

EPIST. XVII.



Si non ea solum, quæ per se difficillima sunt, sed etiam quæ magis grauem, & doctum desiderant scriptorē à me petis, ad dandam tamen amoris erga te mei significationem, facere non possum, quin pro uirib, ingenioli mei tibi morem geram. Duo autē sunt, quæ, ut uideo, te mirum in modum sollicitant, & in medendi ratione distrahunt. Primū illud est, an de morbillis uocatis, à græcis autoribus quicquā memoriæ proditum sit, & de illorum nomenclatura. Alterum uerò, an cum illi apparere incipiūt, sectio uenæ fieri debeat. Ne igitur diutius te sollicitum, & suspensum teneam, scias uelim Galenum in v. curandī methodi *ἰσχυρὰ*, hoc est, efflorescentia eos appellasse: Plinium uerò & Celsum papulas, & pustulas: quas quidem easdem esse cum Arabū morbillis existimo, uel parū ab illis differre, Quāuis enim

ἰσχυρὰ

Ἐξανθημάτων nomē peculiare morbi genus significet, ad alia
 tamen significāda etiam usurpatur. *στίγματα* quædam, id est,
 puncta, in tertio *ἐπιδημίων* appellauit Hippocrates tempe-
 state illa apparentia, & alia quædam tubercula in cute extu-
 berantia *ἐκθύματα*, quasi ebullientia diceret, uel, ut exponit
 Galenus, erumpentia: sed diuersa quidem ab exanthema-
 tis mihi esse uidentur: nisi quispiā nimia uocabuli usurpa-
 tione utens, morbillos stigmata appellauerit: de quibus,
 quia à Manardo, & alijs recentioribus fufius traditum est,
 hæc pauca solum de eorum nominibus attigisse tibi satis ef-
 se arbitror, ad morbi certitudinem inuestigandam, quibus-
 cunq; enim nominibus uocentur, certum est nō propterea
 curationem uariari, aut immutari debere, ut ait Galenus in
 secundo de comp. medic. secundum genus. De mittendi au-
 tem sanguinis ratione nostrum etiam breuiter & strictim
 comprehensum accipe iudicium, quod tibi, & cæteris do-
 ctis subiiciendum, & castigandum uolumus. Anteq; enim
 illi oriantur, si necesse erit uenam incidere, & uires patian-
 tur, ea secunda erit, quæ est in curuatura brachij dextræ, &
 hepar maximè exinanit; nisi euentus cuiuspiam ratione alia
 tundenda esset, ut si menses suppressi essent, uel huiusmo-
 di aliquid. At si papulæ iam manifestè exire uideantur, præ-
 sertim in die iudiciaria, & perseverent, neq; ægrotus peius
 se habeat, quāuis in his febribus crises non ordinatim fiant,
 sicut in alijs, ut ait Auenzoar, haudquaq; sanguinem mitti
 concedimus, quia naturæ iudicium ita impediretur, humo-
 res aliorum auertendo: cum naturam ad ignobiliores cor-
 poris partes morbi materiam expellentem iuuare, medici
 officium sit, nō repellere, neq; illi tanquam rectè non agenti
 obistere. Etsi enim sanguinis missio ad cutem humores tra-
 hit, non ad omnes tamen illius partes trahit, ad quas natura
 in expellendis morbillis trudit, sed potius plerosq; illorum
 à partibus quibusdam externis ad interna auertit, & naturæ
 motum impedit, qui legitimè factus est; timetur enim in hu-

iussimodimorbis uirium resolutio: quare nō ea sanguinis cōpia mitti solet, quā conueniens illis esset, sed aliquam illius portionem à partibus cutaneis auersam in internis remanere rationi cōsentaneum est. Quod si omnis morbillorū materia educeretur per sanguinem missum, neq; etiam uirium resolutio magna secuta esset, prāter tamen naturae institutum id fieret, cum humores ex una parte in aliam, & diuersam ab ea, quam natura erat aggressa, trahant, etsi extra cutem omnes educantur: cumq; periculum nō leue ex hac pugna sequi existimandum sit. Quare hoc loco nō possum nō mirari Manardū alioqui nobilem & peritum medicū, libro vij. epist. secunda, pustulas nō esse repellendas dicere, sed omni ingenio prouocandas, & postea libro xij. epist. prima, tam in earum curatione, quā prācautione uarijs utendū esse medicamētis cum intus, tum foris asserere, quā earum materiam repriment, & adstringant: erant enim morbilli, quos narrat, anni millesimi & quingentesimi supra uigessimum octauū, iuxta illius mentem de genere morborū contagiosorum, & popularium, & malignorū: quamuis quod contagiosi essent, ipse adhuc non ausim affirmare: scimus enim aliquos esse morbos cōmunes, qui tamen contagiosi nō sunt, nec uerē pestilentes. Solent prāterea saepenumero morbi quidam bene cedere per huiusmodi inanitiones cōtinuas, ut sunt sudores, alui profluvia, & his similia, quamuis nō in die iudiciaria factae sint: ductis enim à natura, qui morbum faciebant, humoribus, tandem plerosq; liberari aegrotos, nemini dubium est, quod multae illae, & diutinae excretiones uicem gerant eorum, qui in die critica educuntur, humorum. Quod si plenitudinem, siue omniū humorum abundantia, quae Græcis πλεθώρα est, excedere cognoueris, nō à ratione profectò esse existimarem sanguinē mittere, qui quidem causam antecedentem solum tollat, nō naturae actionem & motum impediat, dum humorem noxiū extra expellit: aut si grauius aliud immineret periculum, quod

quod primum ad se medici rationem traheret, uerbi gratia, phrenitidis manifestæ notæ, & huiusmodi, quo casu urgente etiam sanguinem ex uena media mittere cōmodum esse existimamus, non obliti tamen interim naturæ actionis, & materiæ morbillos facientis. Quapropter in uariolarum, et morbillorū curatione, quæ parum inter se differunt, ita scripsit Auicenna: Et fortasse phlebotomia est mala, propterea quod expellit & cōuertit illud, quod procedit: quare caueatur post duos, aut tres dies, &c. Et paulò superius etiā, hæc ab eo scripta sunt: Sed quando procedūt uariolæ, seu morbilli, non oportet tunc ut adhibeatur phlebotomia, nisi inueniatur uehementia repletionis, & dominatio materiæ: tunc enim tanta sanguinis missio fiat, quanta satis sit ad excicandum materiæ illud superfluum præcedentis. Quia tamen papulæ, seu morbilli ijs febribus accidunt, quæ uel malignæ, uel pestilentes sunt (neq; enim in omni pestilentia bubones generantur) in quibus propter humorū malitiam uires maximè prosternuntur, ut ait Galenus in libro de boni & mali succi cibis, cum cautione magna uenæ sectionem faciendam esse existimo, & ratione humorū (ut dixi) putridorum multitudinis, aut symptomatis cuiuspiam, aut præcedentis causæ, nō illius, quæ iam efficit papulas materiæ. Neque optimo iure Galenū hī mihi arguere uident, cum aiūt, illum exanthematum, id est, morbillorū curationem perfectè nō tradidisse: nam id maleuolentiæ potius indicium uideri potest, quàm eorum iudicij, qui ueritatem inquirunt: cum ea non ut ulcera, nec ut abscessus, nec ut impetigo, uel huiusmodi aliud, curari postulent, neq; peculiare medici studium requirāt, sed tantūmodo, quòd facilius exeant, ut illis opitulemur medicamentis ijs & potionibus quæ sudorem prouocēt, ut est hordei decoctum, & ijs etiam quæ mediocriter calfaciant, necnon frictionibus leuibus, & cucurbitulis, quas tamen non tam crebrò, ut nunc à plerisq; fieri solet, neq; tam magno numero affigi censemus, modò sic

cas, modò cum scarificatione, & scalpello cute incisa: quia naturæ robur, ac spiritus discutiant, & ita potius obsint, quàm profint. Quare neq; decoctum illud lentium decorticatarum, tragacanthi, & laccæ laudauerim, ab Auic. prima fen quar- ti libri scriptum, & à nostris postea tantopere probatum, & usitatum, cum humores noxios intus obsepiat, nō foris expellat, & corporis poros obstruat, non relaxet, iuxta Hippocratis & Gal. sententiā, si probè singulorum illius simpliciū uires examinent. Atq; hæc nostra est, quam paucis tibi explicandā, habui de morbillis opinio. Quid uerò Patauij, quid Venetijs, in his curandis medici agant, & sentiant, nescio: at illorum consulta aliqua expectare optimum fuerit: qui si meliora attulerint, libentissimè ea recipiemus: sin minus, nostris insistemus fundamentis, & rationibus. Cæterum scito in quacūq; disciplina maximū id esse malum, quòd quædam in ea ita cōstituantur *ἀξιώματα*, ut nemini licitū sit de illis dubitare, nedum aliquid contrā dicere: quare si medicorum dogmata diligentius excutiantur, neq; ita subito, ut ab omnibus fieri uideo, recipiantur, plurimos, qui nos nunc latent errores, in apertum prodire dubitandū non erit; neq; in medicina solum, sed in quacūq; artium alia. Vale.

Tertio Non, Septemb. M. D. XLI.

*Aloisius Mundella medicus, Marioto Martinengo
Equiti splendidissimo. EPIST. XVIII.*



Vamuis Horatiani carminis elogio celebratissimum sit, hominis integritatem & candorē nullius indigere auxilijs pro sui defensione: at tamen quia quandoq; uel sol purissimus adeò obscurari, atq; penè obrui cōspicitur, ut è mundo excidisse uideatur, idcirco hæc pauca ad te scribere cōstitui, ut medicorum tuorum doctrinæ, & probitatis lumen nō obscuretur, sed magis ut illustretur, & maleuolorū, qui ex euentu

euentu de consilijs existimant, liuor & imperitia omnibus
 in aperto sit. Quęcunq; enim ab illis facta sunt in curatione
 nobilissimę tuę & charissimę nurus, ea nō sine ratione, meo
 quidem iudicio, facta fuisse intelliges, si hanc epistolam per-
 legere ociosus non grauaberis: nec te longitudo deterrebit,
 aut quod parum culta sit, & tanquā scopę dissolutę, si rem
 diligentius attenderis, quin certo scio lætaberis. Sed iam ad
 rem ueniamus. Laborabat illa, febre, ut mihi nunciatū fuit,
 continua, ex bile & pituita in uentriculo & uenis existen-
 te, eaq; putrefacta & noxia, orta: cuius notę erant, multę,
 crassę, & flauę in urinis sedentes fęces, cęteraq; utriusq; hu-
 moris satis euidentia indicia, geniti quidem partim ex ocio
 & ægrotantis natura, partim ex prauis succi alimentis, quib-
 us, dum uterum gestaret, & ante id tempus etiam uti con-
 sueuerat, necnon ex remedijs quę ab hysteriis quibusdam
 mulierculis, tuis inscijs medicis, admota fuerūt, ut lactis ad
 ubera prouentū reprimerent, ac coërcerent: plerunq; enim
 istiusmodi uulgaribus & idiotis maior præstari solet fides,
 quàm peritissimis etiam uiris: quo auxiliij genere, cum ad-
 stringentiū, tum frigida extrinsecus thoraci applicita usu,
 ne ad ea lac omnino à natura secundum cōmunem enixarū
 consuetudinē transmitteretur, multę postea obortę sunt
 in corpore obstructions, menses suppressi, febris manife-
 ste augeri uisa est, & ea quidem multo uehementior, quàm
 quę retentis & suppressis mensib. puerperis maiori ex par-
 te, ut ait Auicennas, euenire consueuit. Quare uerē scripsit
 Galen. xi. τῆς ὀρραπυτικῆς μεθόδου, diuites difficilius, quàm
 pauperes curari, illis de causis quę ibi ab eo explicant. Ex
 hac uerò sanguinis menstrui suppressione quidem intem-
 pestiua, quę & quanta emergere soleant incōmoda, & ma-
 la, abunde à Galeno in vi. de locis passis, & alibi expositum
 est. Sed quę à partu præcipuē contingunt, in tertio de mor-
 bis uulgaribus his uerbis manifestum fit: φαίνεται δὲ οὐκ ἐπι-
 χερίσσης τῆς κατὰ τὸν τόκον καθάρσεως γυνῆα τῇ γυναικὶ καὶ ἰνό-

σος νοσώδης μὲν γὰρ καὶ τῶν καταμυώων ἐπίχσεις, ἀλλὰ ὁμοίως
 βλαβερὰ τῇ μετὰ τὸν τόκον, ὅτι μὴ μόνον αὐτὴ πλήθος, ἀλλὰ καὶ κακοχρ-
 μίαν ἐκινῶ ἐργάζεται, τὸ μὲν γὰρ χρηστότορον αἷμα τὸ ἐμβρυον ἐλκοῦ εἰς
 αὐτὸ τροφὴς ἐνέκεα, καὶ ἀλείπτει τὸ φαυλότορον, αὐτίον γίγνεται τῆς κακο-
 χυμίας ταῖς κυσάσιν, ἢ μετὰ τὸν τόκον ἡ φύσις ἐκκενῇ, &c. hoc est: Vi-
 detur itaque suppressa in partu purgatione in muliere mor-
 bus gigni: suppressio enim menstruorū morbosa, sed nō ita
 noxia, ut illa quæ est post partum, quoniam non solum ipsa
 multitudinem, sed & insignem generet humorū prauitatē:
 meliorem enim sanguinem embryo trahens nutrimenti sui
 causa, & deteriorem relinquens, causa fit malorum humo-
 rum prægnantibus, quos post partum natura educit. Men-
 strua enim purgatio, ut idem ait in primo de morbis uulga-
 ribus, cōmentario secundo, & in lib. de missione sanguinis
 aduersus Erasistratum, congenitum est in mulieribus auxi-
 lium. Vt uerò lac, & menses suppressi fuerunt, hæc febrici-
 tanti acceperunt symptomata: primum bilis uomitus porri
 succo similis, in uentriculo quidem, & in uenis genitæ cum
 ex suppressione illa, tum ex prauo succi cibis, tum ex morbi
 natura pessima, ut est in secundo prædictionū Galeni libro,
 & eiusdem v. de locis passis, & alibi: quapropter tres per
 aluum etiam deiectiones sunt lumbrici, illius malitia interfecti,
 significantes & hi morbi sæuitiam, & malam humorum
 qualitatem: etsi deterius fuisset per os illos eiecisse, quàm
 per inferna, nisi id aliquo alio casu accideret. Verum cum
 natura semper quod bonum est & utile agat, nisi aliquid il-
 li impedimento sit, illam quæ prius in urinis continebatur
 sedentem fecem, non amplius, quòd morbo superata esset,
 eiicere potuit: quare & febris inualuit retentis illis, quæ an-
 tea educebant cum urina, redundantibus, & ex quadam etiā
 animi indignatione admodum molesta: multa enim eueni-
 re solent mala, & mors interdum ex huiusmodi animi acci-
 dentibus, quemadmodū à Gal. fusius explicatum est in xij.
 τῆς θεωρητικῆς μεθόδου, His præterea accessit inflammatio-
 nis spe-

2. prædict.
 cap. 3.

nis species quædam, ex pituitæ primū humore à capite ad dextram faucium partem descendente, eamq; obsidente, & à febrili calore exiccato; quæ ut illorum ingenijs humectata fuit, & mollis reddita, multo ægrotantis conatu excreandoeducta est nucis ponticæ magnitudine: unde illa faucium læsione postea leuata est. Cibos deinde maximè fastidiebat ob prauos succos, qui uentriculi os occuparant, & illius uirtutem agentē destruxerant naturalem: huius enim partis minus est appetere, & facile sentire, ob multos qui ad illam descendunt à cerebro neruos. Postremò alius manifeste inflari uisa est, quòd noxijs, & multi illò descendissent humores: natura enim morbo deuicta non amplius illos per consue-
 ta loca, quemadmodū antea consueuerat, transmittere poterat, sed impotens reddita per corpus liberè uagari permittere cogebatur: quæ tamen cum non omnino oppressa, & extincta esset, diarrhœam tentauit, ut si quo modo fieri posset, laboranti succurreret: quare uenter à sumpto cibo non amplius premebatur, & alius extenuata est. Neq; penitus sanè de salute illi desperandum fuisset, nisi aliud grauius superuenisset symptoma ex alui profluuiò ortum, quod nostra quidem sententià, illius interitus potissima causa fuit. Nam urgente tam sæuo, & graui morbo, urgentibusq; tot alijs ac tantis symptomatis, dubitandū non erat, quin uires labefactandæ, & ægra ipsa tandem peritura esset: redditur namq; omnis nostra curatio irrita, cum uires deficiūt, ut Galenus in plerisq; locis affirmat: *ὅτι λεγντορία γὰρ*, hoc est, leuore intestinorū, quod est uulgatissimū, & pessimū stomachi uitium, & ipsius resolutio, id est, cum cibi tenax non est, corpus ali desinere solet, ac sic tabe consumi. Hæc, quæ ad morbum, & causas attinent, compendiose exposuimus: quæ uerò ad illius futurum iudicium spectarent, ea à tuis medicis (ut scis) tibi prædicta sunt, quæ & prudentiam illorum pariter & fidem & doctrinam ostendant. In curatione autē ita probè & egregiè se gesserunt (ut summatim eorum laudem

3. prædict. ex
 pite 12. & 1. de
 rat. uict. acut.

perstringam) ut certæ Galeni disciplinæ, & ueritatis profes-
sores. In primis itaq; recta uictus ratione instituta, quod cor-
pus nostrum necessariò mutet, ut ait Galenus lxxxv. cap. ar-
tis medicinalis, maximum illis studium fuit, ut prima illius
morbi causa, in mouēdis mensibus; idq; pluribus ingenijs,
uenæ pedis sectione, decoctis, auersionibus uarijs, & id ge-
nus alijs, quæ & febrî, & citandis mensibus pariter attende-
rent: sperantes omnino, si ex huiusmodi remedijs illi cieri
possent, cum febrem, tum reliqua etiam symptomata mitio-
ra fieri, & uires refici, ægramq; conualituram: solent enim
plurimi morbi graues & periculosi consueta mensium pur-
gatione leuari, & tolli, ut antea diximus. quod ab Auicen-
na quoq; confirmatur xiiij. sen tertij libri tractatu tertio: qui
etsi uenæ poplitis sectionem, illi quæ in pede est, præferre ui-
deatur in hac curatione, rationabilius tamen mihi pedis ue-
na ab his fuisse incisa uidetur, quia magis illa, ut lōginquius
sita, humores auertat, & quia etiā in ea tundenda pauci ho-
die periti inueniātur artifices. Cum itaq; incipiente morbo
ulla in re mandatis medici sui parēre nollet, ne in admouen-
dis quidem cucurbitulis, quod est non bonum futuræ salu-
tis indicium, ut ait Hippocrates, tandem eo ingrauescente
cum uomitus perseverātia, periculi metu, aliquo modo ob-
sequiosa esse cœpit, mannaq; potionē sumpsit, illius uideli-
cet, quam aërium mel, aut roscidum appellant, ut prauis qui
in uentriculo, & in intestinis continebantur humores, tol-
lerentur; nam debilis præsertim clyster, iuxta Galeni men-
tem, ad eas non ascendit partes: eo autē medicamento sum-
pto, satis magna humorum portio tum uomitu, tum deie-
ctioneeducta fuit: non quidem quod talis sit huius medica-
menti uis, ut sumptum, uomitū excitet, sed quoniam labo-
rantis uentriculus morbi principio huic symptomati obno-
xius esset. Quia uerò ex adhibitis remedijs morbus nihil le-
uari uidebatur, sed potius ingrauescebat: propterea, certo
dierū interuallo interiecto, purissimæ casia fistularis quem
florem

florem appellant, partem unam: alteram uerò compositionis, quæ ex myxis constat, absq; scammonio dederunt: uacuataq; ea humorū portione, quæ huic medicamento conueniens fuerat, tribus postea subsecutis diebus aluus nihil reddidit, nisi per iniectum clysterem. Lienteria uerò, quæ post diarrhœam ægrotantem peruasit, omnem illis salutis spem abstulit: ad quod symptoma tanquam magis urgens, quoniam eo uires maximè prosternerentur, primā curationis direxerunt rationem, ijs utentes remedijs, quæ cum intus, tum foris adhibita uentriculum corroborarent, nō negligentes interim ea quæ alijs symptomatis cōferre possent auxilia: quapropter uinum admodum dilutum modicè dari iusserunt, ne, si quod remedij genus esset, quo morbus is leniri posset, à se prætermitti uideret. Verum quia afflictis & prostratis iam uiribus prædicta illam denuò inuasit timenda symptomata, tandem morbo oppressa decessit, etsi præsidjs & subsidjs opportunis & ualentibus semper obstitissent prudentissimi, amicissimiq; tui medici. Atqui ut omnes curent fieri non potest, ut ait Hippocrates in primo prædictionū: at satis nobis esse existimat, si morbi conditionem, & futuram uel mortem, uel salutem prædixerimus. Hæc ad te scribenda habui, nō quidem quin præfectus tuæ familiæ medicus, & alter etiam illius collega, hæc singula melius tibi explicare possint, & de ijs singulis rationem reddere, quæ ab illis facta sunt pro hac nobili curāda adulescentula, sed ut eorum subscriberem sententiā. Nam (ut audio) quidam nunc ita malè in medendo se gerunt, ut sibi ipsi maximo sint dedecori & infamiae: student enim, meliorib; semper obtrectando, dum eorum facta nō ex consilio, ut initio diximus, sed ex euentu iudicant, maximam sibi laudem, & gloriam in uulgus comparare: qua quidem renihil hominū medico turpius est, nihil magis à Christi lege alienum, & indignum. Dictitant nanq; hi, ut plebi ignaræ & infimæ alijs præstantiores uideantur, & medicos tuos lædant, eos in

t

hac curatione duabus de causis à recta medendi ratione aberrasse: prima, quòd poplitis, siue eam quæ in malleolis est, uenam secari iusserint; altera uero, quòd uinũ dilutũ febricitanti dederint: nullã quidẽ, quod intellexerim, nec rationem, nec testimoniũ in mediũ afferentes, nisi quòd cum de uena incidenda in febrib. continuũ à medico mentio fit, de ea intelligendũ sit, quæ in cubito est: quæ opinio nõ omnino etiã uera est secũdum Galenum, etiã si dictum sine conditione sit: quoniam uena quæ ad cubiti flexum peruenit, in tres diuiditur ramos, qui ad diuersas corporis partes tendunt, quemadmodũ ait Galenus in libello de sanguinis missione. Si uerò dictum illud cum cõditione intelligatur, manifestè falsum esse constat ex eiusdem Gal. uerbis. Nam si aliud acciderit, quod nos à tali proposito arceat, ut si mulier ex mensium suppressione febricitet, tunc nõ cubiti, sed cruris aut pedis uena scindenda erit, quod à Gal. libro paulò antè à nobis citato ita confirmatur: Vacuat is enim cubiti per incisionem uenis, aliud grauius longè superest: purgationes enim menstruas auferunt, auerentes sanguinem ad superiores corporis partes: sectis uerò quæ crurũ sunt, non solum retrahunt, sed etiã menses magis prouocant. Idem Galenus in eodem libro paulò pòst hæc dicit: Sed retentis mensib. semper, quæ sunt in cruribus, uenas incidere oportet. Dicendum igitur, iuxta Galeni opinionẽ, sanguinem quidẽ ex cubiti curuatura febricitantib. mittendũ esse, nisi aliud obstiterit, uerbi causa, cum menses suppressi sunt, uel uterus inflammationẽ patitur, & huiusmodi: sic enim sanguinem nocuum auerteremus, non detraheremus, ut multis in locis à Galeno confirmatum est, & in primo ad Glauconem. In uniuersum autem aut ad cõmunia membrũ patientibus retrahere oportet, aut ad ea, in quibus est uacuationis origo: quemadmodũ est sectio pedis, quæ per uterum exinanit: nam eò ducere oportet, quò natura tendit, &c. ut ait Hippocrates & Galenus, primo & sexto aphorismorũ libro

libro: quibus etiam assentit Auicennas xxi, tertij fen. Galenus insuper primo ad Glau. & secundo de natura humana, & loco suprâ citato libri de missione sanguinis, non magis unam, quàm alteram facere uidetur uenæ incisionē, poplitis scilicet, an malleoli: quare etiam prope talum uenam secuit Hippocrates Margei famulæ, & Chienfi puellæ infra poplitem, aut prope talū. Præterea uenæ sectio in xi, curandi methodi nō respicit ex se febrem, nec putredinē, nec obstructionem, nec humorū crassitiem, nec lentorem, sed multitudinē solam: multitudinē uerò ex suppressis mensibus ortam, secta pedis uena, uel scarificata inanire oportet: igitur hæc, non brachij, secanda erit. Cum uerò dicunt, Galenum in xi, τῆς ὑποπυκτικῆς μεθόδου uinū prohibere, ubi magna, continua, ac putrida febris ægrotum habeat, hoc modo respondemus: Galenum quidem in huiusmodi febribus uinum interdiceret, id quod nos quoq; cōfirmamus: sed nō omnes febres licet cōtinuæ sint, etiam magnæ sunt, ut ea est de qua nunc mentionē habemus, & quotidiana constat experientia. Quòd autem quæ scripsimus nullam habeant dubitationem, ex eo liquet: Galenus enim paulò ante suprâ citati libri locum, uinum aquosum quidem in febre ex humorum putredine orta concesserat, quoniam omnes prouocet inanitiones, & uires instauret. Cæterū cum eiusdem libro xij, uinum frigida temperatū ratione det, ad reficiendas eorum, qui animi defectionem patiuntur, uires, necnō primo ad Glau. cap. de curatione febrium continuarū sine accidentibus: cui dubium fuerit, ægrotanti huic uinum ὀλγοςφόρον, hoc est, aqueum, non esse cōuenienter potui datum: cuius uires omnes penè resolutæ erant, illis de causis quas suprâ memorauimus, sed præcipuè ex lienteria: uinum namq; frigida mistum eas curat, quæ ex magnis fiunt inanitionib. dissolutiones, præsertim cum ad uentrículū fluunt humores, nisi aliud urgeat, quod id dari ueret. Sed quoniam hæc satis superq; uidentur opinionē nostram tueri, necnon me

Lib. de missione sanguinis aduersus Erasistratū, & lib. aduersus Erasistratos.

dicorum tuorum consiliū, & doctrinam, ut sanam, ut optimam defendere, propterea plerisque alijs, quæ hæc quoque cōprobare potuissent, supersedere satius duxi, ne in retam aperta demonstranda, & aliena nimis curiosus, & parū prudens uidear. Quisquis uerò Galeni cōmentarijs operā dat, is uelim existimet, non esse illis pleno uentre, & oscitanter, sed sobrie, & summa cum diligentia studendum esse, ut omnia recte inuestigentur, & considerentur, ut quæ sint maxime necessaria, Bene uale Eques magnifice, & tecum bene agi existima, si à falsis prophetis in posterum caueas.

Sexto calend. Iulij,

M. D. XLI.

Aloisius Mundella medicus, Odo de Odis Patauij publico medicinæ professori. De balneis. EPIST. XIX.



Ostquā diuinæ prouidentiae ita placuit, ut nobis congregari nō liceat, sed tantum bono literarum frui, hæc pauca ad te scribere mihi uisum est, ne amicitiae nostræ, & beneficiorū, quæ pro tuæ naturæ benignitate in me contulisti, immemor esse uidear: post nostrum enim ex urbe Patauio discessum, nihil unquam abs te de tuo, & rerum tuarum statu intelligere potui, nec per literas quidem colloquuti sumus, quod si posthac humanitas tua fecerit, ut intelligā, sanè mihi gratissimū acciderit: amor enim singularis, quo te prosequor propter tuas singulares animi dotes, facit ut id maxime cupiā, & uelim. De nobis ita accipe: nos satis recte ualemus, nostramque Christi patrociniō adiuti, constanti & tranquillo animo ferimus fortunā. Quia uerò frequentī, & grato auditorum concursu te publice medicinam profiteri audio, atque in detegendis obscuris autorū sensibus nemini secundum esse, abs te scire cupio, & intelligere sensum illorū Galeni uerborū in vi, de tuenda ualitudine, quæ infra scripsi: placet enim mihi doctissimorū amicorū iudiciū sequi, si meum

si meum mihi non satisfacit, καὶ τὸν αὐτὸς λυγρὸς πολλοῖς ποτί-
 μων ὑδατῶν παρεγορεῖν, διαφορῶντας τε ἅμα τὸς ἐν τῇ κεφαλῇ γε-
 νομένους ἄτμους θερμούς, καὶ τῶν κρασίων ὀληνέργων βελτίων. Βλα-
 βερὰ δὲ τούτοις, ἡ τῶν αὐτοφύων θερμῶν ὑδατῶν χρῆσις. ὅσα μὲν γὰρ αὐ-
 τῶν θεώδην τε ὄντι, καὶ ἀσφαλτώδην τῶν θερμαίνειν γινώσκόμενα ταῖς
 φύσιν θερμαῖς κεφαλῇς. ὅσα ἢ ἐν πηκνιώδην, τῶν σιγνῶν, μόνους δὲ ἄν, εἰ-
 πόρ' ἄρα τοῖς γλυκέσι τῶν αὐτοφύων ὑδατῶν ἀελαῶς χρῶντο. τὸ το-
 γὰρ ἀσφαλὲς εἰπεῖν, ὡς τὸ γὰρ τι καὶ ὠφελῆδι παρ' αὐτῶν, ὅχι ὁμοίως ἀσ-
 φαλὲς, ὅ γὰρ ἂν ἴσως θερμὰ, μὴ μετέχοντα τινὸς διωαμμεως φαρμακώ-
 δος θερμῆς. ἀμεινον δὲ τῇ πείρᾳ κρίνειν τὰ τοιαῦτα τῶν ὑδατῶν, ὅ γὰρ
 καὶ ἀπὸ αὐτῶν εὐρίσκεται, &c. hoc est: Oportet igit ut ipsos mul-
 tis balneis aquarum potabilium recreemus, simul discuten-
 tes calidos capitis vapores, & omne reddētes temperamen-
 tum ipsius melius. aquarū autem, quæ calidæ scaturiūt, his
 nocuus est usus: nam quæcūq; ipsarum & sulphureæ, & bi-
 tuminosæ sunt, quia calefaciant, capitibus natura calidis ad-
 uersantur: quæ uerò aluminosæ, in eo quod angustos red-
 dunt corporis meatus, nocent. solis autem (si certè illis uten-
 dum sit) dulcibus sponte natis innocuè uti licet: hoc enim
 tutū est dicere, quod autem utile aliquid ab ipsis proveniat,
 non similiter tutum est dicere: non enim fortasse calidæ es-
 sent, nisi haberent uim aliquam medicamenti calidam, præ-
 stantius autem experientia quadam eiusmodi aquas iudica-
 re, etenim difficilè inveniuntur, &c. Hæc enim non leuem
 mihi difficultatē faciūt, quòd uelle uideatur Galenus spon-
 te natas aquas simul & dulces esse, & medicatas: quod tamē
 fieri non posse manifestè apparet, cum aquæ illæ quæ uerè
 dulces sunt, omni careāt medicata qualitate, ut idem ait Ga-
 lenus xi, curandi methodi, & primo de simpl. med. cap. iiii.
 & v. Præterea quòd aquæ, quæ sponte calidæ nascuntur, hu-
 meſcent, libro superius citato ita ostendit Galenus: διὸ καὶ
 πρὸ τροφῆς δ' ἰς καὶ τρεῖς ὅτοι λυγροὶ, καὶ τοῖς αὐτοφύεσι θερμοῖς ὑδα-
 σι ὄντι χυμῶν μάλιστα ὠφελῶνται, σκοπὸς γὰρ αὐτῶν ὅτι αὐτὰ μὲν
 τὰ μέρη τοῦ ζώου φυλάττειν ὑγρὰ, &c. id est: Quamobrem etiā

ante cibum si bis & ter loti, & aquis sponte natis calidis usi sint, maximè iuuantur: in ipsis enim considerandum est, ut animalis partes humidas conseruemus. Calidè uerò esse nō posse uidentur, nisi aliqua sint uirtute medica præditæ: quæ si sic se habebunt, omnes quidem siccabunt, non autem humectabunt, ut est in eiusdem libri primo, & ad Glauco, cap. de curatione febris tertianæ. Nisi quis ad tollendam dubitationem hanc, ita respondeat: aquas quæ sponte calidæ nascuntur, bisariam à nobis posse intelligi, illas uidelicet, quæ sulphuris, bituminis ue, aut huiusmodi naturæ participes sunt; alias uerò, quæ etsi dulces, & sponte & calidæ emicent, medicatæ tamen non sunt, aut modicæ, propter nimiam cum illis aquæ dulcis copiam; quemadmodū ait Aristoteles xvi. problemate xxiiij. particulæ: nam eiusmodi aquas potabiles calidas in Magnesia oriri affirmat, Quæ quidem distinctio, si accurate Galeni uerba considerentur, ex illis colligi posse uidebitur, cum inquit: Non enim fortasse calidæ essent, nisi, &c. quāuis huiusmodi naturæ aquæ nec ne inueniantur, Galenus dubitare uideatur. Quæ si tibi satisfecerint, & nobis pariter satisfecisse intelliges, quòd cum aliorum, tum in primis tuum multò pluris æstimem iudicium, quàm nostrum. Quòd autem aquæ calidæ sponte scaturiant, quæ nullius uel minimæ uirtutis sint medicatæ participes, ut diximus, non omnino à ratione alienum uidetur, si illud cōcesserimus, quòd corpus omne ex quatuor elementis generetur, & constet; quæ postea secundum uniuscuiusque illorum excellentiam, & patientis naturam, in uarijs terræ manifestentur locis, ut ea aqua est, de qua in præsens à nobis habetur sermo. Si eam opinionem tuebimur, quæ elementa in mistis actu esse adstruit; ignem præterea uisiderum luminis, & motus in uisceribus terræ generari, & ita aquam calefieri posse, non à ratione fortasse alienū fuerit. Sed cum nō tantum percurrenda sint maiorum monumenta, uerum accuratius pensitanda, propterea in hanc aliam dubitationem, quæ

quæ tamen superiori proxima est, trahi uisus sum. Nequaquam mihi probabile uidetur, ut cum frigida, tum calida aquæ dulcis balnea ab antiquis, hisq; optimis medicis tantopere celebrata & obseruata, præsertim Hippocrate uerè medicorum omnium principe, in tertio de uictu, qui exhibetur in morbis acutis, & Galeno in plerisque locis methodi de curatione, & in libris de tuenda ualitudine, non solum ad conseruandam sanitatem (ut nunc illorum delicias præteream) sed ad tollendos morbos parata, ita à nobis præcipuè Italæ negligi debeant. Quapropter cum tuendæ ualitudinis, aut ratio morbi id exposcere uideatur, medicos omnes monerem, adhortarerq; (nisi Græcorum pariter atq; Arabum doctrinam cõtemnant) ut omnibus remis & uelis, ut in adagio est, balneis aquæ dulcis uti uelint, quòd ea multis morbis præsentaneum esse nouerint auxilium, maxime ijs qui hectica, ephemera, ex obstructione, putridaue laborant febre, atq; ardente, sed tum tamen, cum declinare inceperit, & totum corpus antè inanitum fuerit. Quod si coctionis signa apparuerint, multò magis cõferent. Conferunt etiam (quis hæc ad te scribenda non essent, qui ea, q̃ nos certius scias: id autem fecimus, quòd præsens negocium poscere uidetur) aquæ mediocriter calidæ & dulcis balnea febribus quæ ab exustione, frigore, & lassitudinib. factæ sunt, quæq; propter meatuum angustias factas, siue obstructiones, siue clausuras, atq; arctationes, ortæ sunt: respirare siquidem per eas partes, & dissolui calorẽ febrilem oportet: utilia enim sunt (ut scis) huiusmodi balnea ijs qui pleuritide, & peripneumonia laborant, dolorẽ mitigando, ac sputa maturando, prius quidem repurgato corpore: sic enim coctionẽ iuuant. Conducit etiam lauacrum hoc corpus calefaciens præsertim extrinsecus, ad alimentum digestionem, & digestorum appositionem. Si uerò antequam corpus inanitum sit, illis utamur, in uniuersum id de balneis sciendũ est, ea membræ affectis noxam parere, post uerò coctionem iuuare, somnũ præte-

Hoc idem dicit in primo ad Glauc. & 43. septimæ sectionis aph. & epid. 1.

Lib. de uictu priuatorum.

rea cōciliare, & per halitum humores digerere. Minimè uerò ignorandum est, nihil esse quod æquè cōcoquat ea quæ concoqui possunt, & malos succos discutiat, ut somnus à balneo. Et, ut distinctius loquar, prima balnei pars, siue domus, humores calefacere & liquare potest, & quæ in aqua lia sunt, æquare, & cutem laxare, & multa quæ sub ea sunt detenta inanire. Secunda eius pars, ubi quis in sicco corporis affectu ea utitur, potest utiliter solidas partes madefacere. Tertia balnei pars potest, cum aliquis frigida utitur, & totū corpus refrigerare, & cutē densare, & uires firmare. Quarta uerò corpus per sudores citra refrigerationis noxam inanire. Cum igitur quispiam balneo uti uoluerit, in remissione febris eo utatur, corpore iam mediocriter transpirante, quod omnia ex eo tum fuliginosa excrementa, tum fumea educat. Animaduertendum insuper ut nullius uisceris imbecillitas subsit, neque horror dum administratur, incidat. Hæc, quæcunq; febris fuerit illa, in balnei usu caueas oportet, ut ait Galenus x. & xi. curandi methodi. Nō est itaque, ut nunc fieri uideo, balneorum usus ita negligendus, sed potius magnificandus. Quod uerò Conciliator differentia clxxiij. timeat in febriliū putridarū declinationibus, illis uti, quia nostri seculi homines ea ferre nō possint, propter iam receptam eorū desuetudinem, & quia etiam natura humana nunc profusius, & delicatius uiuat, quàm eo tempore, quo Galenus ea de balneis tradidit: id quidē falsum esse facile constabit: quoniam ætate illa nullibi immoderatio uiuendi luxuries erat, & lautior, quàm Romæ, ut ait Galenus in primo curandi methodi libro, & multi alij tradidere auctores, quare iudicio meo, fallitur Conciliator, cum ait, illius temporis homines glandibus, & simplicissimis cibis uesci solitos; cum neq; illud etiam certum sit de priscis illis in Arcadia morantibus, ut ait Galenus in secundo lib. de alimentorum facultatib. Neq; propter iam abolitam lauandi consuetudinē credendum est balnea antè dictis morbis nō esse idonea;

idonea: quia id non est balnei naturam, & uim considerare, nec ea attendere quæ ab antiquis summo studio, summaque diligentia tradita sunt, sed plus nolle sapere, quam quod nostra inscitia, & pertinacia nos persuadet. Nam si id argumenti genus ualidum esset, sequeretur quoque, nemini, qui nunquam antea alias ægrotasset, medicamenta aliqua danda esse: similiter uinum, oua, & multa alia nisi ijs exhibenda esse, qui illa sumere consueuerunt: quod tamen nec à Conciliatore, nec ullo sani iudicii uiro recipiendum esse non addubito. Concedimus tamen, ijs qui lauari assueti sunt, & illud affectant, balneum esse utilius: magni enim ponderis est consuetudo, ut ait Hippoc. in tertio de ratione uictus acutorum morborum. Illud item omnino falsum uideri potest, quod à Conciliatore, & Sauonarola affirmatur, Italos scilicet magis, quam Gallos, Germanos atque Arabes, gulæ & uentri nunc deditos esse, & hac de causa etiam multo plus balnei usu offendi, ut quotidiana constat experientia, nam si illud uerum esset, Galeni tempore balnea magis improbanda fuissent: quia, ut supra dictum est, tum uiuendi libido immoderatiores fuerat quam nunc: & ita Germanis, Gallis, & Mauris plus obessent quam nobis, quia maiore illi in cibis, potibusque utantur licentia & intemperantia. Ad aquarum uero medicatarum rationem transeuntes, non possumus sane non plurimum de mirari illos, qui istiusmodi balnea adeo extollunt, ut de dulcis aquæ balneis nullam mentionem faciant, & multos qui uarijs & grauissimis correpti sunt morbis, illis curari posse existiment, quos quidem nulla alia in pristinam ualeitudinem restituere potuerunt auxilia, & ideo sacra ab antiquis esse appellata prædicant: aliam quidem ab ea quam Aristot. narrat in xxiiij. problematum particula ratione afferentes, quod scilicet mirabiles quædam illis insint ad tollendos morbos proprietates: qua de causa & magnifica, & sumptuosa in eorum honorem extructa fuerunt à ueteribus ædificia, ut Puteolis, Baïjs, & alibi: eaque, ut ait Plinius in lib. naturalis historiae

xxxī, numerum deorum auxerunt, atq; urbes condiderūt. Verumenimvero etsi demus multos mirabiles aduersus morbos effectus ex huiusmodi balneis cōtingere posse, & iam contigisse, omnes tamen eos qui medicīnē operā dant, summo opere adhortarer, ut cautius, & maiori cum premeditatione de ijs egrotis cōsulere uelint balneis, siue natationis siue irrigationis, siue potus causa, & præcipuè illis qui putridis, cuiuscunq; illę sint generis, corripuntur febribus: nam licet plus bilis exinaniant, quàm dulces, minus tamen profunt, ut est in libro ad Glauc. suprà à nobis citato, cum omnis aqua, præter illā quæ potabilis est, exiccet, ut ostensum est à Gal. in primo de simpl. med. cap. vij. hisq; non ea opus sit exiccatione, sed uiarum dilatatione & humectatione: cumq; huiusmodi medicatæ aquæ magno sumentium detrimento, ut ait Plinius lib. xxxī, cap. ij. nonnunq; intra corpus retineantur, multiq; deterius quàm antea se habuerint, alij uerò cum morte uitam cōmutauerint, quod quidem & nos cum Burmijs essemus, interdū euenisse uidimus, præcipuè ijs qui eas aquas bibūt, postq; ex proprijs fontibus hauriæ magno deinde itinere ad illos delatæ fuere: quamuis ijs qui hydrope affecti sunt, & nōnullis alijs, huiusmodi aquis cum intus tum foris uti congruū, utileq; esse sciuerim, quæ admodum loco superius citato à Galeno expositum est, & eiusdem ix. Quare deploratos tantum aliquos, & nullis ferè alijs recuperandos auxilijs ad naturales thermas mittendos esse, rectè arbitror Michaëlem Sauonarolā in libello de balneis consuluisse, in quorum curatione uolentissimū etiam remedium tentare expedit. Sed aquis quæ sponte nascunt omisissis, ut iterū ad aquæ dulcis balnea reuertamur, ita rursus ad rationes nostras respōdent medicorū plerique: Esse quidem ea innumeris morbis apta, & utilia, si tempestiuè illis utamur: & propterea summis uiris, & potentibus, ut Agrippa, & multis alijs magno apparatu & sumptu, tum publice, tum priuatè, magnificas fuisse extructas ædes, quarū uestigia,

uestigia & ruinæ nostris quoq; temporibus Romæ passim uideri possunt; quia uerò is nunc, qui olim priscis lauandi mos erat, penitus abolitus sit, nullæq; (quæ est potissima eorum ratio) lotionibus domus idoneæ sint, quæ in quinque partes à ueteribus diuidi cōsueuere (etsi à Galeno postea in x. curandi methodi in quatuor tantum, prima (ut puto) quā *ἀντρίπων* uocant, tanq; pauci momenti præterita, uel data, in qua balneis usuri sese exuebant) idcirco se illorū usum minimè laudare aiunt. Cum uerò omnis mala consuetudo prorsus nobis tollenda sit, quæ præsertim ualitudini nostræ noxia est: ædesq; etsi nō ita amplæ, & superbæ nobis, ut antiquis, paruo extrui possint negotio, ut ijs constat, quibus aliquando in Germania, ut nobis, agere contigit (breuis est enim ad solium uia, ut ab Hippocrate scriptum est in tertio de ratione uictus acutorum morborū) non uideo quid prohibeat, quo minus etiā ruri, & locis campestribus eæ extrui possint. Quare his rationibus solis aduersariorū argumenta facile dilui posse arbitror. Optimū itaq; ac saluberrimum esse existimo (seruatīs ijs quæ ab Hippocrate ac Galeno narrantur in tertio de ratione uictus acutorum morborū) si dulcis aquæ balnea ad medicos reuocent̃ usus, non solum cum morbis afficimur, sed etiā cum tuenda ualitudo est. Quod si ijs qui balneis admodum delectantur, & lauari consueti sunt, bis in die lauari permiseris, non errabis, semper tamen in memoria habens, ut opportunè id facias, neq; à cibo & potu statim balneis utaris, neq; à balneo cibum præbeas. Si uerò coctionis signa ostendantur, tunc etiam si sæpius laueris, nihil deliqueris, ut est in primo ad Glaucl. cap. de curatione febris tertianæ, & ut ab alijs quoq; demonstratum est, qui de re medica unquam optimè senserunt. Quam opinio nem abste quoq; approbatam iri minimè dubito, multò melius esse existimante domesticis & probatis in medendo uti remedijs, quàm feris, & damnatis: quemadmodum de illo medico nuperrimè mihi narratum fuit, qui cum multa fr̃u-

3. de rat. uict.
acut.

stra expertus fuisset medicamenta tum simplicia, tum composita, in curatione sanguinis è thoracis uena ex humorum acrimonia erumpentis, tandem ad muscerdæ auxilium cōfugit, cum tamen huiusmodi medicamenta omnia ut acra, & abominanda, Galenus damnare consueuerit, præsertim in x. de simp. med. & in cap. de coagulo. Si uerò aduersarius aliquis positionem nostram de balneis aquæ dulcis sic iterū destruere aut saltem infirmare aggredietur, Galeni sententiam adducēs, quæ in tertiæ sectionis aphorismo xv. his uerbis scripta est: Inanitio autem quæ à balneis fit, parua est, & solam ferè cutem exinanit: quæ uerò per carnem, & partes solidiores dispersæ sunt superfluitates, haud satis balneis discutiuntur: hoc responso satisfieri poterit, Galenum ibi facta comparatione balneorum ad soluentia pharmaca, sententiam illam protulisse. Vel dicas, quòd etsi balnea non satis educant superfluitates, quæ per solidiores partes dispersæ sunt, non tamen propterea dicendum est balnea nō esse maxime admittenda, & in re medica (ut diximus) laudanda. Etsi hic quoq; illa alia, quòd ipsæ quæ de balneis scripsimus finitima sit, considerata, cum frictionum omniū, tum exercitationum ratio (balneum enim apothepiæ pars est, ut in tertio de tuenda ualitudine apparet) quia in ea tradenda, ut maxime necessaria, antiqui multum insudauerint, ut est in libro de exercitatione paruæ pilæ, & in consilio pueri epileptici, & alibi: nos uerò adeò eam negligere uideamur, ac si magni non esset in re medica emolumenti: sed eam in commodius tempus reijcere satius esse duximus. Adeò sanè negligi solet exercendi & fricandi studium, ut nullo discrimine omni tempore exerceri, & fricari, bonū esse existimetur, & eandem esse omniū partium exercitationē: quod tamen falsum esse cōstabit, si medicorū ueterum scripta accuratius considerare uouerimus. Et quia in ea uersaris ciuitate, ubi maxime uigent studia, & aluntur ingenia, si quid habes, quod memoria dignū ducas, rescribas uelim: summo pere

pere enim scire desidero, quid sentiant nostræ ætatis medici. Saluta omnes amicos nostro nomine, quos dum Patavijs essem, optimè cognoui. Vale, & me tuū esse, tibiq; semper deditissimum existima.

Sexto Idus Decemb. M. D. XLI.

Aloisius Mundella medicus, Reuerendo Angelo Castilione Genuensi. De graui auditu. EPIST. XX.



Pro necessitudinis nostræ præsertim, & officiorum coniunctione, mihi faciendum esse intelligo, ut uoluntati tuæ obtemperem, & quantum in me sitū est, in eo, quod à me petis de rationibus curandæ uoletudinis tuæ, uideam ut plenè satisficiam; quod si consequar, ualde mihi gratū; si minus, ingratum erit. Sed in Deo nostro Iesu Christo spero fore ut incolumitati tuæ rectè cōsulam. Multi sunt anni, quemadmodū ex te audiui, cum auris sinistræ morbo, qui surditas, siue grauis auditus appellatur, grauiter laborasti; cuius causæ, quas primitiuas uocant (has enim primū indagabimus, deinde remedia perscribemus) quantū inuestigatione consequi potui, hæc extiterunt: frigidi uenti uis, qui per cubiculi fenestram ad oppositam aurem penetrauerat; tum nō obseruata sex rerum non naturalium ratio; & humorum morbi, quem aliàs passus fuisti, ad hanc corporis partē facta permutatio, ut multis euenisse uidimus, qui eo morbo, quo prius correpti fuerant, liberati, alio statim in alia corporis parte laborarunt, ut illius usu aut penitus, aut aliqua ex parte priuati, reliquis tamen partibus rectè firmatis, uixerint; cōmutantur enim aliquando morbi, non tolluntur; quare deinde multi crudi, & crassi succi ex huiusmodi praua uisctus ratione geniti, neruos simul obstupefecerūt, & audienti meatū obstruxerunt, ita, ut aër nullo modo amplius, aut minimū ad organū auditus deferri potuerit, Existimamus

tamen humores illos, quos diximus, pituitosos à calidortí mixtione præcipue sanguineorum non omnino alienos esse, si dominans consideremus tui corporis temperamentum, & ea quæ à medicis considerari solent in dignoscendis primarum hominum partium temperamentis. Si enim surditas hæc à sola intemperie frigida, aut aliqua crisi, non tamen firmata prouenisset, iam utique illa euauisset: confestim enim huiusmodi morbos calefacientia curant auxilia, & magna ex parte finiunt. Quibus accuratè examinatis, necnon calida, & humida capitis intemperie, à qua postea multa, & frequens ad palatū, oculosq; descendere consuevit pituita (si quis enim rectè morbis mederi uult, is humani corporis particularum omnium exactissimam habeat cognitionem necesse est) in primis statuendum nobis est, surditates, quæ à primo natali die, siue multis iam annis inueteratæ sunt, nullis curari posse remedijs: quæ uerò non ita inueteratæ quidem, sed diuturnæ, & ipsas curationem non recipere, aut certè difficillimam. Sed cum tibi non omnino ablata sit (ut ais) audiendi facultas, neque ab origine surditas ista confirmata sit, sed alteri (ut supra scripsimus) partim successerit ægritudini, partim antea incœperit, humoribus, qui antea morbi huius causa fuerāt, à natura ipsum iudicante ad ignobiliore corporis locos propulsis, de recuperando auditu tibi nō omnino desperandum esse (quamuis difficulter admodū ille recipi possit) existimamus, si ijs quæ dicturi sumus animū attendere uolueris: quod si feceris, ut spero, nō solum pristinam auris recuperare poteris ualetudinem, sed alteram etiam à tam graui & timendo tueri symptomate, in quod potissimū incidisti, nō seruata, ut par erat diligenter uictus ratione, quod tibi deinceps summopere animaduertendū est. Primū itaq; eligendus est aër serenus, ac simplex; austrini flatus & caliginosi euitandi, hi quod caput grauent & impleant, illi uerò auditum hebetent: omnia enim calida & humida huiusmodi sunt naturæ, tertiæ sect.

aphor,

aph.v. Boreales quoq; & aquilonij uitari debent, quoniam iuxta Hippocratis & Galeni sententiā, frigus neruis, neruo sisq; omnibus obsit locis, at si cōtigerit spirantibus adhuc illis, te iter aliquod facere, ut aliquo utraq; aures munias tegumento moneo, indito prius paruo golapij, seu lanæ ellychnio, cui inclusa sint moschi, aut castorei grana duo. Cauebis etiam, ne aqua læsa auris, & alterius etiā subintret meatum, sed diligēter, ut dixi, illum occlusum custodies. Et ambas aures sapius ab omni sorde expurgabis instrumento aliquo molli corneo, aut aceto melleq; inuicem mistis abstergendo, & siccando. Si quando uerò tibi opus fuerit, lixiuio sanē, ita auribus occlusis, in quo lauri folia, rutæ, aut absinthiū & chamemelon incocta fuerint, caput lauare expediet, illud postea leniter linteis fricando, præcedēte tamē uniuer si corporis inanitione: ne si ante perfrices, & laues, uapores ad caput, auresq; attrahant magis, q̄ discutiant. Obseruabis etiā ne statim à cibo & potu laues, & ne post lotionē confestim comedas aut bibas: qui enim nuper bibit, huic caput replet: qui uerò cibum sumpsit, nō caput modò, uerū & corpus totum alimentū ad se prius, quā concoctū sit, trahit: post lotionē uerò protinus cibum, uel potū sumere, caput replet, deuoratumq; interdum superfluitare facit, ut est in iij. derat. uict. acut. Galeni. A cibus autem tibi maximè abstinendum est, qui crassos & uiscosos generant humores: præcipua enim cuiusuis morbi curatio, ut ait Gal. in lib. quī de facile parabilibus inscribit, in exacta uictus ratione cōsistit. Hi autem sunt cibi, quos cane peius & angue, ut in adagio est, fugere te oportet: legumina omnia, caseus omnis recens & uetus, necnō quæ ex eo, triticeaq; conficiunt farina, & lacte obsonia, lacq; ipsum, & lactaria omnia. Butyri etiam rarus fuerit usus. Bulbi, quia flatum & crassum succum generant, improbantur. Quoniā uerò fabæ, si à uentriculo cōcoquant, boni succi sunt, licet nulla decoctione flatū amittāt, illis quādoq; uti cōcedimus, nisi uenerē suspectam habeas:

quamobrem etiā cepis abstinebis. Pisces in uniuersum damnant, exceptis saxatilibus, seu qui circa scopulos uersantur, ac modici sunt excrementi, & mediæ ætatis. Cōmune enim id in cunctis animantibus te meminisse uelim, carnē etiamnum adolescentiū longē præstantiorem esse, quā iam ætate declinantium; & eorum quę utriq; cōmunia sunt ætati, in horum medio existit: noxia uerò admodum est nouellorum, diuersaq; ratione ualde uetulorum. Quin & plurimum refert quomodo præparentur: quippe assa, & in sartagine frixa, sicciora sunt. In aqua dulci elixa humidius corpori alimentū præbent, ut est in iij. de alimentorū facultatibus Galeni libro: quare carpionibus & lucijs à nobis appellatis, sale, oleoq; & porro conditis, seu craticula, sartagine uē coctis, interdum uesci non interdiciamus, similiter muria seruatis piscibus: anguillæ uerò, tinca, sardæ, trota, cochleæ, ranæ, ostreæ, & huiusmodi omnia damnantur. Fructibus ferè omnibus quos arbores ferunt, tibi abstinentū esse scias uelim; mali nanq; succi sunt, exceptis tamen castaneis, quæ si in uentriculo concoquantur, efficaciter nutriunt; atq; eæ quidem crassi, nunq; autem mali succi sunt, quare & parcè illis utendum erit. Sed inter reliquos fructus, qui à tempestiuitate præcipua *ωγαροι* appellātur, & humorem uitiosum gignunt, ac si fortè in uentriculo corrumpantur, similes ferè letalibus uenenis fiunt, ut mora, persica, pruna, pepones, cucumeres. Cucurbita uerò nō ita damnanda est, si tamen in uentriculo corrumpatur, ipsa etiā malum succum gignit. Quòd si quandoq; fructibus his utendum erit, prima mensa illos degustabis, obseruādo quòd hi, qui reponi possunt, nihil simile recentibus habeant, quodq; plurimū referat utrum ad maturitatem perfectam fructus peruenerint. De caricis, si quis boni eas & mali succi esse dixerit, fortè inter se pugnantia dixisse uidebitur; nam si per uentrem & renes transierint, salubres esse censentur: sin autē retardarint, peioris quoquo modo succi. Cum nucibus autem sumptæ aut

Gal. in lib. de
boni & mali
succu cibis.

aut amygdalis, cibi probatissimi sunt. Panis ex optima tritici farina, non tamen ex similagine seu farinæ flore conficiatur: sit modico sale conditus, sit etiam recens. Ferculis uerò multis, ac sapius uti, non utile est. Vinum aqueum, quod Græci *ἀλιγόφορον* uocant, sit, & parum odoriferum, & parce sumptum; *πολύφορον* enim, & potens, cerebrum petit, ac replet, & nervis nocet, præsertim si largius bibatur. Oleribus nonnunquā, sed modicè utendū, quotquot non omnino crudam obtinent naturam, sed suorum ipsorum, aliorumq; cohibent superfluitates: ut sunt porrum, apium, & smyrniū. Malua, beta, spinacia, rarò sumenda sunt: similiter mālā, pīra, & ut summam dicam, quæcunq; crassi, & glutinosi humoris existūt, aut alioqui pessimi alimenti, ut fungi: quæq; concoctu difficilia sunt, aut frequentius, aut plus æquo sumuntur, non huic solum morbo, uerumetiam cæteris omnibus nocere consueuerunt: omnem enim excessum perniciosissimum esse, nemo est qui neget, & eo magis cum ea re utimur, quæ periculosa est, ut ait Galenus in libro de uenæ sectione aduersus Erasistratum, & in cōsilio pueri epileptici. Acetarijs quæ ex capparibus parantur, uti non interdiciamus: at æstiuis temporib, quæ ex cichorio, aut lactuca conficiuntur, modicè tamen, & rarò sumptis, fœniculoq; aut eruca additis. Somno non multum indulgendū est, sed eo, qui uires naturales conseruet, quiq; diurnus nō sit, nec post cibum statim: solet enim is, si huiusmodi fuerit, pituita copiam generare, ut uidere est in animalibus ijs quæ hybernis temporibus in latibulis, & in cauernis terræ uiuunt: ita tamen ut in omnibus ijs quæ diximus, & dicturi sumus, consuetudini aliquid condonandum sit, cum ea uelut altera natura habeatur: solent enim pleriq; diuites luxuriose uiuentes, die dormire, nocte uerò uigilare, ut ait Gal. in secundo prædict. cap. secundo. Exerceri uentre uacuo utile est, alioqui malum, eo potissimū exercitationum genere, quod nō corpus solum, uerumetiam animum recreare potest, ut ue-

x

Gal. in lib. de
exercitatione
paræ spheræ

Gal. in consil.
pueri epilept.

nationes, & huiusmodi animalium capturæ, laborem uoluptate, recreationeque temperantes: adeo enim potentes sunt isti motus animi, ut multi morbis sæpe ex delectatione liberati, multi rursus ex nimia conturbatione mente capti sint: Nullus est autem morbus tantus, ut uehementior animi ægritudinibus esse possit: quapropter minime sunt eæ affectiones negligendæ, qualescunque tandem fuerint, sed tanto diligentior istarum quam corporis habenda ratio, quanto anima corpore præstantior est: solent enim huiusmodi animi motus, quos medici appellant accidentia, multum prodesse ac nocere in curandis ægrotis, Idcirco tristitiam, & mentis torporem totis uiribus excuties: summoque mane expurgatis omnibus tum capitis, tum aliarum corporis partium excrementis, linteo satis aspero caput perfricabis: & auri sonum aliquem, aut uocem satis uehementem inferre, tanquam propriam ipsius exercitationem, iuuat. Ciborum satietas ut noxia est, ita inedia succos corrumpit, quemadmodum scripsit Galenus in lib. de uenæ sectione aduersus Erasistrataeos, cibustamen, ut idem ait in iij. de compos. medic. secundum locos, tenuis sit, Carnes animantium in aqua degentium uitandæ: sunt enim aquatica omnia plurimi excrementi. Suillæ uero licet probatissimum sanguinem generent, quia tamen uiscosum generant, & difficulter concoquuntur, non multum illis assuescere oportet, nec quæ sunt antiquorum bouum, Hædi, uituli laudantur, Agni tanquam humidissimi & pituitosi, improbatæ sunt carnis, Turdorum uero, merularum, perdicum, & phasianorum plurimum commendatæ sunt carnes, nec non caponum, pullorumque gallinaceorum: quas, si citra niderem quidem assatæ fuerint, tibi magis conferre puto, quam si aqua coctæ. In quorum numero etiam sunt oua gallinarum recentia sorbitioni apta, & simplici aqua cocta: quæ si indurata sint, difficulter admodum concoquuntur. Ad alia autem transeuntes remedia, quæ magis proximè huic conueniunt morbo, sumpto quidem à magis comuni principio iuxta

iuxta Galeni doctrinam, optimū esse existimamus, si media brachij uena è regione auri affectæ sita secta fuerit, exireq; permittantur sanguinis minimū uncia sex; nam in uniuersum te sanguinei temperamenti esse constituimus: deinde serapia sex uel septem singula singulis diebus continuis secunda ante prandium hora sumantur, quæ ex serapij acetosi simplicis semuncia, & mellis rosacei altera semuncia, & item ex succi endiuia altero tanto pondere, ex decocti uero hyssopi, origani, & cichorij uncij tribus cōficiant. His sumptis matutino sequentis diei diluculo hoc deuorabis pharmacum, quod hoc modo fieri uolo, ut ex pilulis, quæ titulo de hiera à pharmacopolis usui referuant, & ex cochijis, & ex ijs quæ aggregatiuæ appellantur, singulis inquam omnib. semidrachma sumatur, quæ ex melle rosaceo bene subacta in sex uel quinque catapotia diuidatur. Quæ ut deuoraueris, sequentibus diebus, ut prædictis, his alijs cōmodè uti poteris serapijs, sumendo uidelicet oxymellis simplicis unciam, & illius quæ ex stœchade fit, semunciam, iniecta secundum consuetudinē tum betonica, tum rutæ, tum utriusq; simul decocti mensura: deinde huiusmodi statim deuorando medicamentū, quod ex scrupulo pilularum, quæ uulgò fœtidæ inscribuntur, cochia, ex hiera compositæ, & aggregatiuæ, conficitur: quibus si etiam addideris rhabarbari selecti æquale pondus consentaneū fuerit: omnibus his oxymelotide exceptis, numero septem, uel etiā plura, uel pauciora, prout tibi placuerit, conficiantur catapotia. Satis autē corpore exinanito, iudicio nostro, hoc cōgruè uteris suffimento, quod in hunc apparabitur modum: Sume foliorū lauri, & rutæ, comæ absinthij, satireia, corticum radicum raphani, seu radiculæ, singulorum quantum manu capi potest: decoquantur in pari uini, acetiq; mensura, & exhalantibus ad huc illis, alterum harundinis caput concauitati auris inseratur, alterum foramini, quod factum fuerit ollæ, in qua prædicta bullierint medicamenta simplicia operculo imposito:

illud semper memoria seruando, soluentia quæ scripsimus
 pharmaca, & serapia etiam, aut eo pondere, quod dixi, aut
 etiam minori aliquando, si opus fuerit, & numero, nisi ali-
 quis alius obstiterit casus, sæpius ac sæpius iteranda esse; &
 quæ auribus induntur, ut ait Galenus in tertio de compos.
 medic. secundū locos, mediocriter calida esse oportere: sunt
 enim illæ ualde acuti sensus. Poterit in super puluisculus is,
 & huiusmodi medicamenta alia quæ à Græcis ἐρῖνα appel-
 lantur, uentre uacuo in nares per calamū spiritu recipi, qui
 sumit castorei, piperis albi, sinapi, nucis moschatae, singulo-
 rum scrupulum, ubi seorsum singula trita optimè, & comi-
 sta fuerint. Si uerò sternutamento formæ liquidæ magis uti
 placuerit, illud tibi præstò erit, quod accipit succi radicum
 betæ, cyclaminis, brassicæ, singulorum uncia, decocti sam-
 psuchi uncias duas, piperis albi dimidium scrupuli. Horū
 præterea medicamentorū, quæ per os pituitā educūt, usum,
 & à Græcis ἀφλεγματισματα nominantur, mirè tibi condu-
 cere existimamus: uerbi gratia, pyrethri, staphisagriae, masti-
 cis, piperis albi, singulorū drachmam accipe, uuarum passa-
 rum semunciam: trita excipiantur succo radicum betæ, &
 formentur pastilli mansiles. Item sinapi, uuæ taminiae, piperis
 albi, carpesij, si illud haberi potest, maceris, masticis, sin-
 gulorum scrupulum, uuarum passarū acinis exemptis, uel
 ficuum pinguium carnis drachmas duas succo sampsuchi
 excipe, ac prædictorū modo utere: memor quòd huiusmo-
 di apophlegmatismata nō deglutiantur, sed deorsum man-
 dentē caput inclinare oportet, & ex interuallo hiare, ut hu-
 mor qui colligitur effluat, & deinde aquam calidam ore diu
 continere, & ipsum colluere, si rosio multa excitetur. Aptè
 & ista auri instillantur læsæ: croci drachma, castorei tantun-
 dem, salis drachma, quoniam nunc solo nitri gaudemus no-
 mine, ueratri albi drachmæ quatuor: quibus aceto præstan-
 tissimo mixtis, auri instillato. Conuenit etiam fel capræ, ru-
 tæ succus cum melle, aut castoreum cum oleo anethi: item

uera-

ueratrum album cum æquali castorei, sed paulò maiore ad
dita croci mensura, cum aceto instillantur, aut cum oleo a-
mygdalarum amararum, aut succo hyssopi, quarum etiam
oleum in cepa coctum tepidum auri guttatim infundatur.
Sed neliquores isti iniectioni corrumpantur, ideo inclinata au-
re, post duarum uel trium horarum spacium, quàm instilla-
ta fuerint, exire permittes, auremque lanæ mollis momento
abstergendo siccabis. Si uerò & altera auris eodem sympto-
mate affici incœperit, quo sinistra afficitur, surditate uideli-
cet, eisdem penitus remedijs, quæ supra scripsimus, uti po-
teris, excepta uenæ sectione, quæ tunc fieri debet in curua-
tura brachij dextræ, & auris quæ dextræ similiter adhibetur
perforatione, & cauterio. Verum ne in longum nimis no-
stra trahatur oratio, & ne huc singula afferre uidear reme-
dia, quæ plurimis alijs quæ ab autoribus in hac curatione pas-
sim traduntur, supersedere satius duxi: poterunt enim ea à
quolibet medico, cum hæc non satis fuerint, facillè inueniri,
& experiri. At uerò quoniam plura indies accidere consue-
uerunt quæ medici consilium mutari compellunt, & singu-
la persequi non decet, nec fieri potest: quocirca priusquam
ad huius aggrediari morbi curationem, ut peritum aliquē
medicum consulas moneo, ut si quid à nobis minus quàm
par erat, aut abundantius dictum, aut malè intellectum fue-
rit, aut improviso sese obtulerit, corrigi possit. Reliquum
modo est, ut cum singula quæ scripsimus ad unguem perfe-
ceris, neque perfectè, ut desiderabas, curatus fueris, ut fonticu-
lus cauterio, ubi colli principium incipit, aut post aurem læ-
sam fiat, quod tibi multum prodesse non dubitamus: aut fo-
rata media auris, funiculo aliquo ita traiecta longo tempo-
re feruet. Vale, & me, quod facis, in Christo ama, sæpiusque
de te, ac tuis rebus scribas, rogo: nihil enim mihi gratius cō-
tingere potest, quàm de prospera ualeitudine tua intellige-
re, cum amicorū habeam neminē, quem plus ac te amem,
& diligam, Pridie Idus Aprilis, M. D. XLII.

Aloisius Mundella medicus, Hieronymo Ferol-
do medico. EPIST. XXI.

6. de compos.
medicament.
secundū loca.

7. cur. meth.



Tsi, ut ait Gal, in primo de alim, facult, optima sit doctrina, quæ uia uoce hauritur, quod audita & intellecta animo altius figantur, atq; hæreant impressa tenacius, his tamen nos plurimum etiam (quod neq; ipse inficiatur) debere existimo, qui certam scriptis aliqua de re scientiam mandarunt, quod ea perennius durent, & præceptoribus destitutis fructus non poenitendus percipiatur, & ad obliuionem senij maxime conducatur, ut ipse Platonis autoritate ait, cuius doctrinæ admodum studiosum fuisse constat, quos ut aliqua ex parte imiter, in hunc modum nunc ad te scripsi, non quidem ut doctoris officio fungi uidear, sed potius, ut ea quæ sentio, planius & dilucidius promere ualeam. Solent enim disputantium animi nullo certo loco consistere, sed magis huc atq; illuc commoueri; neq; illa ita bene intelligi quæ queruntur, quam si sedatis cunctis animi affectibus ea uel scribantur, uel legantur: ocio enim & solitudine studiū sapientiæ magis adiuuatur. His igitur de causis in hunc modum tibi respondere malui, quam uerbis tecum disceptare, non ut te aliquid edocerem: is enim sum, ut magis ipse docendus sim, quam alios ego docere possim. Sed ut tibi notius fiat, quid ipse sentiam tum de medicamentorum simplicium, tum de compositorum usu, quæuis à me aliàs explicatum fuerit, paucis accipe. Quoties enim medicorum omnium facile principis, diuino Hippocrate excepto, præceptum illud sanctissimum atq; æternū *αἰσίου* considero, non mediocris sanè animi sollicitudo, & dolor me torquet, affligitq; cum inquit, medicorum curæ maxime esse debere, ne inconsulte morbis medeatur, quoniam illud quod curandum suscipit, non ratione careat, sed creaturarum rerum omnium nobilissimum, & præstantissimum sit, ut est in primæ ipsius sectionis aphorismi primi expositione,

tione. Alia uerò ex eodē Gal. assumptio facit, ut cōtinuē ri-
 mari & sciscitari nō desinam, quò fideliter & rectē medica-
 ri possim. Nisi enim singulorū hominū, quibus medemur,
 propriū temperamentū accuratius cōsiderauerimus, & de
 eo maximā nō habuerimus rationē, quod Gal. *ἰσχυρὰ*
σίστην appellat, & nobis incōprehensibilem esse fatetur, in ij.
 curandi methodi libro, & illorū partiū naturas perfectē co-
 gnouerimus, & aliter quā nunc fieri solet singula diligen-
 tius inuestigando nos medendo exercuerimus, ut à Galeno
 in plerisq; locis asseritur, haudquāq; fieri posse reor, ut pla-
 nē nos ueri medici nomē subeamus: proprietates siquidem
 nonnullæ prorsus dici non possunt, quædam uerò ægrē cir-
 ca ægotantiū corpora ostendi possunt, solis ijs qui sepe eas
 uiderunt notæ, ut est in ij. de comp. medic. secundum loca.
 Neq; uerò illud quoq; minori indagine dignum uidetur,
 quantum quisq; scilicet in morbis à *συμμετρίας*, quam Plin.
 cōmensurationem appellat, declinauerit, tantum etiam me-
 dicamenta, per quæ curari debet, ad contrariū deflectere
 oportere, ut ait Galenus in primo libro de cōpositione me-
 dicamentorum secundum genus, & in secundo de morbis
 uulgaribus, & in eo qui de ratione uictus priuatorū inscri-
 bitur. Perdifficilem etiam nobis artem medicam reddit, &
 liberalium artium omnium ualde laboriosam, cum uirium,
 tum humorum noxiorum, qui per pharmacum pelli de-
 bent, exacta quantitatis cognitio, necnon affectus qualitas,
 & ipsius quantitas. Etsi enim dicit Galenus & Hippocra-
 tes xxij. aphorismo primæ sectionis, facilitatem tolerantia
 optimum esse mensuræ humorum indicium, id dicit, cum
 exinanitio facta est, non cum fieri debet. Illud etiam facit, ut
 à medendi exercitatione me abstinenceam, quòd nihil in arte
 medica reperias, quod prodesse possit, nisi certa mensura
 usurpetur, ut est in libro de missione sanguinis aduersus
 Erasistratum. Restant adhuc alia duo ex ijs, quæ admo-
 uentur ægotis, ut reliqua omittam, quæ me continua

1. de alim.
facult.

3. de compos.
med. secundū
genus, & 2. de
comp. medic.
secundū loca.

mentis agitatione perturbant, singulorum scilicet simplicium medicamentorum peculiares naturæ, & proprietates. Nam medico ubi prædicta eo, quo fieri potest, modo innotuerunt, adhuc tamen illi inuestiganda sunt simplicium inter simplicia, itemque eorum inter se, & corpora nostra lis, & concordia: quale illud est, quod de brasicæ & uitis odio fertur, raphaniq; & uitis, necnon rutæ & fici amicitia. His adde compositionum descriptiones à uarijs autorib. traditas: quæ quidem si prius quam præparentur, diligenter excutiatur, nequaquam eas à medendi officio amolimur, sed cum nobis opus est, his uti concedimus, atque approbamus, præsertim quas Galenus sua æquali trutina expendit: pluribus enim de causis plurimorum simplicium mixtio inuenta est, quæ à Galeno in libris de comp. med. secundum genus, clarius & latius explicantur. Sed cum hæ compositiones simplicibus constent medicamentis, uariæque sint illorum inter se (ut diximus) concordia & inimicitia, magnaque corporum differentia, non omnino tutum esse, & rationabile duxerim, ut ita temerè illæ præparentur ad usum, quemadmodum ex ijs quæ paulò antè scripsimus satis constituisse arbitror. Quare nullum sanæ mentis uirum, qui uel Græcorum, uel Arabum scholis assuetus sit, inficias ire puto, quin uno simplici medicamento, aut etiam, si id fieri potest, nullo, melius sit morbos curare, quam pluribus seorsum, aut inter se mixtis, & præcipuè ijs quæ, ut Galeni uerbis utar, confusis cribris hodiè medicis maximo sunt usui, tanquam aliæ celerius, aliæ tardius, potentiùs ue, aut debiliùs agant, ut inquit Auic. Arabum princeps in libello cui titulus est, de medic. simpl. quæ uires cordi affecto afferunt, tract. ij. cap. vij. & xl. & in iij. fen primi, cap. iij. & iij. In simplicibus præterea naturam esse apparet, in compositis uerò coniecturam sæpius fallacem: nulli satis custodita in mixturis concordia naturæ & repugnancia. Rarum uerò reperias medicum, qui (ut Plinij testimoniū contra istos præteream) suo arbitratu copiosas repente præparari

2. derat.
nisi. acut.

Plin. lib. 22. ca
p. 23. & lib.
24. cap. 1.

parari non iubeat compositiones: quod tamen à Galeno re-
 probatum est v. de comp. medic. secundum genus, & libro
 de antidotis. An uerò probè agant hi, nec ne, omnib. in con-
 fesso esse existimo: siquidem omnia confundunt, & nullam
 habent de simplicibus rationem, nullamq; de illorum tem-
 peramenti gradibus scientiam, sed cum plurima congesse-
 runt simplicia, & ueluti chaos quoddam struxerūt, tunc mi-
 rabile opus se fecisse existimant ac prædicant: qui si Galeni
 artem in componendis medicamentis, inq; his expenden-
 dis, & accuratius considerandis animaduertissent, quemad-
 modum in nonnullis libri de medic. compos. secundū par-
 tes, mixturis uidere est, nō ita profectò inconsultè nouas fin-
 gerent compositiones. Tamen si uerò Galenus interdum e-
 iusdem temperamenti simplicia misceat, nō illa quidem, ut
 illi, sed prudenter miscet, quadā scilicet alicuius illorū qua-
 litate aut nimium aucta, aut remissa, aut etiam mala, indu-
 ctus: propterea quā longè hi hallucinentur, nulla alia de-
 monstratione, aut probatione mihi opus esse arbitror. Ca-
 ue tamen suspiceris nos in uniuersum propterea damnare
 quæ ab antiquis uel etiam recentioribus recta ratione con-
 fectæ sunt cōpositiones, & præcipue quas Galenus ipse di-
 ligentissimè excussit ac præparauit, atq; expertus fuit, quo-
 niam morbi cōplurimi, cum incipiunt, cōpositi sint, quem-
 admodū vii. de simpl. med. cap. de coriandro, ab eodē osten-
 ditur: satis enim ab eo inuicem componendi simpl. medic.
 explicatū est, ac probatum, & quomodo quandoq; incom-
 pertis uti necessitas frequenter nos cogat, primo, secundo,
 & septimo lib. de comp. med. secundum genus. Sed id à me
 dictum esse scito, ut quæ maiores nostri annotarūt, sapius
 in memoriam reuocentur, & accuratius à nobis consideren-
 tur, neq; ita audaciores simus, ut quidam ex nostris, in no-
 uis componendis medicamētis, illisq; exhibendis: sed quæ
 paucioribus, paratuq; facillimis componuntur deligenda
 sunt, ut ait Galenus ij. & iij. de compos. med. κατὰ γένος, cum

1. de compos.
med. secundū
genus.

2. de compos.
med. secundū
loca.

y

2. de compos.
medicament.
κατὰ γένος.

3. de compos.
medicament.
κατὰ γένος.

praesertim ars medica circa materiam, quae cōtinuè fluit, uer-
setur: est enim corpus humanū mutationibus obnoxium,
neq; à causis internis tantum, sed etiam externis facillè muta-
tur, ut est in primae sectionis aphorismo primo, & artis me-
dicæ cap. lxxxiiij. & lxxxv. Abstinēt uerò medicorū pleriq;
hac ratione solum à pharmacis, quæ optimi quicq; autores
longi temporis experientia satis probarūt, eoq; nobilia red-
diderūt, ut ipsi melius quippiam praeter maiores habere ui-
deantur: quare utendum est medicamentis celebribus, quæ
ab omnibus cōmendant, & uniuscuiusq; simplicis medica-
menti temperamentū intelligendum, ne empiricorū more
homogenia solum misceamus: quod tamen quandoq; etiā
fecit Galenus, cum cuiusq; simplicis medicamenti uires nō
cognosceret. Omnibus uerò isti argumētationibus nostris
& rationibus abundè satisfactum esse existimant, cum di-
cunt, se medicamentis his suos perfectè curasse egrotos, ne-
que temerè ea tentasse remedia, neq; frustra usq; ad hunc in
grauescētis aetatis suę terminū peruenisse: sed quia, ut hoc
suum responsum tanquam facillè ad diluendū omittamus,
de his satis dictum est, idcirco quod reliquum est orationis
nostrae paucis absoluiam, nō solum hac methodo nobis me-
deri, & consuetis remedijs uti tutius fore (ut ostendi) existi-
mans, sed uno etiam, si fieri potest, simplici medicamento,
quod quidem Galenus concedit in primo de comp. medic.
secundū genus, quā multis, hisq; incertis, & mixtis, prae-
sertim si nulla ea fuerint ratione cōposita. Cui enim magis
non arrideat clysteriorū usus, exercitationes opportune, fri-
ctiones, misio sanguinis, si quidem uires ferant, & ea medi-
cinæ pars, quā *διατρικὴ* appellant, quā tot alia, tum in-
usitata, tum fera medendi remedia: Vt autem cæteris omis-
sis, ea quæ diximus, aliquo fide digno cōfirmentur testimo-
nio, & corollario insigniantur, ita inquit Scribonius Lar-
gus medicus antiquissimus, & Galeno acceptus, ut Pliniū
praeteream: Interdū enim simplicia efficaciora sunt, quā
ex plu-

ex pluribus composita medicamenta. Hæc ille in epistola, quam Callisto suo scribit: qui quidem etsi medicamentorū compositorū, de quibus tamen factum sit periculum certissimum, usum laudet, quod gloriam, diuitias, & pleraque alia ex his medici consequantur, nihilominus non negat ille iuxta opusculi sui initiū & finem, huiusmodi medicamenta omnia propter corporum diuersam naturam, ætatem uetustatemque, & temporū, & locorū differentiam, in morbis pellendis interim melius, deterius uel respondere: eadem enim res non dissimiliter dispositis corporibus, non possunt eosdem effectus exhibere. Etsi uero Galenus tradit v. de tuenda ualitudine, in longis morbis uarianda esse medicamenta, quod longo tempore natura illis assuefacta, illorū postea alleuamentum non sentiat, id nostræ non aduersatur opinioni, si quæ diximus, accuratè considerentur: ea enim obiectioni huic nunc satis fecisse uolumus. Quapropter si ista nos in admirationem trahunt, & timorem, ac penè a medendi officio deterrent, non uideo cur hanc opinionem nostram non summe approbare debeas. Hæc enim singula (si quid amoris, & beneuolentiæ uspiam est) omnium, qui unquam medicinā exercuerunt atque exercent, futurique sunt ut eam aliquando exerceant, animos commouere par est. Si uero fortasse dixeris, nos ita gerentes nec nobis, nec parentibus, aut amicis ullis opibus unquam prodesse posse: scias uelim, medico a uulgi erroribus, quantum in se est, cauendū esse, & satis amplam rem illi partam esse, & honorem, si Deo, non homini placeat studuerit. Tu, uelim, si quid a me dissentis, ad me rescribas: scis enim quam facile a meis cedere consueuerim opinionibus, si inueniam meliores. Vale.

Septimo calend. Iunij, M. D. XXXIX.

y 2

*Aloisius Mundella Mario Nizolio Brixellensi. De
medicamentis soluentibus. EPIST. XXII.*



Lib. 1. tract.
7. cap. 1.

2. de rat. uict.
acut. & in li-
bro, de ijs q's
purgare oportet.
Primæ sect.
aph. 23. Cels.
lib. 5. cap. 1.

Icet recentiorum pleriq; hanc de soluentibus
pharmacis materiam latius tradiderint, hæc ta-
men pauca, quæ nunc mihi occurrunt, quæq;
ex antiquorum libris collegi, ad te scribere con-
stitui, ut tibi satisfaciam, & cognoscas quàm su-
spectum, quàm timoris plenum sit, ijs præsertim qui cruda
adhuc existente materia, & humorũ putredine, febricitant,
medicamenta soluentia in morbi principio propinare. Præ-
teritis igitur Auenzoaris, Auerroë, Auicennæq; Arabum
principis scriptis, in libello præcipue cui titulus est, de me-
dicamentis simplicibus quæ uires cordi affecto afferunt, tra-
ctatu ij. cap. ij. & prima fen quarti libri, tractatu ij. cap. vij. &
xl. & quarta fen primi libri, cap. iij. & iiij. Græcorũ tantum
opinionem secutus, à qua prædicti autores non dissentiunt,
sed eandem penitus confirmant, quantum fieri potest, à sol-
uentium pharmacorũ usu nobis abstinendũ esse dicimus,
quòd ea ui & substantia sua hominũ uitæ, & salutĩ maximè
aduersentur; humorũ enim coctionem, quòd corpus uehe-
menter mouentes frangant & siccent, non autem quiescere
permittant, & humidum reddi, quibus maximè natura in-
diget ad succos concoquendos (morbis illis omiſſis, circa
quorum principia nonnunquam, licet raro, aluum soluere
oportet) & optimas crises, si dentur, fieri impediunt, febrici
tantumq; intemperiem adaugent, & uentrem præcipue os
ipsius male habens labefactant, quod quidem maximè ner-
uosum, & sensibile est: quod omnibus ijs, & qui præsertim
acuto laborant morbo, peculiare est, ut ait Galen, in primo
& secundo de crisi libro, cap. xi. & secundo, & quarto de ra-
tione uictus acutorum morborum, & ipsum praua succo-
rum copia opplent, qui postea defectionem animi inducunt,
& malaciam efficiunt, illiq; aduersantur, & humoris noxij,
febrisq;

febrisq; uehementioris & maioris causæ existunt, sitimq; intolerabilem accendunt; omnia enim eiusdem generis medicamenta potentia calido sunt temperamēto, & acra prorsus, aphorismo superius citato, & v. de simpl. med. cap. xvi. Pharmaca insuper soluentia hominū naturæ non minimo sunt terrori, eamq; ad toleranda mala imbecilliorē reddūt, & corporis compages dissoluunt, sanguinem & carnes colliquāt, præsertim si æstiuis dentur temporibus; huius enim temporis, & medicamentorū soluentium natura, plerique grauius laborant: quod potissimū ex eo manifestissimū est, quod calor aeris ambientis in partem trahat contrariam illi, in quam pharmacū ducit humores, ut aphorismo v. & vii. quartæ sectionis constat: adde etiā, quod medicamenta soluentia, ubi non agunt, quandoq; in corruptionem, ac uenum exitiale uertūtur, ut ait Galenus in libello, de ijs quos purgare oportet, & in iij. de simpl. medic. cap. xxiiij. & xxv. Confirmant etiā opinionē nostram ea, quæ in quarto de ratione uictus quæ seruatur in morbis acutis, in hunc modum scripta sunt: Quicunq; autem inflammationes statim in principijs morborū soluere tentant, ab eo quidem quod intentum est atq; inflammatū, nihil adimunt, quod non cedat cruda adhuc passio: quæ uerò morbo resistunt, & sana sunt, colliquescere faciūt: & quæ ipsi repugnāt uires, quæq; ægrotos potissimū curant, ex his potius ceu macie quadam languent, & cōsumuntur, morbusq; hoc modo pariter inualefcit, & tabidum corpus effectum consternit, illudq; in-
Hoc idem scribit Hippoc. in epist. & in libello de med. purg.
 fanabile reddit. Quod à Galeno etiā in primo de crisi, & alibi monstratū est, & euidentissimis rationibus comprobatur. Ex dictorū præterea pharmacorū usu illa oriri solent nocumenta quæ ab eodem narrantur in viij. τῆς βροπύτι-
 κῆς μεθόδῳ, ubi de diarijs febrib. quæ ab humorū obstructio-
 ne fiunt, agit, necnon in secunda & tertia aphorismorū sectione, illius ix. huius uerò xv. aphorismo: ibi enim scriptū est, inanitionē quæ per καθαρτικὰ, hoc est, purgantia phar-

a. de rat. uict.
acut.

maca fit, utilem esse ualde indigentibus, & ex longis interuallis. Et sanè uirtus læditur à medicamentis quæ moderatè, nedum quæ immodicè aluum soluunt, ut est in ix. curandi methodi. Illud quoq; sciendum est, quamuis in secundo de compos. medic. secundum loca, uiam tradiderit, perdifficile esse uirium, noxiorumq; humorum multitudinem, & malitiam, qualis, quantaq; sit exploratè expendere, itidem & medicamentorum modum, atq; usum. Quæ quidem res, ut ait Galenus in primo ad Glauc. cap. illo, ubi de febrium continuarū agit indicatijs, ad sui explicationem uno indiget uerbo, ad usum uerò permultis: ad cuius cognitionem nihil æquè iuuat ac crebra exercitatio. Difficile quoque & illud est, perfectè cognoscere quàm uariæ sint singulorum hominum, quibus aluum soluere uolueris, naturæ & proprietates, quas nisi noueris, magnas per pharmacum in acutis præcipuè morbis offensas paries, ut est in secundo de ratione uictus acutorū, & in libro de ijs quos purgare oportet: metus enim est ne plus iusto uacues, uel nullo pacto inanitionem moueas, uel si moueris, nō tamen sufficienter, quod non facile, ut in ijs qui non febricitant, emendatur. Si uerò medicamenta permiscebis simplicia, controuersia fit, non quando aliud quidem bilem, aliud uerò pituitam deijcit, sed quando aliud quidem protinus, aliud uerò longo à propinatione tempore purgationē mouere natū sit. Quare nō solum huiusmodi uitanda sunt medicamenta cum morbus acutus est, ut pleuritis, dolore ad hypochondriū descendente, uerum etiā cum febris uehementissima est, multò magis ab his abstinendum est, ut eodem in loco affirmat Gal. Difficilis profectò etiā est temporis occasio, quemadmodū rectè scripsit Hippoc. propter cōtinuè fluentē corporis nostri materiā. Adde etiam quòd medicamentū tum bilem fluam, tum atram, tum pituitā, tum serosum excrementū detrahens exactè nouimus: quæ uerò, ut suprà attigimus, exhiberi eius quantitas debeat, nescimus: atq; exhibitio talis posita

stea corrigi nequit, quemadmodū Gal. scribit in libello de
 curatione quę fit per sanguinis missionē, & in ij. de rat. uict.
 acut. Ingens præterea in propinationib. pharmacorū perie-
 culum est, cum uel nō cōmouetur purgatio, uel quod in al-
 uum attractū est, nō facillē excernitur, uel cum dolore, mor-
 sibus, torminibus, refrigeratione, pulsuū cessatione, ac ani-
 mi defectu exprimitur, uel cum corpus uehementer pertur-
 batur, interimq; paululum admodū uacuatur, aut inanitio
 modum excedit, neq; medicus sistendi liberam facultatem
 habet quādoq; illi placuerit, ut uenę incisę fluxum,
 quem superimposito digito mox sistes: hoc enim ipsum tan-
 quam malorum omniū extremum in hac parte frequenter
 contingere solet, quemadmodū aduersus Erasistratum scri-
 psit Gal. in lib. de sanguinis missione. Quare arduum quip-
 pe est, ac perq; difficile, rectam dandī pharmaci constituisse
 regulam, & certam mensurę illius idoneę ad tollendū mor-
 bum rationē. Postremo Corn. Cels. nobili quidem ingenio
 uir, sine cuius ope Romanē loqui (ut Pliniū præterea) medi-
 co sanē haud facillē fuisset, lib. iij. cap. xix. de uentris fluxus
 curatione, in hac uerba scribit: Sed medicamentis uti, nisi
 in uehementib. malis, superuacaneū est. Equidē soluentiū
 omnium medicamentorū natura, corporū quę expurgant
 naturis contraria est, & ut quispiam dixerit, letalis ac delete-
 ria. Vt satis ex his constet, quā improbē agant hi, qui huc
 atque illuc tota die per urbium uicos cursitantes. parum
 operę studijs impendunt, & sæpe nullo ægrotorum eos
 euocante, nullā ue alia necessitudine urgente, diluculo
 domo egrediuntur, & bonis infensi moribus, & doctrinæ,
 omnem bonorum, peritorumq; admonitionem auersan-
 tur, unī auaritię dediti, & uanę ambitioni. Artem quidem
 longam esse dixit medicus antiquissimus: & propterea
 multa obseruatione, & inquisitione nobis opus esse con-
 cedimus: sed non eo labore immenso, atque assiduo, qui
 aratoris potius, quā periti medici nomine dignus esset.

Quis enim illorum (ut hæc pauca solum attingam) in morbis curandis coctionem humorum expectat, & tantopere obseruatū ab Hippoc. & Galeno naturæ iudiciū: quis ætatem, consuetudinem, & tempora, & hominū naturas considerat: quis partem affectam, & an ea in penitioribus locis sita sit, medicamentiq; substantiam contemplatur: quæq; à Galeno scripta sunt artis medicæ cap. lxxxix. & xc. quis ad morbi magnitudinem & genus, uirumq; robur respicit, ut deinde futurum statum præcognoscat, & certam uictus rationē præscribere ualeat: quæ quidem singula medico maxime necessaria sunt. Quamuis autem multa sint in medicina coniecturis digna, sunt tamen illæ non inartificiosæ, & proximè ueritati accedunt, ut ait Galenus in prima aphorismorum sectione, & in plerisq; alijs locis: tametsi ille postea certas nobis medendi tradiderit methodos. Quare nō tantum ea medicinæ pars, quæ ut difficillima habet, sic etiā clarissima, quæ scilicet morbis medetur, sed aliæ duæ coniecturales appellari poterunt. Nihil uerò æquè artem medicam coniecturalem facit, ut inquit Galenus in lib. de sanguinis missione quæ fit per uenæ sectionem, ut cuiusque remedij quantitas, siue id sit cibus, siue potus, siue medicamentum. Itaq; dum hæc attentius considero, in hanc sententiam adducor, ut tutius cum ægrotis agi posse putem, si rarenter & moderatione magna adhibita utantur illi huiusmodi præcipuè medicamentis, quæ ualde humanas uires minuunt, ac consumunt, idq; maxime si ægrotum febris (ut dixi) corriperit, ac grauiter affecerit, neq; cocti fuerint humores: nisi illos, quod rarò tamen contingit, turgere, & modò ad hanc, modò ad illam corporis nostri partem moueri sentiamus: quod ab omnibus quos legerim, Græcis & Latinis, atque Arabibus factitatum esse euidentius est, quàm ut amplius probari sit necesse. Quamuis plerosq; non deesse audiā, qui à bonis penitus auersi disciplinis, & a ueri cognitione, perti naci tantum innitentes opinioni suæ, & deprauatæ fundamētis

mentis medendí consuetudini, contrarias tueri positiones pro uiribus conent, & studeant. Quo factū est, ut aliquādo contra istos, & nōnullos alios ueritatis euerfores (postq̃ ita adcreuit eorū temeritas, & uitium) inuehi mihi necesse fuerit: non secus ac legumlatoribus fuit, qui postquam eò ad aucta fuit improbitas, ut nihil non auderent homines, & dicerent, tūc noua supplicia disquirere aggressi sunt, quibus noxi plecterentur. Nihil uerò medico curæ magis esse debere existimo, quàm ut fideliter, & tutò medeatur, ut ait Galenus in xiiij. curandi methodi, etiam si postea illum in aduersa, uel infima fortuna uitam ducere contingat, Vale.

Quarto Non, Febr. M. D. XXXIX.

Aloisius Mundella Hieronymo Fracastorio S.

EPIST. XXIII.



Ratæ mihi fuerūt literæ tuæ: gratissimæ autē future, si, ut sperabam, opinione tuam de curatione februm pestilentium breuiter saltem complexæ fuissent. Puto uerò id abs te factū fuisse, ut ingenium meum magis ac magis exerceatur in examinandis & considerandis cum antiquorum tum recentiorum libris: quod sanè & facio, & me facturum polliceor. Galenum dignum esse quem cuncti imitentur, nemo nostrum (arbitror) est qui dubitet, ut qui omni ferè ex parte legentibus satisfaciatur, quemq̃ omnes uno ore medicinæ principem esse fateant, ac prædicent, quod si quid falsò, aut imperfectè ab eo traditū est, abolendum prorsus, & castigandū esse, quis unquam sanæ mentis iuerit inficias? Quapropter (ut aliàs etiā scripsi) summè ego illius methodos laudo, atq̃ approbo, quod nullum adhuc peccatum in illis legendis, & considerandis inuenerim, quippe quæ rationi, & experientie, ut ualidissimis in medendo fundamentis, potissimū innitantur, Tu si quid habes contra huius uiri dogmata, re-

z

Libello de libris proprijs
& de ordine suorum librorum

rescribas obsecro, summopere enim illud scire desidero. Nam siue Græci, siue Arabes, siue alij quicquam memorie mandauerint, parum quidem nobis curæ erit, modò ut rectè & optime scriptum sit: serui enim mihi illi esse uidentur, ut ait Galenus, quicunque se uel Hippocraticos, uel Praxagoricos, uel alios alterius sectæ appellari uolunt. Libellum uero illum tuum de contagione, quem in lucem mittere iam tribus annis preteritis promiseras, ne diutius supprimas uelim, neque amplius expectationem nostram in aliud tempus reijcias; nò tantum enim nobis, sed omnibus etiam alijs nati sumus. Sabatij de tuis homocentricis sententiam paucis sanè perstrictam uerbis nunc ad te mitto, quòd non antea hac dere quicquam abs te intellexerim. Discessit ille à nobis proximis diebus: attamen si ad ea quæ aduersus tuas rationes adstruit, quò tibi satisfacias, respondere cupis, literas mihi ad illum dabis: faciam enim ut quicquid est negotij illius, per eum fusius atque apertius tibi innotescat, pro sua in nos beneuolentia.

Vale. Diui Francisci die,

M. D. XLI.

ALOISIVS

ALOISIVS MVNDELLA ME

DICVS, ANTONIO MVSAE BRASAVOLAE

illustrissimi principis Herculis Estensis Ferrariae

ducis medico praestantissimo S.



QVSCVLVM illud tuum utile admodum, & cunctis, qui medicam exercēt facultatē, quicq; pharmaca componunt, pernecessarium, superioribus diebus ad manus nostras peruenit, letumq; studiose est à nobis, ac tanta cum animi delectatione, ut nesciam an maiore unquam mihi legere quicquam, aut accipere contigerit, quippe quod & agrorum ualitudini, & laboranti rei medicae summopere sit opitulaturum, tibi uerò immortale decus, ac gloriam allaturū. Ita enim doctē, & feliciter uniuersa ferē simplicia expendisti medicamenta, atq; excussisti, eaq; illustrasti, quae nunc in cōmuni usu habentur, ut te non alter magis idoneus ad negotium eiusmodi tractandum inueniri poterit; quocirca et tibi, & nostrae aetati plurimum gratulor, ac praecipue ijs qui magno indies augendae, & excolendae facultatis nostrae desiderio afficiuntur. Sed longē maximē Herculi tuo duci clarissimo, atq; principi gratulandū esse existimamus, qui tantum ac talem medicū ad tuendam ualitudinē, aut, si quando in morbum incidat, ad eum tollendū, curandum uenatus fuerit; quamobrem meritō ille te plurimi facit, atq; ijs donat muneribus, quae & ipsius liberalitate sint, & doctrina tua excellenti digna; quod ut facere pergat, Deum opt. maximum rogamus, ut & laboribus tuis sit egregiē consultū, & tu alacriore animo in rem medicam iuuandam possis incumbere, Cuius planē cognoscendae, restituendaeq; cum ipsi quoq; magno studio teneamur, persaepe sit, ut de ea & cū medicis, & cum alijs uiris doctis aut corā, aut per literas agamus, quemadmodū nunc quoq; fecimus, te de rebus aliquot consulentes, de quibus ut nonnihil dubitaremus, factum praecipue est lectione tuae examinationis de simpli-

cibus medicamentis; eoq; ad te potissimū de his scribere, ac tuam sententiā quærere nō ueriti sumus. Adeo enim bonarum artium percipiendarū amor & studium me audacem reddidit, ut uel præstantissimos uiros quos etiam nunquam uiderim, per literas interdum alloqui non dubitem. Quare si tibi aut molesti sumus, aut confidentes uidemur, id studio nostro cognoscendi, recteq; intelligendi tribuas, rogamus, boniq; hanc consulas industriam, ac cupiditatē, quæ tibi quoq; sit laudem allatura. Nunquam enim me palam fateri puduit, per quos profecissem: sed contrā semper existimaui, animi id esse ingenui, probiq; dissimulare uerō quæ ab alijs didicisses, ingrati, atq; illiberalis. Ac me iam id ex ea quam dixi causa audentem, cum tuæ quoq; probitatis candor excitauit, tum summa quædam (ut audio) humanitas, qua omnes tibi deuincire soles, atq; obstringere, & quæ non modò Christianū hominem maximè decet, sed etiam medicū egregiè cōmendat. Mortalibus igitur cum semper prodesse studueris, nunquā te puto cōmissurum ut ab isto optimo instituto defecisse uidearis, sed tam multis, tamq; feris monstris hac tempestate feracissimos, ac saluberrimos medicinæ campos depopulantibus, tanquam noua Herculis proles ad hanc obeundam prouinciā è cœlo ad nos demissa, honestissimū certamen suscipies, atq; etiam alterum quodammodo Augiæ stabulum repurgabis, prauasq; uulgi medicorum opiniones, quæ adhuc inualescere non cessant, & in peius quotidie pergunt ruere, penitus reuellendas curabis, præsertim de simplicium medicamentorū facultate, quæ tanquam ignobilissima, & longa consuetudine à maiorib; nostris perinde neglecta, quasi medico, si eam probè tenuisset, fuerit dedecori futura, penitus exoleuit: & tamen eam quoq; illi maximè necessariā esse quis non uideat, si Galeni, Dioscoridisq; cōmentarijs operam dederit. Hoc igitur tu ages, & multas pharmacopolarum compositiones ut illegitimas, & spurias ab illorum tabernis, quantum in te est,

est, summovebis, legitimis in earum locum, & melioribus substitutis, quod tibi facile esse existimo. Herculis enim tui ac Caesaris illius, qui in Creta viros herbarios alebat, patrocinio uel maxime adiutus, id, cum uoles, exequi poteris, qui tibi, ut uideo, pro instauranda re medica semper separatissimum præbet. Sed ut rem nostram tandem aggrediamur, scito me Academiæ nostræ, cui si quicquam magnis etiam in rebus negem, inurbanus profecto sim, atque ingratus, adhortatione ac iussu, præcipue Antonij Mercandoni, necnon Hieronymi Feroldi, quorum non minima est huius laboris pars, onus hoc meis quidem uiribus longe maius subisse, hæc ad te scilicet scribendi, atque explicandi, quæ mihi nostrisque collegis superioribus diebus Examen tuorum simplicium considerantibus, dubitandi atque aliter sentiendi occasionem aliquam attulerunt. Neque uero hoc à nobis ideo factum putes, ut tibi aut tuo nomini ob id quicquam detractum esse uelimus, utque censores aduersus te nos agamus, uerum ut quæ nobis mira animi uoluptate lucubrationes tuas per legentibus scrupuli aliquid præbere uisa sunt, ea nobis cum tempus opportunum nactus fueris, & explicare, & planiora facere digneris: ita enim & gloriam tibi iam partam augebis, & nos tibi reddes quæ maxime obstrictos, qui tibi cum nunc multum debeamus, multo tamen plus, hoc si feceris, debemus, dabimusque operam, ne ingrati, ac tanti beneficii immemores fuisse uideamur. Primus igitur scrupulus, qui in legendo Examine tuo nobis obuius fuit, fecitque ut ab opinione tua non nihil discederemus, est, quod ea cum perperdissemus quæ de Rhabarbaro scripseras, nos aliter sentire, & in aliam partem animum inclinare, infra notatæ compulerunt rationes, & autorum testimonia, rhabarbarum enim, cuius hoc nostro seculo adeo celebre nomen existit, & frequens in medendo usus, ut etiam pueris nuperrime in lucem æditis, & mulieribus foetum gerentibus, & alijs atque alijs morbis laborantibus (ut interim de febricitantibus, & dysenteria, &

Gal. in lib. de
antidotis.

Derhabar
baro.

Plin. Rha co-
sto nigrosimi-
le esse scribit.
Nam & can-
didū inueni-
tur. i. de anti-
dotis libro.

alui prostruuiō uexatis taceam) sapenūmero prāter rationē
detur, in pluribus cōuenire constat cum Dioscoridis, & Ga-
leni rhapontico qualitātibus: rha enim Dioscoridis nigrū
est, centaurio magno simile, sed rufius, cuiusmodi nostrum
quoq; rhabarbarū: corticem enim ut illud ad nigrum decli-
nantem colorem habet, quemadmodū uidere est in illis rha-
barbari radicibus, à quibus demptus non est cortex, siue id
natura, siue arte cōtingat: intus uerò rufum est. Fungosum
quoq; siue laxum Arabum rhabarbarum, sicuti & antiquo-
rum, secundum Galeni descriptionem apparet, itidemq; le-
ue, si totum eius genus uniuerso reliquorum simplicium,
quorum radices usui sunt, generi comparetur, seruata eo-
rum tamen iusta inter se portione: tamen si rhabarbarum à
medicis illud prāstantius, & melius esse iudicatur, quod
ponderosum magis fuerit, alio scilicet rhabarbaro, non au-
tem aliorū radicibus simplicium (ut diximus) comparatū:
quare simpliciter leue censendum est. Frustris uerò ipsius
rhabarbari inter se cōparatis, illud magis probabitur, quod
pondere suo alteri prāstiterit: neq; hoc, si quis accuratē rem
considerare uelit, opīnioni nostrā repugnat. Quod autem
rhaponticum Dioscoridis sine odore sit, Arabum uerò rha-
barbarū quod idem nos cum rhapontico esse arbitramur,
aliqua odoris suauitate polleat, id rationes nostras infirma-
re non potest: ratione enim frigidaē regionis, in qua proue-
nit rhaponticum antiquorum, nullius odoris, cuius men-
tionem fecerint antiqui, particeps est: contrā uerò quo com-
muniter utimur, ob soli in quo nascitur, temperiem calidā,
odoratū esse contingit, quemadmodū & rationi consenta-
neum est, & in multis alijs apparet, prāsertim in Galeni Ci-
stho Ladanum ferente, qui alius tamen genere nō est quā
qui in calidis prouenit regionibus, licet illorū alter in Asia
ortus, propter loci & aëris temperamentū ac proprietatē, fri-
gidam sumperit naturā, alter uerò frigore deposito calidā,
& *διαφορτικόν*, hoc est, digerentē sortitus sit facultatem. No-
strarum

strarū præterea officinarū rhabarbarū adstrictionē quandā præ se fert in gustu cum substantiæ lentore, quemadmodū & Dioscoridis rhaponticū; et, si cōmanducat, colorē ad croceum inclinantē reddit, quod & priscorū rhaponticū pariter facit. Vētriculo & hepaticō fert, & stomachicis maxime accommodatū est, quæ singula in rhapontico antiquorū esse constat. Postremō gustui subacre sentitur; cuius etiā qualitatis rha Gal. particeps esse tradit. Sola modō nobis examinanda restat radicis figura, quæ potius rapæ effigiem repræsentat, aut simile quippiam, quā longitudinis ullius, quæ rhapontico antiquorū attribuit; hoc enim radicem centaury maiori similem habere traditur, quæ quidem longa est, nō orbiculata, neq; globosa, qualis nostrī rhabarbari existit. Hæc uerō unica differentia quæ alicuius sit momenti, non tamen nos posse à sententiā abducere uidetur; facile enim fieri potest, ut barbaræ nationes, hæc à nobis longo regionū interuallo distantes, & impostores callidissimī, quorū fraude nunc referta sunt emporia omnia, & priuatæ etiam mercatorum tabernæ, ut ait Gal. in tertio de comp. med. secundum genus, ad nos transmittant ita concisas, & uarias rhabarbari radices, easq; sic aptatas, & interdū etiam decoctas; nechas solum, sed alias quoque & varijs modis adulteratas quandoq; importent. Ideoq; hoc argumento Manardus (ut arbitror) non ita magni æstimato, libro v. epist. v. scribit nostrum rhabarbarum non esse, quod antiqui rhaponticū appellabant; nō tamen ab eo specie, sed loci tantū natura differre, & utriq; aluum deijcere, quod ipse de industria sæpe sit expertus; quāq; antiquorum rhaponticū debilius aluum soluat, quā nostrate, propter loci temperiem calidā, quavis pharmaci huius ad humores ducendos corroborat; & propterea rhabarbarum, quo nos utimur, ad soluendam aluum ualidius esse. Quare Hermolaus quoq; uir apprime doctus, & in multis uersatus, præsertim in simplicium facultate, etsi medicum non egerit, scripsit, rhabarbarum nostrī

Lib. de antidotis 1.

temporis efficacius esse ueterum rhapontico, quibus nulla eius notitia erat; nam ætate Pauli Aeginetæ, qui inter recentiores quidem græcos medicinæ autores connumerari debet, notitiam nostræ rhabarbari haberi cœpisse manifestum est, ut in vij. eiusdē uidere est. Quibus argumentis satis constare autumo, rhabarbarum quod recentiores usui habent, cum rhapontico antiquorū & qualitatibus, & uiribus conuenire, origine autem sola differre, & radicis figura, & ui exolumente. Neq; uerò admodum incōgruum fuerit, si quis ueterum rhapontici uice rhabarbaro nostro uti uelit, quod quidem ob assignatas suprà à nobis rationes sit efficacius: quam opinionē nostram cōfirmat etiam Eurytius Cordus in Botanologico suo, quod nuperrimè ad nos peruenit: cōfirmat & Leoniceus, dicens Græcorū rhaponticum, Arabum rhabarbarum esse: per Arabes fortè intelligens Serapionem, & Auicennam, de quibus ibidem mentionem fecerat, qui de rhabarbaro differentes, Dioscoridis uerba de rhapontico ferè ad uerbum referunt, de illius tamen ui ad aluum soluendā nihil memoriæ mandantes, Dioscoridem etiam in hac parte imitati, qui ipse quoq; hanc rhapontico facultatem non attribuit. Quare non uidentur suprà dicti Arabes nostrum hoc rhabarbarū, aut certè omnē illius uim cognouisse, si quæ ab his de eo in suis tradunt locis, diligenter considerentur. Mesues uerò de rhabarbaro mentionem faciens, qui ex Indicis regionibus, non autem ex Ponto, ut priscorū illud, ad nos affertur, uim, qua humores attrahit, aluumq; soluit, inuentam addidit, alias ei simul facultates attribuens, quas Dioscorides rhapontico; ex hac coniectura innuens & ipse inter se ista non differre, sed idem potius esse. Et quanquam Mesuæ autoritas nō admodum magni facienda sit, ut quæ à Galeno, & ueritate ipsa in multis deficiat, attamen non ab re uisum fuit eam ut nostræ opinioni suffragantē, superiorib; nostris annectere probationibus: quibus accedunt etiam Ioannis Ruellij, & aliorū sententiæ.

Miniz

Minimè uerò nobis etiā illud obstat, Galenū de huius phar-
maci uī nihil cōmemorasse: quoniā vi. de simp. med. de sol-
uentib. simpliciu medicamētorū facultatib. peculiariter tra-
dere pollicetur, nō autē hic. quod si quandoq; de his agit, id
prēter eius institutū, propriūq; sensum esse cōstat, additūq;
exempli causa, ut res illustrior reddat. Postremò cum Ma-
nardus dicat, rhaponticum, quod ipse expertus fuerat, mi-
norem soluendū uim habere, quā rhabarbarū: cur tamen
fieri non possit, ut illud, quo antiqui utebantur, nullarū ui-
rium soluentium sit, nescio, cum diuersa sint in Ponto loca,
insulæ & urbes, in quibus eiusdem generis simplex gigni
potest, quod tamen non easdem uires obtineat, ut suprà de
Cistho indicatū est, & ab eodem Galeno in tertio de causis
symptomatu. Quā uerò ingens fuerit ipsius Ponti latitu-
do, ex Plinij uerbis constat lib. xxv. cap. ij. & iij. cap. xij. ibi
enim dicit, eam esse uicies semel quinquaginta m. Varro-
nis & ueterum ferè omnium autoritate. Quæ à nobis citata
sunt ad nostram firmandam opinione, quod rhaponticum
antiquorum idem sit cum nostro rhabarbaro: cuius tamen
rei, & reliquorum omnium, de quibus deinceps mentionē
facturi sumus, tuum sit, & peritiorum iudiciū. Id uerò opti-
mum esse existimo, si, ut ait Galen. in tertio de comp. med.
secundum genus, materiam medicamentorū simplicium
cognoscamus, non semel, aut bis inspicientes, sed frequen-
ter: quoniam sensibilium rerum cognitio sedula inspectio-
ne confirmatur. & cætera, quæ ibi latius ab eo explicantur.

Quod autē de rhapontico uulgarī, siue quod nunc medi-
cinæ, siue pharmacopolia ita nuncupant, uenduntq;, suspi-
cari uisus es, nobis non parue fuit admirationi, illud scilicet
centauriū maius non esse: etenim illius apud Dioscoridem
descriptio, ita ad unguē ei quadrat, ut nulli alij magis: qua
quidem descriptione Leoniceus, & eius olim discipulus
Eurytius, Manardus, Ruellius, & pleriq; alij freti, rhapon-
ticum dictum, centaurium esse asserere non dubitarunt.

A

Centauriū
maius esse
rhaponti-
cum.

Imbecillis autem admodū illa, & inefficax gustus ratio quæ hac dere te ancipitem reddit, nobis esse uidetur, ut contra quam reliquæ omnes insurgāt argumētationes, eamq; facile infringere ualeant. Satis enim manifestum esse puto, simplicia plerq; non modò gustui à proprijs, & primis diuersas, easq; imminutas repræsentare uires posse, & qualitates, uerū externas, nouasq; aliquando recipere ex uario alimenti, aërisq; temperamento, uariāq; eorū permutatōne & tralatione, ut puta de montibus ad conualles, siccisq; locis ad humectos, &c. contrario: quod tibi notius esse scio, quàm ut ulla probatione opus sit, uel autorum fide, quam obrem & ab ista tua opinione dissentire cogimur, in omnibus tamen (ut diximus) semper rectius nostro iudiciū præferentes.

De Chamæ
malī flore.

Quæ uerò de chamæmalī flore senī tuo indicasti, cum Dioscorides eum folia magnitudinerutę habere dicat, quoniam à sensu remota sunt, & ueritate, idcirco isti senis dubitationi aliter à te satisfactum esse desiderauerim: folia enim rutæ, etiam si totum chamæmalī florem sumas (ut patet) ab eo longè diuersa sunt.

Neq; iudicio nostro, id argumenti genus ualidum est: Serapio in cap. de zambac, siue Sambac, siue Iesmin, autores grecos non citat, ergo ipsi uiolam hanc nō cognouerūt, quoniam quandoq; de aliquo simplici medicamento commemorat, de quo antiquiores quidem Græci mentionē habuerunt, & tamen eos ut illius rei ignaros præterit: quandoque uerò illos citat, cum tamen nulla sit in eorum, quæ apud nos sunt, cōmentarijs memoria. Citius igitur existimandū est Ieseminū uiolam Dioscoridi innotuisse, cum Iesminū siue Iasminum unguentum describat, ab ea uiola sic cognominatū, quemadmodū etiam Hermolaus annotauit: tametsi nonnullas esse sciam antiquorū compositiones, quæ ab aliquo simplici medicamento cognominari uident, in quas tamen nullum huiusmodi immittitur.

Nobis

Nobis præterea in alio Examinis tui loco uisus es Mesuē non probē à Manardi censura uindicasse: quoniam omnes ferē codices Mesuæ, qui usquam impressi habentur, isto solo, quem apud te esse scribis, excepto [narcoticā] uocem ubiq; scriptum ostendunt. Sed esto, optimam, pro narcoticam legendum esse (ut uideris asserere) concedatur, ueritati tamen consentaneū non est, uiolam nulli corporis particule posse officere: nisi fortasse per ea uerba intelligi uelis, ei scilicet quæ calore affecta sit, parti. Secunda etiam expositio, qua Mesuē contra Manardum à calumniā defendere studes, nobis non penitus satisfacit, quod arbitrio tuo tantum prolata, non rationibus ullis, aut testimonijs comprobata, à Mesuæ opinione dissentire uideatur.

Quod rosa, & chamæmelon (ut inquis) dolores leniant, sed non calidos, falsum hoc, pace tua, esse nobis uidetur, si accuratē ea considerentur, quæ de rosaceo, & chamæmelo, in tertio de simpl. med. lib. cap. x. & in ij. de comp. med. secundum locos, de dolore capitis à causa calida, & solis ustione, à Galeno traduntur.

Rosam & Chamæmelon dolores etiā calidos lenire.

Quæ uerō à Ferrariensibus mulierculis rosella, à nostris madonina appellatur, & à pharmacopolis papaueris rubri nomine uenundatur, eandem esse quam Dioscorides Anemonem uocat quodā in loco, ut animaduertimus, pro certo affirmasti: id quod etiam Simon Genuensis prius demonstrauerat, & Serapio comprobare uisus fuit. Sed alibi Examinis tui folio xxxv. ipse, nisi alicuius uitio codex deprauatus est, diuersam esse ab anemone scribis: quod ualde admiratus fui, non enim tibi constas, nec in sententia permanes. Marcellus quidem & Ruellius tradunt papauer hoc rubrū non esse anemonem, sed papauer rhœas, & quod erraticū dicitur. Hac igitur de causa controuersie huius, quæ in uerbis tuis esse apparet, quæq; inter te, aliosq; autores existit, te admonendum esse censuimus: eoq; magis, cum anemone calidi sit temperamenti, si quis Galeni scripta in vi. de simp.

A 2

medic. cap. de anemone, considerat, papauer uero frigidi.

De Sparto.

De Sparto quid Plinius dubitauerit, quidq; Ioan. Ruelius contra tuam, Manardiq; aduersus Mesuen opinionem annotauerit, nihil ad te scribendum duximus, qui quidem illud prius quam nos uideris; nostrae enim genistae foliola quaedam insunt, & phasiolorum modo folliculi absunt. Si qua autem inter te & eum controuersia est, eam tu dirimere potes pro tua prudentia, cui principis tui opera plurima inuestigare licet, ac de eis certam posteris tradere notitiam.

An Thymi
flores epithymi
loco sumi
possint.

Consentaneum etiam fuisset te exposuisse, quo argumento adductus nostri thymi flores satureiae quidem similis, pro epithymo sumendos existimaueris, tanquam atrae bili aduersantes. Constituto autem Dioscoridis & Galeni epithymo nos carere, restat tamen adhuc nobis inuestigandum, experiendum uel, tertiane epithymi Plinii species, pituitae, bilisq; deiciendae utilis sit, quoniam licet concesserimus, quantum ad eorum qualitates manifestas attinet, uno alterius uice uti posse, non ideo tamen sequitur thymum atram detrahere bilem posse, propterea quod pharmaca soluendi uim sortita sunt, ut ait Gal. a tota substantia, non autem primis qualitatibus, & quae nobis manifestae sunt, ex quibus humorum eam, quae ab eis sumptis consequitur, inanitione comprobare possimus, ut in plerisque locis, & in capite de scolymo, Galenus affirmat. Consideratis igitur primis utriusq; qualitatibus, aliud pro alio dari posse non negamus; sed an haec terra Plinii species aluum soluat, adhuc incertus sum, necnon an ullus experitis id confirmet autoribus; & an thymi nostri flores nigro (ut inquis) humori aduersentur.

De Medicamentis
nuper
inuentis.

Libenter utiq; ex te audiremus, cur tantopere delecteris recentioribus, siue nuperrime inuentis medicamentis, quae admodum uideris, dum senam excutis; cum tamen Hippocrates & Galenus libro primo de ratione uictus in morbis acutis, & in commentario de antidotis primo, illos qui paucioribus, ijsq; certioris notitiae utuntur, magis approbet, multaq;

taq̃ id nobis optimū esse persuadeant rationes; modō ea in
digentia nostrā satisfaciant. Neq; me clām est multa in op-
positum adduci posse ad hanc dubitationē nostram soluen-
dam: sed quā rectē illa, equidem nescio.

Cuscutam eam herbam esse, quā à Plinio xvi. naturalis De Cuscuta.
historiæ libro cap. ultimo cadyta appellatur, ut ait Ruellius,
quod spinis & arboribus ut illa circumuoluatur, nō ita ego
facile assentior, Plinio eam non aliter describente; nam plu-
ra sunt quā similiter arboribus circumuoluūtur, & tamen
cuscuta non sunt dicenda, ut patet; quare tecum potius sen-
timus, nobis adhuc incertum esse, quid apud antiquos cus-
cuta fuerit.

De sena quid Ruellius senserit, quoniā & à nobis latius De Sena.
aliās, & ab Hieronymo Fracastorio medico huius rei peri-
tissimo & singulari, qui non ita pridem me ea de re per lites
certiorem fecit, refutatum est, ne sēpius idem dicere uis-
dear, ac tempus contere, nunc tacitum præteribo, tu atq;
potius, ut ueritati magis, & rationi cōsentaneā opīnioni as-
sentiar. Nam, ut ait Fracastorius, arbuscula ea quam Ruel-
lius in solis Gallijs abundare dicit, & colutheam esse, quod
herba potius sit, quā frutex, & in Veronensi solo plurima
proueniat, senam esse nō posse existimat. Addit insuper se-
nam in tota Hetruria, si seratur, nasci, & Veronam usque
mitti: uerū quia ea inefficacis effectus sit, medicinae usui
interdictam esse. Ipsius autem senæ folia, an siliquæ, quos
recentiores folliculos uocant, soluendæ aluo efficaciores
sint, & an ullo alio medicamine addito ad malam senæ qua-
litatem (si qua tamen illi inest) aut corrigendā, aut amolien-
dam nobis opus sit, tuum fuerit iudiciū. Id tamen dixerim,
nullo nos malo animi affectu, cum quid explorandum est,
incitari debere, at solo inuestigandæ ueritatis studio, & phi-
losophiæ amore detineri. Tuis igit̃, & Manardi experimen-
tis modicē innitentes, quippē quæ potius dubitationem no-
bis pariant, quā rei, de qua nunc quæritur, rationem cer-

tam(cuiq; enim arbitratu suo, cum aliquid probare, aut confutare in animo est, loqui licet; & permulta requiruntur ad certam habendam de aliquo solvente medicamento notitiam experimenta) altero uestrū tanquā à uerī cognitione deficienterelicto, Manardum pro nostra uirili parte ita tueri conabimur, Galenumq;, & illius doctrinam sequentem Auerroēm v. collect. in mediū afferemus. hic enim plerisq; in locis scribit, amarū per se sumptum saporem stomacho aduersari: si uerò adstringens aliquid aut acerbum addatur, & ei gratum esse, & utile. Idem dicit styptica generaliter uentriculū corroborare, illiq; salutaria esse, modò cum his mista non sit aliena quæpiam, & extranea qualitas: quemadmodum in cap. de epimelide, libro vi. de simp. med. ostendit. Cum ergo Manardum urges his uerbis [nō omne amarum uentriculum roborat] uerum illud esse & nos fatemur, si nulla alia qualitas illi admisceatur, quæ eius nocumentū corrigat: sed si adstrictio additur, mirè illū iuuat, illiq; uires adiicit: quemadmodū est absinthiū, & huiusmodi, quod nō solum amarū est, sed etiam adstringens, atq; acerbum, ut est in quarto de simpl. medic. cap. xix. & eiusdem vi. cap. de abrotano. Cum autem prædictis subiungis [aut adstrictionē habens] oportebat primū quidem te explicuisse, quale illud sit, quod uentriculi uim haudquaquē instauret, sicut (exempli gratia) chalcanthū, & epimelis, qui licet austerus sit, uentriculo tamen ingratus est, & capitis dolorē mouet, siquidem ei admixta est aliena qualitas: deinde idoneis argumentis & rationibus cōprobare talia in sena existere incōmoda, propter quæ uentriculo noxia sit, qualia esse dicis in illis tuis adstringentibus permolestis: quod tamen nō ostendisti, neq; ut par fuerat, probasti. Non enim satis est ad aliquid tollendum (quæcūq; ars fuerit illa) ἀφαιρῆσαι, argumentis multis contra illud uti, neq; solum aduersariorū argumentationes refellendæ sunt, uerum etiā quæ quis dicit, ea rationib; uarijs & peritiorū testimonijs confirmare, & certiora facere oportet.

De

De Verbenaca siue crista gallinacea, etsi Dioscorides tra-
dit, rectam ad nonnulla ualere, ad quæ supina non ualet, nō
tamen eam maris & fœminæ appellatione distinxit, sed Plī-
nius lib. xxv. cap. ix. qui etiam secundum quosdam unum
omnino genus fecit, quoniam hierobotane utraq; eisdem
uires habeat: quæ tamen ratio non id concludit, quod illi
existimabant, quia aliqua reperiuntur simplicia, quæ idem
ualent, & tamē manifestè distincta sunt, ut inferius patebit.

Quod ad Chamæpityn attinet, eam fortasse, quæ uera
est, pharmacopolæ Ferrarienses habent: sed plurimū tamē
dubitamus, ne nostri eam, quæ uera esse existimatur, uen-
dant, cum Dioscori dis uerba, quibus illam describit, illi nō
conueniant: quocirca nobis hæc omnia etiam atque etiam
animaduertenda sunt.

Mirum insuper nobis uidetur folio xxij. te non refuta-
se Simonis Genuensis opinionem, qui, quam uocant sclaream, siue herbam sancti Ioannis, cristam gallinacæ inter-
pretatus fuerit, cum suprâ folio xx. hoc nomen uerbenacæ
rectæ ex Diosc. à Romanis inditum esse scripseris. Quod
autem sclarea baccharis nō sit, duæ nos mouent cōiecturæ:
quarum prima est, quoniam sclareæ radices ueratro nigro
dissimiles sunt: altera, quod cinnamomi odorem non redo-
lent, cuiusmodi esse debet baccharis radix, quapropter Ru-
ellius in Gallia baccharē sub nomenclatura chirotheca Ma-
riæ cognitam, neq; hanc sclaream esse dicit.

Chelidoniū uerò tremulos dentes confirmandi uim ha-
bere, nullibi hactenus uidimus, sed bene eorū dolores seda-
re & finire, ut est apud Dioscoridem lib. iij. cap. xvij.

De Polemonij siue giargæ uel rutæ caprariæ succo, quæ
apud nos caltraca nominatur, quod ais, myrrha, aloë, &
croco additis, puerorum uermes interficere, ideo à nobis
non ualde approbatur, quoniam eundem effectum absque
dubio sequi putandum est ex solo aloës, uel myrrhæ usu
ad id summè accommodato, quemadmodū eorum facul-

tates inuestiganti manifestum est. Oportet autem eum, qui optimè docere uelit hunc succum utilem esse aduersus puerorum lumbricos, ostendere id ipsum efficere posse nulla alia re admixta ipsius polemonij succo: nam ita demum constabit eam uim illi inesse: quo argumentationis genere utitur etiam Gal. xi. de simpl. medic. cap. de iecore lupi. Vt autem ab hac tua opinione dissentiam, illud potissimum in causa est, quod succus hic nullam gustui amaritudinem representat, neque acidus, neque acris ullus ei inest sapor. Amara autem medicamenta omnia, ut ait Gal. vii. de simp. med. cap. de crambe, aduersus lumbricos idonea sunt: nisi quispiam fortè dicat, succum hunc non manifesta, sed cæca qualitate contra intestinorum animalia pollere, qua & uenenis resistere fertur, ut Dioscorides tradit: etsi de hac polemonij ui occulta nihil Galenus, Paulus, & Aëtius, quod sciam, memoriæ mandauerint, aut alij etiam probati autores.

De Telephio. Tuum de Telephio iudicium, quod Usnen non sit, tanquam sanius approbamus magis, quam Leoniceni uirialio qui doctiss. & cui posteritas omnis multum debeat, in tractatu de morbo gallico. Duæ namque ab eo in hac re dissentire nos cogunt rationes: cum quia telephij folia ab ijs quæ usnen referunt, specie diuersa sunt, tum etiam quia telephiū à Galeno in secundo ferè ordine ponitur calidum, à Serapione uerò usnen in quarto: neque etiam, ut tuo utar arguendi modo, Serapio græcos citat autores, ut ferè semper consueuit, cum de aliquo simplici medicamento mentionē facit: quare ne idem sit, contra Leoniceni sententiam dubitamus.

De Aparine. Aparine siue Lappa non à Dioscoride (ni fallor) sed ab Aëtio lib. xi. cap. v. philanthropos appellatur: quod tamen prius ac nos Hermolaus annotauit.

De Matricaria. De Matricaria illa cōmuni Brixianorū uulgò Crespula appellata, Manardi sententia nobis magis approbat, quam tua: namque ipsius folia coriandri potius similitudinem reddunt, quam Brusaculum ita uulgaribus nuncupatum, si & coriandri

coriandri folijs cōparetur, & cæteris herbis, quibus coriandri folia inesse scribit Dioscorides, ut est ranunculi primum genus, quod syluestre apium dicitur, quamuis latiora folia coriandro habeat: & dauci tertium genus, capnos siue fumararia, & adiantos, quæ singulæ coriandri folia similitudine repræsentant: quorum tamen folijs nequaquæ similia esse uidentur brusaculi folia. Crespulæ uerò nostræ & cōmuni matricariæ, de qua Ioan. Manardus lib. viij. contra Marcel lum locutus fuit, & libro ix. epist. ij. parthenij folia conueniunt, & flos, & odor, qui ei grauis inest, & amarus sapor. His igitur ita consideratis, & præcipuè foliorum similitudine, Manardi & Hermolai opinio tanquã uerior nobis digna uisa est quam sequeremur, parthenium scilicet matricariam uulgarem esse, non brusaculum. Illud tantum inuestigandum restat, an uis illa excretoria, quam Dioscorides tribuit Parthenio, huic quoque insit, quam matricariam dicimus: de qua facultate et si Galenus nullam fecerit mentionem, Paulus tamen Aegineta lib. vij. inter nigrum humorem soluentia eam cōnumerat: quod nobis summa cum diligentia, & longa secundum Galenum experientia explorandum est, ut ea quoque innotescat. Foliorū quidem parthenij descriptio matricariæ ipsi magis conuenit, quàm brusaculo, quæ cotula dicitur: neque quicquid est in eo ab simile huic, sola illa ducendæ alui excepta facultate, quæ adhuc nobis exploranda superest. Præterea idem est Galeno amaracus, quod parthenium Dioscoridi, ut patet Serapionis testimonio, qui capite de matricaria, Dioscoridis caput refert de parthenio, & Galeni de amaraco. Ad hunc autem modum scribit Galenus tertio de comp. med. secundum genus, ubi de sumptuosis medicamentis meminit: το δὲ ἀμαράκον ὡς ὁκ θυάδης γνέοντα μὴ δεῖ ὅλως μὴ γνέειν, hoc est, Amaracū autē tanquæ non bene olentem cogitauī nequaquæ miscere. Quod si amaracum putasset hanc esse herbam, quæ brusaculum dicitur, nō his uerbis utique, sed alijs, uti consuevit, usus fuisset, illūque

B

aliter descripsisset, cum hæc non tantum nō sit boni odoris, sed foetidissimi, Matricariæ quidem uulgarī Dioscorides ὀσμὴν ὑποβρώμεον, hoc est, grauiusculum odorem ascribit in capite de parthenio, sed non adeo tamen grauem, & abominandum, ut ei non conuenire possint Galeni uerba supra à nobis citata. Huc accedit & modus tum græcè, tum latinè, & propriè loquentium, qui cum de huiusmodi ingratisimi odoris herbis, qualis est hæc cotula foetida, mentionem faciunt, βαρυόσμος ἰσχυρὸς ἢ δυσώδης & ὀσμύς, id est, graue & acutè olentes eas appellant, quemadmodū est anagyris, & huiusmodi: quo loquendi modo uti non consueuere in his quæ licet odorem quendam insuauem habeant, nō tamen grauem, austerum ac permolestum, ut in ruta, absinthio seripho, parthenide, & cæteris, quas odoris quidē uehementis esse certum est, non tamen putidi: quamuis partheniden Plinius rectius non iniucundi esse scripserit, non autē graue olentis. Ruellius quoque testatur matricariam esse parthenium. Cotulam autem parthenium esse non posse constat, cum propter foliorum, si coriandro comparetur, dissimilitudinem, tum etiam quod cotula non sit amaritudinis particeps. Sed neque Leoniceus affirmat parthenium cotulam esse, sed hoc à quibusdam ita appellari dicit. Quapropter tu operam dabis ut tuo isto diligenti studio cōpertius aliquid hac de re medicinae studiosis tradas: nos ad reliquam institutioni nostri partem accedemus.

Carduus simpliciter prolatus.

Carduorum plura esse genera manifestum est: cum uerò carduus simpliciter enunciatur, de Dioscoridis scolymo intelligendū esse animaduertunt & Hermolaus, & Ruellius, qui caput Dioscoridis de scolymo, cardui nomenclatura inscripsit. Reliqua cardui genera cum certa uocum additione sigillatim referuntur, quemadmodū dipsacus secundum quosdam Veneris carduus appellatur, ut Dioscorides notat, qui dipsacus pharmacopolis est carduus cōmuniter dictus, licet non propriè, nec rectè, cum diuersa sint inter se eorum

eorū remedia, sicut tu, & Ruell, aliqua ex parte annotastis.

Spicam nardi quam hodie pharmacopolę nostri seruāt, De Spica
nardi. ueram spicam non esse cum Manardo in Mesuæ censuris, capite de rhabarbaro, sentimus; sed aut alteram duarū esse, quæ scilicet in ima montis parte iuxta Gangen fluuium nascitur, uirib. quàm sit altera infirmior: aut Samphariticę genus aliās improbatum nostram esse spicam plurimis de rebus quę legenti considerandæ relinquuntur, collata nostri temporis spica ijs, quæ de uera spica à Dioscoride tradunt. Et cum dixeris tertium spicę genus, quod in Syria & Cilicia prouenit, ad nos importari, istiusq; spicę & caulem nobis Venetijs emendum esse, de hoc quoq; ut dubitemus, facit Dioscoridis descriptio, qui tertiu spicę genus neq; caulem, neq; florem, neq; fructum ferre scribit, neq; (quod equidem legerim) illius spicę meminit. Quinetiam radicum color cōuenire non uidetur: in spica enim quæ circumfertur, aureus existit, in mōtana uerò nardo niger à Dioscoride describitur. Adde etiā, radicem nardi Indicę spicam nardi appellari ex Galeno in primo de antidotis, à formæ similitudine quam cum nō spicatis obtinet. Tu igitur diligentius singula reuocata ad trutinam considerabis.

De Lupulo, quem nōnulli salictarium appellant, tibi ac De Lupulo. Manardo assentiendum existimamus, illum scilicet calidæ esse naturæ: quod quidem si quis experiri uelit, sensui facile innotescat; tametsi Ruellius hunc frigidi esse temperamenti scripserit, quod tamē nulla ratione, aut experimento, aut saltem probabili aliquo argumento ostendit.

Sed cū de thymbra, hoc est, satureia dissertando, hortens De Thymbra sem ad omnia quibus expedit mala palam efficaciorē esse dixeris, syluestrem uerò in cibus meliorem, non minimæ nobis id admirationi fuit, cum Dioscorides primū huic medicas attribuerit uires, deinde statim subiunxerit, satiuam propter mitiorem eius acrimoniam cōmodius in cibos receptam, nisi fortasse hæc in typographum culpa reiicienda

fit, quod sanè nobis suspicandum est. Dioscoridis sententiæ adstipulatur Paulus Aegineta lib. vii. cap. de thymbra, horrensem quidem syluestri in omnibus imbecilliorē esse affirmans, in cibis uerò magis laudabilem: ut etiam de omnibus alijs ex Gal. constat. Cum uerò de hac herba nihil Galenus cōmemorauerit, quod quidem in uulgatis eius codicibus extet, suspicamur in hac parte, ut in nōnullis alijs, imperfecta, & corrupta esse, quæ penes nos sunt latine, aut etiam græcè ipsius uolumina: quam suspicionem planè mihi confirmat Serapio, qui in capite de satureia Dioscoridis uerba referens, Galeni quoq; sententiam de eodem medicamento scribit, quam quidem credendū est nequaquā citaturū fuisse, nisi eam ipse in Galeni cōmentarijs scriptam uidisset. Paulus thymbram uiribus thymi æmulam esse scribit: unde ipsius facultas inuestigari, & cognosci potest, iuxta certas Galeni methodos ab ipso traditas in libro primo de simp. med. cum experiri quis uult, cuius facultatis simplex aliquod medicamentū sit: non autem ut quidam ex nostris faciunt, mea quidem sententia, inter empiricos potius, & idiotas enumerādi, quàm inter uerè medicos, ac doctos, qui cum suam illam longam, & uanam experientiam iactauerunt nulla ratione adhibita, eoq; & fallacem, & inconstantem, quicquid alijs ueritatis & scientiæ studiosi, hiq; optimi medici pro cōmuni omniū usu certantes, in eorum deploratum medendi usum obiecerint, hoc uno experimentorū suorum responso dato, perbellè se confutasse arbitrantur, quòd scilicet probè res & feliciter, & ex uoto sibi euenerit. Ars enim Asclepiadis multa indiget contemplatione, & ex quisiata ac laboriosa in rebus exercitatione, ut ait Galenus in secundo de crisi, cap. ij. Nos uerò non Græcorum magis, quàm Arabum aut aliorum doctrinam, & ingenia nobis imitanda proponimus, sed disciplinarū rectam perceptionem, sed ueritatem ipsam.

Post illa carmina de scabiosa herba à tuo sene recitata, cū
ais, si

ais, si stœbes uires considerent, eadem quodammodo cum scabiosæ sunt; nescimus profectò quid temouerit, ut id diceres, cum pectoris humores uitiosos purgare, & apostemata aperire, & reliqua in illis quomodocumq; factis uersiculis cõtenta, uiribus, quas stœbe Dioscorides & Galenus attribuant, aduersentur; eam enim tantummodo adstringere, ac dysentericis, & sanguinis eruptionib. prodesse, easq; glutinare, & compescere tradunt; quæ quidem singulæ facultates liquidò scabiosæ uiribus cõtrariæ existunt. Magis autem ut admiraremur fecit, quòd scribis Dioscoridem, Galenumq; stœbe, siue colymbade (ita enim eam uocat Galenus in lib. primo de antidotis) uires attribuere, quæ in istis uersiculis scabiosæ attribuuntur, cum potius cõtrarium in proprijs Dioscoridis & Galeni de stœbe locis palàm uidereliceat. Neq; Manardi iudicium tecum sentientis libro v. epist. iij. in præsens approbamus, per stœben scilicet scabiosam intelligendam esse.

Stœben & Scabiosam uirib. differre.

Argumentũ insuper illud, quo suspicaris Geum garyophyllatũ esse, quia utraq; pectori, utraq; lateris dolori proficit, & quòd Plinius radículas illas boni esse odoris tradiderit, non magni profectò nobis momenti esse uidetur, cum Plin. id nõ latius describat, & ratio illa à uirib. sumpta nõ admodum efficax sit, cum herba cõplures pari facultate præditæ inter se conuenire possint, quæ tamen non eadem, sed planè diuersæ sint. Quamuis enim Lathyrus succũ similem tithymalis habeat, & eodem modo soluat, nõ audet tamen Gal. lathyrum dicere tithymali speciẽ esse, vij. de simp. med. Non ualde nobis tua illa ratio probatur, qua affirmare uideris, perficariam sine lituris siue maculis, idem cum hydropipere esse; eam autem quæ lituras habeat, hydropiper non esse, ob id uidelicet, quòd Dioscorides tam celebrẽ nõ tam in eius descriptione non omisisset; cum hunc autorem illud idem in plerisq; alijs simplicibus fecisse cõstet, quæ nõ omnino graphice suis depinxit coloribus, & lineamentis,

Perficaria sine maculis an sit hydro piper.

Nos tamen hæc dicere existimes nolim, quòd ab ista tua de perficaria dissentiamus opinione, sed ut, quæ omnia nobis scrupulum uel minimum afferunt, abs te aliàs magis explacentur. Hac autem in re tibi suffragantur Simon Genuensis, Eurytius, nec Hermolaus reclamation: etsi Ruellius aduersari uideatur, hydropiper apud Gallos eupatorium, nō uerum tamen esse pronuncians: quod cum minimè uerum sit de nostro cōmuni, & falso eupatorio, omnino existimandum est aliud ab illis pro uulgato eupatorio, quemadmodū etiam tu optimè annotasti, accipi. Sciendum præterea eupatorium à Galeno in quinto de compos. medic. secundum locos, & in ij. de antidotis, *πεντάφυλλον καὶ πενταπέταλον*, id est, quinquefolium à nonnullis appellari.

De alsine.

Dioscoridis caput de alsine, quæ à Galeno interdū Helxine nominatur, nos quoque fatemur magis pauarina nobis dictæ cōuenire, quàm gnaphalio: & facultates quas ei attribuit, frigidi, humidique temperamenti, eadem uidentur esse, quas pauarina continuo usu inesse aduersus calidos affectus experimur: quare tibi potius assentimur, quàm ijs qui hanc gnaphalium esse cōtendunt, cū hoc, ut Dioscorides & Gal. affirmant, adeò adstringere ualeat, ut & dysenteria mirè prosit, & aluū præclare supprimat: quæ quidem uis à pauarina natura longè absit, nullam ea adstrictionē, sed potius accommodatam aluo molliendæ uim habente. Ne omnino tamen non dubitemus, illud facit, quòd si teratur iuxta Dioscoridem libro iij. cap. lxxxix. cucumis odorem reddat, qui tamen in pauarina odor esse non apparet. quare in secundo eiusdem libro Hermolaus & Marcellus alsinen exponunt, non in quarto: in secundo uerò Dioscoridis libro Ruellij & Marcelli tralatio non habet illa uerba, de cucumis odore, licet Hermolaus illa uerterit. Quoniam uerò tuæ & nostræ Ruellius subscribit opinioni, eius sententiam hic adscribere uisum est. Sic itaque ille primo respondet: Caput lib. quarti Dioscoridis de alsine, ubi uerba de cucumis

cumis odore habentur, spurium esse secundum aliquos: caput autem lib. ij. predictas excipere dictiones, quæ difficultatē aliquam super hac re facere videntur: deinde, ut etiam de mus (inquit ille) adulterinum caput illud non esse, hoc modo à nobis Dioscorides intelligendus erit, quod trita alfine cucumis odorem repræsentat, non quidem maturi, sed cum musteus est, ac primum germinat: atque ita duplici responso hanc soluit controuersiam. Neque sanè in codice græco, qui penes nos extat, illa reperiuntur uerba, quod cucumis odorem reddat. Ratio autē illa qua Aëtium uirum doctum à calumniā tue rī studes, nobis quidē non ualde placet; non enim adeo uehemens est in helxine adstrictio, ut manus uice, ut ipse asseris, supra imū uentrē posita, eum possit comprimere, atque ita paulatim urinā expellere, quapropter magis tutū, & rationi cōsentaneum, ut tu paulo supra annotasti, esse existimamus, eam tanquā huic morbo non necessariā, & inutilem, uel fortē sapius ægrotis obfuturam, negligere, etiam si Aëtius ad urinam suppressam ea usus fuerit: animaduertimus enim quādoque Aëtium remedia nonnulla ab ipso ex alijs antiquioribus medicis excripta, nullius ueræ methodi cōsideratione habita, nec ratione addita collaudare, & quod magis admirandum est, quæ Gal. ipse damnauit, interdū recipere & cōmendare: ut in uenę manus sectione, in coriādri uirib. & hæmorrhoidibus sanandis, alijsque consueuit. De qua tamen Aëtij opinione, serm. xiiij. cap. v. ab eo prolata, ut Galeni methodis aperte reclamante, neque in usu medico negligenda, equidem libenter quid docti de ea senserint, audirem: nos enim inter tantæ autoritatis, & iudicij uiros sententiam nostram non ferre, neque quicquam hac in re decernere, utpote quod perdifficile nimis ac temerarium potius sit, neque nostrarum uirium pondus, satius esse existimamus. Sed ut ad Aëtium redeam, postquam de eo incidit sermo, argumentū illud, cum ait, ex Hippocratis sententiā xij. sextæ sectionis aphorismo: Omnes rescindi, & deleri hæmorrhoides debere,

nullamq; earum apertam & intactam dimitti, quoniam sanatio, integra est morbi & legitima solutio; quare omnes extirpandæ erunt, iusta uictus ratione, & opportuna cubiti sectione facta, quod optatum adipiscamur finem, quod Galenus fieri una ex illis dimissa arbitratus fuit; nobis non multum approbatur, tanquam non ita facile Aëtio credentibus, neq; ipsi tantum, ut Galeno tribuentibus, quare Galeni potius sententiam, Pauliq; nobiscū sentientis, pro uiribus tue ri conabimur. Primum igitur dicendum est, in Hippocratis codice, si ita, ut Aëtius uult, legatur, durum nimis illius sensum reddi, & qui legentem torqueat, cuiq; Delio natatore opus sit, ut scilicet per [asseruetur] uerbum, hoc est, si non certa uictus ratione utatur, nobis accipiendum sit. Postea cum addit, Sanatio autem integra liberatio est; uerum quidem illud esse fatemur, si de sanatione propriè dicta intellexerimus, non de ea quæ alicui, quocunq; fieri potest modo, contingit, quæq; ratione præcedentis ægritudinis habita, curatio appellari potest; atq; ideo ex hæmorrhoidibus unam rationabilius fuerit seruare, quàm omnes delere, ut in suprascriptæ aphorismi sectionis expositione scribit Galenus, & qui in omnibus suis scriptis fere Hippocratem reddere maxime studuit Celsus, ac imitari; in his enim morbi materia per eiusmodi uias excerni solita est; quinetiā natura ipsa per conuenientes illas sedis regiones multò melius ac commodius noxios per unam hæmorrhoidum seruatam fecerit humores, quàm ullus medicinae professor, etiam si omnium oculatissimus fuerit, per uenæ sectionem, qua humores etiam boni malis cōmixti educuntur. Huc adde, quod facile, ac certè cōmodum eorum exinanitioni tempus a nobis non ita cognosci potest, ut à natura, cuius ministri, atq; imitatores existimus, ut ait Hippocrates, & cui præcipuè morborum omnium curatio adscribi debet. Verba uerò illa Aëtij [si una non adseruetur] non rectè ac fideliter ab interprete in latinum uersa, unà cum Iano Cornario arbitròr, sed
 [si una

[si una asserueretur] legendum: aliter enim quid per illas uoces Aëtius intelligi uoluerit, nullo modo à nobis percipi potest, neq; cæteris cōueniūt eius dictis, & sententiæ. Puto autem ego hoc factū, dum is Hippocratis uerba attentius considerat, nō Aëtij: quod in multis rebus occupatis interdum accidere cōsueuit: idq; ex incuria potius, quàm inscitia euenisse existimamus. Qui uerò ex hac Hippocratis sententia ano hīrudines persepe applicant, ut extremū illorum, quos sanare non possunt, morborum perfugium, ita existimantes se à grauissimis uitæ periculis languentes quosq; liberos reddere posse, iam perspicuum esse arbitror, non rectè eos illius mentem percepisse: neq; remedium id, ut prædicant, tanti esse præsidij, cum longè maius & præstantius sequi auxilium rationabilius sit ex inueterata & cōsueta naturæ inactione, quàm ex arte tentata: neq; hīrudines sanguinē attrahant, qui in profundo corporis est, ut ait Galenus in libello de hīrudinib. Tibi uero, & ijs qui ingenio & iudicio plurimo pollent, hæc omnia examinanda relinquemus, & ad reliqua quæ restant considerata, me accingam.

Tuæ & Eurytij nos quoque citius subscribimus sententiæ, quàm Leoniceni & Manardi lib. viij. epist. iij. quod lingua ceruina phyllitis sit, non, ut illi existimant, hemionitis, cum Dioscoridis descriptio uobis magis, quàm his fauere uideatur. Huc accedūt uermiculi illi adhærentes, quemadmodum Manardus contra Marcellum notauit suprā citato libro, non autē pensiles, ut ille uerterat: de quibus in phyllitide mentio habetur, & non hemionitide: quod hī in lingua ceruina manifestè appareāt. Sed illud omniū maximè hanc è medio litem dirimit, remq; omnem aperit, quod Galenus hemionitidem amaram tradit: at lingua ceruina nequaquam amara est: quare hæc nō poterit esse hemionitis, sed potius phyllitis. Probationes Ruellij contra hanc tuam nostramq; opinionem, tanq; faciles ad refellendum, omittimus: atq; experimenta illa uulgaria, nulla quidem ratione

Linguam
ceruinam
esse phyl-
litim.

C

cōfirmata (ut aliàs saepe ostendimus) minimi apud nos sunt momenti.

Et si Hermolaus in Corollario, capite de arctio, scribat, brancam ursinam ueteribus incognitam, nos tamen tecū, Marcello, Ruellio, & Eurytio sentimus, cum illi singula conueniant, quæ etiam achantio.

De Malo-
bathro.

Quoniam plerique autores affirmant malobathro nos cārere, neque nostræ illud officinæ seruāt, pro eo spica nardi uti nos posse existimamus, si sincera & perfecta ad nos importaretur, quando hæc ex Galeno malobathro simillimis polleat facultatibus.

De Pepone, et
melo pepone.

Nec hoc in loco nactus opportunitatem, illud præterierim, tamen si fortasse tibi res uidebitur non magni faciendæ. Galenum in secundo de alim. facult. libro duo edidisse capita, nemo est qui dubitet, unum de pepone, alterum de melo pepone: diligenterque considerata eorum qualitate, & descriptione, posterius caput hunc, quo nos Cenomani in cibis cōmuniter utimur, melonem uocatū comprehendere uoluissē: prius uerò caput, quod uulgò pepona appellatur, quemadmodū Hermolaus, & Marcellus quoque tecum sentire uidentur. non nihil tamen nos turbant Galeni uerba iuxta finem capituli de melopepone in hunc modum exarata: Pars porro intima, carni semen inclusum tangens cum in peponibus edendo nō sit, in melopeponibus passim ab hominibus comeditur, deiectioni nō inutilis: quia ut bene norunt hi, quibus familiaris est fructus huius cibi, peponæ pars carni eius contigua semen cōtinens, æquè nullo discrimine à nobis comeditur, ac reliqua pars, cortice tamē dempto, eoque tenui. Nec potest esse primum illud caput (quemadmodum ipse etiam annotasti) de pepone anguriæ uocatæ caput, cum magis illam sub cucumeris titulo collocari æquum sit. Sed cum Paulus Aegineta primi lib. cap. lxxx. qui quidem à Galeno in secundo de alim. facult. singula accepit, peponem, tamen si melopepone non ita multū damnato, im-

to improbet, tanquam uitiosi succi, & uomitui aptum, & gi-
gnendæ cholerae, si non coquatur, & à uentriculo conficiat-
tur; mirū uidetur, tam expetitum esse in cibis, ut auidè eum
omnes suo tempore esitent, nullumq; ipsius nocumentum
timeant; nisi enim uelociter deorsum tendat, noua corru-
ptione uitiat, & in succum letalibus uenenis similem uer-
titur, ut est in lib. Galeni de cibis boni & mali succi. Vbi ani-
maduertendum est, Andernacum locum hunc Pauli non
rectè uertisse; sic enim ille ait, ὁ δὲ πέπων ὅλως μὴ κακόχυμος τὸ
ἔστι, καὶ ψυχρὸς, καὶ ὑγρὸς, καὶ ἐμετικὸς, μὴ πεφθὲς δὲ, καὶ χολέραν ἐρ-
γάζεται. hoc est, peponem quidem omnino mali succi est, & frigi-
dus, & humidus, & uomitui aptus; non coctus uerò chole-
ram facit, non bilem, ut ille transtulit. χολέρα autem utriusq;
uentris subuersio est, superioris scilicet & inferioris. Quem
quidem errorem prius ac nos Psellus animaduertit lib. pri-
mo & secundo de ratione uictus, peponem anteq; transmu-
tetur, ad uomitū excitare dicens, præsertim copiosius sum-
ptus, nisi quis modò boni succi assumat cibos. Idem confir-
matur à Galeno in libro de boni & mali succi cibis, peponē
scilicet non boni succi esse; & licet Galenus ibi concedat ad
calorem & siccitatem restringendam, pepones, mora, cera-
sa, cucumeres, & huiusmodi, quæ uitiosi sunt succi, parcius
tamen eis utendum esse iubet. Præterea χολέρα, ut ait Alexan-
der Trallianus lib. iij. cap. xiiij. nemo credat à Græcis appel-
lari ob bilis, ut uulgus putat, abundantiam, & cholerica no-
minari biliosa, sed à multo biliosæ materiæ fluxu, qui super-
nè & internè fit; prisca namq; Græci χολάδες intestina laxio-
ra, quòd in ea χόλη fundatur, appellant, & inde morbum cho-
lericum, &c. fortasse uerò χολάδες non à χόλη, sed quòd laxa
sint, quasi χολιάδες dicta sunt.

2. de alim. fa-
cult. cap. de sy-
camine.

Cum Plinius lib. xix. cap. primo de asbestino lino abun-
dè egerit, atq; quid esset docuerit, nescimus quæ ratio mo-
uerit, ut illud ex amianto lapide fieri fueris arbitratus, cum
id nusquam apud idoneū autorem te legisse scripseris. Non

De Asbestio
no lino.

enim sequitur, licet lapis ille fuso duci possit, ut propterea idem sit cum asbestino lino.

De Linaria. Eurytius & Ruellius linariam eandem esse cum osyri affirmant; nos tamen cum linariae nostrae copiosus sit ualde foliorum numerus, eorumque ordo per totum caulem dispersus, colorque illi niger absit, non ita facile autoribus his assentimus: sed an illa sit dubitamus, & in tuam potius sententiam animus inclinatur.

De Coriandro De coriandro autem non parum admirati sumus, cum id frigido constare temperamento scripseris: quodque magis Dioscoridem tibi imitari placuerit (quem tamen etiam Ruellius sequitur) quam Auerroem in v. Collect. Galenumque in primis late differentem, coriandrum calidi esse temperamenti, atque a refrigerandi uis distare, vij. de simp. med. Scis autem quanti faciendae sint in medendi opere certissimae Galeni methodi, eiusque diligens inuestigatio, praecipue cum quipiam sibi examinandum proponit. Quamobrem quid de hac Galeni in Dioscoridem disceptatione & confutatione senseris, pro illius tuendis rationibus, quem in re ista potius tibi imitandum duxisti, quam Galenum, sectatoresque illius, notius facies, si quando, maioribus studiis intermissis, his uacare contingeret. Cur autem Paulus & Aetius de hac controversia nihil memoriae mandauerint, dignum consideratione uidetur: quemadmodum & de nonnullis alijs.

De Lupino. Etsi lupinus amaritudine per macerationem deposita medicamentum emplasticum efficitur, eiusque ita macerati alimentum crassi succi est, & coctioni resistit, neque facile per alium secernitur (quanquam non sicut adstringentia alium cohibeat, & compescat, ut scribit Gal. in vi. de simpl. med. & in libro de alim. facult.) dicendum tamen non est lupinum aqua maceratum (quod tu affirmasti) uentericulum corroborare: id enim adstringentium medicamentorum munus est, in quorum quidem catalogo a doctis lupinus non connumeratur, quemadmodum Galenus plerisque in locis manifeste explicat,

explicat, præsertim in cap. de memithe, de capno, de mâlis, in secundo de alim. facult.

Cicutæ genus à recentioribus nonnullis duplex poni nō De Cicutæ.
ignoras, cuius quidem alterum calidi temperamēti existat, alterum uerò frigidi, ex similitudine hallucinantibus. Myrrhis enim adeo cicutæ folia similia habet, ut eam, decepti similitudine, cicutæ generi adscripserint, ut Hermolaus annotauit; cuius expositionem in Celsi locum libro v. cap. vi. cicutam inter erodentia cōnumerantis, an de caule, qui calidus sit, id intelligi debeat, nō de folijs, quæ frigida sint, aliàs diligentius inuestigandum, quod tamen si uerum esset, difficillimum ad credendum opinarer Galenum (quem quidem ego omnia sciuisse nō existimo, id enim à ueritate alienum est, sed ea industria, diligentia, doctrina, & iudicio ualuisse, ut in re, quam ipse pertractauerit, ei sit, tanq̃ grauissimo testi, & naturæ solertissimo indagatori credendum) de cicutæ ut summè frigefaciente differentem, de his adeo inter se cōtrarijs cicutæ partibus (quod quidem ego hætenus uiderim) nihil memoriæ prodidisse: non quidem quin fieri posse existimem, ut in una planta diuersarum temperationum partes sint, ut manifestè asserit Gal. in tertio de simpl. med. in plerisq; locis; ut, exempli gratia, medijs radix, quæ austera est, & fluxiones cohibet, semen uerò eius tenuium partium est, & incidit, & menses ciet; imò & in eodem semine, ut in eiusdem sexto de phasiolo scribitur: quod cum amarū sit, & subacerbum, excreationibus pectoris conducit, & iecur expurgat, & sanguinem spuētes iuuare creditur: propter enim temperamenti narium discrimen, & mistionem, contrarijs etiam cōgruere uidetur morbis. Itidem & de centauro magno, uitice, oxylapatho, & multis alijs constat: quamuis de uitice hætenus nobis nō planè constet, sed potius Galenus in secundo de comp. med. secundum loca, suuspectus admodū esse uidetur, aut aliter intelligendus, cum sensui, & ijs quæ ab ipso de illius natura & uī tradita sunt in

De Epime-
lide.

vi. de simplici medic. apertè repugnare uideantur.
Porro si secunda mespili Dioscoridis species, ab aliquib.
fetanum appellata, ab alijs epimelis, nostrum erit mespilum,
ut Marcellus & Manardus tecum sentire uidentur, nosq;
item non abnuimus; restabit tamen nobis adhuc incognitum,
quid epimelis Galeno fuerit: ipse enim in vii. de simp. med.
memecylum arbuti, quæ à Græcis comarus dicitur, fructum
esse scribit, unedonem uero epimelidis: de quibus sanè &
Plinium in lib. xv. cap. xxiii. & in libro xxii. cap. vii. confu-
se quidem locutum fuisse apparet, ut bene in primo de com-
pos. medic. secundum locos, Ianus Cornarius annotauit.
Illud etiã nobis non constat, quoniam in loco Galenus, Pau-
lusq; arbutum, siue comarum, quod idem est, rem sanè à me-
spili utroq; genere distinctam, nomine uero & effigie simi-
lem, epimelidis uoce appellauerint, ut Manardus uoluit, cum
aliter potius sentire uideantur: quod si quis nobis demon-
strauerit, ei nos magnam habebimus gratiam.

Perbellè sanè etiam illæ tuæ nobis satisfaciunt rationes ad
difficultatem de lente soluendam adductæ: cæterum cum ali-
quid tibi & mihi approbandum, quod tuum & meum confir-
met propositum, occurrit, illud ex Galeno tanq; omnium medi-
corum exemplari optimo, eoq; absolutissimo, ac quodam in
re medica Polycleti doryphoro potissimum sumi, quoad no-
bis fieri potest, maximè cuperem, non ex ijs qui pleraq; no-
bis confuse tradiderunt, & malè.

De Orobo. Quod ad orobum attinet, nos eum existimamus nequa-
quam eruiliã esse posse domesticã, quæ Ianuario mense fe-
ritur, & pax illis quibusdã postea inherens, eosq; scandens,
fructum parit, de qua Manardus lib. primo: sed eruiliã, quæ
Ferrariensib. ruuione dicitur. Quicquid autè illud est, certum
est nullo modo orobi facultates eruiliæ conuenire posse, cum
quia orobus grauedinosus traditur à Diosc. & sanguinem
per urinæ meatus, si, ut ille & Galenus aiunt, largius sumat,
euocans, tum quia in cibis eius usus damnatur, tanq; ingra-
tissimus

tissimus, amarusq; est secundū Gal. Satiua uerò eruilia Bri-
xianis lingua ipsorū uulgarī Rouaiot, nostris autem Vero-
nensibus Bisi appellata, neq; amara est, sed potius dulcis, &
ad cibum hominī nō tantū non damnata, sed suauis, & que
plurimū comedentes oblectare possit. Sanguinē uerò per
urinæ ductus, quod quidē aut ego uiderim, aut aliūde acce-
perim, nunq; ciere uisa est: neq; capiti grauitatē affert, ut ex
ijs qui ea creberrimē uesci consueuerūt, manifestū est. Qua-
re plurimū hallucinantē pharmacopolæ qui orobi uice erui-
liam altilem seruant, eamq; pro orobo uendunt. Præterea
quis unq; suspicari posset in eruilia hac nostra illam secun-
dæ sedis exiccationē inesse, quæ in orobo ad curandas gan-
grænas pollet. Cum autem aphace, & uitia, uiribus nō mul-
tum inter se differant, ut etiā Manardus notauit epist. iij. li-
bri ix. Galenī testimonio in secundo de alim. facult. fretus,
cumq; aphace, ut est in vi. de simpl. med. sit non modicē ex-
iccans, & modici caloris, orobus quoq; similiter libro eius-
dem viij. ad secundam usque siccandi perueniat sedem, pri-
mamq; excalfaciendi: iudicarem, orobo non inuento, mini-
mē esse absurdum aut aphace, aut uitia uti, consideratis pri-
mis istorum qualitatibus, quemadmodū ad gangrænas lau-
datur in secundo ad Glauconem: obstructionibus autem
aperiendis quibus orobus expetitur, utilisq; est, utrunque
minimē esse accommodatum dicimus, ob adstringendī uim,
quæ inest utriq;.

Scribit Galenus ammi subamarum esse, neq; (ut ais) Dio-
scorides album esse dicit.

Cur uerò cari exiguum semen esse iuxta Dioscoridis sen-
tentiam dixeris, nobis quidem incompertum est, cum ille
eiusmodi esse minimē tradat, & Serapio crassius esse fateas-
tur cymīno.

Quod melanthium siue nigella, & Gith in segetibus
nascens idem non sint, quemadmodum ipse affirmasti,
reclamat Ruellius, cui & nos magis accedimus, quàm

Melanthium
& Gith idem
non esse.

tibi:ait enim hæc inter se longo distare discrimine, & uulga
re hoc gith siue pseudomelanthiū, à nobis sermone uerna-
culo gloton appellatum, ideo nigellam esse non posse, quia
ei senecionis folia nō adsint, er uacæ modò, sed porracea pos-
tius, licet angusta; & quia in capitulo membranæ semen in-
tercurfantes non existunt, quales in melanthio esse scribit.
Hermolaus quoq; affirmat, quod in segetibus gignitur gi-
thone uulgò nominatū, non esse uerum melanthiū. A quib-
us autem Hermolaus & Ruellius, qui multa ab eo sum-
psit, acceperint nigellæ folia fœniculi folijs esse similia, quib-
us uel fundamentis innixi sint, equidem nos latet, nisi illud
ita esse certo comprobauerint experimento.

De Atriplice. Manardus de atriplice lib. ix. epist. iij. eadem ferè, quæ &
tu annotasse uidetur, uulgò scilicet trepexum cognomina-
ri, ab alijs chrysolachanam, Spinaciam uerò ipsius speciem
esse suspicatur: meminitq; Hermolai, qui nolit atriplicem esse
spinaciam, Maximè autem in hoc differunt, quod spinacia
semen habet spinosum & aculeatum, unde nomen sortita
esse uideri potest; atriplex autē secus, Attramen si uires quas
atriplici Galenus tribuit, accuratè considerentur, easdem fe-
rè spinaciæ conuenire constabit, utpote quæ & frigefacere,
& humectare, & mollem aluū reddere possit, & adstrictio-
ne careat: quæ singula de atriplice & malua à Gal, & Dio-
scoride traduntur.

De Aspa-
ragis. De creueram ad te nihil de asparagis altilibus siue regijs
scribere, sed cum Hermolaus dixerit, ueteribus eos incogni-
tos fuisse, nonnulla de his quoq; scribere licitū est, cum præ-
sertim Galenus de asparagis regijs in hortis prouenientib;
mentionem faciat. Nisi fortasse Hermolaus non intelligit
Hippocratem, & anterioris etiam ætatis autores, quoniam
Plinius de asparagis domesticis manifestè locutus fuit, ma-
gno quæstui & usui olim in delicijs habitis: quem quidem
Hermolaum sæpenumero legisse, ac cōsiderasse, notius est
quàm ut probatione ulla opus sit, Præterea etiam Dioscori-
dis de

dis descriptio, qui *σώργονος*, hoc est, coæuus Plinio existimatur, non magis fatiuis quàm erraticis conuenit.

Scimus Hermolaum dicere, se non planè compertum habere, an salix amerina idem quod agnos siue uítex sit: uerū quia nullis, quod suspicatur, coniecturis aut rationib. probat, propterea cum Dioscoride, tecumq; sentimus.

Notissimum est Galenum in v. de simpl. medic. cap. xx. apium ad lactis generationē cōmendare: eoq; miror, dum ea quæ de apio scribis, percurro, quid Ruellium induxerit, ut prouentū lactis in mammis eo extingui, & hoc cibo infantium nutrices interdici dicat secundum Græcos.

Quod lachryma uulgò ita appellata, lithospermi species sit secundum Dioscoridem, Ruellius quoq; tuam comprobabat opinionem: cui tamē nobis maxime obstare uidef cum foliorum diuersitas, tum etiam quòd lithospermi tantū unicam Dioscoridis speciem esse tradit: quamobrem lachryma non poterit esse lithospermi species, cum aliam figuram folia habeant, neq; plures eius sint species: quo argumēto ipse quoq; suprà contra recentiores ponentes duplicem nigellam usus fuisti, quia illius non sit nisi unum genus à Dioscoride memoratū. Aut ergo Plinius aliud lithospermon pinxit, aut si idem descripsit, folia diuersa expressit à Dioscoridis folijs, & ita etiam sola species restabit. Quantū uerò attinet ad lachrymæ experimentū, quod ad tuam firmandam opinionem protulisti, sic respōdemus: nisi quid longo usu homini prodesse compertum sit, haud facile esse recipiendum ac laudandum secundum Galenum: quare tuo illo experimento non satis ostenditur Dioscoridis lithospermon id esse quod uulgò lachrymā appellamus. Galenus de hoc nihil meminit, quod quidem legerim, etsi Serapio illius uerba de lithospermo attulerit, Paulus quoq; idem, quod Dioscorides prodidit, An uerò Theophrasti diospyron Dioscoridis & Plinij lithospermon sit, quod Hermolaus in capite de ceraso suspicatur: quo etiam in loco Theodorum taxat,

D

An Lachryma
Lithospermi species sit.

qui tertio de historia plant. pro diospyro flammā Iouis uer-
terit; alias considerabimus.

Plinius de-
fenditur.

In staphide agrīa Plinium à crimine cōfundendī stirpes,
quod te in eius librisprehendisse scribis, uidemur posse
defendere. Etsi enim is dicit libro xxiiij. capite primo, contra
Celsum, eius tamen nomine suppresso, uuam taminiam à
staphide agrīa distingui, falsoq; eandem esse putari: quam
mox tamen taminiam lib. xxviij. cap. xiiij. phthiriasi conser-
re tradit, quod etiam staphidi agrīæ inter alias eius uires at-
tribuerat: ob id tamen non est staphidis agrīæ uires taminie
uuæ adscribere, neq; eandem cum taminia esse existimare:
non enim omnes, aut certè plurimas, sed tantummodo pau-
cas, imò unicam staphidis agrīæ facultatū taminie assignat;
neq; si rectè coniicio, id est unius simplicis uires cum alte-
rius uiribus confundere, & idem ambo illa esse existimare,
ut suprà etiam in Geo ostendimus: quare nulla uideri de-
bet in Plinij uerbis discordia, aut inconstantia. Sed quoniā
pleriq; recentiorū grauissimī uaria de his tradiderunt, præ-
sertim Hermolaus, Leonicensus, Cornarius & Marcellus,
tuum hac de re, ut dereliquis, fuerit iudicium. Hoc tantum
dixerim, priusquam in eruditorum albo quispiam scriptus,
siue is ex antiquis fuerit, siue ex recentioribus, ignorantie
condemnetur, etiam atq; etiam nobis considerandum esse:
quemadmodū Galenus de Philotimo & Praxagora scribit
in iij. de tuenda ualetudine libro.

De Characia.

Ad probandum quòd characias tithymalus sit, quæ uul-
gò cataputia appellat, non lathyrus, ut Manardus super Me-
fuen in cap. de kerua, Leonicensus, Simon Genuensis, Ru-
ellius & pleriq; alij confirmant, quodq; ea quæ uulgò cata-
putia dicitur, maior sit an minor, tibi efficacioribus uel ma-
ximè opus esse argumentis & testimonijs, quæ tuam appro-
bent, necnon aliorū refellant opinionem, existimamus. In-
ualidis nancq; argumentis aduersariorum rationes confu-
tasse mihi uisus es, nec tuam, ut par erat, corroborasse: lathy-
rim

rim enim secundum predictos autores minorem cataputiā esse, & à nostris herbarijs cassuzo appellari cōstat. Sed cum duplex sit cataputiā, maior & minor, uiribusq; utræq; eisdem ferē insigniantur characias & lathyris, & cum primis qualitatibus, & purgandi ui consentiant, ambæq; & pituitam, & bilim detrahant, ut ex Dioscoride patet, licet lathyris aquas educat, & characiæ radix aluum soluat, non lathyridis, utra harum fuerit, quæ uulgaribus cataputiā nominatur, non magni refert, cum (ut dixi) æqualibus ambæ penē præstent facultatibus; quare nobis in his amplius immorandum non est, sed ad cæteras Examinis partes accelerandū.

Aggrediemur igitur ad illud tuū de sementina argumentum infirmandum, quo uteris ad probandum hanc nō esse fantonici semen, quod seriphij absinthij semina maiora sint quàm sementinæ, & diuersa; non enim ex eo colligitur, sementinam non esse semen absinthij fantonici, quoniam nō eadem res est absinthium seriphium siue marinum, cum absinthio fantonico, quod in Gallia provenit, quare nihil mirum, si eorum semina diuersa sunt. Manardus lib. iij. epist. prima, fantolinā, quæ & sementina appellatur, absinthij fantonici semē putauit; additq; hoc fantonicū à Dioscoride absinthium marinū dici, cum tamen secundum eundem duo sint genera diuersa, fantonicum, quod est tertium genus ita propriè nuncupatū, & marinū absinthium, siue seriphium: quanq; & hoc à quibusdam fantonicū dici scribat. Vtrunq; autem ad eadem ualere scribit Dioscorides; tametsi Galen. seriphium stomacho inimicū esse tradat, & in reliquis ab eo differat, viij. & vi. de simp. med. circa principium. Ruellius, quam Galli borbontinam uocant, quod tu etiam sentis, nobis sementinā dici mōstrat, & esse absinthij seriphij semen, quemadmodū & Manardus. Quibus rationibus constabit sementinā ueteribus innotuisse, quoniam uidetur esse absinthij seriphij semen, quod etiam à nōnullis fantonicū appellatur. Ad hæc Serapionis quoq; scripta citas; uerū hæc uox

An sementi
na sit fantoni
ci semen.

[sementina] in nostris quidem uulgatis codicibus non habetur; quare si in eo autore non est, Arabum sententiæ, id quod tu asseruisti, probare non uidentur; sed potius, si illæ diligentius considerentur, kanabel, siue, ut Auicennas, cambil semen esse, nō terram demonstrant, uel ob id præcipue, quia Serapio in herbarum seu seminum classe, nō terrarum illud connumerat.

Ætlio uerò nucem Indicam nos innotuisse scimus, ut est in quadam eius suffumigij muscati compositione, lib. xvi, cap. cxxxiiij.

De Opobalsamo.

Et mihi, & reliquis medicinæ studiosis collegis nostris pergratum faceres, si quando aliqua, eaq; animaduersione digna, inter rei medicæ procures existit controuersia, illam pro uirili parte tua tollere conareris, eosq; concordēs reddere studeres, qualis præsens est de opobalsamo. Dioscorides enim illud maximè excalfacere tradidit: Galenus autē in vi. de simpl. medic. tanq; reprehensione dignos, qui tale quicquam de eo existimant, corrigit, utpote qui partium tenuitate sint decepti. Habendæ porro, si, quæ scribit, uera sunt, Ioanni Ruellio gratiæ, qui postquam nos docuit, huic soli non esse credendum notæ, quod scilicet proprius balsami succus in aquam proiectus fundum petat, quoniam & alij liquores ita à pharmacopolis parantur, ut & ipsi itidem in aquam descendant. Aliud deinde subiūxit, quo syncerū opobalsamū ab adulterato dignoscatur, quod est, si ferrum uero balsami liquore perunctū igni apponatur, ardere, fictio uerò nequaquā. Quod autem opobalsamū uarijs adulteretur modis, ut etiam exercitatissimos lateat, scriptum est à Galeno in primo de antidotis libro. Scio quidem de prunis autorum diuersa sententiū discordiam te animaduertisse, aliāq; nonnulla, ut sunt ea quæ in piperis examine annotasti; uerū cum Dioscorides nigrum albo acrius esse prodiderit, Galenus uerò contrā, Paulo & Ætlio illius opinio nem confirmantibus, tum in viij. de simp. medic. tum in ix. de comp.

comp. medic. secundum locos, in philonij descriptione album piper nigro acrius existere scripserit, quia hoc superas-
fatum sit, probationem experimento addens, quod in hac
re primum esse ducit: idcirco earum omnium dubitationū
tuam in primis expectamus solutionem.

Quæ de garyophyllo in Galeno indicasti, nos quidem
unquam nec uidere, nec legere contigit, etsi Serapio illa ci-
tat: & ideo quonam è loco sententiam illam sumpseris, no-
bis ostendere nō grauaberis, pro tua in omnes singulari be-
neuolentia; nisi Serapionem alios habuisse Galeni codices
quàm nos dixeris.

Quod de prunis quoq; scripsisti, paulò antè à nobis cita-
tis dubitatiunculis nō est dissimile: uerū ab opinione tua
nobis, ut in nonnullis alijs, pro tuenda ueritate, recedere li-
ceat, & sensum nostrū tibi aperire. Quod enim de Galeno
arbitraris, nec æquum esse, nec rationi consentaneum uide-
tur, illum scilicet non animaduertisse Dioscoridem de exi-
catis prunis locutum fuisse, sed putasse de recentibus, & hu-
mectis sensisse, quòd scilicet illa aluum nō deiciant. At Ga-
leni mens est, Dioscoridis opinionē, siue de siccis siue recen-
tibus intelligenda sit, tanq; à uero alienam refellere, ac con-
futare, libro vij. de simpl. med. Non igitur rectè, iudicio no-
stro, Galenum hac in re non satis oculatum, & prouidum,
& qui illud nō probè animaduertit, demiraris, quasi Dio-
scoridis scripta sæpius non uiderit, & singula diligenter, ac-
curateq; pensauerit, eorumq; sensus etiam difficiles exa-
ctè non elicuerit atque intellexerit: de illis enim prunis, quæ
sicca sunt, priuatim nobis præcepta tradenda esse, & certio-
ra existimauit, de quibus antea Dioscorides scripserat: quæ
licet cæteris aluum minus moueāt, eam tamen mouere ma-
nifestis constat & quotidianis experimentis, ut inquit Ga-
lenus: quod idem comprobare uidetur in secundo de alim.
facult. qui de prunis mentionem faciens, quasdam paruas,
duras, acerbis, & in cibo permolestas, mouendæ aluo mini

mè idoneas excepit, ac si alia omnia id probè præstare possint. Sed ne satis quidem nobis notum est, quid per acrem in prunis gustum intellexeris, nisi fortè acidum; aliter enim hoc, quod dicimus acre, non est prunorū proprium, & peculiare, sed aliorum quæ à prunorū natura longè differunt, ut Galenus latè ostendit in iij. de simpl. medic. cap. xvij. & Plato in Timæo, Celsusq; præsertim & Plinius.

Cydonitis cōpositio ueteribus haud ignota,

Quod scripseris eam ex cotoneis compositionē, quæ cydonitis dicitur, ueterib; medicis incognitā fuisse, nobis non modicæ admirationis causa fuit, cum Galenus in sexto de tuend. ualitud. & in ij. de alim. facult. & alibi hanc compositionem nos abundè edoceat, ex cotoneorum carne, alijsq; rebus præparatam, quæ diacydonios uel cydonitis appellatur; nisi fortasse per illa uerba aliud intelligendum esse existimasti; quod, quia nobis nō constitit, ideo hæc pauca quodque hac de re annotauimus.

De Sorbis.

Galenū de sorbis scribentem, quod adstringant, tam de maturis quàm immaturis intellexisse uerisimile est; alioqui enim distinctius locutus fuisset, tanq; omnium, qui in re medica unquam scripserint, diligentissimus. Quod autē matura quoq; adstringant, ex gustu apparet, quanq; immaturis minus, minus etiam mespilis, Galeni testimonio: cui enim dubium est illum de sorbis absolutè loquentē de maturis intelligere uoluisse. Præterea si corni fructus ab initio sui ortus ad extremū usq; acerbus perseverat, ut ipse ait in iij. de simp. med. cap. vij. nulla alia magna mutatione siue alteratione accedente, præter ipsius augmentū: sorbus uerò maiorem adstringendi uim obtineat, q; mespilus, idemq; cum mespilo cornus possit; manifestū esse arbitror sorba, cū maturuerint, adstringendi munere omnino, ut ais, priuari dicendum nō esse. Verū cōcedimus, quæ bellè maturuerint sorba immaturis minus adstringere, ut pira, rubi fructus, oliuæ, & pleraq; alia, quæ secundū eorū diuersam aetate, eorum etiam qualitates mutant. Si quis autem experientiā, & sensum

sensum consulat in explorandis saporū differentijs optimū ducem, ita, ut diximus, certissimū esse comperiet.

Porro aduersus tuam & Leonicenī de cubebis opinionē, quod illae nō sint Galeni carpesiū, ita ad tua argumenta respondendū esse existimamus, & potissimū ad illud ex Gal. sumptū, cum ais: Galeni carpesiū festucas quasdam esse, cubebas uerò fructus, siue baccas: quare carpesiū cubebae esse nō poterit, quo quidem fundamento, quod ualidissimū esse putaras, protinus tuam opinionē cōfirmasse tibi uisus es, tametsi nō admodum efficax nobis illud est: quoniā nō est absurdū cubebas harum festucarū, hoc est, carpesij esse fructus, siue baccas, quāuis in medendi usu Galenus festucas magis approbauerit in libro de antidotis: nam in eo, quem pro se Leoniceus adducit de theriaca ad Pisonem, quod ait, nos nō comperimus: tametsi putandum est in ipsius codice extitisse, alioqui citaturū nō fuisse, ut cui iure multū credi possit. Hermolaus Galeni carpesium Arabum cubebas esse, Leonhartus quoque Fuchsius in paradoxis idem affirmat, & Ruellius Aëtij & Actuariū uiros inter græcos medicos doctos, tanq̃ certiora testimonia citans sibi utiq̃ patrocinantia. Ante istos uerò, quos proximè scripsi, recentiores Simon Genuensis prodidit carpesiū idem esse cum cubebis: qui tamen cum de his agūt, de baccis, nō festucis mentionem faciunt. Ianus Cornarius eadem ferè, quæ tu etiam scripsisti, hac de re sentit: quare quæ à nobis, ut tibi fiat satis, obseruata sunt, illi quoq̃ accommodari poterunt.

In colocynthidis mentione libet dicere, quod de te interdum suspicati sumus, morbo quodā animi (quod tamen bona tua uenīa dictum sit) in Manardum, seu potius studiōrū æmulatione te accensum fuisse, quod uidere licet etiā in ijs, quæ de colocynthide scribuntur: non enim in ea Mesue reprehendit, sed magis illius mentem Pauli autoritate confirmat. Verū, si quæ de ea Dioscorides tradit, accuratè considerentur, nonnulla illi à Mesue adscribi inueniemus,

Cubebas Galeni Carpesium esse.

De Colocynthide.

de quibus quidem nullam fecerit mentionē: uirentisq; succo colocynthidis ischiadicis utiliter perfricari, & à Galeno & Dioscoride scriptum esse, quod ille nisi ad exactam maturitatem peruenerit fieri posse negat,

De Pistacijs

Sed quæ de pistacijs cōmemorasti animaduertentes, ac ea quæ te plurimū præstare putamus, singulari doctrina, & ingenij bonitate confisi, te obsecramus, ut nobis dicas cur illa Alexander Trallianus lib. iij. cap. de dysenteria ex gelida hepatis intemperie facta (nisi forte locus ille typographi negligentia, aut interpretis inscitia corruptus est: non enim fidum aliquem nacti sumus, neq; etiā apud nos codex ullus græcus est, ex quo, si quis in latino est, error deprehēdi possit) ita illa damnet, ut citissimè putredini obnoxia, & in biliosos humores transmutabilia, & summè in morbo uitanda: cum ad iecur refocillandum, & ad obstructions tollendas Galenus ea approbet in ij. de alim. facult. libro, & in viij. de simp. med. quæ quidem plurimi facienda sunt in medendi exercitatione: curq; uolueris (cum tamen id nō satis cōster) pistacia excitandæ, ac subleuandæ ueneri utilia esse, cum modici illa alimenti sint, ut ait Gal. in ij. de alim. facult. neq; flatum generare cōstet, neq; humida esse, cuiusmodi solent esse ea quæ uenerē prouocant & incendūt. Generant siquidem cibi semen, qui bene nutriunt, & totis substantijs familiares sunt; medicamenta uerò quæcunq; calida sunt, & flatus nō immunia, absq; desiccatione: similiter dicendum de ijs quæ medicamenta simul, & cibi sunt. Supprimunt uerò cōtraria: etenim cum seminis substantia ex bona superfluitate generetur, sitq; etiam flatus particeps, bene nutriant & inflent necesse est, quæcunq; semen aut procreare, aut prouocare possunt, ut est in quinto de simpl. med. lib. cap. xxij. & in secundo de alim. facult. ubi licet spōbiæ, hoc est, conus uel coccalus, uel pinea nux inter ea connumeretur, quæ huius generationi apta sunt edulia, sitq; boni, & crassi, & nutrientis succi, nō tamen pistacia hanc uim sortita esse dicendum

dum est; nisi quispiam horum substantiam & naturam, à pi-
nearum minimè, uel parum differre uelit. Et licet Galenus
eiusdem vii. dixerit strobilum cum humiditate quampiam
habere acrimoniam, illud de ijs dixit, qui toti uirides sunt,
& recentes, non sicci, & antiqui, quemadmodum sunt qui-
bus cōmuniter utimur.

Valeriana, quam Ferrariæ habetis, notas phu Dioscori-
dis conuenire non negamus: sed mirum est Leonicenū ue-
strum & ipsum ciuem, & medicū diligentissimū, data ope-
ra de hac differentem, hæc non animaduertisse, sed ualeria-
nam à nonnullis phu existimari tantum scripsisse, quod ta-
men tu citra omnē dubitationē affirmare nō dubitasti, ma-
gnitudine sola excepta, qua à Dioscoridis phu (ut ais) differ-
re uidet, illi quibus in cæteris notis similis sit, ac conueniat.

De Valeriana.

Et sanè, ut suprà etiā scripsi, acrem saporem ex Galeni
iii. de simpl. medic. cap. xviij. aliū & diuersum esse ab eo,
quem tu oxymirsine, siue rusco attribuisti, apparet: quare
etiā hoc tibi, ut parui tamen momenti, significatū uolui.

Quod aristolochia prægñatibus succurrat, ut inquis, nul-
la quidem apud Dioscoridē mentio facta est in aristolochie
capite: sed eam puerperis prodesse, & uuluarū, quæ à puer-
perio supersunt, oneribus, tum potam, tum subditam, non
est negandum: etsi Plinius lib. xxv. cap. viij. dicat, grauidas
aristolochiæ nomen dedisse, quod esset ipsis optima, Dio-
scoridis uerba sunt hæc: *ἀριστολόχια ὀνόμασαι μὲν ἀπὸ τοῦ ἀριστο-
λόχου ὁνομάσαντος τὰς λοχίους*. hoc est, si ad uerbū transferas, aristo-
lochia appellata est quidem, quod optimè auxiliari uideat
puerperis. Fortasse autē ut in hunc modum scriberes, cau-
sa fuit, quod dum, an cyclamīnos aristolochiæ species esset,
contra Leonicenū disceptares, id quod cyclamini peculia-
re est, aristolochiæ attribuisti: de cyclamīno enim sic scribit
Dioscorides, *ὅτι δὲ καὶ ἐν τῷ κυκλάμινῳ πρὸς ἀπὸ τοῦ μὲν*, id est, est uerò etiā
medicamentū ad accelerandos partus, si parturienti allige-
tur, Marcellus uertit, adalligata prægñantibus partus ad-

De Aristolochia.

E

iuuat, Cū uerò Dioscorides dixit, cyclaminon caulem ferre altitudine digitorum quatuor, hoc fortè de florum caule intelligi uoluit, nō foliorū: sicuti etiam in narcisso fecit: in cyclamino enim caulis folijs nudus adsurgit, quare non absq̃ ratione Manardus aduersus Mesuen inuehitur. Item et si Manardus dicit Galenū, Auicennamq̃ nullam calidā, aut sicci temperamenti sedem cyclamino adscripsisse, non tamen propterea dicendum est Mesuen improbare.

De dictamno Vt autem credam ego quoq̃ quòd uera dictamno nos careamus, hoc facit, quòd nusquam, nisi in Creta, prouenire Plin. dicat, et si Ruellius in Gallia nasci, & zinziber hortense appellari scribit: nisi his temporib., ut de alijs multis cōstat quæ in aliam patriā tralata, ibi postea propagatae sunt, & natales suos illud solum fecere, ita & de hac nunc uerū sit dicere, Cum autē scribis folia similia elleboro habere, pulegio fortasse cum Dioscoride, & Galeno legendum fuit.

De Rhabarbaro.

Consentimus etiā nos & Mesuæ & tibi contra Manardū derhabarbari modo usq̃ ad decimā drachmā, si probè illius uires cōsiderent, cum apud multos hodie uideamus copiofas soluentiū pharmacorū mensuras, & pondera sepe numero prædictū modum excedentia dari, & quidem felici illorū successu, si rectè illa propinata fuerint: plurimi em̃ medicorum mihi negligere uidētur cū pharmaca exhibent, & dies iudiciales, & morborū, & exacerbationū tempora: quibus neglectis atq̃ nō obseruatis, si Gal. credendū est, perspicuū fit, quantum ex his periculi miseris impendat agrotis, et si quandoq̃ isti per ignorantia id perficiunt, quod expedit, & lucrentur, ut ait Gal. in xi. τῆς θανάτου τινὸς μὲνός. Quarū tamen rerum cognitio nō illorum est, qui quotidie, & singulis fermè horis ad lucrum euolant: de quibus latius Galen. in libello, Quòd optimus medicus idem sit & philosophus. Quocirca non adeò absurdum, & à ratione alienum fuerit, si Mesues rhabarbari infusi siue diluti potionem à drachma una & dimidia usque ad decimam quandoq̃, prout perito medico

medico expediens uidebitur, sumi scripserit.

Cum autē dicis rhabarbarū cōprimendo aluū deſicere,
ſi hanc ei uim tantūmodo, & primū adſcribi debere intelli-
gis, absurdum quidem illud nobis uidetur: nam ſi eius iu-
ſta portio detur, humores multos proculdubio ſoluet, quos
à uenis, & corporis meatibus attrahere uerifimilius eſt, cæ-
terorum ſoluentium medicamentorū more, atq; ideo, licet
Meſues (exempli gratia) dixerit, quòd medicamēta aluum
inanientia comprimendo, grauiora magis uſui medico ſint
accōmoda, ut myrobalani, & raued, interpres ibi manifeſtè
ait, ea attrahendo ſoluere, quaſi attractio primū ſit rhabar-
bari opus, expreſſio uerò eius ſecundum.

Vellem etiā de dracūculo, de quo recentiores tandiu con-
certarūt, ſententiā tuam tuliffes, quę omnē fortaffe dubitan-
di & diſceptandi occaſionē inter nos diremiſſet. Marcellus
enim & Manard, ſecundū Dioſcoridis caput de dracūculo
ſuperuacaneū eſſe, neq; in antiquis codicibus inueniri aſſe-
runt: quibus & Serapio aſſentire uidetur, qui unum tantū
Dioſcoridis caput de dracunculo citat, nō duo: ſicq; plures
qui hac de re inter ſe digladiabant autores, facile cōcordes
fiunt, in primo Dioſc. cap. de maiore dracunculo mentionē
factam eſſe dicentes, in capite uero quod de aro inſcribitur,
de ſecunda dracunculi ſpecie: quibus Ruellius quoq; patro-
cinatur. Quòd uerò Paulum & Aëtiiū citas, dracunculū di-
centes, aut aro aluū ſoluere aut emollire, id iſſis proſectō
adſcribi nō debuit, minus uerò Galeno & Dioſcoridi: non
enim has illi attribuūt facultates, ſed eorū radices expurgā-
di uim, & humores incidendi obtinere ſcribūt, quod eſt ob-
ſtructiones aperire, & ab eis uenarū riuulos obſeſſos, libe-
ros reddere: neq; Plinium alioqui doctiſſimū. his alijs in me-
dicina celeberrimis uiris nunc præferendum eſſe exiſtimo.

Macer nō eſt radicis cortex, quemadmodū haſtenus uide-
re potui, ſed cortex tantū ſimpliciter, nō radicis, aut alterius
rei, ut Hermolaus uoluiffe uidetur: uerba enim illa Galeni,

De Polypo-
dio.

quæ citat, non Galeni, sed Plinij esse omnib. manifestū est. Postquam autem Polypodij substantiā, & qualitates gustauimus, nō probè te Mesuem ab erroris iniuria uindicasse iudicauimus: nō enim polypodiū, siue filicula, si illam gustes, ita uehementer calida (ut inquis) esse apparet: quare à Mesue opinione potius discedere cogor, Auerrhoiꝑ accedere. Neq; uerò modus, aut statera cuiuscunq; medico maxime necessaria, quibus quatuor qualitatum sedes expendat, ac metiatur, sibi deest, ipsumq; (si fas est dicere) perfectissimum temperamentū cognoscat: quorū omniū pernoscendi notæ & indicia abunde à Galeno tradita sunt in v. de simplicis medic. cap. ultimo, & primo de compos. medic. secundum genus, cap. ij.

De Peucedano.

Præterea non ualde nobis satisfacit tua illa ratio, qua Hermolaū arguis suspicantē peucedanū, quo nos hac ætate utimur, non esse uerum Diosc. peucedanū, propter succi defectum, & odoris grauitatē, etsi in reliquis cōueniant differentiis: quoniā si (ut ais) illa ipsi ob senium fortasse contingunt, nobis licet synceras, easq; recentes inuenire radices, expeririq; an illud uerum sit, ut putas, nec ne. Quare alia quæ ad Hermolai dubitationem tollendam faciat, tibi excogitanda est ratio. Difficile etiam nobis illud ad credendum uideatur, aliquod simplex odoris grauitate præditum, ætate ad odorandum iucundum reddi, quale nostrum est peucedanum, quod nunc in officinis seruatur.

Acorū Diosc.
nō esse Galan-
gam.

Non ab re quoq; uisum est (postquam in harum rerum inuestigationem incidimus) per hunc tibi libellum sententiam nostram significare, nō minimū nostri temporis pharmacopolarū errorem, te demonstrante, aliud longè ab acoro discrepans, quod crassos succos gignat pro extenuante, & incidente, uendentū: quod & Manardus lib. vi. epist. iij. ostendit, acorum scilicet uulgarem, uerum nō esse acorum à priscis medicis descriptum. Quòd autem acorus Dioscoridis non sit galanga, ut asseris, hæc ostendere uidentur argumenta

gumenta, Dioscorides enim acori radicem subalbida[m] esse tradit: et si Plinius, quemadmodum etiam obseruat Hermolaus, nigram esse maluerit, Sed certe Plinii autoritatē Dioscoridis hac in re posthabendam censemus, ut qui ex professo de simplicium medicamentorum facultatib[us] & formis per tractare sibi proposuerit, non ex aliorum opinionibus, ut in omnibus ferē Plinius consueuit; quod unum maximē displicet in eo scriptore, cum eum lego; mallem enim pauciora ab illo recenseri medicamenta, & quae ipse probē expertus fuisset, quam ita multa in sua commentaria congeri, ut etiam fecit Aëtius; mallem inquam saltem aliqua, Galeni more, commendatione digna ab eo expendi, aliqua uerō ut medicinae inutilia adhibita ratione damnari; quod tamen ne Galenus quidem in omnibus, ut uellem, obseruauit; quāuis longē diuersa sit Plinii, & Galeni ratio, praesertim cum ex quibusdam comunioribus methodis traditis, unusquisque facile cognoscere possit bonas à malis compositiones, quemadmodum libros Galeni de comp. med. secundum genus consideranti satis manifestum esse puto. Sed si in ὑπερβαρις quandoque nimis creber, ac tibi molestus sum, ne id uitio uertas obsecro; omnem enim animi mei cogitationē, quoties illa mihi sese offert, ut tibi expromam cogor. Nunc uerō ad galangae radicem examinandam redeo; celeriter enim ad rem propositam reflectere, uiri est utique temperati. Ea igitur non subalbida est, sed rufa, ad fuscum colorem declinans. Acorus praeterea, quod tu intactum omiseras, & tamen ualde ad hanc difficultatem augendam pertinet, amarus esse fertur, qui sapor ne in galanga quidē uulgari esse apparet. Ad haec se obseruasse ait Ruellius, radices quasdam quae galangae nomine circumferuntur, esse iunci radices aceto piperato adulteratas, ut uerae galangae acrimoniam impostores quidam mentiantur; sed imposturam detegi cortice deerso, qui hunc saporem ebiberat; namque interius nihil tale resipere inuenitur. Describit item Ruellius galangam officinarum ab acoro

diuersam; quibus de causis eam non esse acorum credidit, etsi galanga ad nonnullos morbos utilior sit, quam uulgaris acorus, de qua etiā idem memorasse uidet, cum ait, Indicā cyperum fortē esse radicem, quæ cum zinzibere inuenitur in officinis, dicta terra merita, quæ auri colorem mentiunt.

De Calamo
aromatico.

Calamū aromaticū, qui in officinis pro calamo & habet, & uenditur, nō esse calamū odoratum Dioscoridis, rationibus, quæ infra à nobis dicentur, suspicatur Manardus libro vi. epist. iij. Leonhartus Fuchsius in Paradoxis, & Hermolaus, qui hunc acori uicarium fecit, Statuendum ergo est calami descriptionem, uel calami ipsius esse, uel radicis, uel utriusq; apud Diosc. Quod autem huius tertij non sit, ex eo colligi potest, quia iuxta scribendi autoris morem, nō exprimit quæ caulis, nec quæ radicis sunt propria. Restat igitur alterius esse descriptionem; sed radicis non est, primū quoniam illius Dioscorides mentionē nō facit; deinde, quia hæc radix quam pro calamo uenditant, non uidetur rufa, quem admodum scitē etiam Manardus annotauit; acrisq; & amara est, uelut acorus. Postremò hæc radix non in assulas dissilit, quod est, per longitudinem, assulas paruas, dum frangitur, non relinquit, quales à marmore eliduntur, ut Marcellus exposuit; imò, ut Plinius scribit, ad modum raphani fracta remanet, quemadmodum palam uidere licet; de quibus fracturarum differentijs, & earum appellationibus Galen. in vi. curandi methodi latius meminit. His illud quoq; addere nō ab re est, nō constare quomodo fistulæ aranearum plenæ existant in hac radice, quemadmodū in ea quæ est calami Dioscoridis; quas araneas secundum Plinium, florem cognominant. Quod uerò ista huic cōuenire nequeant radici uulgari, satis credo manifestum esse. Quod si non est radicis descriptio, sed calami, equidem non uideo quomodo descriptio calami apud Dioscoridem, huic uulgari cōuenire possit, tanquam ab eo longè aliena. Quare plurimū dubitamus ne hic officinarū calamus, uerus sit Dioscoridis calamus,

lamus, sed magis (quantum ex ijs quæ à planta sua remota sunt, & ut uenundatur, conijcere licet, necnon ex gustus qualitate quæ acoro à Galeno attribuitur) ad acori radicem accedat, quemadmodum etiam Manardus, & alij nobiscum suspicati sunt.

Cum ualde inter se dryopteris, & polypodium conueniant, locisque eisdem proueniant, septicaque esse dicatur à Galeno dryopteris, æquum erat hac de re pharmacopolam illum tuum facetissimum quidem senem admonere, ne in his legendis (grauis ægrotorum discrimine) mira utriusque herbarum inter se similitudine, in errorem facile induceretur.

Quod autem alterum turpet genus officinis notum, quod est pityusæ radix, alypi radix non sit, ut Ruellius affirmare uideatur, nos tuæ potius quam contraria sententium, fauimus opinionioni: pro qua firmanda, Ruellij uerò & aliorum sententijs confutandis, in primis dico pityusæ radicem, qua communiter in re medica utimur, candidam esse, alypi uerò secundum Dioscoridem, subrubram: alypi præterea tenuis, pityusæ, hoc est turpet, crassa, officinis nota, de qua Ruellius hic agit; atque radice alypon betæ simile est, turpet candidum officinis cognitum, dissimile; neque ullus est eius radice in medicina usus, sed seminis: pityusæ uerò radix in medendo utilis. Quibus de causis turpet candidum, pharmacopolis cognitum, non uidetur esse alypi radix secundum Ruellium, sed potius pityusæ.

Idem Ruellius (id enim quoque dicemus, posteaquam de illo incidit sermo) non mihi satisfacit, duplicem arnabonis speciem tradens, orientalem & Romanam: dum primam Pauli arnabonem esse putat, alteram uerò, quæ à seplasiarjjs, institutoribus, & herbarijs Romana appellatur, magnaque ex parte usui habetur, Pauli mamiram esse suspicatur, descriptione illius considerata, cum Paulus non plane illam pinxerit, aut alius, quem ipse Ruellius citet, autor.

Præterea cum idem Ruellius dixisset, Actuarium in quadam sua compositione cognominare hermodactylos albos, & pur

De dryopteris

Turpet candidum, pityusæ radicem esse.

De Hermodactylis.

pureos, quos behem album officinæ nomināt: colchiconq; & ephemeron hermodactyli genera esse apud recentiores (quod tamen Hermolaus ante eum annotauerat) hermodactylosq; aliud esse secundum Paulum, quàm colchicon, & ephemeron, quemadmodū ipse etiā, & Manardus asseruistis. deinde ait, à quibusdā ephemeron appellari lilium conualliū, seu lilium grandius: ob idq; se etiā idem esse putare, quia ephemeri Dioscoridis descriptio huic conueniat lilio: quod tamen si de nostro lilio conuallium dictum sit, minime uerum esse constat, quoniam hæc illi accommodari non possit descriptio, præterea Dioscorides ephemeron lilio comparat, ergo idem esse nō poterūt. Manardus in suis in Mesuem annotationibus de hermodactylis scribens, ea que tecum sentiant, animaduertit: neq; illorum tutum satis usum esse, propter eam quam habent cum colchico similitudinē. Sed profectō magna est quorundam hodie medicorū inscitia, qui uenenis pro remedijs abutunt, inq; his dandis plus æquo audaces sunt, ac temerarij, quorum medicīna maioris malī periculum adfert, quàm cōmodi. An uerò hermodactyli, ex quibus Paulus & Aëtius catapotia ad podagrā præparant, radices pentaphylli sint, siue ephemeri, nō constare scribit Hermolaus. Sed cum Paulus de hermodactylis seorsum ab his duobus tractet, superuacanea uidetur huiusmodi Hermolai dubitatio.

De Veratro.

Sed obsecro te, si omne ueratrum candidum malum est, & strangulat, estq; fumentibus perniciosum, cur insanis illis tuis dedisti ne correctum quidem, ut scribis? non enim nobis licere existimamus aut cōuenire, huiusmodi ulli propinare medicamenta, quæ delibutoriam uim habeant, ac letalem, quibusque sumptis hominem periclitari putandum sit. Equidem rationabilius reor, & tutius esse, ut paulò antè dixi, & infrā etiā ostendam, ab huiusmodi nos abstinere medicamentis, quæcūq; ueneni naturæ cōmunicantia sunt, etiā si quandoq; ab eorum sumptione egrotis res feliciter successe-

successerit, praesertim cum aliter nobis agrū curare liceat.

De agarico Dioscoridis uerba considerantes, ut paulum De Agarico.
dubitaremus contigit, quod agaricū quidem inter purgan-
tia pharmaca, friabile, ut infirmius damnet; quanquam nō
simpliciter de omni agarico, sed de eo, qd in Galatia Asiae,
& in Cilicia nascitur in cedris, hoc Dioscorides tradat, Pau-
lus uero in vii. libro, illum contrā commendat. Qua de re
differere unā cum ceteris dubitatiunculis tuum fuerit iu-
diciū: quidq; Mesues in agarici maris descriptione, per
uillos, siue fila, & longitudinem intelligi uoluerit, quando
agarico foeminae Dioscorides notas illas attribuerit.

Ad hanc Auicennam tueri in cap. de spodio, perdifficile
nobis quidem uidetur, ne dicam (ut eo uerbo utar) impossi-
bile: quoniam spodiū ipse, non antispodiū describit. Quod
si dixeris, pro spodio ibi legendum esse antispodium, nihil
egeris, quia Auicennas alphabetico ordine de simplicibus
medicamentis tradidit: quocirca in litera S, ubi de spodio lo-
quitur, non posse literam A, nec cōmodē, nec rectē colloca-
ri, tanquam à sua sede longē remotam. Et ideo tua ista defen-
sio ex uoluntate potius, quā ex probabili argumento pro-
tuendo Auicenna adduci uidetur. Nam si ita eum tueri ue-
limus, ipsum quidem ex omni ferē parte à priscis autoribus
non dissentientem reddere haud difficile fuerit, & ab erro-
ribus q̄ plurimis uindicare. Adde etiam quod in descriptio-
ne antispodij Dioscorides nō dixit, illud ex radicibus can-
narum cōbustis fieri, sed ex multis adstringentibus rebus,
quae tamē in capite illo nō cōnumerauit Auicennas: quare
à Dioscoridis doctrina potius dicendum est eum recedere.
Si uerò sic iterum instabis: Quemadmodū Dioscorides an-
tispodium suum ex illis rebus exustis, ita Auicennā prapa-
rare: hec quoq; responsio inualida fuerit, quoniam hoc mo-
do ex qualibet re uista, arbitrio nostro antispodiū fieri pos-
set: quod tamen absurdum est, nec rationi consentaneum;
imò decernere nobis necesse est, quē ad faciendum illud uti

F

Auicennas
in cap. de Spo-
dio malè de-
fensus.

lia habeant, quibusq; ex rebus fieri debeat. Præterea si Auicennæ mens fuit, in hoc de spodio capite, de antispodio commemorare, quod tu ad defendendum eum legentibus persuadere enixè studes, nō uideo quonā modo eius tutus poterit esse usus adeò in medicina frequens ad cor instaurandum, iuxta Auicennæ dogmata, cum illi ad uires cordis refocillandas nullæ ab optimis autorib; attributæ fuerint facultates: imò, si rectè considerent, illi potius aduersæ inueniuntur, Auicennæ pariter ac ueterū antispodio. Quare Manardus iure optimo lib. xij. epist. v. Auicennam reprehendit.

Carlinam nō
esse Chamæ-
leontem.

Idem uerò de carlina tecum sentimus. cōtra Manardi opinionem in lib. iij. epist. iij. tuasq; & Leonici partes sequimur. Nam licet Leonicenus, quid carlina apud Diosc. sit, nō exprefferit, eam tamen ē carduorū genere esse ostendit, chamæleonti quidem simillimā. Ex quibus liquidò constat carlinam secundum Leonicenum nō esse chamæleontem: etsi enim ualde illi adsimiletur, non tamen ob id sequitur, ut idem illa sint, sed quoquo modo diuersa: differunt enim idem, & simile, ut ait Galenus in tertio de simpl. medic. cap. xxiiij. Si enim carlina idem esset cū chamæleonte nigro, ut Manardus affirmat, non esset profectò tam tutus carlinæ, quemadmodum nunc uidere est, in medicina usus, Galeno, Pauloq; & alijs chamæleontis nigri radicem inter uena connumerantibus.

De Myroba-
lani folijs.

Studiosi & amantes ueritatis certæ cum simus, non omnino, quæ de myrobalani folijs scripsisti, recepimus, quibus pro tuis uiribus autores inter se hac de re discordes conciliare studes. Non enim uerisimile est simplex aliquod certa mihi similitudine, & forma offerre, illi uerò alia & longè dissimili, ut euenit in myrobalani folijs, diuersis speciebus & figuris à Theophrasto, Dioscoride & Plinio descriptis. Multum enim differunt inter se horum simplicium formæ quibus autores isti myrobalani folia comparant, non parum, ut scribis. Sed hæc, & nonnulla alia ut leuiscula à nobis

nobis annotata esse scias exercitandi ingenij nostri potius gratia, quam castigationis ullius. Scio enim multa esse in observationibus his quæ conuenientius coram agi, uel scribi, quam ad te scribi deberent.

Manardi opinionem de bryo siue corallina magis laudauerim, quam huic contrariam, Dioscoridis uidelicet bryon & Plinij eandem rem esse potius, quam diuersam, tum propter eas quas Manardus adducit rationes, tum etiã, quia, si hæc inter se distincta essent, mirum esset Plinium de hac Dioscoridis herba nusquam (quod sciam) pertractasse.

Et quia inhumanum, & simultatis indicium esse existimus, alicui præsertim probo & docto uiro certam erroris notam immerito inurere, nollem quæ aliquem in tam graue incidere facinus: idcirco non rectè Hermolaum notari ostendimus de secundo mandragoræ genere, qui uelit (ut ais) illud esse, quod nunc melinzanam cognominamus, cum magis contrariū apertè fateatur, atque hanc ueteribus incognitam dicat: mandragoræ autem utriusque speciem ipsis notissimam fuisse constet. Quod ignorasse Hermolaum suspicari, nedum de eo affirmare, cuiusdam potius maleuolentiæ uideri potest, quam æmulationis, aut hominis ueritatem inquirentis: quod nequaquam tibi adscribendum esse existimamus.

Manardus libro ix. epist. tertia, lepidium, quod iberis dicitur, raphanum esse ostendit: affirmatque, si de iberide intelligatur, de qua Dioscorides libro primo, & Plinius xxv. capite viij. hanc sibi manifestam non esse: sed si de alia, tunc iberidem raphani appellatione se optimè cognoscere. Tu uerò contra eos reprehendis, qui lepidium raphanum esse arbitrantur, tanquam non obseruantes nostri raphani folia ampla existere, & folijs lauri similia, iuxta Plinij sententiam: lepidium uerò herbam exiguam esse. Plurimum autem nos illi debere fatebimur, per quem nobis innotescet, an nasturtij folia, quibus Dioscorides in capite de iberide, lepidium describere uidetur (recentiores enim omnes, quos

De Bryo.

Hermolao
patrocinat
in secundo
Mandrago
ra genere.

De Lepidio

equidem legerim, illegitimum caput illud esse consentiūt, uel alio loco restituendum) quæq; Galenus in x. de comp. med. secundum locos, cap. ij. nasturtij folijs similia esse dixit, raphani folijs conueniant, ut res hæc ita nobis clarior fiat; curq; Galenus suprâ citato libro, & Aëtius xiiij. cap. ij. folijs nasturtij, lepidij iberis dicti folia comparauerint, floriscq; lactei esse scripserint; Paulus uerò Aegineta lib. iij. capite lxxvij. de coxendicis curatione, folijs lauri dixerit lepidij folia cōsimilia esse; qui tamen duplex lepidij genus ostendere uidetur: lepidiū autem odore, gustu, & uiribus nasturtio simile esse scribit Galenus in vij. de simpl. med.

De Euphorbio Consideratis notis, quæ à Galeno in tertio lib. de comp. medic. secundum genus, in duobus locis, & in ix. de comp. medic. secundū partes, uero attribuuntur euphorbio, nulli dubium est nostrum adulteratū esse, & subdititium.

De Styrace. Qui præterea in plerisque habetur officinis, styrax uerus non est, quoniam nō mellis lentore constat, sed friabilis est; neq; grumos, ut syncerus, albicātes habet, neq; pinguis est.

De Saga peno. Mesues dicit sagapenum odorem porri habere, non allij. Verū cum chalbane in sagapenum degeneret, ut ait Galenus in lib. de antidotis primo, chalbaneq; grauis sit odoris, huiusmodi sagapenum, quod ex chalbane fit, odoris speciem hircinam non exuit.

Quomodo autem Auicennas bellè defendi possit, nobis profectò non constat, cum in capite de uisco, eas illi facultates attribuerit, quas Dioscorides ixia, quam uenenum esse manifestū est; cuius sententiæ etiā est Leonicenus & Ruell.

De Manna thuris. Atq; non nihil mirati sumus, quòd dixeris te non curare, mannane thuris, in medēdi usu habeas, an thus ipsum, quoniam Dioscorides easdem ei quas thuri, atq; etiam inefficaciores tribuat uires. Verū cum Galenus, omnib; mea qui dem sententiā, qui unquam de medicamentorū facultatib; tradiderunt, præferendus, summoq; in precio habendus, propter illius exactam in inuestigandis eorum uiribus diligentiā.

gentiā, & ingenij uim, ostenderit manna ad nonnullos morbos accommodatam magis, & utiliore esse thure ipso, in v. de comp. med. secundum genus, & iij. de comp. med. secundum locos, cap. iij. & xij. curandi methodi, cum manna corticis arboris thus ferentis non parum secum admixtum habeat, qui thure ipso euidentius adstringit, & strenue desiccet, ut est in vij. de simp. med. non uideo cur mannæ usum nos ita negligere debeamus in medendi opere, si Galeno, et rationi ipsi credere fas est, etiam si Dioscorides diuersam ab eo protulerit sententiam, præcipue in medicamentorum simplicium facultate. Neque tamen me clām est, Galeno autore, circa libri quinti curandi methodi finem atque initium, alterum pro altero aliquando usurpari posse.

Hoc idem dicitur in 4. de cōp. med. secundum loca

Quod autē Galenus de manna cœlesti in tertio de alim. facult. cap. de melle, tanquam de re sibi incognita tradat, id nequaquam nobis unquam persuaderi potuit, quod tamen tu asserere non dubitasti. quomodo enim Galenus tanquam de re sibi probè nota, cuius notitiam non haberet, mentionem fecisset: aut tam exactè illā describere potuisset: quam quidem etiā se uidisse scribit: nisi fortè tu, ut nonnulli etiam alij, Galeno mannā incognitā fuisse existimasti, quantum ad ipsius uires attinet, ut quodammodo innuere uideris. Sed cum Gal. loco parum antea nobis citato scribat, uarias mannæ uires sumere ex uarijs rebus supra quas cadit, manifestè constat mannæ facultates illi innotuisse: quemadmodum etiam Manardus in annotationibus, quas ædidi in Mesue simplicia medicamenta, contra Auerroem annotasse uideatur. Quamuis hæc Galeni uerba non de manna, sed de melle potius, mihi dicta esse uideantur, si accuratè, quæ sequuntur, cōsiderentur. Atque etiam satis debilis ratio illa nobis uideatur, quando mannā ideo saccarum non esse affirmas, quod manna liquida sit: supra enim granulofam illam esse scripsisti. Et licet Dioscorides de cinnabari tanquam sibi incognita, aut quonam loci proueniat, aut quid sit, tradat, non

De Manna cœlesti.

illam tamen proprijs oculis se uidisse dicit, quemadmodū Galenus mannam describens. Hæc sunt, quæ mannā Galeno cognitam fuisse arguunt, quæq; ad te scribenda habuimus, nō quidem ut aliorum laudem imminuamus, ut aliàs notū fecimus, sed ut ad ea quæ bona, quæq; utilia sunt peragenda, ueritatemq; ipsam inuestigandam, promptiores magis indies euadamus, atq; ingenioli nostri uires, si quæ sunt, quandoq; sese exerceāt. In eodem insuper capite saccharum mellis genus supra cannas concreti esse à te scriptū animaduertimus: quæ tamen opinio non ex Dioscoridis uerbis (ut ais) colligitur magis, quàm hæc quòd in cannis concreseat: sic enim ille, *εὐρισκόμην ἐπὶ τῶν καλαμῶν*. Nā præpositio illa *ἐπὶ* apud Græcos si genitiuo casui iungat, tam supra, quàm sub significare potest. neq; etiā ex Galeni, cuius uerba hæc sunt in cap. de melle, *πῶς πύγνυται μὲν, ὡς φασὶ, καλαμοῖς*, hoc est, plurimū crescit calamis: hæc enim præpositio *πῶς* interdum uerbi, cui additur, significationem auget, quemadmodum. per, apud nos: tota em succi plena est canna illa, quod per dictionem *πῶς* expressit: quo etiam modo infra te intellexisse constat. Sed quia de saccharo facta est mentio, nonnulla hic de eo cōmemorare operæ precium fore duxi. Primo itaq; dicimus Hermolaum de nostro saccharo tanquam de antiquorum saccharo meminisse: atq; cum scribit, Saccharum *σακχαρ* Græci uocāt, rarum, nec planè cognitum Galeni quoq; seculo: horum uerborū sensum hunc fuisse puto, saccharum, tunc non planè, hoc est, non manifestè, nec certè cognitum ut nobis: & ideo, rarum, addidit. Neq; ob id negatur, quin idem sit saccharum nostrum, & antiquorum, etsi Galeni tempore non adeò in usu extiterit, ut nostro. Manardus uerò libro ij. epist. ij. quem ad uerbum (ut quidem fatetur) secutus est Leonhartus Fuchs in Paradoxis, saccharum nostræ ætatis ab antiquorum saccharo diuersum esse summo studio probare nititur, in quam opinionē tu quoq; descendisti. Quòd autem Galeno saccharum innotuerit, ex eodem

De Saccharo.

eodem clarum fiet libro de simplici medicina vij. & viij. curandi methodi, quibus in locis apertè Galenus saccari mentionem facit; quem utiq; Hermolaum lectitasse proculdubio existimandū est. Te uerò à Manardi opinione hæc sola (ut uideo) arcet differentia, quoniam suspicatur ille saccarū, de quo ueteres mentionem fecerunt, ex rore frigore noctis condensato, deinde illucescente sole, & eius calore indurato fieri; tu uerò ex cannis uī solis extrahi, & postmodum in quosdā cogiglobulos: quibus cannis expressis fieri huius temporis saccarum, eiūdemq; esse naturæ cum antiquorū saccaro cōstat. Leonīcus quidem manifestè asserit nostrū saccarum idem esse cum antiquorū saccaro; & eandem sententiam confirmat Ruellius in libro primo, cap. xxiiij. ueteres laudans, qui nihil intentatū reliquerunt, præsertim Galenum, Plinium & Dioscoridem, qui satis probè huic factū esse putarunt si mellis appellatione, noua uocum aucupia respicientes, mannam complecterentur, non aliās, quàm de saccaro fecerunt, uel forsitan, quia indignum erat, ut de eo ab ipsis speciatim fieret mentio, quod fugacius esset eo melle, quod apes elaborauerint, quodq; citò collectum emarcescat, cum mel ipsum apum & diutissimè conseruetur, & corpora à marcore uindicet, ut ait Ruellius in libro paulò antè à nobis citato. Quòd autem saccarum citò collectum emarcescat, equidem nescio quomodo hoc uerè dictū sit à Ruellio: satis enim notum est ipsum longo tempore incorruptū manere, & pleraq; alia à putrefactione illæsa uindicare. Præterea extant etiam Matthæi Curtij probationes euidentissimæ, confutantis singula Manardi, & aliorū cōtrarias tuentium sententias argumenta: quem uirum acerrimi iudicii esse, ac si quis alius, purgatissimæ naris in enucleandis rei medicæ difficultatibus, & ueritate ipsa detegenda, nemo est qui ignoret. Is igitur, cuius opinioni & nos subscribimus, primo ait priscos, Dioscoridem scilicet ac Galenum, saccarum iam arte apparatus, non autem dum in cannis adhuc

existeret, cognouisse, quemadmodū etiam nonnulla alia cognouerunt, quæ tamen proprijs in locis, ubi gignerentur, aut quomodo fierent, non uiderunt, neq; de eis notitiam habuerunt. Quo constituto fundamento, iam omnia quæ de saccharo scribit Dioscorides, singula perbellè nostro conuenire constabit. Quod enim artificium sortitum est, & cōcretum & friabile, ut sal, est: saccharumq; in cannis adhuc permansens coagulatus quoq; liquor est, non tamen friabilis, cannis per medium scissis. In India præterea prouenit etiā nostrum, ut Varro, quem citasti, affirmat: quanq; in plerisque etiam alijs regionibus gigni cōstat, quemadmodū Hermodolus quoq; annotauit: neq; enim in Indico solo tantū gigni scripsit Dioscorides, sed plurimū in India. Vel dicas, nō omne natale sacchari solum Dioscoridi, quod fieri potest, innotuisse. In harundinibus & nostræ ætatis saccharum inueni, priusquam illæ exprimantur, quod deinde arte condensat, quemadmodū & Dioscorides de antiquorum saccharo tradidit. Verū quia cannarum perfectam nesciuerunt notitiam, ideo Galenus dixit, ut aiunt. Candidum etiam existit huius seculi saccharum, & in cannis, & arte absolutū, etsi de candore nihil scripserit Dioscorides, atque facultates possidet, quas Galen. suo attribuit. Quare & nos censemus saccharum antiquorū, & quo nos utimur, uiribus & substantia eiusdem generis esse. Facile igitur ex his Curtij probationibus atq; argumentis liquet, Manardi rationes contrarias refelli posse. Quando enim dicit, omnem mellis materiam rorem esse: si de melle apum illud intellexerit, uerum esse concedimus: si autem de saccharo, quod est alterius generis mel, falsum esse cōstat. De similitudine illius cum sale iam expeditum est. Et quia nullam candoris mentionē nec Dioscorides nec Galenus fecerunt, idcirco de hac qualitate nobis minimè curandum est. Quod si quid etiam Alexandri sententiæ respondendū est, tum ad id, cum ait, saccharum uisolis fieri, tum ad reliqua quæ ex ipso adferuntur, ita occurrī posse

posse puto: Alexandri testimoniū & auctoritatem tanti nō esse, ut quæ ab eo scribuntur, omnino recipienda sint. Huc adde, nō satis constare an liber ille problematū, qui Alexandro tribuitur, ipsius Alexandri sit, an alterius, qui Alexandri nomine ab aliquo fuerit donatus, ut ita maiorem gratiā & premiū apud principes referret, quemadmodū de plerisque medicorū libris, Hippocratis titulo inuulgatis, Ptolemaei Aegypti regis tempore factum fuisse narrat Gal. in iij. de morbis uulg. Præterea tunc in sole coqui damus, postea quā arte expressum fuit, ut nostrū: quod multis alijs etiā nūc euenit rebus. In Libano quoq; & felici Arabia, Indiaq; plurimū nostratis saccari prouenire constat, quemadmodū Varro & Strabo affirmant; nunc autem præter orientis regiones in alijs etiam orbis tractibus nasci manifestum est: quare ne origine quidem differunt. De figura & præparatione quæ ad ignem fit, abundē quod oportebat diximus. His tamen addendum uideē, Manardi opinionē de saccharo, quod scilicet frigore nocturno agglutinet, dehinc calore solis obdureē supra cannas, aut, quæ tua est opinio, ē cannis ui solis prolechetur, & extrahatur, & super easdem condensetur, confirmatā esse oportuisse euidenti aliqua ratione, aut idoneis argumentis ad persuadendū: nihil enim ex ueterum autorib. attulistis, ne coniecturæ quidem signum ullū, quod fidem uel minimā hac de re nobis faceret: sed ex animi inductione quadam potius dictum uidetur, saccharū uidelicet (ut diximus) super cannas gigni, ibiq; inueniri. At qui Dioscorides, Galenus, Plinius, in cannis nasci affirmāt, uel saltem non negant, ut apertē ipsi quoq; sentire uisi estis. Quid igitur uos in hanc compulerit opinionē, ut ita de saccharo sentiretis, nō satis possumus intelligere: quidq; saccharum, quod candi uocant, naturale appellaueritis: rem sanē à priscorū nemine (quod sciam) aut recentiorū uisam, ac ne scriptam quidem. Neq; uerò illud uos mouere debet, quod penē ad alia me accingentem subterfugerat, has saccari can

G

nas à Diosc. nō esse in genere cannarū connumeratas: nam illas eum non cognouisse scripsimus: suntq; cannæ illæ nō uerè, & propriè cannæ, quippe quæ medulla, & carne plenæ sint, & sola exteriore facie harundinibus similes. Quòd autē Plinij ætate medicinæ duntaxat usui saccharum fuerit, hoc non debet argumentū magni ponderis uideri, quoniā tempore illo non ea sacchari copia extabat, quæ nostro dein- de æuo passim ferè, & ad multos increuit usus, ganæ præsertim, & luxui alimenta magis suppeditans, quàm medicinæ. Eò enim nostræ tempestatis homines deueniunt moribus, & corrupta uiuendi consuetudine, ut nisi & delicatè, & profuse uixerint, & quotidianis ferè & nocturnis sese ingurgitauerint crapulis, & nisi quæ multa ad alia uitæ cōmoda protulit natura, in palati sui iam omnia fastidientis illecebras conuerterint, amplius se uiuere posse desperent. Quare, ut in ueteri prouerbio est, nunc uerè dici posset, hinc illæ lachrymæ. Nam pleraq; ex huiusmodi malo uiuendi abusu pululant morborū genera: multò enim magis nunc à salubri uictus ratione aberramus, quàm superioris seculi homines, quocirca mirandū nō est, si nō solum rigor antiquis incognitus erat, sed etiam si multa & inusitata in nos grassantē mala, ut ait Galenus secundo de causis symptomatum, & secundo prædictionum, cap. secundo, & aphorismo xxviii, sextæ sectionis. Sed instituti nostri non est, mores hominū & luxuriam insectari: quare oratio nostra eò reuertatur, unde digressa est, dicamusq; recentiorum saccharum nō tantū pectori, sed etiam stomacho utile esse, & gratum. Ac illud etiā nobis minimè aduersatur, neq; Dioscoridem, neq; Galenum modū exprimendi cannas docuisse: nam Galenus, ut superius diximus, nō proficet simplicium medicamentorū formas, & eorū præparationis modos pertractare (quantū id quandoq; cum existimat expedire, faciat) sed eorū uires, ac naturas demonstrare manifestas. Dioscorides uerò in cap. de melle, ad cuius calcem de saccharo agit, cum mel utpote factitium

Et itum arte multa indigeat, priusquā perfectū sit, non pro-
 Pterea tamen nobis artem ullam de eo, aut rationem, qua sit
 Præparandū, tradit: ut minimè mirū uideri debeat, si agens
 de saccharo, nullam eius conficiendi rationē, artē uemone-
 strarit. Hac igitur de causa quod Dioscorides exprimendi
 sacchari modum nos non docuerit, non existimo antiquorū
 saccharū à nostro diuersum putari debere. Mihi quidem mi-
 rum uidetur, Varronis ætate ac Strabonis, qui Galenū præ-
 cesserunt, cognitum saccharum nostrum fuisse uos non infi-
 ciari, & à Galeni temporibus ad præsens usq; seculum: & ta-
 men dicere, Dioscoridi & Galeno incognitū fuisse. Quod
 autem nostrum saccharum ut illud antiquorum per expres-
 sionem fiat, quemadmodum ex Varrone ac Strabone con-
 stat, notissimū est: quodq; in calamis utrunque inueniatur.
 Quibus rationibus accuratè consideratis, liquidum esse ar-
 bitror saccharum à ueteribus traditum, idem cum nostro es-
 se: tuaq; & aliorum argumenta esse confutata, aut multum
 infirmata. Quod uerò Leonicenū, cum magna quibus hono-
 ris, ut par est, præfatione, erroris insimulas, quia more Pau-
 li per salem Indum, salem cōmunem, quo ad condiendos ci-
 bos quotidie utimur, intellexerit, ita ad id rectè ac uerè re-
 ponderi posse reor: Paulum & Leonicenum nequaquā illud
 sensisse, quod ipse illis adscribere uisus fuisti: imò in ean-
 dem prorsus sententiā ambo cōueniunt, salem Indum co-
 lore & substantia sali cōmunī nostro albo similem esse: hoc
 tantum interesse, quod Indus gustu mellitus est, nō autem
 eundem esse & nostrum, & Indum, ut tu eos dicere existi-
 masti. Illos uerò Auicennæ interpretes reprehendit Leonī-
 cenus, qui quarto canonis per salem Indum, zuccharū can-
 di uerterūt, arte scilicet factum, quemadmodū illi intellexe-
 runt, nō autē candi naturale, quod magis pro falso haberi,
 quàm pro uero rationi consentaneū est: quoniā candi illud
 arte factū candidum nō sit, quemadmodū sal Indus secun-
 dum Auicennam cōmunī sali comparatus, sed potius

De sale Indo.

subluteus: sicq; Leonice uerba omni accusationis anfa remota, & conspicua magis erunt, & suum seruabunt candorem & integritatem.

De Cucumeris asinini succo.

Præterea non probè illos agere suspicamur, qui succum cucumeris asinini ex ipsius radicibus faciunt (consultò semper, & pluris in omnibus æstimmato peritiorū iudicio, quàm nostro) tanquam à Dioscoridis doctrina declinantes: hic enim apertè ostendit, è cucumeris fructu succū fieri debere, eumq; candidi coloris esse. Sed tu cum sæpius cucumerem hunc cōprefferis, neq; unq; succum album expresseris, è radicibus illius exprimi posse existimasti: quo factò, q̄primū candidus emanauit liquor. Nos autē dicendum potius arbitramur, licet tibi illud euenerit, alijsq; ut eueniat, fieri possit, rem tentantibus, loturæ magis negligentia, & ineptitudine, aut præparationis ignoratione contigisse, quàm cucumeris uitio, aut docentis inscitia: quemadmodū de oleo tradit Gal. ij. de simp. med. cap. xv. Paulus uerò Aegineta lib. iij. cap. lxxvij. & vij. cap. xx. sycioniū oleum ex elaterio, hoc est, cucumeris asinini succo, aut eiusdem radicibus componit: & Aëtius sermone ix. cap. xxvij. sycionij mentionem facit, in quo syluestris cucumeris radix incocta sit: quapropter tuus iste modus conficiendi hunc succum fortasse non omnino alienus à ratione fuerit.

De Aloë.

Nunc autem Manardum tueri, & cum eo ueritatem, nō incongruum nobis arbitramur de aloë loquentibus, quam dicimus naturali facultate uenarum ora aperire non posse. Quòd si quādo sumpta aloë sanguinem egeri uideamus, casu id euenire manifestè ostendi potest. Hanc uerò suam de aloë opinionē Manardus plerisq; in locis demonstrauit, quā deinde Leonhartus Fuchsius in Paradoxis, & in apologia, quam nuperrimè uidimus per transfennā, ualidissimè pro ueritate decertans, & cum ratione uehementissimè quidem defendit contra Puteanū Gallum, qui aduersas tueri partes omni studio nitebatur, iactaq; aduersariorum fundamenta con-

ta cōuellere. Nam cum aloë siccet, atq; adstringat, sitq; mor-
dicationis expers, & medicamentū *ἐκκοπρωτικόν*, hoc est, ster-
coris educendi uim habens, & uulnera glutinet secundum
Galenum in vi. de simpl. med. etsi uehementer amara est,
ac nostri corporis meatus expurgare, qui multis obstructi
sint humoribus, queat, ob id tamen nequaquam uenarum
ora aperire existimāda est; hæ nanq; duæ uoces, aperire atq;
purgare, inter se quidem nō parum differre, cum ex re ipsa
apparet, tum ex ijs quæ Galenus in v. de simp. medic. tradi-
dit, si quis ea accuratè uelit considerare. Quod uerò attinet
ad alterum tuum argumentū, quod sæpenumero certis ui-
deris experimentis à data aloë sanguinem eductum fuisse,
id casu factum esse (ut suprā diximus) fatendum est. Nam
cum multis alijs ab assumpta aloë sanguis non eductus fue-
rit, dicendum est aloën nequaquam uirtute insita, uel pecu-
liari ipsius qualitate id posse efficere; quoniam hæc sangui-
nis excretio ad omnes, uel saltem complurimos, quibus da-
ta illa fuisset, consequi debuisset. Neque uerò laudi medico
dandum est, sed incitiæ potius & indiligentiæ, qui cum ali-
quæ illum latent medicamentorū facultates, ad cæcas illas,
& incognitas uires protinus confugit; aliæ enim prius dili-
genter inuestigandæ & noscendæ earum sunt, si quæ sensi-
bus percipi possint causæ. Cum autem Manardus Mesuen
reprehendit, aloëscq; potionē euitandam esse censet calidis
temporibus; tu ad cōfutandam illius sententiā, quæ tamen
per nos postea (ni fallor) uera esse constabit, hoc argumēto
uteris iuxta Hippocratis testimonium illud, Ventres uere,
& hyeme calidissimi sunt natura, & reliqua quæ sequuntur;
Ergo cum calor naturalis tunc & maior sit, & uehementior,
aloëscq; pariter secundi ordinis remisse calefacientiū sit, & ter-
tij quæ siccant, in frigidis potius temporibus, ut Mesues ait,
uitanda erit, quàm calidis, ut Manardus. Sed ad soluendū,
& explicandū huius difficultatis nodum, quamuis per
difficilis sit, & à uiro docto nexus, sic responderi posse arbi-

Tertiæ sect.
aphor. 10.

tramur: quòd etsi calorē naturalem eo anni tempore inua-
lescere certū est, uentresq; natura calidissimos esse, Hippo-
crates tamen & Galenus indicio sumpto à temporis natura
& statu, si tale tempus intemperatū fuerit, contraria illi eli-
gunt, tam in tuenda ualeitudine, quàm in morbis pellendis:
ita ut hyeme, calida & sicca adhiberi medicamenta præci-
piant: æstate uerò, quæ frigido & humido præstent tempera-
mento, quemadmodū manifestè apparet viij. curadi metho-
di, & circa finem xvi. aphorismi primæ sectionis, & in com-
mentario ipsius Galeni super Polybi librum de uictu priua-
torum, & de tuenda ualeitudine. Adde etiā quòd naturæ ca-
lidæ & siccæ aloë inimica est, eiq; nocet, quia in tempore si-
mili adhibet, ut scribit Gal. qui (ut in memoriā reuocē quæ
superius obseruata sunt) in nōnullis curandi methodi locis
medicamento ex aloë ad sistendas sanguinis ex thoracis fra-
cturis eruptiones, optimè quidem, & absq; ullo timore in-
tro usus est. Vel dicas, uentres hyeme calidissimos esse natu-
rali calore, hoc est, temperatissimos: particulas autē refrige-
rari magis in hyeme, quibusdam & uentrem ex itinere, aut
uestiū penuria, aut studiorū genere, aut huiusmodi aliquo,
&c. quæ à Gal. narrantur in primo de natura humana, cum
eam quæstionē soluit, Cur est quòd pituita, quæ frigida &
humida est cōsistentia, hyeme generet iuxta Hippocratē, et
uentres calidissimi sint natura, &c. Quàm uerò inualida sit
illorum responsio, qui cum de lota aloë, & non lota distin-
ctionē in mediū attulerint, credunt se omnibus aduersario-
rum satisfecisse argumētis, satis ex Galeno patēre arbitror,
& ex ijs quæ nobiscū sentientes cōmemorarunt. Postremo
libenter ex te sciuerim, quæ te ratio mouerit, ut per uerbū,
purgare, aperire intelligeres, cum neq; Plinium, neq; alium
ex Latinis medicis sciam, eo uocabulo, in ea qua tu usus es
significatione, usurpasse: nisi fortè ea dictione, ut cōmuni
uocabulo ad omnia, quæ quouis modo animātis excremen-
ta educunt medicamenta, uti uelis, ut ait Gal. in y. de simpl.
med,

med. cap. xix. cum tamē neq; hoc pacto etiā, quomodo te probè tueri possim, uideam. Quas quidem ob res Manardi opinio nobis magis placet, atq; extollitur, q̃ tua, tanq; Galeni methodis subnixā, & ueritati magis consentanea.

Lycium cū Galeni testimonio, uires admodum diuer- De Lydo,
sas à prunis syluestribus habeat, non probè illos agere autu-
mo, qui ex huiusmodi fructibus lyciū parant: quibus tamē
tu, ut rectè facientibus fauere uideris, quāuis enim hæc pru-
na adstringant, modicè tamen adstringunt, ac multò minus
quā lycium, quod etiā discutit & abstergit, ut ait Gale-
nus in vii. de simpl. medic. & in iiii. de compos. medic. secun-
dum locos: & ad nonnulla eo utimur, quibus hæc pruna
non conferunt.

De draconis sanguine, tanquam de re quidem à plerisq; De Draconis
sanguine.
cū ueterum, tum recentiorū autoribus tradita, nec tamen
perfectè exposita, nihil est, quod te admonendum esse pu-
tem, nisi ut quē Ianus Cornarius utriusq; literaturę sanè pe-
ritus, & medicinæ studiosus, in Galeni libros de compos.
medic. secundum locos annotauit, ea abs te optimè conside-
rentur, atque ubi illa examinaueris, sententiā tuā nobis
candidus impertias, præsertim ea quę in ix. Galeni de simp.
med. lib. ille explicat, necnon Aëtij xv. cap. xij. Satiū enim
nobis uisum fuit in re tam ambigua, & de qua summi & no-
stræ, & præteritæ ætatis uiri non satis se expediuerunt, nihil
dicere, sed silentes aliorum iudiciū expectare. Vnum hoc
tamen certum nobis, ac decretum erit, ut nihil non exactè
nobis in medendi usu exploratum, ac perfectè cognitum,
& præsertim si ueneni uel modica suspicio subest, ægris uel
mus esse dandum, præcipuè cum ab ipsis uorandū, aut quo-
uis modo intus sumendum est.

Porrò si uera, & pinguisima myrrha, ex qua stacten fieri De Myrrha
& Stacte.
certum est, caremus, rationi consentaneum est, stacte etiā
uera nos carere: fieri enim hæc ex pediasimo, & gabirea, quę
sunt myrrhæ species, Dioscorides tradit, Styra autem hic

Gal. myrrhā
gratiss. esse o-
doris dicit pri-
mo de antido-
tis lib. & 7. de
simpl. medic.
nō grauis, ut
Diosc.

Opocalpason
myrrhæ loco
nō sumendū.

noster liquidus (ut nunc ea omittam quæ de styrace à Gale-
no narrantur in primo de antidotis libro) stacte esse non po-
test, cum nullam gustui amaritudinem adferat, quemadmo-
dum infra ipse etiam annotasti; neq; ita ut stacte uehemen-
ter odorifer sit. Congruum enim uidetur cum stacte pingui-
tudo myrrhæ sit, myrrhæq; amaritudinem præferat, & odo-
rem uehementem, stactem quoq; ambas illas qualitates pe-
nitus, uel certè multum earum repræsentare. Adde etiam
quòd styrax liquidus subuiridis non est, quo colore prima
omniū troglodytica myrrha à Dioscoride describitur: cu-
ius coloris quoq; stactem esse debere existimamus. Ruellius
præterea styracem liquidum non esse stactem, ut medicorū
uulgus opinatur, ostendit; uerū infirmioribus quidem ra-
tionibus; non enim id quod assumpsit, confirmat, & contra-
rium destruit: sed tantum causam erroris Arabum, uicinita-
tem nominis fuisse dicit, uel quia duo storacis (sic enim lo-
quuntur illi) genera, liquidū, & sicci statuerūt, qui recentio-
ribus calamita dicitur, cum antiqui de uno tantum genere
agant. Quare Ruellius (si rectè dispicio) quod refellendum
susceperat, his non confutat rationibus, styracem scilicet li-
quidum nō esse stactem. Quocirca opinio illa, cui fauere ui-
deris, quòd styrax hic noster liquidus uulgaris, stacte sit, nō
ualde nobis probatur, nisi & stactes uere saporem, odorem,
coloremq; (ut scripsi) manifestè reddiderit. Quàm rectè ue-
rò aganthi (e quorum numero est etiam Hieronymus Eu-
gubius) qui eo, quod belzuinū uocant, myrrhæ loco utun-
tur, uiderint ipsi: certum enim est (ut alia omittam) omnis
illud amaritudinis expers esse. Illud quoque maximè ani-
maduertendum est, ne myrrhæ loco opocalpason, quod in
eageneratur, medicamentis quæ intus sumuntur, iniiciamus:
multos enim interis se nouimus nostris temporibus,
quòd letale sit opocalpason intrinsecus datum, ut ait Gale-
nus in primo de antidotis libro.

Quinetiam ut suspicemur officinarū ammoniacū adul-
teratum

adulteratū esse, frustra illa faciunt, quæ in modum massæ cui
iussuam composita à pharmacopolis ostendunt, nō ad thuri
similitudinem in grumos concreta, & in minutas glebas
(ut Dioscorides scribit) coacta, nisi fortasse Dioscoridis uer-
ba ita intelligenda sint, quòd particulæ illæ ex quibus am-
moniacum, quale in officinis nostris habetur, diuersitate
quadam, quæ in eo est, thuri comparatum, illius similitudi-
nem repræsentet. Sed hæc argumenti huius solutio (ut ue-
rum fatear) ingenium magis, quàm ueritatem ostendit.

De Ammo-
niaco officio
narum.

De Sarcocolla quoq; nunc aliquid dicamus; cum enim il-
lam examinas, nobis quidem nō iure Mesuem à Manardi
castigatione, & censura tueri uisus es. Manardo enim ea de
re loqui consilium fuit, quæ facultatem habet corpora pin-
guitudine replendi; quod Mesuem etiam innuere satis con-
stat, quando dicit [usus eius corpora impinguat] non autē
quòd ex euentu hoc fiat. Ratio autē quæ facit, ut hoc uerū
esse existimemus, hæc est: Mesuem, si sarcocolla corpora
pinguescere intellexisset, hocq; illi ex casu, nō propriè inesse,
nō tam cōfuse & imperfectè sententiā illā prolaturū fuisset,
sed quādoq; nō cōtinuè euenire, ut per eam corpora pin-
guescerent. Sed ne Dioscorides hanc illi quidē uim, & facul-
tatem tribuit, quemadmodū Manard. etiā animaduertit. Si
ergo sarcocolla soluit, stomachū uellicat, ac turbat, Mesue
testimonio, quonā modo ex natura propria corpus pingue
reddere poterit? Quapropter non absq; ratione Manardus
Mesuem censura dignū putauit. Quòd si dixeris, casu quo
piam eam pinguedinē producere, dum à corpore amouet,
quod illi, quo minus pinguescat, impedimento est: hæc sa-
nè ratio Mesuem ab erroris insimulatione non excusat, qui
propriè, non fortuitò, sarcocollæ hanc uim inesse uoluit,
quemadmodum Manardus quoq; antea intellexerat.

De Sarcocolla.

Nōnulla etiā hic nostrum in studiū ac beneuolentiā, &
sciendæ ueritatis desiderium, adscribere nos hortatur, Lectis
enim illis tuis quæ sunt inter resinam & gummi differētijs,

H

uarijsq; earū cum rebus alijs atq; alijs permistionibus, pro-
 tinus nobis in mentē uenerunt quæ a Gal. in lib. de comp.
 med. ^{ἡ γέννη} & potissimū primo scribunt, in cōpositione,
 quæ Album Heræ inscribitur, & in plerisq; alijs locis, ubi
 manifestē oleum cum thure admiscet, quod gummi esse cō-
 stat. Item terebinthinā (cuius tamen tu quoq; mistionē fieri
 posse abnegasti) cum aqua. Quæ quidem tuis aduersari ui-
 dentur assertionibus. His adde, quod cum terebinthinam
 aqua coctam ex Cypro placentarū modo Venetias impor-
 tari scripseris, ijs quæ suprà dixeras nōnihil etiam repugna-
 re uidetur. Tibi autem hæc nūc in memoriā reuocanda du-
 xi, ut ea iterum sub incudem redacta, & diligentius excussa,
 amplius innotescant. Nisi fortē (quod uerius puto) intellexi-
 sti, oleum (exempli gratia) cum thure, uel aqua, nō quidem
 nullatenus, sed nō facili cōmisceri posse, quemadmodum
 etiam scripsit Galenus in secundo de simp. med. cap. xv. ubi
 ceræ & resinæ abluendæ modum docet, quippe quod sit di-
 uersæ ab illis naturæ: quod Pliniū quoq; intellexisse existi-
 mandū est. Scis præterea quā celebris sit apud Gal. hydre-
 laci cōpositio. Et quoniā resinam larignā uiribus terebin-
 thinæ similem esse dixit Galen. in primo librorū de comp.
 medic. secundum genus, ea si uelimus uti in affectibus, qui
 foris corpori contingunt, ad quos terebinthina desiderat,
 non (opinor) absurdum fuerit. Cum autem Galenus scribat
 quasdam nō habere adstrictionē resinas, quæ post terebin-
 thinam abs te tradunt, nobis quidē aliquantulū sunt suspe-
 ctæ: ingenuē nanq; fatemur nos nescire unde documentū
 illud sumpseris, quibus ue innitaris fundamentis, quod cy-
 parissima scilicet resina, aliq; cum ea facultatis eiusdem, cor-
 pus emolliant, cum a nonnullis nobis cauere opus sit, cum
 corpus molle reddere uolumus, Galeni præcepto in vij. de
 compos. med. compos. secundum genus.

Lib. 24. cap. 1.

s. de simp.
 medic.

De Sanda-
 rachia.

Pro tua autem contra Leonhartū Fuchsiū medicū alio-
 qui doctum defensione, qui arbitratur sandaracham uulgò
 dictam

dictam uernicem, nō esse arboris gummi, ita eius refellere
tentabimus argumenta. Nam licet Arabes non descripse-
rint arborem ex qua uernix emanat, non propterea tamen
sequitur, quin iuniperi arboris gummi esse possit, aut lachry-
ma: quia Diosc. etiam sapius nō delineat arborum effigies,
quarum partes sunt ea, de quibus tradit. Neq; obstat quod
Plinius iuniperi gummi ad nihil utile esse scripserit: quo-
niam Plinij tempore illius gummi uires fortē adhuc ignote
erant, uel saltem ipsi Plinio, quæ deinde posteriorib; seculis
pleraq; scrutantibus innotuerūt, quemadmodū de nonnul-
lis quoq; alijs, quorū facultates incognitæ erant, planè con-
stat, quantū res ipsæ sensui essent manifestæ. Quinetiam il-
lud dici potest, Plinium, cum ea scripsit, gummi iuniperi
quod in Coryco monte Ciliciæ gignitur intellexisse, ut ip-
se quidem ait: non autem omne iuniperi gummi, & quia e-
tiam cedrum iunipero uirib; similem facit, quod & Marcel
lus uiderat: ideo cum de uno tradidit, de altero etiā se tradi-
disse arbitratū fuisse. Simili modo dicendum Galenū sub
capite de gummi cōmuniter inscripto, & iuniperi gummi
cōprehendisse. Quibus fundamentis & rationib; hoc gum-
mi uernix appellatū res esse poterit ab Erithace, siue Cerin-
tho sandaracha, & à metallica diuersa, quæ sandyx à Ga-
leno appellat. Et licet Dioscorides sandaracham ex mulso
purulenta excreantibus dari moneat, ego tamen cum Gal,
sentiens dare nō auderē, nec alijs dandam esse consulerem,
cum præsensissimū & ab eodem Dioscoride uenenum esse
scribatur: & ea quæ intrō sumuntur naturæ animalis fami-
liaria esse debeant, siue medicamenta, siue cibi sint. Sed hoc
loco uix mihi à gemitu temperare possum, cum uideā tam
multa, tam uaria, tam pestifera uenena cum ueterum, tum
recenti hominum scelere inuenta in cōmunem perniciem,
ad quæ utinam uel Dioscorides ipse, uel Galenus, uel alius
quiuis medicīnæ professor remedia tradidisset, aut certē hac
aliquis ætate traderet, Tradita quidem esse à Dioscoride,

Lib. 13. cap. 11.

Lib. 24. cap. 8

Lib. 5.

Gal. 4. cur.
meth.

Paulo, alijsq; contra uaria uenenorū genera fatemur auxilia quaedam, & prae cautiones, sed cōmunes, & quae paruā efficaciae & nunc sint momenti: adeo effera, & potentissima toxica, & prioribus inaudita seculis, hominū nostri temporis ingenium, & malitia excogitarunt, aduersus quae si quis studeat opem ferre (ut ea nunc preteream, quae extrinsecus, ut audio, corpori admota exitialem uim, & exitium adferre recens comperta sunt, corpore nullatenus a naturali statu immutato, neque eadem notas habente, quas Galenus connumerat, cum quispiam uenenū sumperit, inter id distinguentes & corruptos humores, qui ueneni speciem reddunt, & in corpore quandoq; oriri contingit) frustra se laborare intelligat. Nequaquam enim Deus ad hos usus deleteria creauit uenena, sed ut alijs medicamentis admixta (quoad medico integrū est) uel etiam per se praeparata morbis remedio esse queant, & aliorum simplicium aut animalium perniciosorum praesentissimū alexipharmacū. Digni siquidem sunt grauissimo supplicio, qui talia perpetrant, sed magis qui ea aut docent, aut scribunt. Cur autem deleteria longo post eorum sumptionem tempore interimant, crassa potissimū illorum, terreaq; essentia est: quae uerò tenuis sunt, quandoq; cum excrementis excernuntur priusquam corpus afficiatur: quandoq; bona ciborū fortuna, & potuū, aut praesentis medici auxilio nihil laedunt, quemadmodum scripsit Galenus loco superius citato. Sed iam tempus est, unde digressus fuerā, redire. Ruellius igitur & ipse his cōiecturis Arabum sandaracham iuniperi lachrymam esse probare annititur: cuius indicio est odor attritu & suffitu iuniperū redolens, quodq; accensa statim deflagrat: & si naturam eius amplius tentare libeat, admota igni succenditur, alitq; flammā odore iuniperum representantem, quae postmodum in gummi rursum lentescat. Haec Ruellius, Cornarius uerò in cōmentarijs, quos addidit in Galeni libros de comp. med. secundum locos, succinum siue electrū quod

6. de locis aff.
ca. 5. & in lib.
de cibis boni
& mali succi.

Gal. 10. de simplicibus
med. iuxta princip.
& lib. de med.
simplici. facult.
cap 6.

quod à Glesarijs defertur, sandaracham uernicē appellatā esse existimat; cuius tamen opinionem Simon Genuensis antea confutauerat. Et quanquam (ut diximus) Fuchsius duas tantū esse sandarachas uelit, metallicam, & quæ in aluarijs inuenitur, rithacen, siue ceranthemon dictam, nihil tamen obstat quin præter has etiam tertia esse possit, nempe ab Arabibus indicata, ut satis planum fecimus. Ac ne illud quidem quod scripseras, uerum esse comperimus, Arabes, quos citat Serapio, sandarache, quæ gummi arboris est, easdem uires & naturas attribuisse, quas Dioscorides metallicæ adscribit. Serapio enim cum tantū eam in prima caloris sede posuerit, in alijs eius qualitatibus illi consimilem esse nō dixit, sed dissimilem potius: nisi tu fortasse diuersæ à nostra impressionis codicem nactus sis, uel aliter uersum.

Visum etiam est nobis in hac electri cōmemoratione Paulum Aeginetā à calumniā uindicare, quam haud iure quidē Leonhartus Fuchsius ei tribuit. Non enim uerum est quod ait ille, Paulum in capite de electro sensisse, electrū sci licet populi gummi esse: hæc enim Paulus non ut certa, sed tanquam dubitationis plena protulit; cuius hæc est illius definitio: ἡλεκτρον τὸ τῆς αἰγείρας δακρυον φασὶ κατὰ τὴν ἡριδανὸν ποταμὸν ἀποχεόμενον καὶ πηγνύμενον χρυσοειδές. hoc est, electrū populi nigrae lachrymā dicunt, iuxta Eridanum emanantem, & durescentem, auream. Quibus uerbis satis constare arbitror, Paulum nō affirmare electrū populi lachrymā esse, sed de sententiā aliorum illa protulisse, sibi quid illud sit incertum esse. qui quidem error, ut constat, Paulo adscribi non potest, etsi potest inscitia; quoniam falsam illam definitionem cum ex alijs protulerit, nullam ipse tamen ueram attulit, ex qua lector, quid esset electrū, posset cognoscere. Quamobrem curato uno Pauli uulnere, altero eum obligare coactus sum. Sed nil mirum, cum unum hominem omnia scire fieri non possit, hic error pluribus etiam magnis uiris cōmunis sit; quoniam nunquam decipi diuinū

Paulus defendit in Electri commemoratione.

potius sit quàm humanū. Neq; in ea definitione Paulus populum albam nominat, ut patet, aut Galenus, sed nigram.

De Charabe. Ruellius, cum scribit officinarum charabe esse Arabum charabe (quamuis hæc non ad te spectent) ambiguitatis nō nihil attulit, quoniam officinæ nostræ gummi non habent arboris populi, quod Arabū charabe est, sed aliam rem longè ab ea diuersam; nisi fortasse Galliarum pharmacopolæ illam obseruent, quod an uerum sit, ipse uiderit.

Idem Ruellius quid per Benimū intellexerit, siue ben Iudæum, quod laseris Syriaci genus esse affirmat, & ex Iudæa illius parente mitti, non satis exploratū habeo; nisi fortè belzuinū nobis dictū esse uelit; sed cum belzuinū gratū nobis reddat odorem, uirosum uerò laser, quod ex Syria deferatur, Ruellij uerborū sensus sic etiam à ueritate alienus uidetur: nisi & quod odoratum, & quod graui odore præditum est, utrunq; ex Syria importatur.

De Visco. Quæ de uisco à te narrantur, ea quoque, ut ambigam, faciunt; namque uiscum soli aptum, sic à nobis appellatum, ab alijs damascenum ad nos allatum (ut scribis) nō uidetur fieri ex illius acinis fruticis, aut arboris, quæ buxi folio uirot secundum Dioscoridem, sed ex myxis potius, siue alijs rebus, ut Hermolaus notat. Quod autem hoc uerum sit, ex eo apparet, quoniam uulgare hoc uiscum nec acrimoniā, nec amaritudinem ullam habere uidetur, quas Galenus & Dioscorides suo inesse uisco scribunt, sed dulcedinem potius; eoq; humores ex intīmis corporis partibus attrahendi & digerendi uires non habebit.

De Stomomate. Stomoma, si Galeno, nōnullisq; alijs auscultamus, aliud ab æris squama esse aperte constabit, quā tamen tu eandem esse uis cum stomomate; nam quæ ix. de simpl. med. ab ipso scribuntur, ea potius stomoma squamā ferri, quàm æris esse comprobant; similiter & iij. de comp. medic. secundum genus, & eiusdem vi, uidetur ab æris squama id distinxisse. Itidem & in tertio in punctura nerui docet euitanda esse quæ adstrin-

adstringat metallica medicamenta: quæ uerò abstergant, si-
cut squama æris, usui esse: at stomomatis squama uehemen-
tius adstringit, quæ squama ferri. Quare stomoma non uidetur
esse æris squama, præcipue eius tenuior pars, secundum Gal.
Paulus quoque de tribus squamis tanquam diuersis tradit, æris,
ferri, & ferri stomomatis, hoc est, ferri ad aliquem usum for-
mati, & per chalybem roborati: cuius rei etiam meminit Ianus
Cornarius in commentarijs Galeni de comp. med. secundum
locos, ubi & Dioscoridis uerba de stomomate, nostro qui-
dem iudicio, probè castigat, eaque explicat, & de hac materia
latius agit, Pliniumque erroris sui admonet, qui medicos suæ
ætatis harum rerum ignorantia, & ipse acerrimè arguerat.

Et quoniam res est à nobis in usu medico non negligenda,
quin nostra plurimum interesse arbitror, ideo quid abs te tan-
topere commendentur ex argento uiuo perunctiones, quæ
admixtis alijs medicamentis nonnullis gallico morbo, quem
uocant, affectis præparari consueuere, plurimum nobis dubi-
tandum uenit: multæ enim rationes, & quæ has comitan-
tur symptomata, ut contrarium potius sentiamus nos mo-
uent: quæ quoniam satis ex se manifesta sunt, & ab alijs no-
stræ professionis uiris & doctis aliàs explicata, illa ego nunc
præterire uolui: nam etsi quædam sunt, quæ si intus suman-
tur, perniciofa sunt non hominibus tantum, sed plerisque
etiam bestijs, foris uerò illita præsidio sunt, ut de nerio, siue
rhododaphne scribit Galenus, & de opocalpaso in primo
de antidotis libro, contrarium tamen ad argenti uiui inun-
ctiones sequitur.

Argentum uiuum potui datum, uel quouis modo intra
corpus sumptum, letalium uirum esse, omnibus qui Dio-
scoridem, Paulum, Pliniumque & ipsos Arabes legerint, adeo
in confesso est, ut nulla demonstratione opus sit, aut alio-
rum qui illud confirmant testimonio. An uerò id grauitate
sua fiat, an erosione, ut Galenus, an alia qualitate (de quibus
Conciliator differentia C L I, agit) nunc minimè nobis

Gal. 9. de com-
pos. medic. se-
cundum genus
in ca. de squa-
mis. & 4. de
comp. medic. se-
cundum locos.

De perunctio-
nib. ex argen-
to uiuo.

s. de simp.
medic.

De Argento
uiuo.

6. de simp.
medic.

4. de simplicid
medic. cap. 18.
& 5. eiusdem
cap. 18.

curandum est: satis enim fuerit uenefica uī argentū uiuum præditum esse, ideoq; neq; uorari, neque bibi debere: secus quidem ac nonnulli circunforanei, & carnifices faciūt, qui catapotia ex eodem argento confecta ad morbi gallici curationem, graui sumentū periculo, dare consueuere, tanq̃ de salute sua, eo sumpto, illos periclitari manifestū non sit: non enim nunc magni interesse puto (ut dixi) qua id qualitate agat, scire, modo famosum esse deleterium cōstet. Quod autem hoc nullam habeat dubitationem, ostendit Dioscorides, quando dicit, argentum uiuum omnem aliam materiā in qua occlusum fuerit, exedere, eamq; absumere, argentea, uitrea, plumbeaq; exceptis. quo argumenti genere usus est etiam Galenus ad cognoscendum an helxine abstergat. Quare ex his, alia praua qualitate, quā pondere ipso, eui dens detrimentū inferre uidetur. Præterea à sumpto argento uiuo eadē sequunt̃ symptomata, quæ ab argenti spuma, ut Dioscorides, Paulus & Aëtius scribūt: sed illa magni pena timoris existunt & discriminis, & extremè noxia & pernicialia. Quapropter argentum uiuum hominī haudquaquā dandum esse satis manifestū esse existimo. Adde etiā quod paulò antè aurum tritū à te in usu medico damnari propter naturā exitialem animaduertimus, cum nihil aliud aurū sit (ut ais) quā argentū uiuum purum à natura condensatū, purissimā sulphuris partem manifestè retinens: quocirca argentū uiuum multo magis humanæ naturæ perniciosius erit, Galenus postremū hydrargyrū recenset inter illa, quæ uenena existunt, quorumq; uel modica portio, si sumatur, maximū omnino periculum inferat & detrimentū. Si uerò quispiam dixerit, quod etiam Auicennas animaduertērat, Galenū in ix. de simp. med. scripsisse, nullum se de hydrargyro fecisse periculū, quod interimat, si intus sumatur, uel foris admoveat: ita illi respondendū esse arbitramur, Galenum in iij. de naturali hydrargyro locutū fuisse, in ix. uerò de factitio. Quibus sic explicatis, equidem nescio cur argentum

tum uiuum puerulis illis tuis interdū propinare ausus fueris, etiā si post eius sumptionē bene feliciterq̃ cesserit: quod casui cuiuspiam profectō potius adscribendū est, quā experimento cum ratione. Non enim uerē affirmare possumus, etsi sex uel septem homines pharmaco aliquo purgatos uiderimus, quōd omnes posthac similiter purgabunt; sed rei naturā sequi oportet, quemadmodū Galenus Hippocratē fecisse scribit, Vidi nempe ego XII. abhinc anno, cū in Burmīs essem, ubi salutare aqua nō longē ab ortu Abduæ fluminis scaturiunt, plurima & grauissima ex hac argenti uiui potione subsecuta fuisse incommoda. eō enim cum Gallus quidā forte fortuna se contulisset, medicinamq̃ palā profiteretur (hac etenim cæterarū artium omnium nullam cōplurimi hodie homines magis temerē exercent, cum tamen difficillima sit, & accuratissimē tractanda) plerosque ex illis pagis ad eum tanquam ad Aesculapij nuncium concurrere uideres. Is nanq̃ cōpositione quadā ex arte quidem sua confecta ægrotos omnes potissimū de salute sua desperantes perfecte curare absq̃ dubio pollicebatur, quæ maximā argenti huius portionē exciperet, aurīq̃ tantillum, & quæ præterea circulatores isti pro reconditis thesauris maximē obseruāt. Sed quid plura? cum innumeri, qui pharmacū id sumpserunt, quod behezar ille appellare solitus fuerat, uitam cum morte cōmutauerint, alij multō quā antea peius se habuerint, per pauci uerō, qui quidem robustioris naturæ fuerant, & malī tolerantioris, casu quopiam euaserint: dura enim corpora in uniuersum ualentium medicamentorum uim perferre possunt, ut ait Galenus in ix. de simpl. medic. ubi de terra samia loquitur: quibus cum aliquando deinde accersitus superuenissem, ut alterius errata, quantū in me esset, corrigerem, adeo praua animaduerti ab eiusmodi sumpto pernicioso medicamento inuasisse symptomata, necnō extremas alui, & uentriculi inanitiones, & syncopas, siue animi defectiones, ut nō maiores, nec grauiores unquā

Tertiæ sect.
aph. 10.

2. de natura
humana. &
3. de morbis
uulg. & ali
bi.

uiderim. Quamobrem, mea quidem sententia, consultius fuerit in singulis morbis ab argenti uiui propinatione nos abstinere, quam nulla ratione ægrotos periclitari uelle.

De lapide
Cyaneo.

De lapide cyaneo, quem nunc gemmarij uulgò uendunt, quemq; sapius certis signis scalptu annulis aureis includunt, ut eundem esse cõcedamus, quemadmodum scribis (quamuis ab illo officinarum, & colore, & substantia differat) cum cyaneo, de quo mentionem fecerunt antiquiores medici, quiq; de horum, qui ulcerant & erodunt, medicamentorum genere, secundum Dioscoridem & Galenũ, ipsumq; etiam Auicennam, existit, nec non uehementis & timendæ purgationis, ut ait Auerroës, atq; in aeris, Dioscoride autore, uel, ut alij asserunt, aurifodinis inuenitur; equidem non possum non multum admirari, quòd Mesues, & plerique alij nostræ ætatis medici contra omnem rationem Arabum sectæ magis studiosi, quam Græcorum, adeò temerarij, & audaces fuerint, ut eo, cum opus est, in medendo familiarissimè uti nequaquã pertimuerint, potionibus eum, aut catapotijs, & huiusmodi admiscendo, siue naturalis ille, siue arte factus fuerit. Nõ ob id igitur quòd ueteres nihil de eius purgandi ui scripserint, Leonicensius uoluit eo utendũ nõ esse, uerũ quia putrefaciendũ uim & corrodendi habeat; cui sententiæ & Leonhartus Fuchsius accedit. Atq; cum Galenus armeniã siue armenium leuissimæ esse acrimoniæ scribat, cyaneũ uerò acri facultate præditũ, quomodo utriq; easdem habeant uires, & eas quidem armenius fortiores (ut ais) nescio. Veri autẽ cyanei experimentũ esse dicit Plinius, ut in carbone flagret. Cæterũ cum Manardus & cyanei, & armenij lapidũ facultates, quas illis Dioscorides & Gal. attribuerũt, ut ueras confirmasset, deinde subiunxit, hæc omnia intelligenda esse, dum foris admouent. Quare quid hũc uirum alioqui peritũ, & de rebus medicis optimè meritũ, in talem adegerit opinionem, profectò fugit me ratio, cum potius medicamentũ istud si intus sumatur, efficacius esse debeat,

Lib. 33. cap.
ultimo.

beat, & promptius vires suas exercere magis sit rationi consentaneū, utpote quod facilius à calore nostri corporis naturali ad illud exequendū iuuetur, propter loci præcordiorū uicinitatē, quæ utiq; calidiora sunt, quàm quæ foris sunt partes, propter multa impedimenta, quæ, si pharmacū id extra applicetur, fieri potest, ut eueniant, illiusq; facultates obtundant, & remorent. Quamuis autē uir iste usq; ad drachmarum duarū pondus cyanei lapidis pollinē se dedisse fateat, remq; sibi optimè successisse, aliosq; qui eum pro certo se expertos fuisse affirmarint, etsi minoris multò mensuræ, certisq; alijs medicamentis admistū, & elotū cognouerim, horum tamen experimenta nō ita faciliè recipienda, atq; approbanda esse duxerim, tum quia à Galeni & Dioscoridis opinione longè aliena sunt, tum alijs de causis: & maximè cum cyanei uice mitioribus uti liceat medicamentis, & minime in medendi usu suspectis. Ex lotionē quidem & uestione minus mordens reddi medicamentū cōcedimus, ut de chalcitide narrat Galen. Verū etsi hoc loci, & alibi dicit, ex illo abluendi modo medicamentū mordacitatis experts euadere, & edomari, & interire, nō omnino tamē ea carere scribit, imò ex uestione subtilius reddi: ut de gallis cōbustis, necnon fuligine, cinerē ue constat. Et quia acris, si urantur, multū caloris amittant, quæ uerò huiusmodi non sunt, assumant, combustorū tamen omnium nullum planè est frigidum: relinquit enim in illis uelut *ἐμπύρδυμα τι*, hoc est, ignis quoddam fomentū: ita enim Aristoteles appellabat, quod per abluiones in aqua remanet: imò quorum dura & crassa ante uestionem fuerat essentia, ea deposita, cōtrariam adsciscunt facultatem, quam uocant digerentem. Adde etiā, si quæ Manardus de hoc lapide scripsit, uera essent, mirum quidem uideri Galenum de illis nō tradidisse, medicorū quippe sapientissimū: quo quidem argumēti genere quandoq; nos usi sumus, non certè ut ualidissimo, sed ut alicuius momenti & efficacis, uiri diligētia summa, & eruditione,

4. de compos.
sit. med. secū-
dum loca.

3. cur. meth.
& 2. de simp.
med. cap. 15.
& 4. de cōp.
med. secundū
genus.

7. de simpl.
medic.

Gal. 9. de sim-
plici med. ca-
pite de metal-
lis, & de pu-
mice.
11. de simplici
medic. cap. de
ostreis.

Lib. 1. cap. 22.

4. & 5. de sim
plici med. ca-
pite 18.
De sanguine
draconis.

cōsideratis. His etiā amplius subnectere nobis uisum est, ea quæ Mesues ex Alexādro Tralliano adducit, nequaquā uera esse, sed falsa; lapidem scilicet Armeniū efficaciorē in sol- uendo esse, quā sit lapis lazuli (ut eius uerbis utar) chole- ram nigram; si modò non deprauatus, aut imperfectus est Alexandri codex; nullam enim ibi de lapide cyaneo siue la- zuli mentionem habet Trallianus; sed Armenum in edu- ctione humoris nigri cōparans elleboro, mirificē illum ex- tollit, etsi etiam scio Auicennam in capite de azul idem asse- rere, quod Mesues Alexandro adscripserat, qui tamen cum Serapione sicait; Virtus eius est sicut illius, cui adhæret au- rum, hoc est chrysocola, debilior parū, & est putrefactiuus, & in ipso est adustio & exulceratio. Dioscorides quoq; con- firmare uidet lapidis cyanei uires efficaciores esse quā Arme- ni, si accuratē illius uerba considerent. Scimus quippe nō- nulla à ueteribus in medendi usu tutò usurpari uenena, mo- dò (ut dixi) certa illa arte præparent, uel ex aliorum medica- mentorū mixtione illorum uires & malitia corrigatur. Can- tharis enim (exempli causa) si, quib. oportet, moderatē admi- sceatur, & modicē sumatur, præter quòd uesicā nihil offen- dit, etiā renes expurgat, efficacioraq; reddit medicamen- ta quæ ad mouendam urinā componunt. Similiter crocus, styrax, myrrha, & papaueris succus, si largius sumatur, de- mentem facit, moderatē autem alijs admixta adiuuant.

Leonhartus Fuchsius duplex sanguinis draconis officii- narum genus esse ostendit; primū quidem cum Leoníceno ueram cinnabarim esse existimat; alterū uerò quod colore atrum est, & in orbem circumactū, sed tamen compressum monstratur, arboris lachrymam esse, quam ipse itidem de- scripsit. Sanguis autem draconis, quemadmodū ipse etiam annotasti, qui à pharmacopolis nostris exponit orbiculari figura pressus, terra esse apparet. Alter quē eadem habent officinæ, gummi magis uel lachrymæ naturæ adsimilatur, quā cuiuspiam metallicæ rei; nisi fortasse, qui in quampluri- mis offi-

mis officinis habetur, syncerus ille non est, secundum Plinium inuentu rarus, & de quo Leoniceus mentionem fecerat, quodq; Georgius Agricola in Bermanno metallicū esse adfirmat. Hoc ego quidem uerē asserere possum, metallicum illum celebratissimū me nunquam uidisse: quapropter tu attentius, quā nos, iterum, & diligentius, de eo ut cognoscas operam dabis.

Notam, qua antimonium à plumbo differre scripsisti, illud uidelicet teri, non fundi, plumbumq; solum fundi, non esse ueram, ab ijs qui eis creberrimē utuntur, accepimus: antimonium enim facili fundi, quanquam non ita, ut plumbum, pro comperto habent.

De Antimonio.

Nec quod sapphyri scalpi non possint, certum est: nos enim unum habemus signo imperatoris Galbæ doctē excavatum. Difficillimē uerō, quod durissimi sint, illos & adamantem scalpi dicimus, & quidem lapide smiride solo, eoq; minutissimē trito, aut adamantinis segmentis, aut alio adamante cuspidatam figuram habente: quemadmodū ijs qui quotidie Venetijs gemmas aptant & expoliunt, notissimū est. Audiuimusq; aliās Leonem x. pont. max. adamantem, qui quidem sapphyro durior existimatur, digito sæpius gestare solitum, muscē in eo effigie mirabili artificio exculpta, quam nobilissimus artifex de industria cælauerat, ut quendam ab eo punctū, siue glaciem (ita enim gemmarij appellant) suo excellenti ingenio demeret, quō sic adamanti decor, & precium accresceret.

Sapphyrum sculptile est.

In considerationem nunc asphaltum uocantes, dicimus, non absque ratione nos pro bitumine, pice sicca uti posse, quamuis alterum naturale sit, alterum arte fiat, quemadmodum Galenum, aliosq; legenti autores abundē cōstat: quoniam eisdem illa insigniantur uiribus, nec substantiæ similitudine inter se discrepent: bitumen enim calidum est, & siccum in secundo ordine, atque ad glutinanda uulnera utile; ad quæ etiam singula pix sicca ualet, Cum igitur bitumen

De Asphalto

Iudaicum omnia alia eiusdem generis preclare excellat, nec non quibus admoventur optime prosit, si id haberi potest, quando usus & res postulat, eo uti commodius esse existimamus, modo syncerum inueniatur, nec ulli alij rei permiscum. Sed cum propter illam, qui in Syria sunt humati, hominum partem quae secum admiscetur, inualidius necessarium, ac deterius multo (ut infra apparebit) reddat, longe melius nobis fuerit, eo omisso, aut pice sicca uti, cum eisdem ferre (ut dixi) polleant facultatibus, aut petroleo, quod ex agro Siculo ad nos importat, & bituminis uice uenit, ac pro eo in usu medico haberi (hoc enim inter bituminis genera connumerat Dioscorides) quam Arabum mumia, quae licet ex bitumine, & alijs rebus confecta sit, credendum tamen est uitium potius attraxisse ab humani corporis situ, & putrefactione, & proprias uires aut omnino, aut multum earum perdidisse, quam nouas ex eo & (quod isti putant) ad medicinam praestantiores acquisuisse, neque ita potentem esse, ut antea, in exiccando. Satius igitur fuerit ac consultius, puro bitumine uti, uel eo deficiente, supra scriptis simplicibus, quam mumia illa humano generi plurimum abominanda: quam ut detestabilem unam cum Leonharto Fuchsio ab officinis arcendam, & omnino potionibus interdicendam esse proculdubio censemus, iuxta Galeni sententiam, cum innumera nobis alia non desint ad eosdem morbos, ad quos illa utimur, salutaria remedia. Et quanquam Arabum auctores, qui que illorum doctrinam sequuntur, ad ruptos, & sublimi praecipitatos, cruentaque expuentes, eam usque adeo commendent, ut nulli compositioni, quae his conueniat morbis, non permisceant: ego tamen potius, & quidem absque ulla dubitatione, si eiusmodi remedio utendum sit, malim abiecta hominum pinguedine, ceteris uti, quae mumiam ipsa quoque componunt. Ea enim propter, non autem ob pinguitudinem illam corruptam, in his morbis mumia praestantior iudicanda est: myrrhamque & aloem & bitumen

10. de simpl.
med.

tumen, propter hunc putridum (ut antea ostendimus) defunctorum hominum humorem, ad usus medicos imbecilliora fieri, ac corrumpi: humorem enim, praesertim que istiusmodi, putrefaciendi corpora potius uim obtinere existimandum est, quam aut roborandi, aut consolidandi. Quare tutius fuerit, ac rationabilius, ab hoc dando medicamento abstinere, praecipue cum contrarium, atque sperabamus, facile euenire possit. His accedit quod Auicennas mumiam describens de hac mixtura, & humana mortuorum pinguitudine, nullam fecerit mentionem, at de Dioscoridis pissasphalto disputauerit: de quibus, quia à Leonharto Fuchsio latius traditum, amplius à nobis differendum non est.

Cum chalcanthum, & chalcitis uirium similitudine inter se conueniant, & eisdem qualitatibus praestent, cur altero uice alterius uti non liceat, nobis quidem non satis liquet: cuius tamen rei contrarium tu sentire uisus es praeter Galeni etiam methodum.

De Chalcantho & Chalcite.

Quae de terrae Lemniae differentiis abs te prodita sunt, in his uellem (ut congruum fuerat) distincte magis, & exacte locutus esses, ut planiorem earum doctrinam & certiore haberemus: ea enim quae terrae Lemniae, hoc est, sacrae conueniunt, uerae rubricae attribuisti, cum tamen inter se distinguantur: & ideo bolum hunc Armenum orientalem nunc ita à nobis appellatum istis comparando, quae iam terrae Samiae adscripseras, eundem terram sacram esse suspicatus es: quod à Leonicensi opinione, quae nobis certior apparet, longe distat. Sed cum post animaduertisses terram sacram à Galeno fuluo colore pingi, non rubente, quemadmodum nunc est uocatus bolus Armenus, imò illam rubentis esse coloris, quali insigniri fertur rubrica terra, quae secunda terrae Lemniae species est: ideo superioribus tuis scriptis addidisti, bolum Armenum nunc appellatum orientalem esse terram Lemniam, aut rubricam Lemniam; quia pro certo

De terra Lemnia.

9. de simp.
med.

bolus hic terra sigillata esse non potest, ut patet, cum non fuluus existat, uelut illa à Galeno describitur; satis enim notabili interuallo fuluus, & ruber color inter se discrepant. Plinius fortasse ut in hunc modum de his cōmentareris tibi occasionem præbuit, qui sanè hac in re, nostro & aliorū iudicio, reprehensione potius (si tamen hæc de tanto uiro fieri licet) quàm laude dignus existimatur, iureq; à Leoníceno argui & castigari. Terræ uerò Lemniæ (ut ais) sabulum misceri, nec Galenus, quòd sciam, nec alius scripsit. Ac ne hoc quidem mihi silentio prætereundum uidetur, Lemniā terram ita ab institoribus adulterari, ut nemo ueram à falsā, fucataq; possit dignoscere; quemadmodū multa alia ab adulteratis dignosci difficillima.

Lib. 1. de anti-
dotis.

De Nitro.

4. de simplici
med. cap. 19.
& 20. & eius-
dem 9. cap. de
aphrolitro.

Equidem (ut de nitro nonnulla à nobis afferantur) tuam semper atque Hermolai comprobauimus opinionē. Dici-
mus igitur tria hæc secundū Galenū distingui, ut etiam nota-
uit Hermolaus; litrū, spuma nitri, quæ & aphronitrū ap-
pellat, & aphonitrū; etsi uicinitas nominū, & librariorū in-
curia interdum faciāt, ut pleriq; codices uidentur. Nitrum
itaq; & litrum idem sunt, sicut & aphronitrū cum aphrolit-
ro; similiter aphonitrū, & aphrolitrū pro eadem re acci-
piunt; tametsi id subtilius est, amarius, magisq; abstergens,
quàm spuma nitri. Postea uerò quàm ad manus nostras per-
uenerunt Iani Cornarij cōmentaria in Galeni libros de cō-
pos. medic. secundum locos, profectò Galeni uerba magis
quadrare uidentur, si ita, ut ille monet, castigentur. Duo e-
nim hæc, nitrum & litrum, diuersa inter se esse ostendere ni-
titur; attamen, quoniam nullum, à quo illud sumpserit, au-
torem citat, qui de his seorsum, tanquam diuersis tradat,
eiusq; confirmet opinionem, nobis ex iudicio tantum, & in
genio ipsius, dictū illud uidetur, atq; inuentū: unius enim
Græci codicis fide, & exemplo (quod quidem satis magnū
esse argumentum non negamus) omnia Galeni uerba per-
mutat; cui etsi non omnino, magna tamen ex parte creden-
dum

9. & 11. de sim-
plici med.

dum uidetur. Vt cunq; igitur lectio illa restituatur, cum nitro siue litro, & ceteris illorum differentijs nos carere à cunctis receptum sit, omniaq; eiusdem ferè naturæ sint ad falsedinem & amaritudinem declinantia, & secundum plus & minus tantūmodo inter se discrepantia, nō magni res fuerit momenti, altero (si quando res postulet) alterius uice uti, & ad medicos usus illa indifferēter adhibere: nisi quod illa adstringendi facultatē nō agnoscunt, ut sal. Quod autē nitrū, quo nunc ad tormenta bellica utuntur, & salnitrū uocant, diuersum sit ab antiquorum nitro, putant omnes, à quibus ne nos quidem dissentimus. Verū nostrū quoq; salnitrū antiquis cognitum fuisse, non nihil ut suspicemur, facit Plauto in Timæo, qui ex terra fusili ait lapidem fieri colore nigro, & similiter ex cōmixtione quadam, & humoris priuatione, de tenuioribus terræ partibus fieri nitrum & salem. Tu locum diligentius considerabis, consideratumq; aperies, Scimus etiam Pliniū in cap. de nitro, ad illius calcem, salis nitri mentionem fecisse, sed loco illius uerbum, nitri, reponendum esse suspicor.

4. de simplici
med. cap. 19.
& 20.
2. de compos.
med. secund.
genus.

Lib. 31.

Indubitātū & illud esse confirmamus, pompholygenos, siue tutia, quam uocant, pro spodio uti posse ac debere, ubi necesse est, in ijs qui foris corpori cōtingunt affectibus, nō intus: hæc enim nequaquā interioribus exhibentur, ut sunt erugo, pompholyx, cadmia, & huiusmodi, quare cum Iano Cornario suspicor Galeni locū in viij. lib. de comp. med. secundū locos, cap. ultimo, ubi ad orthopnoeam, in quā misy inditur, compositionē instituit, corruptū esse, & misy loco, aut anisi, aut simile quippiā substituendū; nisi fortasse aliorum medicamentorū adiectione, uim eius mitigari, & coërceri posse dicendum sit; refranguntur enim medicamentorum ualidorū uires imbecilliorū mistione. Et quia omnes ferè medici propinqui ætati Auicennæ spodio ad affectus, qui intra corpus sunt, utunt, in his affectibus licet tale spodium inutile uideat, malum profectō fuerit, & præter ratio

De Pompholyge.

4. cur. meth.

1. de compos.
med. secund.
locos.

K

nem, pro eo re metallica uti, tutia uidelicet, siue alio eiusdē generis medicamento. Quare exactius uellem hac de re differuisses, ne rebus parū discretis, quæ uel exactissimè distinguī deberent, ægroti de salute sua in discrimen ueniāt, nō leui medicorū ignominia; quoniā (ut dixi) hæc pharmaca nō aliter usui medico habentur, nisi necessitudine extrā corpori inspergantur, uel aliquo modo applicentur, iuxta Galeni methodum in libro paulō antè à nobis citato.

De Monocerot
otis cornu.

De Monocerotis cornu latius profectò te locutum fuisse optarem, utpote de quo etiam in re medica nobis curæ esse debeat, quandò usque adeo hoc nostro æuo medicorum in ualuit consuetudo, ut quibuscunq; adulescentulis uermiū iniuriā, & prauis eorū uexatis symptomatis, necnon ijs qui uenenū hauserūt, aut à cane rabido, alijs uē animalibus uirulentis percussī sunt, morbis uē alijs grauissimis impliciti, illicò illorum iussu, nulla de eo cōsideratione habita, bibendum detur: quibus autem rationibus moti, testimonijs uē doctorum hominum, aut laudabilibus experimentis id agant, equidem, quod uerè affirmare possim, nō habeo. Aelianus quidem, & Plinius, uel si quis etiam est præter hos alius, Monocerotis effigiem graphicè pinxerūt: de illius autem cornu uiribus, quatenus ad medicum attineat, nec ipsi, nec quispiam alius (grauis modò fuerit scientia & auctoritate uir) quicquam posteris memorandum reliquit. Mihi quidem unquam (ut uerum fatear) nec audire quēquam, nec legere contigit, qui de illius cornu mirabili, quam prædicant, potestate aliquid scriptum reliquerit. Quòd uerò ais subnigrum hoc esse, uel subcineritium, nos illud non comperimus, uerū nigrum esse iuxta Plinij sententiam. Quapropter tu, qui apud principem agis, eumq; (ut audio) nouarum rerum cupidine ardentissimum, probè feceris, cum nactus ille fuerit Monocerotis cornu recens, non autem quale hodie ad medicos usus usurpari uidemus, longinquitate temporis in admodum sanè à cornea diuersam natu-

naturam conuersum, ac, si quas habere credendum est, nullarum uirium (ueterusta enim medicamenta, ut sunt liquores, succi, flores, folia, fructus, radices, semina, non modo omnino fugere conuenit, sed & metallica, quandoquidem et ipsa longo temporis spacio uires suas amittunt) si certam, de eo prius peractio iuxta Galeni doctrinam experimento, posteritati tradideris notitiam, ne tot exteris petitis regionibus, tandiu miserissimi decipiantur aegroti: quod tibi ut æquissimam rem petenti, illum non abnegaturum scio. Adeo enim nunc hominum genus uniuersum, quancunque orbis partem uel remotissimam perlustraueris, circumforaneis, usque uberrimis medicamentis scatet, atque incertis & noxijs remedijs, magicisque artibus, & præstigiaturis, & diuinandi varijs modis, qui quidem à speculatione medica longè distant, ut nullam artem medicina inconstantior esse, uere scripserit Plinius, nec Romana maiestate dignam. Quæ quidem & à Galeno abundè quoque detestata sunt, & his uerbis in primo de ratione uictus acutorum morborum explicata: Controuersia enim iustam ignorantie suspicionem ostendit, concordia uerò magnā cognitionis spem demonstrat, & discipulos non solum allicit, sed credulos reddit: & eam disciplinā idiotæ quoque uerissimam existimant, in quorum numero mathematicæ sunt, &c. Sed ut illa ab omnibus summo, ut par est, in honore habeatur, quæ præcipuè Hippocrates & Galen. tradiderunt, & si qui sunt illius ordinis uiri, ea ut sana certa que nobis sequenda sunt, & hactenus experimentis credendum, quatenus certa sunt, & constantia, Medicos autē in primis uitæ probitate ceteros antecellere oportet, nec non singulari doctrina præditos esse: tum si qua uel casu, uel peritiorum hominum industria & cura, ut pleraque alia in lucem recens emergunt remedia, ea quidem priusquam aut agris, aut alijs ad tuendam ualitudinē dentur, aut etiam foris corpori admoveantur, certa cum ratione, & diligentia examinanda sunt: quod ut facias, non solum

1. de compos.
med. secundū
loca.

10 de simplicī
medic.

in eo, de quo nunc nostra est oratio, sed etiam in plerisque alijs medicamentis, plurimū te rogo atq; obsecro, quæ licet (ut scis) incerta sint, & ambigua, mirificè tamen à nostræ ætatis medicis, tanquam omnium maximè præsentanea, & cōmendantur & desiderantur; neq; ulla est ferè eorum compositio in quam recens aliquod huiusmodi, nec probè expertū medicamentum non addatur, contra quidem Galeni sententiam in primo lib. de ratione uictus acutorum morborū, explicatam, necnon in primo eiusdem de antidotis, Sed ad institutum nostrum iam redeundum, & quod reliquum est peragendum.

Pinguedo &
adeps quo dif-
ferant.

Differt à pinguedine adeps, quòd ea crassior sit; & propterea in uniuersum naturā animantibus magis terrenam habentibus adeps generatur, ueluti humidam pinguitudo; proinde ea ad ignem posita liquefcit, nec facillè, ubi liquata fuerit, rursus densatur ac cogitur; adeps uerò non ita facillè liquatur, & fusus uelocissimè glaciatur & coalescit, multoq; apparet pinguedine durior; quanquā utraq; inter se quandoq; cōfundantur, alterumq; pro altero sumatur, ut ait Galenus xi. de simpl. med. non omnino tecum de pinguedine sentiens, qui eam nō glaciari scripsisti, Sed id ut leuissimū à nobis profectò prætereundum erat, quodq; annotatiunculis nostris finem imponere iam tempus sit.

Restat tamen, postquam in pinguedinis mentionem incidimus, ut hic quoq; nonnulla attingamus hac de cōmuni omnium penè medicorum inueterata consuetudine, & si uera dicere fas est, abusu potius inualecente, Nam cum Galenus in leniendis ac sedandis doloribus, & ut substantiæ partium tenuitate magis penetrabilem, anserinum adipem cæterarum præferat uolucrum adipibus, deinde gallinaceū, ut complurib; in locis patet, præsertim in secundo ad Glauconem ubi de scirrhis agit, & in libris de comp. med. secundum genus; in quadrupedum uerò genere leoninū, & qui deinde ex pardo sumit (nam in uniuersum tenuioris essentia adeps.

tiæ adeps est agrestium animantium & uolatilium: horum uero quæ in urbibus ociose aluntur, adeps humidior & crassior est: sunt enim animalia domestica humidiora) quid isti adeo anatū adipem laudauerint, ac alijs prætulerint, ut summam huic utilitatem, & gloriam detulisse uideantur, equidem huius rei causam nō uideo: quidq; iisdem aliorum adipēs quadrupedū, leonis ac pardī uice substituerūt: nisi quis forte horum cōtrouersiam cōponens, prædictorū adipum naturas nō multum inter se distare dixerit: aut quod leonis ac pardī adeps difficilis inuentu sit: quodq; omnīū natura, quæ difficulter parari possunt, fugienda est. Caprarum uero adeps, ut illud quoq; obiter dicam, præsertim hircorum, quia siccior & durior est, in dysentericis per clystere infunditur, nō quod mordicationem sedet, ut pleriq; etiamnum arbitrantur. Neq; etiam illud præteriuerm, caporum adipem eandem habere facultatem cum gallinarū: castratum enim animal semper redditur fœminæ simile, & ijs qui ætatis sunt minoris. Cæterū cum bonæ disciplinæ, boniq; mores mortalibus dati sint, ut uiatici uice nobis sint ad minuendos uitæ nostrę labores & molestias, & comites suauissimę, utq; alijs exemplo, & emolumento esse possimus, isti cōtrā puerse medentes, illarum uice, pertinaciā ignorantiamq; superbiam coniunctam ita amplectunt, ut nihil aliud magis diligant, atq; extollant. Postq; enim in his contra omnē quidē rationem respondere fortuna uisa est, omnia, præter lucrandi studium & gloriam, odio habēt, cæterosq; qui cum ueterum, tum recentiorum claris lucubrationibus cōtinuē & sedulō operam nauant, tanquam medicinæ ignaros negligunt, ac si multa scire, & in optimis artibus optimē uersatum esse, medico decorum non sit. Sed istis solo doctoris titulo, eoq; sæpenumero magno precio empto, illustribus factis, non uirtutibus, & falso contaminatis honore omīssis, congruū uidetur ea quæ à Galeno adducunt contra Xenocratem, cōmemorare, qui de partibus nostri corporis quid

3. de compos.
med. secundū
genus.

Gal. 10. de simplici med.

Gal. 11. de simplici med.

Gal. 9. & 10.
de simplici
medic.

10. de simpl.
medic.

in re medica possent, locutus fuerat; quoniam earum quasdam quærere legibus sit uetitum, quasdam uerò, quòd fœdus sit illarũ usus, & abominabilis, & illis uti medicinæ egestatem indicet, ut est in iij. de compos. med. secundum loca. Is itaq; non longè à principio libri decimi, capite de sanguine suillo, in hunc modum scribit; Putantes sanguinem humanum aliquid posse (quod & de pinguedine intellexisse uerisimile est) primum id illi experiri debent in suillo: quòd si ne tantillum quidem promissis respondeat, non erit cur in humano experimentum facere oporteat, additq; similia quippe efficere posse similia, experti sumus. Neque uerò uideo, cur tu ad tuendam tuam opinionem Alexandri Benedicti testimonio usus fueris, Galeni uerò in superscriptis locis, Plinijq; de latina lingua & medendi arte optimè meriti, de his omnibus latè differentium auctoritatem intactam prætermiseris.

Libro natura
lishistorie 28.
cap. primo.

Ne illud quidem, cum de oleis agis, nobis planè satisfacit, quando oleum rosatũ appellas, quod Dioscorides unguentum; constat enim ea iuxta Dioscoridis & Galeni sententiã inter se differre. Hic nanq; in ij. de simp. medic. cap. xxvij. & eiusdem vi. cap. de oleo, & iij. de comp. med. secundum genus, in unguenti Primionis descriptione discrimen unguenti & olei tradens, ait, oleum esse, quod absq; odoramentis, siue aromatis præparatur & conficitur; quòd si illis admisceantur, unguentũ siue hedyisma appellari; quod tamen tu aut non animaduertisti, aut tanquam leue ad scribendum, non curasti.

Postremum cum Galenus eos mentiri affirmet, qui lapides in spongijs repertos, & illos etiam qui Iudaici siue Syriaci appellantur, ut ipse ait in x. de comp. med. secundum locos, uesicæ lapidem uim cõminuendi habere dicunt, sed tantum eos qui in renibus sunt frangere: nō modicè hac de re admirati fuimus te Serapionis testimonium citare, eiusq; sententiam magis approbare, nec non Aëtij sermone ij. cap. x. qui

Gal. 9. de simplici med.
Auerroës 5.
Collect.

x. qui eum thecoliton appellat, q̄ ipsius Galeni, præstantis-
simi quidē, & principis in medendi exercitatione uiri, cuiq̄
in omnibus magna adhiberi fides debeat, præsertim in ijs,
quæ ipse se expertū fuisse affirmat. Hæc sunt optime uir,
quæ nostro & Collegarum nostrorū nomine ad te scriben-
da habui, quæ tu ea fronte, atq; eo animi candore accipies,
& leges, quibus nos tuum medicamentorū simpliciū Exa-
men legimus. Tibi autē persuadeas uelim, nos omnes tua
causa uelle omnia, ac cupere; & paratos esse tibi morem ge-
rere, si quando aut opera, aut re nostra uti uoles; quem qui-
dem ut peritū & diligentem rei medicæ instauratorē ob-
seruamus plurimum, ac ueneramur. Si quid uerò aliud no-
ui in re nostra tuum pepererit ingenium (quod proculdu-
biò fore existimamus) eius nos quicquid illud fuerit, ut no-
biscum cōmunices, te etiam atque etiam rogamus; nam &
nobis gratissimum facies, tibiq; maiore quàm antea benefi-
cio adstringes. Et licet quantū potui cauerim ne te uel tan-
tillum læderem, si quod tamen uerbum fortè offenderis, à
me incautè prolatum, quod liuoris, aut aculei aliquid habe-
re uideatur, ut illud prorsus confodias ac tollas, tanquam à
nobis alienum, nostri scito esse instituti. Vale, &

nos ama. Ex Brixia, tertio Cal-
lend. Ianuarij,

M. D. XXXVIII.



005644078